


A

J. L. L. L. L.



L. VII. l. 1. f. 2.

14-1-A-1.

Tom. p. u.


Peter P. Henry, Esq.
Clerk of the
Court

ARISTO-
TELIS STA-
GIRITAE OR-
GANVM,

QVOD LOGICAM
APPELLANT.



F. Joseph Favaldi O.S.B.



LVG DVNI,
Apud haeredes Jacobi Iunta.

M. D. LX.



1871

May 15,



DE ARISTO

TELIS OPE-

RIBVS CEN-

SVRA.




PLINIVS Secundus libro septimo Historiæ Naturalis inquit, quodnam existimetur maximum fuisse ingenium, ex his quidem quorum extet memoria, vel suis ipsorum, vel alienis monumentis: & eam tantæ ambitionis palmam videtur ad Homerum vatem deferre, secutus Græciæ iudicium, quæ illum fontem ingenitorum appellat. Sed mihi tamen acrius eam rem intuenti, atque examinanti subtilius, nullum videtur fuisse ingenium Aristotelico præstantius. Legenti opera eius attentè ac diligenter, exoritur ingens admiratio, quam ab ultimis principiis deducit abditissima & profundissima rerum omnium, quam acutè refellit aliena, qua fortiter cõmunit & cor-

*Plinius
de ipso
Aristotel.*

roborat sua, quo ordine digedit singula, &
 quod est in tradēdis artibus perutile, quan-
 ta frugalitate verborum. nihil est in eo va-
 cans aut inane, omnia solida & plena: nus-
 quam finit lectorem oscitari, aut aliud age-
 re. De hoc vere dici potest, quod Lyſię Athe-
 nienſi minori de causa attribuitur, ruitu-
 ram structurā vniuerſam, si vel verbulum
 vnum tanquam lapidem detraxeris. Axio-
 mata autem illa vniuerſalia, quis nō admi-
 retur in omni argumento & materia tam
 multa eſſe ab illo excogitata vera & perpe-
 tua, quibus ſequens etas in tāto decurſu ſe-
 culorū vix exceptionem vllam annotauit?
 Scripſerunt veteres philoſophi ante Aristo-
 telem pauca, atque ea conſuſe. Primus om-
 nium Plato eleganter ſane multa, & docte,
 ſed ad docendum diſcendūmque parū ac-
 commodate. Ariſtotelis omnia ordinem &
 formam habent institutionis ac diſcipline,
 nec fuit dexteritas in aliquo ad artes tra-
 dendas par. omnia vero ſunt illi certis præ-
 ceptis & formulis conſcripta, ea breuitate
 & grauitate verborum ac ſententiarum, vt
 accipi facile retineriq; poſſint, & ad vſum,
 quum res poſtulat, accōmodari. Verba au-
 tem nullus Græcorum habet equè appoſita,
 ita vt ex rebus videātur naſci, quas tractat.
 Non perſequitur rerū floſculos, & oratio-

5
nis deliciolas, quas inani oblectamēto delinitum lectorem teneat, postea remittat vacuum. Plena est illius oratio ingenti fructu cognitionis rerum sciri dignarū. non captat præsentem gratiam leuem ac momentaneam, sed adfert diuturnam vtilitatem. idcirco nec ad quemlibet gustum facit tantus author, nec quemlibet lectorem desiderat. Volūt Aristotelis opera lectorem ingenij non acuti tantum, sed etiā profundi, solidi, sani, circumspecti, volunt attētum, diligentem, imbutum lectione variorū authorum, & cognitione rerum multarum. hęc si defint, nihil Aristotelicis libris existimabitur asperius, insuauius, inamœnium. quemadmodum nonnulli de eo iudicant, vel propter ignorantiam, vel propter tenebrositatem ingeniorum, pondus nō ferentes tantæ doctrinæ, quemadmodū infirmis oculis lux solis, & diei splendor molestus est, quo nihil est sanis, & valentibus iucundius. Verū vt Aristoteles primus inueniebat propè omnia, ita non poterat noua inuenta omnino vnus excolere, atq; expolire. Erant etiam nonnulla, quę propter nouitatem nondū habebat satis explorata, & per cognita. Accedebat ad hęc ingenium viri rectum, & callidum, & metuens reprehensionis, quod inhibebat eū, ne proferret in-



terdum apertæ, quæ sentiret, inde tam multa per eius opera obscura, & ambigua.

DE LIBRIS ILLIVS.

Libri eius diu latuerunt, cum bibliotheca Theophrasti discipuli, quæ ad hæredes imperitos deuoluta, multis annis in tenebris, & squalore iacuit, usq; ad tempora L. Syllæ Dictatoris, qui bibliothecam illam coëmit, & libros describēdos, in ordinemque redigendos Tyrānioni dedit grāmatico, sicut authores sunt Plutarchus Cheronæus, & Strabo. Postea tempora fuerunt in omnium manibus, sed non magno in pretio, propter difficultatem sensorum, ad quæ pauci penetrabāt, quousq; Alexāder Aphrodisiensis, Antoninorū temporibus diligens Aristotelis lector, commentarios in multa illius opera conscripsit, tum primū cœpit Aristoteles, & legi, & intelligi, & versari in hominum manibus, nimirum intellecta vtilitate, quæ ex illius attenta lectione caperetur. Verū non omnia illius ingenij monimēta, etiam quæ L. Sylla inuenit, ad nostram ætatem peruenerunt, quod est intelligere ex iis, quæ à veteris memoriæ scriptoribus citantur. M. T. in ij. libr. de Natura deorum, argumētum adfert Aristotelis, quo ille Dei prouidentiam ex consideratione pulchritudinis ordinisq; mūdi huius

ius colligebat : atqui argumentū hoc apud Aristotelem, quem habemus, nusquam legitur. Idem Cicero libros Aristotelis de natura deorū visos à se testatur. Seruius grammaticus Aristotelem citat dicētem, aliqua numina mori. Isidorus, non Hispalēsis antistes, sed antiquior quidam, & Clemens in Stromatibus, asserunt Aristotelem de diis localibus mentionem fecisse, qui vrbibus & regnis præsiderent. Transeo quæ de Aristotelis scriptis recenset Laërtius, qui voluminum eius summam ad quadringenta perducit, de quibus quidē nihil dubitetur, & multò aliter distinguit libros quā nos. Ac ut non omnia Aristotelis habemus, ita quædam sub nomine illius aliena circumferuntur, quod est Aristoteli cū omnibus fere magni nominis scriptoribus commune. Iam de singulis dicamus libris.

PERI HERMENIAS.

Liber hic dicitur de interpretatione, quoniā in eo Philosophus interpretatur, quid sit nomen, quid verbum, quid oratio, quid pronunciatum, quæ sunt quidē partes grammatici. explicat tamen illa Aristoteles in opere dialectico, quòd grāmatica nondum esset illa ætate inuenta, hæc utiq; grammatica, qua nunc utimur. nā olim prisce homines cognitionem elemētorum, & syllaba-

rum, scriptionem rectam ac legitimā, tum pronuntiationem germanā & propriā cuiusq; linguæ, grammaticam nuncupabant, iam inde ab Homeri seculo. Itaq; grammatici munere Aristoteles fungitur in prima operis huius parte. Vnus est liber *περί ἑρμηνείας*, non duo. Disputatio autem illa de futuris indefinitis, quæ contingētia nūcupantur, perplexa est & difficilis, atq; eò magis, quòd Aristoteles disputat secum ipse, obicit sibi argumēta, & dissoluit, confusis omnino distinctionum notis, ita vt dialogismus sit absque personis, sed si distinctiones diligenter animaduertantur, dilucidior fiet tota tractatio.

C A T E G O R I A E.

Opus hoc desumptum est ex prima philosophia, quæ *μετὰ τὰ φυσικά* nominatur, sed hæc tractantur illic vt res, in categoriis autem vt voces, res illas significantes. idcirco categoriæ nominantur, quasi prædicationes, vt vulgò vertūt, vno autē verbo latinè dicere perdifficile. Sunt autem hæc modi quidam, & velut rationes, quas primas essentias, hoc est, singula rerum denominamus, consignamus, configuramus, conuestimus, seu quod aliud vocabulum magis placet, aut si quod est istis aptius. Dicimus enim Socratem animans esse & album, & proce-

rum

rum, & maritum, & Athenis, & quæ sunt eiusmodi. Sed denominationes istæ ex rebus pendent, atque ut res separare, ac segregare operosum est, & arduum, ita & categorias istas. multum tamen ab Aristotele est profectum, plurimum confectum viæ vno decursu.

PRIORA ANALYTICA.

Post explicatas pronuntiationes rationesque aliorum de aliis pronuntiandi atque iudicandi, tradit Aristoteles præcepta, quæ admodum in ratiocinationem connectantur. Vocat autem analytica, hoc est, resolutiva, quod ratiocinationes in partes suas dissoluat, & ex quibus constent perhibeat. Ipsum totum facile est cuius intueri, etiam imperitissimo, nosse autem ex quibus componatur, quasque constet, & id docere, non nisi docti atque artificis. Nihil excogitari potuit ad omne artium ac scientiarum genus conducibilius, quam syllogismorum formulæ, nihil rursus molestius, quam quæ de necessario, possibili, impossibili, & contingenti, comparat, & coniungit inter se, magno quidem illa acumine, quis neget? sed inutiliter.

POSTERIORA.

Duo sunt in syllogismo, tanquam in homine corpus & animus. In corpore est ma-

tería, & dispositio ac ordo partium : in animo vis & vita, & actio. In superiorib⁹ analyticis Aristoteles velut de syllogismi præcipit corpore, hoc est, de partibus, deque illarum nexu, & compositione, ideoq; priora nominantur. In his autem posterioribus, hoc est, interioribus, & magis reconditis, de anima ipsa syllogismi, nempe de demonstratione, de vi & efficacia rationis. Analytici libri sub Aristotelis nomine multi olim circumferebantur, sed hi quatuor ex orationis filo, totiúsque præcipiendi rationis modo ac facie, Aristoteli sunt adiudicati, cæteris reiectis.

T O P I C A.

Hoc est, loci, unde ducuntur argumenta. Opus est octo voluminibus distinctum, varium sanè, hoc est multæ eruditionis, & obseruationis rerum diuersarum. Sed vt illa omnia primus ipse pariebat, non potuit tam multa simul cedere, simul expolire. itaque relictæ est velut ingens quædam materia, & diues, ad extruendû pulcherrimum ædificium. Eruere ex quantumlibet sedula & attenta lectione illorum librorum, rationem inueniendi argumenta, haud facile quisquam possit. Rhetoribus hoc debent dialectici, qui obscuritatem hanc illustrauerunt, & tradiderunt, quis esset materiæ
istius

istius vsus , quod Cicero præstitit in Topicis ad Trebatium . Nam partem hanc de dialectica inuentione , & rhetores auidè occupauerunt tanquam suam , & dialectici verècundè cesserunt tanquam alienam , non id recenti vitio , vt alia permulta , sed ab Stoicis ipsis factitatio qui philosophorum omnium acerrimi sunt dialectici existimati.

E L E N C H V S .

Elenchus multa significat , sed hoc loco pro redargutione sumitur . Libri sunt duo , ad cauèdas sophisticas captiones , & ne in differèdo falsa pro veris per ignorationem colligamus , aut admittamus . Huic operi initium dedit Plato in Euthydemo . ostenduntur illic pauci quidem doli disputatoris captiosi , Aristoteles autè rem omnem , vt solet , à primis initiis complexus , digessit in ordinem & formulas . Cauendum tamen , ne & Latini homines fallantur , dum græcæ linguæ exempla parum congruenter aptant ad latinam . Absoluta est iis libris omnibus dialecticæ omnis , & de inueniendo argumento , & de inuenientis iudicando .



ARISTOTELIS

BIBLIOTHECA NAZIONALE
 TA EX DIOGENE
 AERTIO LIBRO QVIN-
 TO DE VITA PHI-
 LOSOPHORVM.



ARISTOTELES Nicomachi Phæstiadísq; filius Stagirités fuit. Porro Nicomachus à Nicomacho Machaonis filio Æsculapiíq; nepote originé duxit, vt Hermippus eo libro, quem de Aristotele scripsit, tradit. Conuixit autem Amintæ Macedonum regi medicinæ & amicitix gratia. Hic inter omnes Platonis discipulos maximè excelluit, vocéque gracili, vt Timotheus Atheniensis in libro de Vitis refert, & exilibus cruribus paruísq; oculis fuit, veste insigni, & annulis, ac tonsura vtens. Natus est autem illi & filius Nicomachus ex Herpylide concubina, vt Timotheus ait. Recessit à Platone dum adhuc superuiveret. Vnde dixisse illum tradunt, Aristoteles in nos recalci- trauit, non secus atque in matrem pulli geniti. Refert Hermippus in Vitis, cum Atheniensium legatus ad Philippum profectus esset Aristoteles, Acad

Academicæ scholæ præfectum fuisse Xenocratem. Cùm vero reuersus esset, scholamq; sub alio vidisset, elegisse in Lyceo *πρίπαιτον*, illícq; vsq; ad vnctionem deambulando cum discipulis philosophari solitum, atque inde peripateticum appellatum esse. Alij idcirco sic vocatum asserunt, quod ex ægritudine conualescenti, ac deambulanti Alexandro assistens quædam disserere sole-
ret. Vbi verò iam plures esse cœperant, sedens docebat, dicens:

Silere turpeme, & Xenocratem loqui.

Ad propositam quæstionem discipulos vnà exercebat simul & oratoriam docēs. Deinde ad Hermiam eunuchum profectus est, Atarnensium tyrannum, quem alij quidē delicias, ac lusus ipsius fuisse tradūt. alij verò sibi affinitate iunctum tradita ei filia siue nepte, vt refert Demetrius Magnesius in libris de poëtis ac scriptoribus æquiuocis, qui & Eubuli seruum Hermiam fuisse ait, Bithynium genere, quem & dominū suum enecasse. Porro Aristippus in primo de antiquis deliciis libro, Aristotelem ait Hermiæ concubinam adamasse, quam ille cum sibi permisisset, duxisse eam, & gaudio elatum immolasse mulieri, vt Athenienses Eleusina Cereri, Hermiæque præana scripsisse, qui *ἐν δαίμνῳ*, hoc est, intus scriptus est. Hinc in Macedonia apud Philippū vixisse, atque ab eo Alexandrum filium erudiendum accepisse, petissèque instaurari solum patrum à Philippo euersum. Id vbi impetrasset, dedisse illis leges. In schola quoque leges tulit imitādo Xenocratem, vt decendialem principem facerent. Vbi verò Alexandro instituēdo satis visus est nauasse operam, eūmq; sibi deuinxisse, cōmendato illi co-
gnato

gnato Callisthene Olynthio, Athenas concessit. Eum audacius quàm par erat alloquentem regem, & minime illi obsequentem, ab ipso increpitum asserunt versu, adinonente, ni talia loqui desisteret, maturè periturum, quod & factum est: versus autem sic habet:

Qualia mi loqueris, vereor sis nate superstes.

Nanque Hermolao in Alexandrum insidiarum socius fuisse deprehensus, cauea ferrea circumduci, pædore atque squalore oblitus, leoni postremo obiectus est, sicque excessit è vita. Enimverò Aristoteles Athenas profectus, cum illic tredecim annis docuisset, clàm in Chalcidem concessit, quòd ab Eurymedonte hierophanta impietatis accusatus esset, siue, vt Phauorinus ait in omnimoda historia, à Demophilo, quòd hymnum in eum, quem prædiximus Hermia scripserit, quòdque hoc epigramma statux quæ in Delphis est, incidi curauerit.

Impius hunc quondam Persarum morte tyrannus

Mulctauit violans iúsque nefásque virum.

Nam neque collato oppressit certamine, verùm

Insidiosè hominis usus amicitia.

Hic verò, vt ait Eumolus in quinto historiarum, aconitum bibens, mortuus est septuagesimo ætatis anno. In quem est nostrum hoc epigramma.

Nuper Aristotelem, lasa vt pietate nocentem

Detulit Eurimedon sacrificus Cereris.

Ille aconita bibens subterfugit. certè aconiti

Hoc erat iniustum vincere sacrificum.

Idem verò refert ipsum Platoni trigenarium se in disciplinam dedisse, sed profecto fallitur. Nanque septimo decimo ætatis anno Platonem audire cœpit. Est autem hymnus huiusmodi.

Virtus laboriosa generi mortalium, honestissimum

num vitæ humanę incitamentum. Pro tua siquidem forma ô virgo, expectanda est in Græcia mortis conditio, & grauium assiduorumque laborum tolerantia. Talem nimirum inferis hominum animis fructum planè immortalem, & auro præstantiorem, parentibusque ipsis, somnòque dulcissimo. Nam in gratiam tuam Iouis Hercules, & Leda filij multa perpepsi sunt, qui quid possent, opere declararunt. Quin & tui desiderio Achilles, & Ajax ad inferos penetrarunt, tuæque formæ luculentissimæ gratia Atarneæ ciuem Solis priuauit lumine. Quo enim clarus spectatúsque rebus gestis? Hunc immortales meæ auctiorem reddent musæ, quæ Iouis hospitalis decus augere solent.

Primam hunc orationem iudicialem pro seipso scripsisse, cum huius criminis argueretur, Phauorinus in omnimoda historia author est, ac dixisse Athenis:

Et pyra nata pyris, sicúsque in sicubus extant.

Ait autem Apollodorus in chronicis natum illum anno primo, nonagesimæ nonæ olympiadis, perrexissèque ad Platonem decimoséptimo ætatis anno, annósque viginti apud eum fuisse cōmoratum. Tum verò venissè Mitylenem principem Eubulo, quarto anno centesimæ octauæ olympiadis. Verùm Platone primo anno functo vitæ, sub Theophilo profectú esse ad Hermiam, mansissèque annos tres. sub Pythodoto autem secundo ad Philippum secundo anno centesimæ nonæ olympiadis, Alexandro quintumdecimum iam annum ætatis agente. Athenas verò concessissè secundo anno centesimæ vndecimæ olympiadis, atque in Lyceo tredecim annos docuissè, ac demum perrexissè Chalcedem, tertio anno

anno centesimæ quartæ decimæ olympiadis ,
 morboq; perisse, cum esset annorum ferme sexa-
 ginta trium. Quo etiam tempore Demosthenes
 in Calabris defunctus sit sub Philocle. Fertur au-
 tem ob Calisthenis insidias in Alexandrum, in-
 fensum fuisse regi, illumque ad eum contristan-
 dum Anaximenem extulisse, ac misisse Xeno-
 crati dona. Ludit in eum epigrammate Theocri-
 tus Chius, ut ait Ambryon in libro de Theocriti
 vita, in hunc sensum,

Hermis eunuchi simul Ebulique sepulchrum

Mente vacans vacuum struxit Aristoteles.

Timon quoque sic illum agit,

Se neque Aristotelis leuitas miseranda loquacis.

Hæc vita philosophi fuit. Caterum nos ipsius
 quoque testamenta legimus in hunc ferme mo-
 dum. Bene quidem ac rite erit. Quod si quid con-
 tingerit, ita legauit Aristoteles. Curatorẽ quidem
 omnium & per omnia iussit esse Antipatrum.
 Quoad vero Nicanor adolescat, curatores ac tu-
 tores instituit Aristomenem, Timarchum, Hip-
 parchum, Cliotelem, & Theophrastum si volue-
 rit, ac si curam suscipere velit filiorum & Herpy-
 lidis, rerumque omnium. Cumque puella fuerit
 matura, viro tradi illam Nicanori. Sin vero puel-
 læ quippiam contigerit, quod absit, vitæque prius
 quam connubio iungatur, siue etiam postquam
 nupserit antequam filios procreet, excesserit, Ni-
 canor dominus esto, ut & de puero & de cæteris
 digne nobis ac sese disponat. Curet autem Nica-
 nor & de puella & de puero Nicomacho, nihil
 ut illis desit, patris ac fratris vnà implēs munus.
 Quod si Nicanori quidpiam contigerit, quod
 absit, siue priusquam puellam duxerit, siue post-
 quam duxerit, nondum filiis natis, quæ quidem
 ille

ille instituerit, ea rata sunt. Sin autem voluerit, & Theophrastus puellę curam habeat. Sin aliās, curatores habito cum Antipatro consilio & de puella & de puero disponāt, vteis videbitur optimum. Curam autem habeant tutores & Nicanoris mei, & Herpylidis memores. Nanque erga me studiosa plurimum fuit, ceterorūque omnium: & si virum accipere voluerit, curent, ne indigne nobis locetur. Dēntque illi prāter ea quę antea acceperat, de nostra substantia, talentum argenti, trēsque, si voluerit, famulas, & ancillam quam habet & Pyrrheum puerum. At si quidem in Chalcide habitare voluerit, hospitium quod adortum est: sin autem in Stagiris, paternam domum. Vtrum vero horum maluerit, studeant procuratores domum ita necessaria susupellectile instruere, vt & sibi honeste, & Herpylidi sufficienter instructa videatur. Curę sit autem Nicanori & Myrmecem puerum non indigne nobis ad suos referri, cū eius, quas cepimus, facultatibus. Si autem & Ambracis libera, cūmq; puella viro tradetur, quingentas illi drachmas, ancillamque quam habeat, dari iubeo. Sed & Thaleti prāter ancillam quam habet emptam, drachmas mille, & ancillulam. Simo quoque absque priore pecunia, in puerum alium, siue puerum emi, siue pecuniam dari. Tycho-nem esse liberum cum puella nupserit. Philonemque & Olympium eiūsq; filiorum. Porro eorum, qui mihi famulantur, puerorum nullum vendi volo, sed hęredes eis vtī. Cū verò adulti erunt, pro merito dimitti liberos volo. Curent item vt consumentur quę Gryllioni sunt traditę exculpendę imagines. Vbi vero perfectę erunt, suis imponantur locis. Nicanoris quoque


ac Proxeni quam sculpendam cogitabam, matrisque Nicanoris. Arimnesti verò quæ perfecta est, suo statuatur loco, ut sit ipsius monumentum, quia sine liberis defunctus est. Matris quoque nostræ Cererem in Nemea locet, aut ubique videbitur. Vbi verò tumultum fecerit, ibi & Pythiadis sublata ossa condant, sicut ipsa præcepit, sistat, & seruari Nicanoris votum quod pro illo vouimus. Animalia lapidea cubitorum quatuor Ioui seruatori, ac Mineræ seruatrici in Stagiris. Hæ testamentorum ipsius series fuit. Fertur autem ollas plurimas repertas esse, Lyconemque dicere, illum in pelui calentis olei lauari solitum, oleumque venundare. Quidam utrem calentis olei stomacho illum imponere consueuisse tradunt, & cum se ad quiescendum componeret, æream spheram tenere in manu pelui subiecto, eo consilio, ut cum dormientis manu excussa sphaera in subditum æreum vas incidisset, sono illius excitus exurgeret. Eius esse præclaras istas sententias legimus. Interrogatus quidnam mendaces lucrarentur, ut cum vera, inquit, dixerint, non illis credatur. Cum sibi probro daretur, quod flagitioso homini misericorditer tulisset opem, non, inquit, mores miseratus sum, sed hominem. Amicis ac discipulis ista consueuerat dicere, ubicunque moraretur, Aspectus quidem à circumfuso aëre lumen accipit, animus autem à disciplinis liberalibus. Sæpe numero cum in Athenienses inueheretur, aiebat illos frumenta & leges inuenisse, verum frumentis quidem uti, non autem legibus. Studiorum liberalium amaras radices, fructus, autem dulces esse asserbat. Rogatus quidnam cito consenesceret, gratia, inquit. Quid sit spes, vi-

gilan

gilantis, ait, infomnium. Diogene caricam por-
rigente, cogitans nisi acciperet, vsum esse, me-
ditatus sumens, Diogenem ait caricam simul
cum vfu perdidisse. Rursus ab eo porrectam ac-
cipiens, atque puerili more in sublime eleuans
cum dixisset, magnus Diogenes, eam illi red-
didit. Tria dicebat pueris esse necessaria, inge-
nium, exercitationem, disciplinam. Audierat
aliquando se à quodam maledictis esse laces-
sum. Tum ille, absentem, inquit, etiam verberet.
Dicebat pulchritudinem plus, quàm epistolas
omnes valere ad commendationem. Plerique
Diogenem ita statuiffe asserunt, ipsum autem
donum formæ dixisse: Socratem verò modici
temporis tyrannidem, Platonem naturæ privile-
gium, Theophrastum tacitam deceptionē, Theo-
critum verò eburneum detrimentum, Carne-
dem regnum solitarium. Rogatus quo differrent
docti ab indoctis, quo, inquit, viuentes à mor-
tuis. Eruditionem dicebat inter prospera esse or-
namentum, inter aduersa refugium. Parentes qui
liberos erudiendos curassent, longe honorabi-
liores esse his qui solum genuissent. Eos enim
viuendi tantum, illos etiam bene beatèque vi-
uendi authores esse. Glorianti cuidam quod ma-
gnæ esset vrbis ciuis, noli, inquit, hoc attende-
re, sed an dignus sis magna & illustri patria. Ro-
gatus quid sit amicus, vna, inquit, anima in duo-
bus corporibus habitans. Homines plerosq; di-
cebat ita esse parcos, ac si semper victuri essent:
alios tam prodigos, ac si continuò morituri. Per-
contanti cur honesta forma præstantibus diu-
tius congregimur, cæci, inquit, huiusce interro-
gatio est. Rogatus quid ex philosophia lucratus
fuisset, hoc, inquit, vt iniussus eam faciam, quæ

plerique per legum metum faciant. Interrogatus quo pacto discipuli egregie proficerēt : Si excellentiores, ait, prosequentes tardiores non morentur. Loquaci homini cū illum improbe probris multis obtudisset, dicenti, num te satis obtudi? Hercle, inquit, nō tibi animum aduerti. Causanti cur stipem non bono homini dedisset, nam & ita contigisse ferunt : Non, inquit, homini dedi, sed humanitati. Rogatus erga amicos quales esse debeamus, Quales, inquit, eos erga nos esse optamus. Iustitiam dicebat virtutem animi vnicuique secundum dignitatē distribuentem. Disciplinam optimum esse dicebat viaticum ad senectutem. Refert Phauorinus in secundo commentariorū illum crebro dicere solitum: O amici, amicus nemo. Et ista quidē ad illum referuntur. Conscripsit autē & complura volumina, quæ vt summa ingenij illius vis, ac præcipua circa omne orationis genus exercitatio clarius eluceat, subnectenda necessario existimaui. De iustitia libros quatuor, de poëtis tres, de philosophia tres, de republica duo, de rhetorica Gryllus vnum, Nerinthus vnum, Sophista vnum, Menexenus vnum, Amatorius vnum, Conuiuium vnum, de diuitiis vnum, Exhortationum vnum, de anima vnum, de precatione vnum, de nobilitate vnum, de voluptate vnum, Alexander seu de colonis vnum, de regno vnum, de doctrina vnum, de bono tres, de Platonis legibus tres, de eiusdem republ. duos, Oeconomicus vnum, de amicitia vnum, Quid sit tolerare siue tolerantia vnum, de disciplinis vnum, de his, quæ in contentionem cadunt duos, Solutiones eorum quæ in contentionem veniunt, quatuor, Diuisiones sophisticæ quatuor, de contrariis vnum, de

de speciebus & generibus vnum, de propriis
 vnum. Commentaria, *ἐπιχειρηματικῶς* tres. Pro-
 positiones de virtute tres, Obiectiones vnum, de
 his quæ quot modis dicuntur, siue secundum
 propositum, vnum, de elementis tres, de scien-
 tia vnum, de perturbationibus iræ vnum, Mora-
 lium quatuor, de principio vnum, Diuisiones
 septemdecim, Diuisibilibus vnum, de interroga-
 tione & responsione duo, de motu vnum, Propo-
 sitiones vnum, Propositiones contentiosæ qua-
 tuor, Syllogismi vnum, Priorum analyticorum
 nouem, Posteriorū analyticorum maiorum duo,
 de quæstionibus ad disciplinam pertinentibus
 octo, de meliore vnum, de idea vnum, Termini
 Topicorum septem, Syllogismorum duo, *συλ-
 λογιστικῶς* & diffinitiones vnum, de eligibili &
 accidenti vnum, de iis, quæ ante locos sunt,
 vnum, Topicorum ad diffinitiones duo, Pertur-
 bationum vnum, Diuisibilibus vnum, Mathe-
 maticus vnum, Diffinitiones tredecim, Epiche-
 rematum duo, de voluptate vnum, Propositio-
 num vnum, de voluntario vnum, de pulchro
 vnum. Quæstiones epicherematicæ vigintiquin-
 que, Quæstiones de amicitia duo, Quæstiones
 de anima vnum, Politicorum duo, Politicæ au-
 ditionis, sicut Theophrasti, octo, de iustis duo,
 Artium introductio duo, Artis rhetoricæ duo, Ars
 vnum, alia ars duo, Methodicum vnum, Artis
 Theodecti introductionis vnum, Artis poëticæ
 libros duos, Enthymemata rhetorica, de ma-
 gnitudine vnum, Enthymematum diuisiones
 vnum, de dictione duo, de consilio vnum, Col-
 lectionis duo, de natura tres, Physicon vnum,
 de Archytæ philosophia tres, de Speusippi Xe-



nocratisq; philosophia vnum, ex Timæi Archy-
 tzque disciplinis sumpta vnum, Aduersus Melif-
 si dicta vnum, Aduersus Alcinxonis dicta vnum,
 Aduersus Pythagoricos vnū, Aduersus Gorgiam
 vnum, Aduersus Xenocratem vnum, Aduersus Ze-
 nonis scita vnum, de Pythagoricis vnum, de ani-
 malibus nouem, Anatomorum octo, Eleatio ana-
 tomorum vnum, de compositis animalibus vnū,
 de fabulosis animalibus vnum, de non gignendo
 vnum, de plantis duo, Physiognomicon vnum,
 Medicinalia duos, de monade vnum, Signa tem-
 pestatum vnum, astronicon speculatiuus vnū,
 de motu vnum, de musica vnum, Memoriale
 vnum, Homericarum ambiguitatum sex, Poëtica
 vnum, Naturalium secundum elementa triginta
 octo, Inspectorum problematum duo, Libera-
 lium disciplinarum duos, Mechanicus vnum,
 Problemātū ex Democrito sex, de lapide vnum,
 Parabolæ vnum, Inordinata xij. Exposita ge-
 neratim xiiij. Iura vnum, Olympionice vnum,
 Pythionice musices vnum, Pythicus vnum, Py-
 thionicorum argumenta vnum, Dionysiacæ vi-
 ctoriæ vnum, de tragædiis vnum, Doctrinæ
 vnum, Prouerbia vnum, Lex commendatitia
 vnum, Legum, quatuor, Prædicamentorum
 vnum, de interpretatione vnum. Respublicæ
 vrbium clviij. Seorsūmque ad philippum depopu-
 lare, paucorūque & optimatum & tyran-
 norum rep. epistolæ. Selymbriorum epistolæ,
 ad Alexandrum quatuor, Ad Antipatrum no-
 uem, ad Mentorem vnam, ad Aristonem vnam,
 ad Olympiadem vnam, ad Hephæstionē vnam,
 ad Themistagoram vnam, ad Philoxenum
 vnam, ad Democritum versus, quorum ini-
 tium est, Sanctæ deūm, Elegiæ, quarum est ini-
 tium

tium, Formosæ matris filia : Sunt in summa versus omnes plus minus quadragesies quinquies mille trecenti & triginta. Hæc librorum illius series, hic numerus, in quibus quid agat summam exponendum est, Duplicem esse philosophiæ rationem, alteram versari circa actus, appellari- que *πρακτικήν*, alterā in intelligentia & speculatione consistere, & *θεωρητικήν* dici. Ad actionem pertinere ethicen & politicen, qua in parte tum de publica, tum de familiari re agi. Ad intelligentiam Physicen logicenque reterri. Porro logicen instrumentum esse exactissimum. Eius cum geminam destinationem ac scopum subiecisset, verisimile ac verum, ad vtranque duarum maxime rerum viribus nititur. Nanque ad verisimile seu probabile, oratoria & dialectica, ad verum autem analytica & philosophia usus est, nihil omnino omittens eorum quæ vel ad inuentionem, vel ad iudicium, vel etiam ad usum pertinerent. Enimuero ad inuentionis adminicula, atque ad eas res, quæ speculationi & arti inserviunt, propositionum multitudinem tradidit, ex quibus quæstiones, probabilium epiche- rematum elicere affatim licet. Porro ad iudicandum analytica priora, & posteriora conscrip- sisse, prioribus assumptionum iudicia permit- tēs, posterioribus collectionis examē tradēs. Cæ- terū ad iudicandū ea quæ sub certamen cadunt, quæq; in interrogatione versantur, & contentio- ne sophisticorum argumentorū, atq; syllogismis atque his similibus. Veritatis verò iudicium ea- rum quidē, quæ secundum imaginationem sunt actionum, sensum definiuit. Moralium verò, vbi de re publica, ac domestica, vbi de legibus agitur

mentem, finem autem vnum exposuit, virtutis
 vsum in vita perfecta. Felicitatem ait plenitudi-
 nem ex tribus maxime bonis constantem, iis ni-
 mirum quæ in animo sunt, quæ & priora viribus
 appellat, iis quæ ad corpus attinent, vt sunt bona
 valetudo, fortitudo, pulchritudo, cæteraque his si-
 milia, atque iis quæ extrinsecus veniunt, diuitiis,
 nobilitate, & claritudine, atque in hunc modum
 cæteris, quibus tertium locū assignauit. Virtutem
 ad beatā vitam sibi minime sufficere dixit, quip-
 pe corporis bonis, exterioribúsque indigere. Mi-
 serum atque infelicem fore sapientem, siue dolo-
 ribus afficiatur, siue inopia, & cæteris huiusmodi
 incommodis prematur. Vitium autem ad mise-
 riam atque infelicem vitam sufficere, quantun-
 libet corporis affluat bonis. Virtutes ait, non se
 inuicem sequi. Fieri enim posse, vt prudens
 quispiam, ac iustus, idémque intemperans at-
 que incontinens sit. Sapientem quidem non
 omnino perturbationibus vacare, verum pertur-
 bari modice dixit. Amicitiam & quitatē esse de-
 finiuit reciproca beneuolentiæ. Eius tres species
 esse tradidit. Esse quippe aliā cognationis, aliam
 amatoriam, tertiam hospitaleni. Amorem non
 modo congressionis verum & philosophiæ esse.
 Amaturum quoque sapientem, atque accessurum
 ad rempublicam, ducturúmque vxorem, & cum
 rege vnā victurum. Tribus autem generibus vitæ
 constitutis, primo quod in speculatione, sequenti
 quod in actu, & tertio quod in voluptate consi-
 stit. Speculatiuum genus semper prætulit. Libera-
 les disciplinas ad apprehensionem virtutis mul-
 tum conferre sensit. In descriptione rerum natu-
 ralium præter cæteros rationem maxime secutu-
 est, adeo vt minimarum quarumque rerum reds
 dide.

diderit causas. Vnde & naturalium commenta-
riorum complura scripsit volumina. Deum sicut
& Plato incorporealem diffiniuit, eiúsque proui-
dentiam ad cœlestia vsque pertingere, ipsum ve-
ro immobilem esse. Porro terrena omnia ad cœ-
lestium congruentiam, ordinémque disponit.
Præter elementa ista quatuor esse & quantum
aliud, ex quo cœlestia consistant, eiúsque mo-
tum orbicularem esse varium. Animam item in-
corpoream, primámque esse *εντελέχεια*, cor-
poris nempe naturalis & organici potentia vi-
tam habentis. Est autem ea iuxta illum duplex.
Entelechiam vero appellat, cuius sit species quæ-
dam incorporea. Altera ex his quidem secundum
poténtiam, ut est Mercurius in cera, informis qui-
dem, sed idoneus ad percipienda lineamenta, si-
cut item in ære statua. Secundum vero habitum
entelechia dicitur ea quæ est cōsummatæ ac per-
fectæ Mercurij statuæ. Naturalis autem corporis
dixit: nam sunt corpora alia quidē manu & arte
elaborata, ut sunt quæ ab artificibus fiunt, puta
turtis atque naus. Alia vero sic à natura prodeū-
t ut arbores, & animalium corpora. Porro organi-
ci dixit, hoc est, ad aliquid parati & cōdiri, ut est
ad videndum oculus, aurisque ad audiendum.
Virtute autem vitam habentis, ut puta in seipso.
Virtute autem vel potentia minus est secundum
efficaciam. Secundum actionem autem, ut vigi-
lans habere animam dicitur. Secundum habi-
tum autem, ut dormiens. Ut igitur & hic intelligen-
tur, adiecit potentia. Multa igitur eiusmodi &
alia, & de aliis multis in hunc modum philoso-
phatus est, quæ per longum esset numerare. Cun-
ctis enim in rebus summo studio atque industria
fuit, inuentionisque incredibili copia viguit, ut

ex his quæ suprà annotauimus voluminibus constat, quæ ad quadringentorum numerum fere perueniunt, de quibus nihil ambigitur. Nam sunt & alia complura, quæ ipsi ascribuntur volumina atque sententiæ. Verumenimvero octo fuisse Aristoteles. Primus hic ipse. Secundus qui Athenis rempub. administrauit, cuius etiam iudiciales leguntur orationes sanè quàm elegantes. Tertius qui Iliadem Homeri scripsit. Quartus Siculus orator, qui ad Panegyricum Isocratis rescripsit. Quintus qui cognominatus est Mythus, Aeschini Socratici necessarius. Sextus Cyrenaicus, qui de poëtica scripsit. Septimus pædotriba, cuius meminit Aristoxenus in Platonis vita. Octauus grammaticus obscurus & ignobilis, cuius de pleonasmō ars legitur. Huius autem Stagiritæ philosophi complures quidem fuisse discipuli, sed omnibus maximè præcelluit Theophrastus, de quo modò dicendum est.

★





ARISTOTE- LIS VITA EX MONIMENTIS

IOANNIS GRAM-

matici Pphiloponi Ale-
xandrini.



VIT Aristoteles genere Mace-
do, Stagiris, filius Nicomachi, quⁱ
Amyntæ Macedonia Regi medi-
cam præstitit operam, ob eamque
rem filium, quē suscepit, vt patris
memoriam renouaret, Nicoma-
chum appellauit, ad quem item Nicomacheia
scripsit. Matre Phæstide, qui ambo genus ab Ae-
sculapio trahebant: cuius quidem rei fidem facit
epigramma in Aristotelem his verbis factum:

*Matre creatur Phæstide, Nicomachoque parente,
Stirpe Asclepiadon Diuus Aristoteles.*

Post parentum obitum à quodam, qui publico
Aternensium nomine peregrinos hospitio exci-
piebat, educatur: cuius dein officij memor non
modo filium eius Nicanora enutriuit, & omni li-
berali instituit doctrina, sed etiam vt verum, &
germanum tractauit. Quinetiam ante mortem te-
stamento cavit, vt filia Pythais in matrimonium
eidē Nicanori locaretur. Cū adhuc adolescens
esset

esset, omni ingenuarum artium sciētia excultus fuit, quod satis declarant commētarij, quibus res poëticas complexus est, & scripta, quæ in poëtas edidit. Homericæ item quæstiones, & libri artis Rhetoricæ. Annos xvij. natus voce Pythiæ, qua philosophari iuebatur, Athenas mittitur, vbi cum Socrate treis annos coniunctissime vixit, quo extincto ad amicitiam Platonis se contulit, qui cum xx. annos magno familiaritatis vsu coniunctus fuit, eamque diligentiam, & industriam ad disciplinas percipiendas adhibuit, vt Plato illius ædeis non aliter appellaret, atque ædeis lectoris. Neque vero fides habenda iis, qui existimant Aristotelem aperuisse Lyceum contra Platonem adhuc superstite. Quî enim hoc potuisset, cum Chabria, & Timotheus Atticarum copiarum duces opibus magnâquæ potentia Athenis florerent, & Platoni arcta necessitudine coniuncti essent? Sed non desunt, qui tradant ab Aristotele Lyceum constitutum in humanis adhuc agente Platone, vt multas hominis sententias conuelleret. Ad quos respondere satis habemus, nō simpliciter quicquam contra Platonem statui, sed contra eos, qui Platonica decreta minus perspecta haberent, attamen si quid contra eum proferatur, non absurdum iudicari debet, cum in hac ipsa philosophandi ratione nihil discrepet ab iis, quæ Plato senserit: illius enim vox est, magis conuenire nos de veritate sollicitos esse, quàm de quauis alia re. Quinetiam ad verbum ita scribit. Amicus quidem Socrates, sed veritas amicissima. Et alibi. Socratis, inquit, parua cura agenda est, veritatis autem magna. Hoc idem institutum Aristoteles tenuit, monumentaque Platonica immutanda censuit, cum

& in huiusmodi consilio ab illo non discrepet, quippe qui veritatis decus non contempserit, cum tamen mirifico studio, egregiâque voluntate Aristotelem fuisse erga Platonem constet ex Ara, quam ei consecrauit hac inscriptione:

Ponit Aristoteles pius hoc altare Platoni.

Quem laudare nefas ora profana foret.

Cum Platone multis officiis, & magna familiaritate x. annos cōiunctus fuit, post cuius obitum ita euenit, vt Speusippus sororis Potones filius scholam teneret, docendique munus susciperet, Aristoteles autem in Macedonia vrbem secederet, quo loci alumnū disciplinæ suæ Alexādrum conditorem habuit, magnâque autoritate in eius regno præstitit. Nam apud Regem opibus & gratia florentissimus fuit, plurimâque opportune impetrauit: nam multa studia, & officia in singulos priuatim, & in vniuersos publice contulit. Declarent epistolæ commédaticæ, quæ ad regem scriptæ sub illius nomine feruntur, & patria Stagiritæ, quæ cum euersa esset, author fuit, vt ab eodem ipso instauraretur. Quapropter Stageiritæ Aristoteli festum celebrant, quod Aristoteleum nominant, & mensem, in quo dies festo dicatus est, Stagiritem appellant. Egressus quoq; Theophrasti patria, quam cum Alexander grauitè vindicare cogitaret, periculo liberata est. Deinde cum Speusippus è vita excessisset, Athenienses Aristotelem ad se inuitant, ac vnâ cum Xenocrate scholæ Platonis præficunt. Xenocrates igitur in Academia docebat, Aristoteles in Lyceo. Ac non longo interuallo cum Athenæ defecissent, Aristoteles in Chalcida nauigauit, illud vsurpās: Non patiar Athenienses in philosophiam semel, ac iterum vos peccare. Iam enim Socratem è me
dio

dio sustulerant. Nec dissimulauit iudicium tuum apud Antipatrum, quàm difficile, & multi operis esset, Athenis agere, carmè illud Homeri referēs:

Inq̃, pyris pyra, fici fici molle senescunt.

Ita peruersitatem morum Atheniensium indicabat. Macedoniam repetiit, vbi gratia, & auctoritate apud Reges, qui prouinciam illam tenebant, plurimum valuit, apud Alexandrum, & matrem Olympiada, apud Antipatrum, apud Philippum. Ad Alexandrum de regno librum scripsit, in quo praecepta de regno administrando ei dat. Quinetiam se comitem Regi adiunxit in intimos Brachmanas proficiscenti, vbi & iam opus confecit, in quo memoriam C C L V. rerumpu. colligauit. Illum quoque secutus est contra Persas mouentem: vbi cum bellum exortum esset, & Alexander mortem obiisset, in patriam reuertitur. Morum summam coluit moderationem, in Philosophia captum excessit humanum. cum nullam partem eius disciplinæ imperfectam explicatione reliquerit sua. immo propria fretus solertia, cum pleraque adiecisset, vniuersam philosophiam castigauit, optimisque instruxit praeceptis. Magnam item accessionem fecit ad artem disserendi, quādoquidem ab ipsis rebus normas, praeceptaque secreuit, & demonstrandi rationem cum via instituit: nam superioris memoriæ Philosophi demonstrare quidem, ac euidentibus probationibus vti sciebant, sed demonstrare, ac euidentes probationes conficere ignorabant, atque idem illis vsu veniebat, quod Sutoribus, qui coria secare non queunt, calceis autem vti probè queunt. Rerum naturalium indagationi quintam addidit naturam. Diuinarum contemplationi, quamuis nihil eiusmodi adiecerit, attamen ita docuit

docuit, vt nihil, quatenus causa ferret, prætermi-
ferit. Siquidem tantum abest, vt duntaxat, quæ in-
tra orbem continentur, quemadmodum nonnul-
li existimant, comperta habuerit, vt etiam quæ su-
pra orbem habentur, probè tenuisse affirmemus.
quod quidem idem ipse Aristoteles probat viij.
naturalis auscultationis libro. Princeps, inquit,
causa neque per se, neque ex accidenti motu cie-
tur. Atque ex hoc nimirum planum facit Deum
neque corpus, neque patibilem esse. Vniuersum
vitæ tempus, quod vixit lxij. annorum nu-

mero describitur. cùm enim xvij. ageret

annum Socrati operam dare cœ-

pit, quo præceptore vsus est

triennio: in intimis, & ne-

cessariis Platonis xx.

annos fuit, à cu-

ius obitu.

xxij. an-

nos vi

xit.

★





PORPHYRII

PHOENICEI

INTRODV-

CTIO,

SEVERINO BOETHO

INTERPRETE.

SVMMA LIBRI.

De Generis, Speciei, Differentia, Proprij, ac Acci-
dentis natura. De eorundem commu-
nitatibus, ac differentiis.

PROOEMIUM.

CAPVT I.



VM sit necessarium Chrysaori
& ad eam, quæ est apud Aristote-
lé prædicamentorum doctrinam,
nosse quid sit genus, quid diffe-
rentia, quid species, quid pro-
prium, & quid accidens: & ad de-
finitionum assignationem, & omnino ad ea quæ
de diuisione & demonstratione sunt: utili existen-
te istarum rerum speculatione, compendiosam
tibi traditionem faciens, tentabo breuiter, velut
introductionis modo, ea quæ ab Antiquis dicta
sunt aggredi: ab altioribus quidem quæstionibus
abstinens, simpliciores vero mediocriter conie-
ctans

ctans. Mox de generibus & speciebus, illud quidem siue subsistant, siue in solis nudis intellectibus posita sint: Et siue subsistētia corporalia sint an incorporalia: Et utrū separata, an in sensibilibus posita, & circa hæc consistentia, dicere recusabo. altissimum enim est huiusmodi negotium, & alius maioris egens inquisitionis. Illud vero quemadmodum de his, ac de propositis * magis probabiliter Antiqui tractauerunt, & horum maxime Peripatetici, tibi tunc tentabo monstrare.

De Genere.

Caput

II.

VIdetur autē neq; genus neq; species simplici ter dici. Genus enim dicitur & aliquorum quodāmodo se habētū ad vnū aliquod, & ad se inuicē collectio: secūdū quā significationē * Romanorum dicitur genus, ab vnus scilicet habitudine (dico autem Romuli) & multitudinis habentium aliquo modo adinuicem eam, quæ ab illo est, cognationem secundum diuisionem ab aliis generibus dictum. Dicitur autem & aliter rursus genus, quod est vnus cuiusque generatio- nis principium: vel ab eo qui genuit, vel ab eo loco in quo quis genitus est. Sic enim Orestem quidem dicimus à Tantalō habere genus, Hy- lum autem ab Hercule. & rursus, Pindarum qui- dem Thebanum esse genere, Platonē vero Athe- niensem, etenim patria principium quoddam est vnus cuiusque generationis, quemadmodum & pater. Hæc autē videtur promptissima esse signi- ficatio. Romani enim dicuntur, qui ex genere descendunt Romuli, & Cecropidæ, qui à Cecro- pe, * & horum proximi. Et prius quidem appel- latum est genus vnus cuiusq; generationis prin- cipium: dehinc etiam & multitudo eorum, qui sunt ab vno principio, vt à Romulo: quam di-

Log. Arist.

* λογικό-
τερον.

magis logi-
ce.

Vide 1. top.
cap. 2.

Text. Gra-
cus legit

ἡγεμονία -
δὲν, &

ἡγεμονία.

* Co. Gra.

Ant. addit
genus ha-

bent-

uidentes & ab aliis separantes, dicebamus omnem illam collectionem Romanorum genus. Aliter autem rursus genus dicitur, cui supponitur species: ad horum fortasse similitudinem dictum. Etenim principium quoddam est huiusmodi genus earum, quæ sub ipso sunt specierum. videtur etiam multitudinem continere omnem,

* Co. Gra.
nō habent
specierum.

Idē primo
top. cap. 2.

quæ sub ipso sunt, * specierum. Tripliciter igitur cum genus dicatur, de tertio apud Philosophos sermo est: quod etiam describentes assignauerunt, Genus esse, dicentes, quod de pluribus & differentibus specie in eo quod quid est prædicatur, ut animal. Forum enim quæ prædicantur, alia quidem de vno dicuntur solo, sicut individua, ut Socrates, & hic, & hoc: alia vero de pluribus, quemadmodum genera, & species, & differentia, & propria, & accidentia communiter sed non proprie alicui. est autem genus quidem, ut animal: species vero, ut homo: differentia autem, ut rationale: proprium, ut risibile: accidens, ut album, nigrum, sedere. Ab iis igitur, quæ de vno solo prædicantur, differunt genera: eò quòd hæc de pluribus prædicantur. Ab iis autem rursus quæ de pluribus: à speciebus quidem, quoniam species etiam de pluribus prædicantur, non tamen de differentibus specie, sed numero. homo enim cum sit species, de Socrate & Platone prædicatur, qui non specie differunt, sed numero: animal vero, cum sit genus, de homine, & boue, & equo prædicatur, qui differunt à se inuicem specie, non numero solum. A proprio vero differt genus: quoniam proprium quidem de vna sola specie, cuius est proprium prædicatur, & de iis, quæ sub ipsa specie sunt indiuiduis: quemadmodum risibile de homine

mine solo, & de particularibus hominibus: genus autem non de vna specie prædicatur, sed de pluribus & differentibus. A differentia vero, & ab iis, quæ communiter sunt accidentia, differt genus: quoniam & si de pluribus & differenti-
bus specie prædicantur differentiæ, & commu-
niter accidentia, non tamen in eo quod quid est
prædicantur, sed in eo quod quale quid est. In-
terrogantibus enim aliquibus, quid est illud, de
quo prædicantur hæc, genus respondebimus,
differentias autem & accidentia non responde-
bimus: non enim in eo quod quid est prædican-
tur de subiecto, sed magis in eo quod quale quid
est: interroganti enim quale quid est homo, di-
cimus quod rationale: & quale quid est coruus,
dicimus quod nigrum. est autem rationale qui-
dem differentia, nigrum vero accidens. quando
autem quid est homo interrogamur, animal re-
spondemus, est autem hominis genus animal.
Quare de pluribus prædicari diuidit genus ab iis
quæ de vno solo eorum, quæ sunt indiuidua, præ-
dicantur. hoc vero, de differentibus specie, se-
parat ab iis, quæ sicut species prædicantur, vel
sicut propria. in eo autem quod quid est prædica-
ri diuidit à differentiis & communiter acciden-
tibus, quæ nõ in eo quod quid est, sed in eo quod
quale quid est, vel quomodo se habet vnum-
quodque prædicatur de iis, de quibus prædica-
tur. Nil igitur superfluum, neque minus conti-
net generis dicta descriptio notionis.

ἡ ἀλλήλων

De Specie. Cap. III.

Species autem dicitur quidem & de vniuscui-
usque forma: secundum quam dictum est. Pri-
ma quidem species digna est imperio. Dicitur
autem species & ea, quæ est sub assignato gene-

Εὐριπίδης.

*Obiectio.**Solutio.*

re : secundum quam solemus dicere hominem quidem speciē animalis , cū sit genus animal. album autem coloris speciem : triangulum vero figuræ speciem. Quod si etiam genus assignantes speciei meminimus dicentes , quod de pluribus & differentibus specie. in eo quod quid est prædicatur, & speciem dicimus id, quod sub assignato genere est: nosse oportet quod, quoniam & genus alicuius est genus, & species alicuius est species, vtrunq; vtriusq; , iccirco necesse est in vtrorumque rationibus vtrisque vti. Assignāt ergo & sic speciem. Species est, quæ ponitur sub genere: & de qua genus in eo quod quid est prædicatur. Amplius autem sic quoque. Species est , quæ de pluribus & differentibus numero in eo quod quid est prædicatur. sed hæc quidem assignatio specialissimæ est, & quæ solum species est, non autem & genus: alia vero erunt etiā non specialissimarum. Planum autem erit quod dicitur hoc modo. In vnoquoque prædicamento sunt quædam generalissima, & rursus alia specialissima : & inter generalissima & specialissima sunt alia , quæ genera & species dicuntur eadem. Est autem generalissimum quidem supra quod nullum aliud sit superueniens genus. Specialissimum autem est, post quod non est alia inferior species. Inter generalissimum autem & specialissimum alia, quæ genera & species sunt eadem: ad aliud tamen & ad aliud sumpta. Fiat autem in vno quidem prædicamento manifestum quod dicitur. Substantia est quidem & ipsa genus : sub hac autem est corpus, & sub corpore animatum corpus : sub quo animal. sub animali vero rationale animal : sub quo homo, sub homine vero Socrates & Plato, & qui sunt particulares homines. Sed horū substantiam

stantia quidem generalissimum est, & quod genus solum: homo vero specialissimum, & quod solum species. corpus autem species quidem est substantiæ, genus vero animati corporis. sed & animatum corpus species quidem est corporis, genus vero animalis. rursus animal species quidem est corporis animati, genus vero rationalis animalis. sed rationale animal species quidem est animalis, genus autem hominis. homo vero species quidem est rationalis animalis, non autem genus particulariū hominum, sed solum species. & omne, quod ante indiuidua propinque prædicatur, species erit solum, non etiam genus.

Generū ac specierū in prædicamento Substantia ordo.

Genus	Substantia	generalissimum,
Species	Corpus	& genus.
Species	Animatum corpus.	& genus.
Species	Animal.	& genus.
Species	Rationale animal.	& genus.
Species	Homo.	specialissima.
Particulares	Socrates & Plato.	homines.

Quemadmodum igitur substantia cū suprema sit, eò quòd nihil supra eam sit, genus est generalissimum: sic etiam homo cū sit species, postquam non est alia species, neque aliquid eorum, quæ possunt diuidi in species, sed solum in-

diuidua(indiuiduum enim est Socrates, & Plato, & hoc album) species erit solum & vltima species, & (vt dictum est) specialissima, quæ vero sunt in medio, eorum quidē, quæ ante ipsa sunt, erunt species: eorum autem, quæ post ipsa sunt, genera. Quare hæc quidem duas habent habitudines, eam, quæ est ad ea, quæ antecedunt, secundum quam species ipsorum esse dicuntur: & eā, quæ est ad posteriora, secundum quam genera ipsorum esse dicuntur. Extrema vero vnam habent habitudinem. Nam & generalissimum ad ea, quidem quæ posteriora sunt, habet habitudinem, cum sit genus omnium id quod est supremum: eam vero, quæ ad superiora non habet, cum sit supremum & primum principium, & (vt diximus) supra quod non est aliud superueniens genus. Specialissimum autem vnam habet & ipsum habitudinem, hanc quidem, quæ est ad superiora, quorum est species: eam vero, quæ est ad posteriora non diuersam habet habitudinem, sed eandem. & species indiuiduorum dicitur. sed species quidem dicitur indiuiduorum, velut ea continens: species autem superiorum, velut quæ ab eis continetur. Determinant igitur generalissimum genus ita, quod, cum genus sit, non est species. & rursus, supra quod non est aliud superueniens genus. Specialissimam vero speciem sic, quæ cum sit species, non est genus: & quam, cum sit species, in species diuidere non possumus: adhuc autem, & quæ de pluribus & differentibus numero in eo quod quid est prædicatur. Ea vero, quæ in medio sunt extremorum, subalterna vocant genera & species, & vnumquodque ipsorum speciem esse, & genus ponunt: ad aliud tamen & aliud sumptum, ea enim, quæ sunt

sunt ante specialissima vsq; ad generalissimum
 ascendunt, & genera dicuntur, & species subal-
 terna: vt Agamemnon, Attrides, & Pelopides, &
 Tantalides, & vltimum Iouis. Sed in familiis
 quidem plerunque ad vnum reducuntur princi-
 pium, ver. g. ad Iouem: in generibus vero & spe-
 ciebus non sic se habet. Neque enim est commu-
 ne vnum genus omnium ens: nec omnia eius-
 dem generis sunt: secundum vnū supremū genus,
 quemadmodum dicit Aristoteles: sed posita sint
 (quemadmodum in prædicamentis dictum est)
 prima decem genera, quasi prima decem prin-
 cipia. Et si omnia quis entia vocet, æquiuoce
 (inquit) nuncupabit, sed non vniuoce. Si enim
 vnum esset commune omnium genus ens, vni-
 uoce omnia entia dicerentur. cum vero decem
 sint prima, communio secundum nomen est so-
 lum, non tamen secundum rationem, quæ secun-
 dum nomen est. Decem igitur generalissima qui-
 dem sunt: specialissima vero in numero quidem
 quodam sunt, non tamen infinito. Individua au-
 tem, quæ sunt post specialissima, infinita sunt.
 Quapropter vsq; ad specialissima à generalissi-
 mis descēdētes iubebat Plato quiescere: descēde-
 re autē per media diuidētes specificis differētiis.
 infinita verò (inquit) relinquenda sunt. neque
 enim eorum scientiam posse fieri. Descendenti-
 bus igitur ad specialissima, necesse est diuiden-
 tes per multitudinem ire: ascendentibus vero ad
 generalissima necesse est colligere multitudinē
 in vnum. collectiuum enim multorum in vnam
 naturam species est, & etiam magis id, quod ge-
 nus est: particularia vero & singularia contra-
 rio semper in multitudinem diuidunt id, quod
 vnum est: participatione enim speciei plures ho-

*Idē in An
tepradica-
men. c. 4.*

mines, vnus: particularibus autem & singulari-
bus vnus & communis plures. diuissuum enim
semper est, quod singulare est: collectiuum au-
tem & adunatiuum, quod commune est. Assi-
gnato autem genere & specie quid sit vtrunque
eorum, & genere quidem vno existente, specie-
bus vero pluribus (semper enim in plures spe-
cies diuissio generis est) genus quidem semper
de specie prædicatur, & omnia superiora de in-
ferioribus: species autem neque de proximo si-
bi genere, neque de superioribus: neque enim
conuertitur. Oportet enim aut equa de equis
prædicari, vt hinnibile de equo: aut maiora de
minoribus, vt animal de homine: minora ve-
ro de maioribus minime. neque enim dices ani-
mal esse hominem: quemadmodum hominem
dices esse animal. De quibus autem species præ-
dicatur, de iis necessario & speciei genus præ-
dicabitur, & generis genus vsque ad generalis-
simum. si enim verum est dicere Socratem homi-
nem, hominem autem animal, animal autem
substantiam: verum est & Socratem animal di-
cere, atque substantiam. semper enim cum su-
periora de inferioribus prædicentur, species qui-
dem de indiuiduis prædicabitur, genus autem
& de specie, & de indiuiduo: generalissimū ve-
ro de genere vel generibus, si plura sint media
& subalterna, & de specie, & de indiuiduo. di-
citur enim generalissimum quidē de omnibus
sub se positis generibus, & speciebus, & indiui-
duis, genus autem, quod ante specialissimum
est, de omnibus specialissimis & indiuiduis. so-
lum autem species de omnibus indiuiduis. indi-
uiduum autem de vno solo particulari. Indiu-
duum autem dicitur Socrates, & hoc album, &
hic

hic veniēs Sophronisci filius, si solus sit ei Socrates filius. Indiuidua autem dicuntur huiusmodi, quoniam ex proprietatibus consistit vnumquodque eorum, quarum collectio nunquam in alio eadem erit: Socratis enim proprietates nunquam in aliquo alio particularium erunt eēdem. eā vero, quæ sunt hominis proprietates (dico autem eius, qui est communis) erunt eēdem in pluribus, magis autem & in omnibus particularibus hominibus, in eo quod homines sunt. continetur igitur indiuiduum quidem sub specie: species autem sub genere. Totum enim quiddam est genus: indiuiduum autem pars: species vero & totum est & pars. sed pars quidem alterius: totum autem non alterius, sed in aliis. in partibus enim totum est. De genere igitur & specie, & quid generalissimum, & quid specialissimum, & quæ genera eadem, & species sunt, quæ etiam indiuidua, & quot modis genus & species dicantur, sufficienter dictum est.

De Differentia. Cap. IIII.

Differentia vero & communiter, & proprie, & propriissime dicatur. Nam communiter quidem differre alterum ab altero dicitur, quod alteritate differt quocunque modo, vel à seipso vel ab alio. differt enim Socrates à Platone alteritate, & ipse à seipso, & puero existente & viro factō, & faciente aliquid vel quiescente: & semper in aliquo modo habendi se alteritatibus spectatur. Proprie autem differre alterum ab altero dicitur, quando inseparabili accidente alterum ab altero differt. Inseparabile vero accidens est, vt cæcitas oculorum, aut nasi curuitas, aut cicatrix cum ex vulnere occalluerit. Propriissime autem differre alterum ab altero dicitur,

quando specifica differentia differt:quemadmodum homo ab equo specifica differentia differt, rationalis qualitate. Vniuersaliter ergo omnis differentia addita alicui alteratum facit. sed ex quidem, quæ & communiter & propriæ sunt, alteratum faciunt, quæ vero propriissime aliud. Quæ quidem igitur aliud faciunt, specificæ vocantur: illæ vero quæ alteratum, simpliciter differentia. animali enim adueniēs rationalis differentia, aliud fecit: eius autem quod est moueri, alteratū solum à quiescente fecit. quare illa quidem aliud, hæc vero alteratum solū fecit. Secundum igitur aliud facientes differentias diuisiones generum fiunt in species, & definitiones assignantur, quæ sunt ex genere & huiusmodi differentis: secundum autem eas, quæ solū alteratum faciunt alteritates solum consistunt, & aliquo modo se habētis permutationes. A superioribus ergo rursus inchoanti, dicendum differentiarum alias quidem esse separabiles, alias vero inseparabiles. moueri enim & quiescere, & a grum esse & sanum esse, & quęcunque his proxima sunt, separabilia sunt. at vero aquilinū esse vel simum, vel rationale vel irrationale inseparabilia sunt. Inseparabilium autem alia quidem sunt per se, alia vero per accidens. nam rationale per se inest homini, & mortale, & disciplinæ esse susceptuum: at vero aquilinum esse, vel simū per accidens, & non per se. Illæ igitur, quæ per se sunt, in substantiæ ratione accipiuntur, & faciunt aliud: illæ vero, quæ secundū accidens, nec in substantiæ ratione accipiuntur, nec faciunt aliud, sed alteratum. Quæ quidē igitur per se sunt, non suscipiūt magis & minus: quę vero per accidens (etsi inseparabiles sint) intensiōē accipiunt & remissionem

sionē. nam neq; genus aut magis & minus prædicatur de eo cuius fuerit genus, neq; generis differentia, secundū quas diuiditur. ipsę enim sunt, quę vniuscuiusq; rationem complēt: esse autem vnicuique vnum & idem, neq; intensiōem, neq; remissionē suscipiēs est. aquilinū autem esse, vel simum, vel coloratum, aliquo modo & intenditur, & remittitur. Cū igitur tres species differentia considerentur: & eę quidem sint separabiles, illę vero inseparabiles: & rursus inseparabilium hæc quidem sint per se, illę vero per accidēs: rursus earum, quę per se sunt, differentiarū, alię quidem sunt, secundum quas diuidimus genera in species, alię vero, secundum quas ea quę diuisa sunt specificantur: vt cum per se differentię omnes huiusmodi animalis sint, animatum & sensitiuū, rationale & irrationale, mortale & immortale: animati quidem & sensitui differentia constitutiva est substantię animalis (est enim animal substantia animata sensitua) mortalis vero & immortalis differentia, & rationalis & irrationalis diuisiue sunt animalis differentię: per eas enim genera in species diuidimus. Sed eę quidē, quę diuisiue sunt, differentię generū completiue sunt, & constitutiue specierū. diuiditur enim animal rationalis & irrationalis differentia, & rursus mortalis & immortalis differentia. sed rationalis & mortalis differentię constitutiue sunt hominis: rationalis vero & immortalis Dei: irrationalis autem & mortalis irrationalium animalium. Sic vero & supremę substantię, cū diuisiue sint animati & inanimati differentię, & sensitui & insensitui, animata quidē & sensitua, * iuxta substantiā sumptę animal perfecērūt: animata vero & insensitua perfecērūt plātā. Quoniā ergo eędem

* a. l. una
cū substan
tia inptā.
aliq

* species ge-
nus exce-
dit.

aliquo modo quidem acceptę sunt constitutię,
aliquo modo autę diuisię, specificę omnes vo-
cantur, & his maximę opus est ad diuisiones ge-
nerum, & ad definitiones: sed nō his, quę secun-
dum accidens inseparabiles sunt, neq; etiam ma-
gis iis, quę sunt separabiles. Quas etiam determi-
nantes dicunt. Differentia est, qua * abundat spe-
cies à genere. homo enim plus habet quàm ani-
mal, rationale & mortale: animal enim nihil ho-
rum est. Nam vnde species haberēt differentias?
Neq; verò omnes oppositas habet, quoniā idem
simul habebit opposita. Sed, quemadmodū cen-
sent, potestate quidē habet omnes eorū, quę sub
se sunt, differētias, actu verò nullam. ac si neque
ex iis, quę nō sunt, aliquid sit, neque opposita cir-
ca idem erunt. Definiunt autę eam & hoc modo.
Differentia est, quę de pluribus & differentibus
specie in eo quod quale quid est prædicatur. ra-
tionale enim & mortale de homine prædicatum
in eo quod quale quid est homo dicitur: sed non
in eo quod quid est. quid est enim homo, nobis
interrogatis, conuniens dicere animal: quale au-
tem animal inquisitis, quod rationale & morta-
le est conuenienter assignabimus. Rebus enim ex
materia & forma constantibus, vel secundū pro-
portionem ad materiam & formam, cōstitutio-
nem habentibus, quemadmodū statuā ex mate-
ria quidem est ære, ex forma autem figura: sic &
homo cōmunis & specialis ex materia quidem
proportionaliter consistit ex genere, ex forma au-
tem differentia. totum autem hoc, animal ratio-
nale mortale, homo est, quemadmodū illic sta-
tua. Describunt autem & hoc modo. Differentia
est quod aptum natum est diuidere ea, quę sub
eodem genere sunt. rationale enim & irrationa-
le hom

le hominem & equum, quæ sub eodem genere sunt, quod est animal, diuidunt. Assignant autem & hoc modo. Differentia est, qua differunt à se singula, namq; homo, & equus secundum genus non differunt, sumus enim animalia nos, & equi: sed additū rationale disiunxit nos ab illis, & rationales sumus & nos, * & Dij: sed mortale appositum disiunxit nos ab illis. Exactius autem pertractantes ea, quæ ad differentiam pertinent, dicunt nō quodlibet diuidentiū ea, quæ sub eodem genere sunt, esse differentiā, sed quod adesse conducit, & quod quid erat esse, & quod rei pars est. Neque enim quod natum est nauigare, est hominis differentia, & si sit proprium hominis. dicere enim possumus animalium hæc quidem apta esse ad nauigandum, illa verò minimè, diuidentes hominem ab aliis. sed aptum natum esse ad nauigandum, non est substantiæ completiuum, nec eius pars, sed aptitudo solum ipsius: iccirco quia non est talis differentia, quales sunt, quæ specificæ dicuntur differentia. Erunt ergo specificæ differentia, quæcunque alteram faciūt speciem, & quæcunq; in eo quod quid erat esse accipiuntur. Et de differentia quidem tot sufficiant.

De Proprio. Cap. V.

Proprium verò quadrifariam diuidunt. Nam & id, quod soli alicui speciei accidit, & si nō omni, propriū dicitur: vt homini medicum esse, vel geometram. Et quod omni accidit speciei, etsi non soli: quemadmodum homini esse bipedem. Et quod soli & omni, & aliquando: vt omni homini in senectute canescere. Quartum autem id, in quo conuenerunt & soli, & omni, & semper: quemadmodum homini esse risibile. nam & si non semper rideat, tamen risibilis dicitur:

*Vide primo
top. cap. 2.*

non

non quòd rideat semper: sed quòd semper aptus natus sit vt rideat. hoc autem ei semper connaturale est, quemadmodum & equo hinnibile. Hæc autem & propriè propria dicuntur, quoniam etiam conuertuntur. si quid enim equus hinnibile est: & si quid hinnibile est, equus est.

De Accidente. Cap. V I.

*Idē 1. top.
c. 2.*

Accidens autem est, quod adest & abest præter subiecti corruptionem. Diuiditur autem in duo: hoc enim ipsius separabile est, illud vero inseparabile. dormire quidem separabile accidens est: nigrum verò esse inseparabiliter coruo & Æthiopi accidit. Potest enim intelligi & coruus albus, & Æthiops abiiciēs colorem, præter subiecti corruptionem. Definiunt autem sic quoque. Accidens est quod contingit eidem inesse & nō inesse. Et quod neque genus est, neque differentia, neque species, neque propriū: semper autem est in subiecto subsistens. Omnibus autem determinatis, quæ proposita sunt (dico autem genere, specie, differentia, proprio, accidente) dicendum est quæ eis communia sunt, & quæ propria.

*De Communitatibus & Differentijs Generis,
Speciei, Differentia, Proprij & Accidentis
Cap. V I I.*

*De cōmuni-
tate om-
nium.*

Commune quidem est omnibus de pluribus prædicari, quemadmodum dictum est. Sed genus quidem de omnibus sub se speciebus & indiuiduis: & differentia similiter. species autem de iis, quæ sub ipsa sunt indiuiduis. at verò propriū & de specie, cuius est propriū, & de iis, quæ sub specie sunt indiuiduis. accidēs autem & de speciebus & de indiuiduis. Nanq; animal de equo & boue prædicatur, quæ sunt species, & de hoc equo, & de hoc boue, quæ sunt indiuidua. irra-
tiona

tionale verò & de equo & boue, & de iis, qui sunt particulares prædicatur. species autem, vt homo, solum de iis, qui sunt particulares homines, prædicatur. proprium vero de specie cuius est proprium, & de iis, quæ sub specie sunt indiuiduis: vt risibile de homine, & de iis, qui sunt particulares. nigrum autem & de specie coruorum, & de iis quæ sunt particulares, quod est accidens inseparabile: & moueri de homine, & de equo, quod est accidens separabile: sed principaliter quidem de indiuiduis, secunda ratione autem de iis, quæ continent indiuidua.

Commune autem est generi, & differentiæ continentia specierum. Continet enim differentia species, & si non omnes quot genera. rationale enim, & si non continet irrationalia, quemadmodum animal, tamen continet hominē & Deum, quæ sunt species. Et quæcunq; prædicantur de genere vt genus, & de iis, quæ sub ipso sunt speciebus prædicantur. & quæcunque prædicantur de differentia vt differentia, & de ea, quæ ex ipsa est, specie prædicabuntur. Nam cum genus animal sit, non solum de eo prædicantur vt genus, substantia, & animatum & sensibile, sed etiam de iis, quæ sunt sub animali speciebus omnibus prædicantur hæc, vsque ad indiuidua. cumque differentia sit rationale prædicatur de ea vt differentia, id quod est ratione uti: & non solum de eo quod est rationale, sed etiam de iis, quæ sunt sub rationali speciebus prædicabitur ratione uti.

Commune quoque est perempto genere, vel differentiæ simul perimi quæ sub ipsis sunt. Quemadmodum enim, si non sit animal, non est equus, neque homo: ita si non sit rationale, nullum erit animal, quod utatur ratione.

*De communibus generis & differentie
* angelum*

*De differē
tijs ipsorū.*

Proprium autem est generi de pluribus prædicari quàm differentia, & species, & proprium, & accidens. Animal enim de homine & equo, & aue, & serpente prædicatur: quadrupes verò de solis quatuor pedes habentibus: homo verò de solis indiuiduis: & hinnibile de equo solum, & de iis, qui sunt particulares: & accidens similiter de paucioribus. Oportet autem differentias accipere, quibus diuiditur genus, non eas quæ complent substantiam generis, sed quæ sunt diuiliuæ. Amplius, genus continet differentiam potestate (animalis enim hoc quidē rationale est, illud verò irrationale) differentia verò nō continent genera. Amplius, genera quidē priora sunt iis, quæ sunt sub se positæ differentiis: propter quod simul quidem eas auferunt, nō autem simul auferuntur ab eis: sublato enim animali, auferitur rationale & irrationale. differentia verò nō amplius simul auferunt genus: nam etsi omnes interimantur, tamen substantia animata sensitiua intelligitur, quæ est animal. Amplius, genus quidem in eo quod quid est: differentia verò in eo quod quale quid est, quemadmodum dictum est, prædicatur. Amplius, genus quidem vnum est secundum vnamquamque speciem, vt hominis id, quod est animal: differentia verò plures sunt, vt rationale, mortale, mentis & disciplina perceptiuum, quibus ab aliis animalibus differt. Et genus quidem consimile est materia, formæ verò differentia. Cum autem sint & alia communia, & propria generis & differentia, nunc ista sufficiant.

De cōmunibus generis & speciei.

Genus autem & species commune quidem habent de pluribus, quemadmodum dictū est, prædicari. sumatur autem species vt species solum, sed non vt genus: si fuerit idem species & genus.

Com

Commune autē his est, & priora esse iis, de quibus prædicantur. Et totū quoddam esse vtrunque.

Differunt autem eò, quòd genus quidem continet species sub se: species verò continetur, & non continet genera: de pluribus enim genus quàm species prædicatur. Amplius, genera præiacere oportet, & informata specificis differentiis perficere species. vnde & priora sunt naturaliter genera, & simul interimentia, sed quæ nō simul interimantur: & species quidem cū sit, est & genus omnino: genus verò cū sit, nō omnino erit species. Et genera quidem vniuoce de speciebus prædicantur: species verò de generibus minime. Amplius, genera quidem abundant earum, quæ sub ipsis sunt specierum continentia: species verò * à generibus abundāt propriis differentiis. Amplius, neque species fiet vnquam generalissima, neque genus fiet vnquam specialissimum.

De differentiis ipsorum.

* *genus exasperans.*

Generis autem & proprii commune quidem est sequi species. si quid enim homo est, animal est: & si quid homo est, risibile est. Et æqualiter prædicari genus de speciebus, & proprium de iis, quæ illo participant indiuiduis. æqualiter enim & homo & bos animal est, & Cato & Cicero risibile est. Commune autem est etiam vniuoce prædicari genus de propriis speciebus, & proprium de iis, quorum est proprium.

De communitatibus generis & proprii.

Differunt autem, quoniam genus quidem prius est, posterius verò proprium. oportet enim esse animal, dehinc diuidi differentiis & propriis.

De differentiis ipsorum.

Et genus quidem de pluribus speciebus prædicatur, proprium verò de vna sola specie, cuius est proprium. Amplius, proprium quidem conuersim prædicatur de eo, cuius est proprium, genus

verò de nullo conuersim prædicatur: nam neque si quid animal est, homo est: neque si quid animal est, risibile est: si quid verò homo est, risibile est, & conuerso. Amplius, proprium omni speciei inest, cuius est proprium, & soli, & semper: genus verò omni quidem speciei inest, cuius fuerit genus, & semper, non autem soli. Amplius, propria quidem interempta, non simul interimunt genera: genera verò interempta simul interimunt species, quarum sunt propria: quare & his, quorum sunt propria, interemptis, & ipsa simul interimuntur.

De cōmunitate generis & accidentis.

Generis verò & accidentis commune est, de pluribus, quemadmodum dictum est, prædicari, siue separabilem illud accidens sit, siue inseparabilem: etenim moueri de pluribus, & nigrum de coruis, & de æthiopibus, & aliquibus inanimatis prædicatur.

De differētijs ipsorū.

Differt autem genus ab accidente: quoniam genus ante species est: accidentia verò speciebus posteriora sunt: nam etsi inseparabile sumatur accidens, & prius est illud, cui accidit, quàm accidens. Et genere quidem quæ participant, æqualiter participant, accidente verò non æqualiter: intensionem enim & remissionem suscipit accidentium participatio: generum verò minime. Et accidentia quidem in indiuiduis principaliter subsistunt: genera verò & species naturaliter priora sunt indiuiduis substantiis. Et genera quidem in eo quod quid est prædicantur de iis, quæ sub ipsis sunt: accidentia verò in eo quod quale aliquid est, vel quomodo se habeat vnumquodque: qualis enim est æthiops interrogatus, dices niger: & quemadmodum se Socrates habeat, dicens, quòd sedet vel ambulat,

Genus

Genus igitur, quo ab aliis quatuor differat dictum est. Contingit autem etiam vnumquodque aliorum differre ab aliis quatuor: quare cum quinque quidem sint, vnumquodque autem ab aliis quatuor differat, quater quinque, viginti sunt omnes differentiae. Sed non ita se habet, sed semper deinceps enumeratis, & duobus quidem vna differentia deficientibus (propterea quoniam iam sumpta est) tribus verò duabus, quatuor verò tribus, quinque vero quatuor, decem omnes sunt differentiae, quatuor, tres, duae, vna. Genus enim quo differt à differentia, & specie, & proprio, & accidente, dictum est: quatuor igitur differentiae. Differentia verò, quo differat à genere dictum est, quando quo differt genus ab ea dicebatur: reliquum est igitur quo differat differentia à specie, proprio, & accidente dicatur: & sunt tres. Rursus species quo quidem differat à differentia dictum est, quando quo differt à specie differentia dicebatur: quo etiam differat species à genere dictum est, quando quo differt genus à specie dicebatur: reliquum est igitur ut quo differat species à proprio, & accidente dicatur: duae igitur sunt & hae differentiae. Proprium autem quo differat ab accidente relinquatur: nam quo à specie, & differentia, & genere differat, praedictum est in illorum ad ipsum differentiis. Quatuor igitur sumptis generis ad alia differentiis, tribus vero differentia, duabus autem speciei, vna vero proprii ad accidens, decem erunt omnes: quarum quatuor, quae sunt generis ad reliqua, superius demonstraui.

Genus. Species. Differentia. Propriū. Accidens.

I	I	I	I
	I	I	I
		I	I
			I

*De cōmu-
nitatibus
differētia,
& speciei.*

Commune ergo differentia & speciei est, æqualiter participari. homine enim æqualiter participant particulares homines, & rationalis differentia. Commune etiam est & semper adesse iis, quæ illis participant. Semper enim Socrates rationalis est, & semper Socrates homo.

*De differē-
tijs ipsorū.*

Proprium autem differentia quidem est in eo quod quale est prædicari: speciei verò in eo quod quid est. nam etsi homo velut quale quid accipiatur, non tamen simpliciter erit, quale, sed secundum id, quod generi aduenientes differentia eum constituerunt. Amplius, differentia quidem in pluribus sæpe speciebus consideratur, quemadmodum quadrupes in pluribus animalibus specie differentibus: species verò in solis iis, quæ sub specie sunt, indiuiduis est. Amplius, differentia prior est ea specie, quæ est secundum ipsam: simul enim ablatum rationale interimit hominem: homo verò interemptus non aufert rationale, cum sit * Deus. Amplius, differentia quidem componitur cum alia differentia (rationale enim & mortale compositum est in substantia hominis) species verò speciei non componitur,

* angelus

vt gignat aliā aliquam speciem. quādam enim equa cuidam asino permiscetur ad muli generationem: equa autem simpliciter asino composita nunquam perficeret mulum.

Differentia verò & proprium commune quidem habent æqualiter participari ab iis, quæ illis participant. æqualiter enim rationalia, rationalia sunt: & risibilia, risibilia sunt. Et semper & omni adesse cōmune vtrisque est. etsi enim curtetur qui bipes est, tamen ad id, quod natum est semper, * dicitur quoniam & risibile in eo quod natum est * habet semper, sed non in eo quod semper rideat.

Proprium autem differentiæ est, quòd hæc quidem de pluribus speciebus dicitur sæpe, vt rationale de * Deo, & homine: proprium verò dicitur de vna sola specie, cuius est proprium. Et differentia quidem illis est consequens, quorum est differentia, sed non conuertitur: propria verò conuersim prædicantur de iis, quorum sunt propria, propterea quòd conuertuntur.

Differentiæ autem & accidenti commune quidem est de pluribus dici. Commune verò est & ad ea, quæ sunt inseparabilia accidentia, semper & omni adesse: bipes enim semper adest omni homini: & omnibus coruis nigrū esse similiter.

Differunt autem, quoniam differentia quidem continet species, & nō continetur: continet enim rationale * Deū & hominem: accidentia verò aliquo quidem modo continent, eò quòd in pluribus sint: aliquo verò modo continentur, eò quòd non vnius accidentis susceptiua sint subiecta, sed plurium. Et differētia quidem inintelligibilis est, & irremissibilis: accidentia verò magis & minus suscipiunt. Et impermixtæ quidem sunt cōtrariæ

De cōmunitatibus differentia, & proprij.

** a. l. se habet.*

** a. l. habet*

ut semper rideat, quāuis nō semper rideat.

*De differētijs ipsorū. * angelo*

De cōmunitatibus differentia & accidentium.

*De differētijs ipsorū. * angelum*

differentiæ: mixta verò nonnunquam sunt contraria accidentia. Huiusmodi quidem cōmuniones & proprietates differentiæ, & cæterorū sunt. Species verò quo quidem differt à genere, & differentia dictum est in eo, quod dicebamus, quo genus differt à cæteris, & quo differentia differt à cæteris. * deinceps quo differt à proprio & accidente dicetur.

* *Vetus exemplar*

græcū hac nō habet.

De cōmunitatibus

speciei & proprij.

* *Et hac nō habet.*

* *a.l. sunt.*

De differētijs ipsorū.

Speciei autem & proprii cōmune quidem est, adinuicem conuersim prædicari. nam si quid homo est, risibile est: & si quid risibile est, homo est. Risibile verò quòd secundum id, quod natum est ridere sumendum, sæpe iam dictum est. Commune est quoque & æqualiter esse. * æqualiter enim * adsunt species iis, quæ illis participant & propria iis, quorum sunt propria.

Differt autem species à proprio, quoniam species quidem potest & aliorum genus esse: proprium verò aliarum specierū esse proprium impossibile est. Et species quidē ante subsistit quàm proprium: propriū verò post sit in specie. oportet enim hominem esse, ut sit risibile. Amplius, species quidem semper actu adest subiecto: propriū verò aliquando & potestate. homo enim semper actu est socrates: non verò semper ridet, quamuis natus sit semper ut sit risibilis. Amplius, quorum termini sunt differentes, & ipsa sunt differentia. Est autem speciei quidem sub genere esse, & de pluribus & differentibus numero in eo quod quid est prædicari, & cætera huiusmodi: proprii verò, & soli, & omni, & semper ad esse.

De cōmunitatibus

speciei & accidentis.

Speciei verò & accidentis cōmune quidem est de pluribus prædicari. Raræ verò sunt aliæ cōmunitates, propterea quòd quamplurimum distant abinuicem accidens, & id cui accidit.

Trop

Propria verò sunt vtriusq; speciei quidem in eo quod quid est prædicari de iis, quorū est species: accidētis autē in eo quod quale quiddam est, vel quomodo se habēs est. Et vnāquāq; substantiam vna quidē specie participare, pluribus autē accidentibus & separabilibus & inseparabilibus. Et species quidē præintelliguntur accidentibus, etsi etiam sint inseparabilia (oportet enim esse subiectum, vt illi quidem accadat) accidentia verò posterioris generis sunt, & aduentitiæ naturę. Et speciei quidē participatio æqualiter est: accidentis verò etsi inseparabile sit non æqualiter: æthiops enim æthiope habere posset colorem vel intensum, vel remissum secundum nigredinem. Restat autem de proprio & accidente dicere: quo enim proprium à specie, & differētia, & genere differt, dictum est. Commune autem proprio & inseparabili accidenti est, quod præter ea nūquā consistant illa, in quibus considerantur: quemadmodum enim præter risibile non subsistit homo, ita nec præter nigredinē subsistit æthiops. Et quemadmodum semper, & omni adest proprium, sic & inseparabile accidens. Differunt autem, quoniam proprium vni soli speciei adest, quemadmodum risibile homini: inseparabile verò accidens, vt nigrum, non solum æthiopi, sed etiam coruo adest, & carboni, & ebena, & quibusdam aliis. Amplius, proprium conuersim prædicatur de eo cuius est proprium, & æqualiter est: inseparabile verò accidens conuersim non prædicatur. Et priorum quidem æqualis est participatio, accidentium verò vel magis vel minus. Sunt quidem alię communitates, vel proprietates iis, quæ dicta sunt: sed sufficiunt & hæc ad discretionem eorum, communitatisque traditionem.

De differētijs ipsorū.

De cōmunitatibus proprij & accidentis.

De differētijs ipsorū.



ARISTOTELIS

STAGIRITAE

PERIPATETICO-

rum Principis Prædi-
camenta,

SEVERINO BOETHO

INTERPRETE,

SUMMA LIBRI.

De quibusdam tanquam suppositis, ad Prædicamentorum doctrinam conferentibus. De Prædicamentis ipsis. De consequentibus quibusdam ad ipsa Prædicamenta: ac de nonnullis vocibus, de quibus mentio facta est in Prædicamentis.

TRACTATUS PRIMVS

*De Æquivocis, Vniuocis, & Denominatiuis:
Eorum etiam, quæ dicuntur diuisio.*

CAPVT I.



AEQVIVOCA dicuntur, quorum nomen solū commune est, secundum nomen verò substantiæ ratio diuersa: vt animal, & homo, & quod pictum est. horum enim solum nomen commune est, secundum nomen verò substantiæ ratio diuersa. Si enim


enim quis assignet quid sit eorum vtrunque quò animal est, propriam assignabit vtriusque rationem. Vniuoca verò dicuntur, quorum & nomen commune est, & secundum nomen eadē substantiæ ratio: vt animal & homo, atque bos. communi enim nomine horum vtrunque animal nuncupatur, & est ratio substantiæ eadem. Si quis enim assignet vtriusque rationem, quid vtrunque est quò animal est, eandem assignabit rationem. Denominatiua verò dicuntur, quæcunque ab aliquo, differentia casu, secundum nomen habent appellationem: vt à grammatica grammaticus, & à fortitudine fortis. Eorum quæ dicuntur, alia quidem secundum complexionem dicuntur, alia verò sine complexione. Ea igitur quæ secundum complexionem dicuntur, sunt, vt homo currit, homo vincit: Ea verò quæ sine complexione dicuntur, sunt, vt homo, bos, currit, vincit.

Eorum quæ sunt, diuisio. Cap. I I.

Eorum quæ sunt, alia de subiecto aliquo dicuntur, in subiecto verò nullo sunt. vt homo de subiecto quidem dicitur quodam homine, in subiecto verò nullo est. Alia autem in subiecto quidem sunt, de subiecto autem nullo dicuntur. In subiecto verò esse dico, quod cum in aliquo sit, non sicut quædam pars, impossibile est esse sine eo in quo est: vt quædam grammatica in subiecto quidem est in anima, de subiecto verò nullo dicitur. & hoc album in subiecto quidem est corpore: omnis enim color in corpore est: de subiecto autem nullo dicitur. Alia verò de subiecto dicuntur, & in subiecto sunt. vt scientia in subiecto quidem est in anima, de subiecto verò dicitur, vt de grammatica. Alia verò neq; in subiecto

sunt, neque de subiecto aliquo dicuntur: ut quidam homo, & quidam equus: nihil enim talium neque in subiecto est, neque de subiecto aliquo dicitur. Simpliciter autem quæ sunt indiuidua, & vnum numero de subiecto nullo dicuntur: in subiecto autem nihil aliqua prohibet esse. quædam enim grammatica in subiecto est: at de subiecto nullo dicitur.

Complexionum consistentium & inconsistentium descriptio.



Regula in predicatis essentialibus.

Cap.

III.

Quando alterum de altero predicatur, ut de subiecto, quæcunque de eo quod predicatur

catur dicuntur, omnia etiam de subiecto dicuntur: vt homo de homine quodam prædicatur: animal verò de homine: ergo & de quodam homine animal prædicabitur: quidam enim homo, & homo est, & animal.

Regula genera non subalterna à subalternis distinguens. Cap. IIII.

Diuersorum generum & non subalternatim positorum diuersæ sunt * specie & differentia: vt animalis, & scientiæ: animalis enim differentia sunt, gressibile, bipes, & volatile, & aquaticum: scientiæ verò nulla earum est: neque enim scientia à scientia differt, in eo quod bipes est. Subalternorum verò generum nihil prohibet eadem esse * differentias: superiora enim de iis, quæ sub ipsis sunt generibus prædicantur: quare quocumque differentia prædicati fuerint, totidem & subiecti erunt.

*Vide 1. top. c. 4. & 6. topic. * a. l. g. cum specie.*

** a. l. g. habet differentias, & si non omnes.*

Incomplexorum in decem prædicamenta diuisio:

Quomodoque affirmationem, aut negationem constituent. Cap. V.

Eorum quæ secundum nullam complexionem dicuntur, vnumquodque, aut substantiam significat, aut quantum, aut quale, aut aliquid, aut vbi, aut quādo, aut situm esse, aut habere, aut agere, aut pati. Est autem substantia quidem, vt in figura dicatur, vt homo equus. Quantum autem, vt bicubitum, tricubitum. Quale, vt album, grammaticum. Ad aliquid, vt duplū, dimidium, maius. Vbi verò, in foro, in lycio. Quando autem, vt heri, superiore anno. Situm verò esse, vt iacet, sedet. Habere autem, vt calceatum esse, armatum esse. Agere verò, vt secare, vrere. Pati, vt secari, vri. Singula igitur eorū quæ dicta sunt, ipsa quidē secundū se in nulla

nulla affirmatione dicuntur, vel negatione: horum autem ad se inuicem complexione affirmatio, vel negatio fit. Omnis enim affirmatio, aut negatio videtur vel vera, vel falsa esse: eorum autem, quæ secundum nullam complexionem dicuntur, nullum neque verum, neque falsum est: vt homo, album, currit, vincit.

TRACTATUS SECUNDVS.

De substantia

Cap. I.



SUBSTANTIA autem est, quæ proprie, & principaliter, & maxime dicitur, quæ neque de subiecto aliquo dicitur, neq; in subiecto aliquo est: vt quidam homo, & quidam equus. Secundæ autem substantiæ dicuntur species in quibus eæ, quæ principaliter substantiæ dicuntur, insunt: & hæc quidem, & harum specierum genera. vt quidam homo in specie quidem est in homine, genus verò speciei animal. secundæ igitur hæc substantiæ dicuntur: vt est homo, atque animal. Magnifestum est autē ex iis, quæ dicta sunt, quod eorum quæ de subiecto dicuntur, necesse est & nomen & rationem de subiecto prædicari: vt homo de subiecto quodam homine dicitur. prædicatur etiam & nomen: hominem enim de quodam homine prædicabis. & ratio quoque hominis de quodam homine prædicabitur: quidam enim homo & homo est, & animal: quare & nomen & ratio de subiecto prædicabitur. Eorum verò quæ in subiecto sunt, in plurimis quidem neque nomen,
neque

neque ratio prædicatur de subiecto: in aliquibus autem nomen quidem nihil prohibet prædicari aliquando de subiecto, rationem verò impossibile est. vt album cùm in subiecto sit corpore, prædicatur de subiecto: dicitur enim corpus album, ratio verò albi nunquàm de corpore predicabitur. Alia verò omnia aut de subiectis dicuntur primis substantiis, aut in subiectis eis sunt. Hoc autem manifestũ est ex iis, quæ per singula proponuntur. vt animal de homine prædicatur: ergo & de quodam homine animal prædicabitur: nam si de nullo quorundam hominum, neque omnino de homine. Rursus color in corpore est: ergo & in quodam corpore. nam, si nõ in aliquo esset singulorum, nec omnino in corpore. Quare alia omnia aut de subiectis primis dicuntur substantiis, aut in subiectis eis sunt. Non ergo existentibus primis substantiis, impossibile est aliquid aliorum esse. * Secundum verò substantiarum, magis substantia est species, quàm genus: propinquior enim est primæ substantiæ. Si quis enim assignet primam substantiam quid est, euidentius & cõuenientius assignabit, speciem quàm genus assignans. vt hominem quendam aliquis assignans manifestius assignabit, hominem quàm animal assignans. illud enim proprium magis cuiusdam hominis, hoc autem communius. & cùm quandam arborem assignauerit, manifestius assignabit, assignando arborem quàm plantam. Amplius, primæ substantiæ, ideo quòd aliis omnibus subiiciuntur, & omnia alia vel de ipsis prædicantur, vel in ipsis sunt, propter hoc maxime substantiæ primæ dicuntur. quemadmodum autem primæ substantiæ ad alia omnia se habent, sic & species ad genus se habet, subiicitur enim species generi.

* *Alias in latina trāslatione addebatur.*

Omnia enim alia, aut prædicantur de eis, aut in subiectis eis sunt: quare nõ existēti bus primis substantijs, impossibile est aliorũ aliqd esse. In cod. etiã Gra. anti-quo hæc verba reperiũtur: in categoris vero, quos viderim, minime.

* a.l. addit
ex his ma
nifestū q

* a.l. autē

neri: genera enim de speciebus prædicantur: species autem cum generibus non conuertuntur. Quare & ex his * species genere magis substantia est. Ipsarum verò specierum, quæcunque non sunt genera, nihil magis alterum altero substantia est: nihil enim familiarius assignabis de quodam homine, hominem assignando, quàm de quodam equo, equum. Similiter autem & in primis substantiis nihil magis alterum altero substantia est: nihil enim magis quidam homo substantia est, quàm quidam bos. Merito * igitur post primas substantias sola aliorum omnium species, & genera secundæ substantiæ dicuntur. Sola enim hæc, eorum quæ prædicantur; primam substantiam indicant: quendam enim hominem si quis assignauerit quid est, speciem quidem, quam genus assignando, familiariter demonstrabit: & manifestius faciet hominem assignando, quàm animal: aliorum vero omnium quicquid assignauerit quis, assignabit extraneæ: velut album, aut currit, aut aliud quodcunque talium assignans. Quare merito hæc solæ aliorum secundæ substantiæ dicuntur. Amplius, primæ substantiæ, eò quòd aliis omnibus subiiciuntur, & omnia alia de illis prædicantur, vel in ipsis sunt, propriissimæ substantiæ dicuntur: sicut autem primæ substantiæ ad alia omnia se habent, ita genera & species primarum substantiarum ad reliqua omnia se habent: de his enim reliqua omnia prædicantur: quendam enim hominem dices grammaticum esse: ergo & hominem, & animal grammaticum dices: similiter autem & in aliis. Commune autem omni substantiæ est in subiecto non esse. Prima nanque substantia nec in subiecto est, nec de subiecto aliquo dicitur

tur. Secundarum verò substantiarum constat quidem etiam sic, quòd nulla est in subiecto: homo enim de subiecto quidem quodam homine dicitur: in subiecto verò non est: neque enim in quodam homine homo est: similiter autem & animal de subiecto quidem dicitur quodam homine: non est autem animal in quodam homine. Amplius, eorum quæ in subiecto sunt, nomen quidem de subiecto aliquando nihil prohibet prædicari: rationem verò impossibile est: secundarum verò substantiarum de subiecto & ratio prædicatur, & nomen: rationem enim hominis de quodam homine prædicabis, & animalis similiter: quare non erit eorum substantia, quæ sunt in subiecto. Non est autem proprium substantiæ hoc: sed & differentia eorum est, quæ non sunt in subiecto: bipes enim & gressibile de subiecto quidem quodam homine dicitur, in subiecto verò non est, neque enim in homine est bipes, neque gressibile. Ratio quoque differentiæ de illo prædicatur, de quocunque ipsa differentia dicitur: velut si gressibile de homine prædicatur, & ratio gressibilis de homine prædicabitur: est enim homo gressibilis. Non conturbet autem nos substantiarum partes, quæ ita sunt in toto, quasi in subiecto sint: ne forte cogamur eas non esse substantias cōfiteri: non enim ita ea quæ sunt in subiecto dicebatur, quasi ut partes inessent alicui. Inest autem substantiis & differentiis omnia uniuoce prædicari. Omnia enim, quæ ab his prædicata sunt, aut de indiuiduis prædicantur; aut de speciebus: à prima namque substantia nulla est prædicatio: de nullo enim subiecto dicitur. Secundarum verò substantiarum species quidem de indiuiduo prædicatur: genus verò & de speciebus, & de indiuiduis: similiter autem & differentia

*Dubitatio
nis solutio.*

rentiæ

rentiæ & de speciebus, & de indiuiduis prædicantur. Et rationem quoque suscipiunt primæ substantiæ specierum, & generum, & species generis: quæcunque enim de prædicato dicuntur, eadem & de subiecto dicuntur. similiter autem rationem differentiarum suscipiunt & species, & indiuidua. vniuoca autem erant, quorum & nomen commune est, & ratio eadem. Quare omnia quæ à substantiis & differentiis sunt, vniuoce prædicantur. Omnis autem substantia videtur hoc aliquid significare. In primis igitur substantiis indubitabile, & verum est, quòd hoc aliquid significant. indiuiduum enim & vnum numero est quod significatur. In secundis verò substantiis videtur quidem similiter appellationis figura hoc aliquid significare, quando quis dixerit hominem vel animal: non tamen verum est, sed magis quale aliquid significant. neque enim vnum est quod subiectum est, quemadmodum prima substantia: sed de multis homo dicitur, & animal. Non autem simpliciter quale quid significat, quemadmodum album (nihil enim aliud significat album, quàm qualitatem) at species & genus circa substantiam qualitatem determinant. qualem enim quandam substantiam significant. plus autem in genere determinatio fit, quàm in specie. dicens enim animal plus complectitur, quàm qui hominem. Inest autem substantiis nihil illis esse contrarium. Primæ enim substantiæ quid erit contrarium, vt cuidam homini, vel cuidam animali? at verò nec homini nec animali aliquid est contrarium. Non est autem hoc substantiæ proprium: sed etiam multorum aliorum vt quantitati. bicubito enim vel tricubito nihil est contrarium. at verò nec decem,

nec

nec alicui talium. Nisi forte quis multum pauco dicat esse contrarium, vel magnum paruo. determinatorum vero quantorum nullum nulli est contrarium. Videtur autem substantia non suscipere magis & minus. Dico autem, non quòd substantia nō est à substantia magis & minus substantia (hoc enim dictū est quod est) sed quia vnaqueque substantia hoc ipsum quod est, non dicitur magis & minus. vt si est eadem substantia homo, non erit magis & minus homo, neque ipse seipso, neque alter altero, non enim est alter altero magis homo: sicut est album alterum altero magis & minus album: & bonum alterum altero magis & minus bonū: sed & ipsum seipso magis & minus dicitur. vt corpus cū sit album, magis nūc album esse dicetur quā prius: & cū calidum sit magis & minus calidum dicitur. substantia vero non dicitur magis neque minus. nihil enim homo magis nunc homo quā prius dicitur: neque aliorum quicquam, quæcunque substantiæ sunt. Quapropter non recipiet substantia magis & minus. Maxime verò proprium substantiæ esse videtur, cū vnum & idem numero sit contrariorum susceptiuum esse: quale in aliis quidem non habet quisquā quod proferat tale, quæcunque non sunt substantiæ: quod cū sit vnum numero, susceptibile contrariorum sit, velut color, qui est vnus & idem numero, non * dicitur albus & niger: neque eadem actio & vna numero, praua & studiosa. similiter autē & in aliis, quæcunque non sunt substantiæ. Substantia vero, cū vnum & idē numero sit, susceptiua contrariorum est. vt quidā homo, cū vnus & idem sit, aliquādo quidem albus, aliquando fit niger, & calidus & frigidus, & prauus & studiosus. in aliis autē nul-

* a. l. est.

Instantia. lis aliquid tale videtur. Nisi quis forsitan instet, dicens orationem & opinionem contrariorum esse susceptibilia. eadē enim oratio vera, & falsa videtur esse. veluti si vera sit oratio, sedere quēpiam, eo surgente ipsa eadem falsa erit. similiter autem & de opinione. si quis enim verum putet aliquem sedere, surgēte eo, falso putabit, eandem de ipso opinionē habens. Sed si quis & hoc suscipiat, tamen modo differt. Nam ea, quæ in substantiis sunt, ipsa quidē mutata susceptibilia sunt contrariorum. frigidum enim ex calido factum mutatur (alteratur enim) & nigrū ex albo, & studiosum ex prauo: similiter autē & in aliis vnumquodq; eorum mutationem suscipiens, susceptibile contrariorum est. Oratio autem & opinio, ipsa quidē immobilia omnino perseverant: cum vero res mouetur, contraria circa ipsa sūt. oratio nāq; eius q̄ sedeat aliquis, permanet eadem: cum vero res mota sit aliquando quidem vera, aliquando autē falsa dicitur. similiter autem est in opinione. Quapropter saltē modo proprium substantiæ est, vt secundū mutationem suiipsum susceptibilis sit contrariorum. Si quis autem recipiat etiam hæc, orationem & opinionem susceptibilia esse cōtrariorum, non est hoc verum. Oratio nanque & opinio, non eō q̄ ipsa aliquid recipiant, contrariorum susceptibilia esse dicuntur: sed eō q̄ circa alterum aliqua passio facta sit. nam eō q̄ res est, aut non est, eō etiam oratio vera vel falsa esse dicitur, non eō q̄ ipsa susceptibilis sit contrariorum. simpliciter enim à nullo, neq; oratio, neq; opinio mouetur. quapropter nō erunt susceptibilia cōtrariorum, cum nulla contrarij sit passio in eis facta. Verum substantia eō quod ipsa cōtraria recipiat, hoc susceptibilis esse

se contrariorum dicitur. languorem enim & sanitatem suscipit, & candorem & nigredinem: & vnumquodq; talium ipsa suscipiendo, contrariorum susceptibilis esse dicitur. Quare proprium erit substantiæ hoc, cum vnum & idem numero sit secundum sui ipsius mutationem, susceptibilem contrariorum esse. De substantia quidem hæc dicta sint.

De Quanto.

Cap.

II.

Quanti autem aliud quidem est discretum, aliud autem continuū: & aliud quidem ex habentibus positionē ad se inuicem in ipsis, partibus constat, aliud autem ex non habentibus positionem. Est autē discretum quidem vt numerus, & oratio: continuū vero, vt linea, superficies, corpus, amplius autem præter hæc locus & tempus. Partium etenim numeri nullus est communis terminus, ad quem copulantur partes eius. vt quinq;, si sunt denarij partes, ad nullum terminum comunē copulantur quinq;, & quinque, sed semper discreta sunt. & tria & septem ad nullum communem terminum copulantur. neq; omnino habeas in numero cōmunē terminum partium accipere, sed semper discretæ sunt: quapropter numerus quidē discretorum est. Similiter autem & oratio: q; etenim quantum est oratio, manifestum est: mēsuratur enim syllaba breui, & longa: dico autem cum voce orationē factam: ad nullum enim cōmunem terminum particulæ eius copulantur, nō enim est cōmunis terminus, ad quem syllabæ copulētur: sed vnaqueq; diuisa est, ipsa secundū se ipsam. Linea vero continua est: est enim sumere communem terminum punctū, ad quem partes eius copulentur: & superficiiei, lineam: plani nāq; partes ad aliquem

* a. l. *sume
re & assi-
gnare.*

cōmunem terminū copulantur : similiter autem
& in corpore habeas * sumere cōmunē terminū,
lineam vel superficiem, ad quam corporis par-
tes copulantur. Est autem talium & tempus & lo-
cus: præsens enim tempus copulatur ad præteri-
tum & ad futurum. rursus locus cōtinuorum est:
locum enim quendam partes corporis obtinent,
quæ ad communem terminum copulantur: ergo
& loci partes, quæ obtinent singulas corporis
partes, ad eundem communem terminum copu-
lantur, ad quem & corporis partes. quapropter
continuus erit & locus: ad vnum enim commu-
nem terminum eius partes copulantur. Amplius
autem, alia quidem constant ex partibus quæ in
eis sunt, positionem habentibus ad se inuicem,
alia autem ex non habentibus positionem. vt li-
near quidem partes positionem habent ad se inui-
cem. singulæ nanque earum sitæ sunt alicubi: &
habeas vnde distinctè sumas, & assignes vbi sin-
gulæ sitæ sint in plano, & ad quam partem reli-
quarum copulatur. similiter autem & partes pla-
ni positionem habent aliquam. similiter nanque
assignaretur vnaquæq; vbi iacet: & quæ copula-
tur ad se inuicem. sed & solidi partes similiter, &
loci. In numero autem nō poterit quisquā osten-
dere quemadmodum partes eius positionem ali-
quam habent ad se inuicem, aut vbi iacent, aut
quæ partes ad se inuicem connectuntur. Neq; eæ
quæ temporis sunt. nihil enim permanent partes
temporis, quod autem non est permanent, quo-
modo positionem aliquam habebit? Sed magis
ordinem quendam dices habere: eò qd aliud qui-
dem prius sit temporis, aliud vero posterius. Sed
& in numero similiter: eo quod prius numeratur
vnus quàm duo, & duo quàm tria. & sic habebunt
aliquem

aliquem ordinem : positionem vero non omnino accipies. Sed & oratio similiter. nulla enim remanet * partium. sed dictum est simul, & non est hoc amplius assumere. quapropter non erit nulla positio partium eius : siquidem permanet. Igitur alia ex habentibus * positionem partibus constât: alia ex non habentibus positionem. Proprie autem quanta hæc dicuntur sola quæ dicta sunt: alia vero omnia secundum accidens. ad hæc enim aspicientes & alia dicimus quanta ut multum dicitur album, eò quod superficies multa sit: & actio longa, eò quod tempus multum sit, & motus multus. Neque enim horum singulum per se quantum dicitur. ut si quis assignet quanta actio est, tempore definiet annuam, vel sic aliquo modo assignans. & album quantum quid sit assignans, superficie definiet: quanta enim fuerit superficies, tantum album esse diceret. quare sola propriæ secundum se ipsa dicuntur quanta, quæ dicta sunt aliorum vero nihil per se, sed si forte per accidens. Amplius, quanto nihil est contrarium. In definitis enim manifestum est quod nihil est contrarium: ut bicubito vel tricubito, vel superficiei, vel alicui talium. nihil enim illis est contrarium. Nisi quis forte dicat multum paucum esse contrarium, vel magnum paruum. Horum autem nihil est quantum, sed magis eorum quæ sunt ad aliquid. nihil enim ipsum per se ipsum magnum vel paruum dicitur: sed eò quod ad alterum refertur. ut mons quidem parvus dicitur, milium vero magnum: quod hoc iis quæ sunt sui generis maius sit, illud vero iis quæ sui sunt generis minus: ergo ad alterum est eorum relatio. nam si per se ipsum magnum vel paruum diceretur, nunquam mons quidem aliquando parvus, milium vero magnum diceretur. rursus in vico

* a. l. partium ipsius.
* a. l. positionem ad se invicem partibus.

Instantia.

quidē plures homines esse dicemus, Athenis vero paucos, cū sint illis multo plures. & in domo quidem multos, in theatro vero paucos, cū sint plures. Amplius, bicubicum quidem, & tricubicum, & vnumquodque talium quantum significat: magnum vero vel paruum non significat quantum, sed magis ad aliquid: quoniam ad alterum consideratur & magnum & paruum. quare manifestum est, quod ipsa sunt eorum quæ ad aliquid. Amplius, siue aliquis ponat quanta esse hæc siue nō ponat, nihil est in illis contrarium, quod enim non potest sumi per seipsum, sed ad alterū refertur, quomodo huic aliquid erit contrarium? Amplius autem, si sunt magnū & paruum contraria, continget idem simul contraria suscipere, & ea ipsa sibi met esse contraria. contingit enim * simul idem paruum esse & magnum. est enim ad hoc quidem paruum; ad aliud vero id ipsum magnum. quare idem & paruum & magnum eodem tēpore esse contingit: quare simul contraria suscipere. Sed nihil est, quod videatur simul contraria suscipere posse. vt in substantia quidem: susceptibilis enim contrariorum esse videtur: sed nullus simul sanus est & æger, neque album & nigrum est simul: nihilque aliud simul contraria suscipiet. Et eadem sibi ipsis contingit esse contraria: nam si est magnum paruo contrarium: ipsum autem idem simul est magnum & paruum: ipsum sibi erit contrarium. sed impossibile est aliquid sibi ipsi esse contrarium: non est igitur magnum paruo contrarium, neque multum paucum. Quare nisi & eorum quæ ad aliquid hæc quid dicat, sed quanti, nihil contrarium habebunt. Maxime autem circa locum esse videtur contrarietas quanti. sursum enim ei quod

est

* a.co. addit aliquādo.

Vide p hoc Gilbertum Porretanū in libro sex principiorum, in ca. de Vbi circa finem.

est deorsum contrarium ponunt : locum qui in medio est deorsum dicentes , eò q̃ plurima distantia est medij ad mundi terminos . Videntur autem & aliorum contrariorum ab his afferre definitionem . quæ enim plurimum à seinuicem distant eorum quæ sunt sub eodem genere , contraria esse definiunt . Non videtur autē quantum suscipere magis & minus : vt bicubitum . neque enim alterum altero * magis bicubitū . neque in numero : vt tria quàm quinque nihil magis quinque aut tria dicuntur , neque quinque quàm tria . nec tempus alterum altero magis tempus dicitur nec in nullo eorum , quæ dicta sunt omnino , magis & minus dicitur . Quare quantum non suscipit magis & minus . Proprium autē maxime quanti est , q̃ æquale & inæquale dicitur . vnumquodque enim eorum quæ dicta sunt quantorū , æquale & inæquale dicitur . vt corpus , æquale & inæquale dicitur . & numerus & tempus , æquale & inæquale dicitur . similiter autem & in aliis , quæ dicta sunt , vnumquodque æquale & inæquale dicitur . In cæteris vero quęcunq; quanta non sunt , non prorsus videbitur æquale & inæquale dici . vt dispositio æqualis & inæqualis non omnino dicitur , sed magis similis & dissimilis . & album æquale & inæquale non omnino dicitur , * sed simile vel dissimile . Quare quanti maxime , sit proprium , æquale & inæquale dici .

* a. l. magis minus bicubitum.

* a. l. sed magis simile.

De his quæ ad aliquid. Cap. III.

AD aliquid vero talia dicuntur , quęcunq; hæc ipsa quæ sunt , aliorū esse dicuntur , vel quomodolibet aliter ad alterū . vt maius hoc ipsum quod est alterius dicitur : aliquo enim maius dicitur ; & duplum alterius dicitur hoc ipsum quod est : alicuius enim duplum dicitur . similiter au-

tem & alia, quæcunque huiusmodi sunt. At vero sunt etiam & hæc ad aliquid: vt habitus, dispositio, sensus, scientia, positio. hæc enim omnia, quæ dicta sunt, hoc ipsum quod sunt, aliorum esse dicuntur, vel quomodolibet aliter ad alterum, & non aliud quiddam. habitus enim alicuius habitus esse dicitur, & scientia alicuius scientia, & positio alicuius positio: & alia quoque similiter. Ad aliquid igitur sunt, quæcunque hæc ipsa quæ sunt, aliorum esse dicuntur, vel quomodolibet aliter ad alterum. vt mons magnus dicitur ad alterum (magnus enim mons dicitur ad aliquid) & simile alicui simile, & cætera talia similiter ad aliquid dicuntur. Sunt autem & accubitus, & statio, & sessio positiones quædam. positiones vero ad aliquid sunt. iacere autem & stare vel sedere, ipsa quidem non sunt positiones: denominatiue vero dicuntur ab iis, quæ dictæ sunt, positionibus. Inest autem & contrarietas in iis quæ sunt ad aliquid. vt virtus vitio contrarium, cum sit vtrumque eorum vt aliquid: & scientia ignorantia. Non autem omnibus iis, quæ sunt ad aliquid, insunt contraria. duplici enim nihil est contrarium, neque triplici, neque vlli talium. Videntur autem & magis & minus ea quæ ad aliquid sunt, suscipere. simile enim & dissimile magis & minus dicitur: & æquale & inæquale magis & minus dicitur, cum vtrumque sit ad aliquid. simile enim alicui simile dicitur, & inæquale alicui inæquale. Non autem omnia quæ sunt ad aliquid suscipiunt magis & minus. duplum enim non dicitur magis & minus duplum, nec aliquid taliū. Omnia autem quæ sunt ad aliquid, ad conuertentia dicuntur. vt seruus domini seruus: & dominus serui dominus esse dicitur

* a. l. inest
contrarietas.

dicitur. & duplum dimidij duplum: & dimidium dupli dimidiū. & maius minore maius: & minus maiore minus. similiter autem & in aliis. Sed casu aliquotiens different secundum locutionem, vt scientia scibilis scientia dicitur: & scibile scientia scibile. & sensus sensibilis sensus: & sensibile sensu sensibile. At vero aliquotiens non videtur debetur conuerti: nisi cōuenienter ad quod dicitur assignetur, sed peccet is qui assignat. vt ala si assignetur auis, non conuertitur vt sit auis alæ. non enim prius conuenienter assignatum est ala auis. neque enim quatenus auis est, eatenus ala ipsius dicitur: sed eò quod alata est. multorum enim & aliorum alæ sunt, quæ non sunt aues. Quare si assignetur conuenienter, & conuertitur: vt ala alati ala est: & alatum ala alatum. Aliquotiens autem forte & nomen fingere necesse erit: si non fuerit nomen impositum ad quod conuenienter assignetur: vt temo si assignetur nauigij, non est assignatio conueniens. neque enim eò quod nauigium est; eo ipsius temo dicitur. sunt enim nauigia, quorum temones non sunt: quare non conuertitur: nauigium enim non dicitur temonis nauigium. Sed forte conuenientior assignatio erit, si sic quodammodo assignetur: temo temonate rei temo est, aut quomodocunq; aliter. nomen enim non est positum. & conuertitur si conuenienter assignetur: temonatum enim temone temonatum est. Similiter autem & in aliis. vt caput conuenientius assignabitur capitati caput, quam si animalis assignetur. neque enim eò quod est animal, caput habet. multa enim animalia sunt capita non habentia. Sic autem fortasse facillime quis summet, quibus posita non sunt nomina, si ab iis

quæ prima sunt, & iis ad quæ conuertuntur, nomina ponantur: vt in iis quæ prædicta sunt, ab ala alatum, à temone temonatum. Omnia igitur quæ ad aliquid dicuntur, si conuenienter assignentur, ad conuertentia dicuntur. quoniã si ad quodlibet aliud assignantur, & non ad id ad quod dicuntur, non conuertuntur. dico autem, quoniam neque eorū quæ in confesso ad conuertentia dicuntur, & nomina eis posita sunt, nihil conuertitur, si ad aliquid eorum quæ sunt accidentia assignentur, & non ad id ad quod dicuntur. vt seruus, si non domini assignetur, sed hominis vel bipedis, vel cuiuscunq; talium, non conuertitur. neq; enim dici potest, homo est serui homo: non enim conueniens est assignatio. Amplius si quidem conuenienter assignetur ad quod dicitur, omnibus aliis sublati, quæcunq; accidentia sunt relicto autē solo illo ad quod assignatū est cōueniēter, semper ad ipsum dicitur. vt si seruus ad dominū dicitur: circūscriptis omnibus, quæ accidentia sunt domino, vt esse bipedem, vel scientiæ susceptibilē, vel hominē, relicto vero solo quod dominus est, semper seruus ad ipsum dicitur: seruus enim domini seruus dicitur. Si autem non conuenienter ad id, ad quod dicitur assignetur: circūscriptis omnibus aliis, relicto autem eo solo, ad quod assignatū est: non dicitur ad ipsum. assignetur enim seruus hominis, & ala auis, & circumscribatur ab homine esse dominum, non sanē amplius seruus ad hominem dicitur cū enim dominus non sit, neque seruus est, similiter & de aue, si adimitur eam alatam esse: non enim amplius erit ala ad aliquid. cū enim non sit alarū, nec ala erit alicuius. Quare oportet assignare ad id, ad quod conuenienter dicitur. Et si sit
nom

nomen positum, facilis erit assignatio: si autem non sit, fortasse necessarium erit nomen fingere: si autem sic assignentur, manifestum est: quoniam omnia quæ ad aliquid sunt, ad conuertentia dicuntur. Videntur autem ipsa ad aliquid simul esse natura: & in plurimis quidem verum est: in aliquibus vero non verum: simul enim duplum & dimidium sunt: & cum sit dimidium, duplum est: & cum sit dominus, seruus est: & cum sit seruus, dominus est: similiter autem his & alia. Simul autem hæc auferunt sese inuicem: si enim non sit duplum, non erit dimidium: & si non sit dimidium, non erit duplum: similiter autem & in aliis, quæcunque talia sunt. Non autem in omnibus his quæ ad aliquid, verum videtur esse simul natura: scibile enim scientia prius videbitur esse: nanque in pluribus præexistentibus rebus scientias accipimus: in paucis enim vel nullo quisquæ hoc perspiciet simul cum scibili scientiam esse factam. Amplius, scibile sublatum simul aufert scientiam: scientia vero simul non aufert scibile. nam si scibile non sit, non erit scientia: nullius enim * erit scientia. scientia vero si non sit, nihil prohibet esse scibile. vt circuli quadratura si est scibilis, scientia quidem eius nondum est: ipsa vero scibilis est. Amplius, animali quidem sublato non erit scientia: scibilium vero plurima esse contingit. Similiter autem his sese habent ea quæ de sensu sunt. sensibile enim prius quam sensus esse videtur. sublatum enim sensibile simul aufert sensum: sensus vero sensibile non simul aufert. sensus enim circa corpus & in corpore sunt. sensibile autem sublato, aufertur & corpus. * sensibile enim corpus est. cum autem corpus non sit, aufertur & sensus. quare simul aufert sensibile sensum. sensus vero sensibile non simul

* a.l. addit
amplius

* a.l. sensibi
lium enim &
corpus est.

* a. l. *sensibile autē non ut calidū*

Dubium.

* a. l. *an hoc*

simul aufert. sublato enim animali, sensus quidem aufertur. * sensibile autē erit corpus: ut calidum, dulce, amarū, & omnia alia quaecumque sunt sensibilia. Amplius, sensus quidem simul cū sensitiuo fit: simul enim fit animal, & sensus: sensibile vero ante animal aut sensum est. ignis enim, & aqua, & alia huiusmodi, ex quibus ipsunt animal constat, ante sunt quā animal omnino sit aut sensus, quare prius sensibile quā sensus esse videbitur. Habet autē dubitationem, utrum nulla substantia ad aliquid dicatur, quemadmodū videtur, si hoc contingat secundum quasdam secundas substantias. Nam in primis substantiis verum est, nam neque tota, neque partes primarū substantiarum dicuntur ad aliquid. nam quidam homo nō dicitur alicuius quidam homo, neque quidam bos alicuius quidā bos. Similiter autem & partes. quādam enim manus nō dicitur alicuius quādam manus, sed alicuius manus. & quoddam caput nō dicitur alicuius quoddam caput, sed alicuius caput. Similiter autem & in secundis substantiis, atque hoc quidem in pluribus, ut homo non dicitur alicuius homo, nec bos alicuius bos, nec lignum alicuius lignū, sed alicuius possessio dicitur. in huiusmodi ergo manifestum est, quoniam non sunt ad aliquid. In aliquibus verò secundis substantiis habet dubitationem. ut caput alicuius caput dicitur, & manus alicuius dicitur manus, & singula huiusmodi. quare hæc fortasse ad aliquid esse videbuntur. Si igitur sufficienter eorum quæ sunt ad aliquid, definitio assignata est, aut omnino difficile, aut impossibile est ostendere quòd nulla substantia eorū quæ sunt ad aliquid dicitur. si autem non sufficienter, sed sunt ad aliquid, quibus hoc ipsum est esse, ad aliquid quodam

quodammodo se habere, fortasse aliquid contra ista dicitur. Prior vero definitio sequitur, quidē omnia ea quæ sunt ad aliquid, nō tamen in ipsis idem est: cum eo quod est esse ad aliquid, ipsa quæ sunt, aliorum dicantur. Ex his autem manifestum est quod si quis aliquid eorū quæ sunt ad aliquid, definite sciet, & illud ad quod dicitur, definite sciturus est. Manifestū igitur & ex ipsis est, si enim nouit aliquis hoc quod ad aliquid est (est autem esse iis, quæ ad aliquid sunt, idem ac ad aliquid aliquo modo se habere) & illud nouit, ad quod hoc aliquo modo se habet. si enim nō nouit omnino ad quod hoc aliquo modo se habet: neque si ad aliquid hoc aliquo modo se habet, noscet. Sed & in singulis palam hoc est. vt si quid nouit quis definite, quod duplū est, & cuius duplum est, mox definite nouit. si enim nullius definitōrū nouit ipsum duplum esse, neq; si sit duplum omnino nouit. Similiter autem & hoc aliquid si nouit quis quod melius est, & quo melius est statim definite necessarium est nosse. Propter hæc autē non indefinite hoc cognoscet, quod hoc est peiore melius. suspicio enim hæc est, non scientia. non enim adhuc sciet exacte qd est peiore melius. si enim sic accidit, nihil est deterius ipso. Quapropter palam est quod necessarium est, si nouerit quis aliquod relatiuorum definite, & id ad quod definite necesse est nosse. Caput vero & manus, & eorum singula, quæ substantiæ sunt, ea ipsa quæ sunt sciri definite possunt: ad quod vero dicantur non est necessarium scire. cuius enim hoc caput, vel cuius hæc manus sit, non est scire definite. quare non erunt hæc ad aliquid. Si verò non sunt hæc eorum quæ sunt ad aliquid, verū erit dicere quod nulla substan-

ria eorum est quæ sunt ad aliquid. Fortasse autem difficile sit de eiusmodi rebus vehementer asserere, nisi ea sæpe pertractata sint. dubitasse autem de horum vnoquoque non est inutile.

De Qualitate, & Quali. Cap. IIII.

*Vide p hoc
1. Met. 19.*

Qualitatem verò dico, secundum quam quales quidam esse dicuntur. Est autem qualitas, eorum quæ multipliciter dicuntur.

** a. l. multo
permanen-
tior.*

** a. l. diffici-
liter mobi-
lium*

Vna quidem igitur species qualitatis, habitus & dispositio dicuntur. Differt autem habitus à dispositione, quòd * permanentior, & diuturnior est. Tales verò sunt scientiæ & virtutes. scientia enim videtur esse permanentium, & * diuturnorum. vt si quis vel mediocriter sumat scientiam, nisi grandis permutatio facta sit, vel ab ægritudine, vel ab aliquo huiusmodi. similiter autè & virtus, vt iustitia, & temperantia, & singula talium non videntur posse facile moueri, neque facile permutari. Dispositiones verò dicuntur, quæ sunt facile mobilia, & cito permutabilia: vt calor, & infrigidatio, & ægritudo, & sanitas, & quæcunque alia huiusmodi. afficitur enim quodammodo secundum eas homo: cito autem permutatur, & ex calido frigidus fit, & ex sanitate in ægritudinem transit. similiter autem & in aliis, nisi aliqua earundem contingit per temporis longitudinem congenita, & immobilis, vel omnino difficile mobilis existens, quam iam quispiam

** a. l. quis-
piam for-
tasse.*

* vt habitum vocet. Manifestum est autem quod hæc volunt habitus dicere, quæ sunt diuturniora, & difficiliora mobilia. nanque disciplinas non multum retinentes, sed facile mobiles existētes, non dicunt habitum habere, & tamen dispositi sunt aliquo modo secundum scientiā peius, meliusue. quare differt habitus à dispositione, quòd hæc

hæc quidem facile mobilis sit : ille verò diuturnior & difficilius mobilis. Sunt autem habitus & dispositiones : dispositiones vero non necesse est habitus esse. qui enim retinent habitum, & quodammodo dispositi sunt secundum ipsos: qui autem dispositi sunt, non omnino retinent habitum. Aliud vero genus qualitatis est, secundum quod pugillatores vel cursores, vel salubres, vel insalubres dicimus: & simpliciter quęcunque secundum potentiam naturalem vel impotentiam dicuntur. Non enim, quoniam sunt dispositi aliquo modo, vnumquodq; huiusmodi dicitur : sed quod habent naturalem potentiam vel impotentiam facile aliquid facere, vel nihil pati, vt pugillatores, vel cursores dicuntur, non quòd sint dispositi aliquo modo, sed quòd habeant potentiam naturalem vel impotentiam aliquid facile faciendi. Salubres autem dicuntur, eò quòd habeant potentiam naturalem, vt nihil à quibuslibet accidentibus facile patiantur: insalubres vero, quod impotentiam habeant naturalem nihil facile à quibuscunque accidentibus patiendi. Similiter autem his durum & molle se habent. durum enim dicitur, quod habeat potentiam non facile secari: molle vero, quod eiusdem ipsius habeat impotentiam. Tertium vero genus qualitatis est, passibiles qualitates * & passionēs. sunt autem huiusmodi vt dulcedo & amaritudo, & austeritas, & omnia his cognata. amplius, & calor, & frigus, & albedo, & nigredo. Quod quidem igitur & hæc qualitates sunt, manifestum est. quęcunque enim has susceperint, ipsa qualia dicuntur secundum ipsas : vt mel, quoniam dulcedinem suscepit, dicitur dulce : & corpus album, quoniam albedinem suscepit, similiter * & in
ceter

* a. l. vel.

* a l in ceteris se habet.

cæteris. Passibiles vero qualitates dicuntur, non quòd ea, quæ illas susceperint qualitates, aliquid patiantur. neque enim mel, quoniam aliquid passum sit, dicitur dulce, neque aliquid aliud huiusmodi. similiter autem his & calor & frigus passibiles qualitates dicuntur, non quòd ea quæ illas suscipiunt, aliquid passa sint: sed quoniam secundum sensus vnaquæq; dictarum qualitarum passionis effectiua est, passibiles qualitates dicuntur. dulcedo enim passionē quandam secundum gustum efficit, & calor secundum tactum: similiter autem & aliæ. Albedo autem, & nigredo, & cæteri colores non eodem modo iis, quæ dicta sunt, passibiles qualitates dicuntur: sed eò quòd ipsæ ab aliqua passione innascuntur. Quòd enim fiunt propter aliquam passionem multæ colorum mutationes, manifestū est. erubescens enim aliquis, rubeus factus est: & timens pallidus, & vnumquodq; talium. * quare etiā si quis natura aliquid talium accidentium perturbationū passus est, similem colorem verisimile est eum habere. quæ enim affectio nunc in eo quòd veretur circa corpus facta est, etiam secundum naturalem constitutionem eadem fieri potest affectio, vt & naturalis color similis sit. Quæcunque igitur talium accidentium ab aliquibus passionibus difficile mobilibus & permanentibus principium sumpserunt, passibiles qualitates dicuntur. siue enim secundum naturalem constitutionem pallor fit aut nigredo, qualitates dicuntur (quales enim secundum eas dicimur) siue propter ægritudinem longam, vel propter ætatem eidem contigit nigredo, vel pallor, & non facile prætereunt, vel etiam per vitam permanent, passibiles qualitates & ipsæ dicuntur: simili-

liter

* a. l. quare
 & si quis
 natura ta-
 liū aliquā
 passionum
 passus est
 ex aliqui-
 bus natura-
 libus acci-
 dentibus, si-
 milem.

liter enim quales secundum eas dicimur. Quæcunque vero ex iis, quæ facile solvuntur, & cito transeunt, fiunt, passionibus dicuntur, qualitates vero minime. non enim aliqui secundum ipsas dicuntur quales. neque enim qui propter verecundiam rubeus factus est, rubeus dicitur: neque cui pallor propter timorem venit, pallidus est: sed magis eo quod aliquid passus est. quare passionibus quidem huiusmodi dicuntur: qualitates vero minime. Similiter autem his, & secundum animam passibiles qualitates & passionibus dicuntur. quæcunque enim mox in nascendo ab aliquibus passionibus difficulter mobilibus fiunt, qualitates dicuntur & ipsæ: ut amentia, mentis alienatio, & ira, & alia huiusmodi: quales enim secundum eas dicuntur, id est iracundi atque amentes. similiter autem & quæcunque alienationes non naturales, sed quæ ab aliquibus aliis accidentibus factæ sunt difficile prætereunt, & omnino immobiles, qualitates sunt etiam huiusmodi, quales enim & secundum eas dicuntur. Quæcunque vero ab iis quæ facile & cito prætereunt, fiunt, passionibus dicuntur. ut si quis contristatus, iracundior fiat. * non enim dicitur iracundus, qui huiusmodi passione iracundior est: sed magis quia aliquid passus. quare passionibus quidem huiusmodi dicuntur: qualitates vero minime. Quartum vero genus qualitatis est figura, & circa unumquodque constans forma. amplius autem ad hæc rectitudo, & curvitas, & si quid aliud his simile est. secundum enim unumquodque eorum quale quid dicitur. triangulum enim vel quadrangulum esse quale quid dicitur, & rectum aut curvum. & secundum etiam formam unumquodque quale dicitur. Rarum vero & spissum, & aspe-

* *ā.co. ad,*
passio dici-
tur.

*Qualium
definitio.*

* a. co. ad
pys.

rum & leue putabuntur quidem quale quid signi-
ficare: sed aliena huiusmodi putantur esse à di-
uisione, quæ circa quale est. quandam enim po-
sitionem magis videntur partium vtrunq; mon-
strare. spissum enim dicitur, eò q̃ partes sibiip̃s
propinquæ sint: rarum vero, eò q̃ distent à se in-
uicem. & lene quidem, quòd in rectitudinem ali-
quo modo partes iaceant: asperum vero, q̃ hæc
quidē superet, illa vero sit inferior. Fortasse qui-
dem igitur alius quispiam modus apparuerit
qualitatis: sed ferè qui maximè dicuntur hi sunt.
qualitates itaq; sunt, quæ dictæ sunt. Qualia ve-
ro sunt, quæ secundum has denominatiue dicun-
tur, vel quomodolibet aliter ab his. In plurimis
itaque & ferè in omnibus denominatiue dicun-
tur: vt à candore candidus, & à grammatica
grammaticus, & à iustitia iustus. similiter & in
aliis. In aliquibus vero, eò quòd non sunt posita
qualitati nomina, nō contingit ea quæ dicuntur,
ab iis denominatiue dici. vt cursor, aut pugilla-
tor, qui secundum naturalem dicitur potentiam,
à nulla qualitate denominatiue dicitur. nō enim
posita sunt nomina potentiis, * secundum quas
isti quales dicuntur: sicuti disciplinis, secundum
quas pugiles vel palæstrici secundum dispositio-
nem dicuntur. pugillatoria enim & palæstrica di-
sciplina dicitur: quales vero ab his denominati-
ue dicuntur, qui disponuntur. Aliquando autē &
posito nomine non dicitur denominatiue, quod
secundum eam quale dicitur: vt à virtute studio-
sus. eo enim quòd virtutem habeat studiosus di-
citur: sed non denominatiue à virtute. non autem
in pluribus hoc tale est. Qualia ergo dicuntur,
quæ denominatiue à dictis qualitibus dicun-
tur, aut aliquo modo aliter ab eis. Inest autem

& contrarietas secundum qualitatem: vt iustitiæ iniustitia contraria est, & albedo nigredini, & alia. similiter autem & ea quæ secundum eas qualia dicuntur: vt iniustum iusto, & album nigro. Non in omnibus autem hoc accidit. rubro enim aut pallido, aut huiusmodi coloribus nihil est contrarium, qualibus existentibus. Amplius, si contrariorum alterum fuerit quale, & reliquum erit quale. hoc autem palam est ex singulis proponenti alia prædicamenta. vt si ex iustitia iniustitiæ contrarium: quale autem est iustitia: quale igitur & iniustitia. nullum enim aliorum prædicamentorum aptabitur iniustitiæ, neque quantum, neque ad aliquid, neque vbi, nec omnino aliquid huiusmodi, nisi quale. sic autem & in aliis, quæ secundum quale sunt contraria. Suscipiunt autem qualia magis & minus. album enim magis & minus album alterum altero dicitur: & iustum alterum altero magis & minus. sed & ipsa intensiorem suscipiunt. cum candidum nanque sit, cõtingit amplius candidum fieri. Non tamen omnia sed plurima. iustitia nanque, si dicatur magis & minus iustitia. potest quilibet ambigere: similiter autem & in aliis dispositionibus. quidam enim dubitant de talibus. iustitiam nanque iustitia non omnino aiunt magis & minus debere dici, nec sanitatem sanitate. minus autem habere alterum altero sanitatem aiunt: & iustitiam alterum minus altero habere dicitur. sic autem & grammaticam, & alias dispositiones. sed tamen ea, quæ secundum eas dicuntur *, indubitanter recipiunt magis & minus: grammaticior enim alter altero dicitur, & iustior, & sanior. sic autem & in aliis. Triangulus vero & quadrangulus nō videntur magis & minus suscipere: neque

* a. l. qualia

enim dicimur, eò q, habemus singularum scientiarum aliquas, quare hæ erunt etiam qualitates, quæ singulares sunt, secundum quas aliquando & quales dicimur: hæ autem non sunt eorum quæ sunt ad aliquid. Amplius, si contingit idem ipsum & quale & ad aliquid esse, nihil est inconueniens in vtrisque hoc generibus enumerare.

De Agere & Pati.

Cap. V.

Recipit autem agere & pati contrarietatem, & magis & minus. Calefacere enim ei quod est frigefacere contrarium est, & calefieri ei quod est frigefieri, & delectari ei quod est contristari. quare suscipiunt contrarietatem. Et magis & minus. est enim calefacere & magis & minus, & calefieri magis & minus, & tristari magis & minus. suscipiunt igitur magis & minus agere & pati. De his igitur tot dicuntur.

De ceteris Prædicamentis.

Cap. VI.

Dictum est & de eo quod est situm esse in iis quæ sunt ad aliquid, quod denominatiue à positionibus dicitur. De reliquis vero, id est Quando, & Vbi, & Habere: propterea quòd manifesta sunt, nihil de ipsis aliud dicitur, quàm quæ in principio dicta sunt: quòd Habere quidem significat calceatum esse, armatum esse.

Vbi verò, vt in lycio in foro: & alia

quæcunque de his dicta sunt.

Igitur de omnibus gene-

ribus, quæ proposui-

mus, sufficiunt

quæ dicta

sunt.

*



TRACTATUS TERTIVS.

De Oppositis. Cap. V.

DE Oppositis autem quot modis solent opponi dicendum est. Dicitur enim alterum alteri opponi quadrupliciter, aut ut ea quæ ad aliquid, aut ut contraria, aut ut priuatio & habitus, aut ut affirmatio & negatio. Opponitur autem vnumquodque istorum ut sit figuratim dicere, tanquam ea quæ ad aliquid quidem, ut duplum dimidio: tanquam contraria, ut malum bono: tanquam autem secundum priuationem & habitum, ut cæcitas & visio: tanquam vero affirmatio & negatio, ut sedet non sedet. Quæcunque igitur ad aliquid opponuntur, ea ipsa quæ sunt oppositorum dicuntur, aut quomodolibet aliter ad ipsa: ut duplum dimidij, hoc ipsum quod est, alterius dicitur: alius enim duplum dicitur: & scientia scibili, tanquam ea quæ sunt ad aliquid opponitur, & dicitur scientia ipsum quod est scibilis: & scibile dicitur ipsum quod est ad oppositum ad scientiam. scibile enim aliquo dicitur, scilicet scientia scibile: quæcunque ergo opposita sunt tanquam ad aliquid, ea ipsa quæ sunt oppositorum, vel alio quolibet modo ad inuicem dicuntur. Il-
la

la verò, quæ opponuntur vt cōtraria, ea ipsa quidē quæ sunt nullo modo ad se inuicem dicuntur: cōtraria tamē sibi inuicem dicūtur: neq; enim bonum mali dicitur bonum, sed contrariū. quare differunt ab inuicem hæc oppositiones. Quæcunq; verò contrariorum talia sunt, vt in quibus nata sunt fieri, & de quibus prædicantur necessarium sit alterum ipsorum inesse, horum nihil est medium. quorum verò non est necessarium alterum inesse, horū omnino est aliquid medium. Vt ægritudo & sanitas in corpore animalis nata sunt fieri: & necessarium est alterum ipsorum inesse animalis corpori, vel ægritudinem, vel sanitatem. & par quidem & impar de numero prædicantur: & necesse est horū alterum numero inesse vel par vel impar: & non est horum aliquod medium, neque ægritudinis & sanitatis, neq; imparis atq; paris. Quorum autem non est necessarium alterum inesse, eorum est aliquod medium. vt nigrū & album in corpore animalis nata sunt fieri, & non est necessarium alterum eorum inesse corpori. nō enim omne corpus vel album vel nigrum est, sed & prauum & studiosum prædicantur quidem de homine & de aliis compluribus: non est autem necessarium alterum eorum inesse iis, de quibus prædicantur. non enim omnia aut praua aut studiosa sunt, sed est aliquid eorum medium: vt albi & nigri, fuscum & pallidum, & quicunq; alij colores: prauī verò & studiosi, quod neque prauum neque studiosum est. In aliquibus igitur mediis posita sunt nomina: vt albi & nigri, fuscum & pallidū, & quicunq; alij huiusmodi colores: in aliquibus verò non est nomine facili medium assignare, vtriusque verò extremorum negatione mediū definitur: vt quod neq; bonū neq;

re. Quòd autem priuatio & habitus non opponuntur vt ad aliquid, manifestum est. non enim dicitur id ipsum quod est oppositi. visus enim nō est cæcitat^{is} visus, non vllō alio modo ad ipsum dicitur. similiter autem neque cæcitas visionis cæcitas dicatur: sed priuatio quidem visionis dicitur, cæcitas verò visionis non dicitur, * neque visus cæcitat^{is}. Amplius ad aliquid omnia ad conuertentia dicuntur. quare, si cæcitas eorum quæ ad aliquid sunt, esset, vtique & conuerteretur ad illud ad quod dicitur. sed non conuertitur: non enim dicitur visus cæcitat^{is} visus. Quod autem neque vt contraria opponuntur quæ secundum priuationem & habitum dicuntur, ex his manifestum est. Contrariorum enim, quorum nihil est medium, necesse est vel in quibus fieri nata sunt, aut de quibus prædicantur, alterum ipsorum inesse semper: eorum enim nihil medium erat, quorum alterum inesse susceptibili necessarium erat, vt in languore & sanitate, & impari atque pari. quorum verò aliquid medium est, nūquam necesse est omni inesse alterum. neque enim necesse est omne susceptibile vel candidum vel nigrum esse, neque frigidum vel calidum: horum enim mediū aliquid nihil esse prohibet. insuper autem & horum erat aliquid medium, quorum alterum inesse susceptibili non necessarium erat præter illa, quibus vnum inest naturaliter, vt igni calidum esse, & niui candidum. in his enim determinate necessarium alterum est inesse, & non vtrumuis contingit. non enim possibile est ignem frigidum esse, neque niuem nigram. quare omni quidem susceptibili non necessarium est alterum ipsorum inesse, sed solis quibus natura vnum inest: & his

* a. l. non habet (neq. visus cæcitat^{is})

determinate vnum non vtrumuis contingit. In priuatione autem & habitu neutrum eorum quæ dicta sunt verum est. non enim semper alterum eorum inesse susceptibili necessarium est. quod enim nondū natū est habere visum. neque cæcū, neq; visum habēs dicitur. quare nō erunt hæc, vt ea cōtraria, quorū nihil est medium. Sed neq; vt ea, quorū aliquid est medium. necessarium enim est aliquando omni susceptibili alterum eorum inesse. quando enim iam ad habēdam visionem natum fuerit, tunc aut cæcum, aut habens visum dicitur. & eorum non determinate alterum, sed vtrūuis contingit. * non enim necessarium est vel cæcum vel visum habens esse, sed vtrumuis contingit. in contrariis autem, quorum aliquid medium est, nūquā necessariū erat omni susceptibili alterum inesse, sed quibusdam: & his determinate vnum, * & non vtrūuis contingit. Vnde palam est quòd secundum neutrum modorum tanquā contraria opponuntur ea, quæ secundum priuationem & habitum opponuntur. Amplius, in contrariis quidem cū sit susceptibile, ad inuicem mutationem fieri possibile est: nisi alicui vnum natura inest, vt igni calidum. * etenim sanum possibile est languere, & candidum nigrum fieri, & calidum frigidum, & ex studioso prauum, & ex prauo studiosum fieri possibile est. prauus enim ad meliores exercitationes deductus, & doctrinas (etsi ad modicum aliquid proficiat, vt melior sit) si certe semel quamuis modicū incrementū sumpserit, palā est, quia aut perfecte mutabitur, aut satis multum incrementum sumet. semper enim bene mobilior ad virtutē fit, etiā quodcunq; incrementū sumpserit à principio. quare etiā verisimile est plenius eum sumere

incre

* a. l. non enim necessario vel cæcum vel visum habēs dicitur de termina. te, sed
 * a. l. nō habet (& non vtrūuis contingit)
 * a. l. addit & nisi al- bum.

incrementū. & hoc dū semper fit, perfecte in contrariū habitum restituetur: nisi forte tēpore prohibeatur. Verum in priuatione & habitu impossibile est adinuicem mutationē fieri. ex habitū enim in priuationem mutatio fit, à priuatione verò in habitum impossibile est. neq; enim cæcus factus aliquis, rursus vidit: neq; cū caluus fuerit, rursus comatus factus est: neq; cū fuerit edentulus, dētes ei iterū orti sunt. Quæcunq; verò tanquā affirmationis & negationis opponūtur, palā est q̃ nullo prædictorū modo opponūtur. in solis enim his necessarium est semper, hoc quidē eorū verū, illud autem falsum esse. neq; enim in cōtrariis necessariū est semper alterū verū esse, alterum autē falsum: neq; in iis, quæ ad aliquid sunt: neq; in habitu & priuatione. vt sanitas & lāguor contraria sunt: & neutrū horū neq; verū, neq; falsum est. similiter autem & duplum & dimidium tanquam quæ ad aliquid opposita sunt: & non est eorū neutrum, neq; verū, neq; falsum, sed neq; ea quæ secundū priuationē & habitū dicuntur: sicut visio & cæcitas. Omnino autē eorū quæ secundū nullā dicuntur cōplexionē, nihil neq; verū neq; falsum est. omnia autem quæ dicta sunt, sine cōplexione dicūtur. Veruntamē maxime tale hoc contingere videbitur in iis quæ secundū cōplexionē cōtraria dicuntur. sanum nanq; esse Socratem ad languere Socratē cōtrariū est. Sed neq; in his necessariū semper alterū verū esse, & alterū falsum. cū enim Socrates sit, aliud quidem verū, aliud autem falsum erit: cū verò non sit, ambo falsa sunt. neq; enim lāguere, neq; sanum esse verū est, cū ipse non sit omnino Socrates. In priuatione verò & habitu cū non sit omnino, neutrum verum est. cū autem sit, non semper alterum quidem

dem verum erit, alterum autem falsum. habere nanque visum Socratem ei quod est cæcum esse Socratem opponitur, sicut priuario & habitus. & cum sit, non necessarium est alterum verum esse vel falsum. cum enim nondum sit natus habere, vtrique falsa sunt. & cum non sit omnino Socrates, similiter quoque falsa sunt vtrique & visum eum habere, & cæcum eum esse. In affirmatione verò & negatione semper siue sit, siue nō sit, hoc quidem falsum erit, illud autem verum. Languere nanque Socratem, & non languere Socratem, cum ipse sit, palam est quod alterum eorum verum, alterum verò falsum est, & cum non sit, similiter. languere etenim cum nō sit, falsum est: non languere autem, verum. Quare in his solis proprium erit semper alterum eorum verum, alterum falsum esse, quæcunque tanquam affirmatio & negatio opponuntur. Contrarium autem bono quidem ex necessitate malum est. hoc autem per singulorum inductionem palam est. vt sanitati languor, & iustitiæ iniustitia, & fortitudini timiditas: similiter autem & in aliis. Malo autem aliquando quidem bonum est contrarium, aliquando malum. defectui enim, cum malum sit, superabundantia contraria est, cum sit etiam ipsa malum. similiter autem & mediocritas. cum vtrique contraria sit, bonum est. Sed in paucis quis tale hoc aspiciet, in pluribus verò semper malo bonum contrarium est. Amplius, contrariorū non necessarium est si alterum sit, & reliquum esse. Sanis nanque omnibus, sanitas quidem erit, languor verò non. similiter autem albis omnibus, albedo quidem erit, nigredo verò non. Amplius, si ei quod est Socratem sanum esse, Socratem languere contrarium est: non contingit autem simul

vtrique

De contrarijs.

utraque eidem inesse: non utique continget cum alterum contrariorum sit, & reliquum esse. cum enim sit Socratem sanum esse, languere Socratem non erit. Palam verò est quòd circa idem, aut specie, aut genere nata sunt fieri contraria. Languor nanque & sanitas in corpore animalis nata sunt fieri. albedo autem & nigredo, simpliciter in corpore. iustitia verò & iniustitia in anima hominis. Necessarium autem est omnia contraria, vel in eadem genere esse, vel in contrariis generibus, vel ipsa genera esse. album enim & nigrum in eodem genere sunt: color enim eorum genus est. iustitia verò & iniustitia, in contrariis generibus: illius nanque virtus genus est, huius autem vitium. bonum verò & malum non in genere sunt, sed ipsa sunt genera aliquorum existentia.

De Priori. Cap. I I.

PRIUS autem alterum altero dicitur quadrupliciter. Primo quidem & maxime proprie secundum tempus: secundum quod antiquius alterum altero, & vetustius dicitur. in eo enim quòd tempus amplius est, & antiquius & vetustius dicitur. Secundo autem, quod non conuertitur secundum subsistendi consequentiam. ut vnum duobus prius est. duobus enim existentibus, mos vnum esse consequens est: vno verò existente, duo esse non necessarium est. quare non conuertitur ab vno consequentia, ut reliquum sit. prius autem illud esse videtur, à quo non conuertitur eius quod est esse consequentia. Tertio verò secundum ordinem quendam prius dicitur: quemadmodum & in scientiis, & in orationibus. nam in demonstratiuis scientiis est prius & posterius ordine: elementa enim * priora sunt ordine: iis quæ descri

* Boe. ad. in
Geometria

describuntur. sed & in Grāmatica elementa syllabis priora sunt. & in orationibus similiter proœmium narratione prius ordine est. Amplius præter ea quæ dicta sunt, quod melius & honorabilius est, prius natura esse videtur. consueuerunt autem & multi honorabiliores & magis dilectos à se priores apud se dicere. est quidem & penè alienissimus priorum hic modus. Modi igitur qui dicti sunt de priore, ferè tot sunt. Videtur autem præter eos qui dicti sunt, alter esse prioris modus. eorum enim quæ conuertuntur secundum esse consequentiam, quod alteri quomodolibet causa est, conuenienter prius natura dici possit. Quòd verò quædam sunt huiusmodi, palam est. esse nanque hominem, secundum ipsius esse consequentiam ad veram de se conuertitur orationem. nam si homo est, vera est oratio, qua dicimus, quòd homo est. & conuertitur: nam si vera est oratio, qua dicimus quòd homo est, est homo. Est autem vera oratio, nequaquam causa, vt sit res: veruntamē res quodammodo causa videtur, vt sit vera oratio. eo enim quòd res est aut non est, vera oratio aut falsa dicitur. Quare secundum quinque modos prius alterum altero dici potest.

De Simul.

Cap. III.

Simul autem dicuntur simpliciter quidem & propriissime, quorum generatio in eodem est tempore. neutrum enim eorum neque prius neque posterius est. Simul autem secundum tempus hæc dicuntur. Natura verò simul sunt, quæcunque conuertuntur quidem secundum eius quod est esse consequentiam, sed nequaquam alterum alteri causa est vt sit. vt in duplo & dimidio. conuertuntur etenim hæc, nam cum duplum sit, dimidium

dium est : & cum dimidium sit , duplum est : sed neutrum alteri causa est, vt sit. Dicuntur autem simul natura , & quæ ex eodem genere è diuerso abinuicem diuiduntur. E diuerso autem diuidi ab inuicem dicuntur , quæ secundum eandem sunt diuisionem: vt volatile, gressibili , & aquatili. hæc enim abinuicem è diuerso diuiduntur, cùm sint ex eodem genere. animal nanque diuiditur in hæc, in volatile, gressibile, & aquatile : & nihil horū prius vel posterius est , sed simul hæc natura esse videntur . Diuiditur autem & vnumquodque horum in species rursus, vt volatile, gressibile, & aquatile. Erunt ergo & illa simul natura, quæcunque ex eodem genere secundū eandem sunt diuisionem genera verò speciebus semper priora sunt: neque enim conuertuntur secundum eius quod est esse consequentiam, vt cùm quidem aquatile sit, animal est: cum verò sit animal, non necesse est vt aquatile sit. Simul ergo natura dicuntur, quæcunque quidem conuertuntur secundum eius quod est esse consequentiam, sed nequaquam alterum alteri vt sit, causa est: & ea quæ ex eodem genere è diuerso diuiduntur abinuicem. Simpliciter autem simul sunt , quorum generatio in eodem est tempore.

De Motu.

Cap. IIII.


Motus autem species sunt sex: generatio, corruptio, augmentum, diminutio, alteratio , & secundum locum mutatio. Alij itaque motus palam est quod abinuicem diuersi sunt, non enim est generatio corruptio, neq; augmentum diminutio, neq; secundū locū mutatio. simili er autē & alij. In alteratione verò habet quādā dubitationē: ne sit forte necessariū id quod alteratur , per aliquā reliquarū motionū alterari. Hoc autē nō ve-

Dubium

rum

rū est. nā secundū omnes penē passiones, aut cō-
plures accidit nos alterari, nulla aliarū cōmuni-
cante motionū. nā neq; augeri necessarium est
quod per passionē mouetur, neq; diminui. simili-
ter autē & in aliis. Quare alia prāter alios motus
erit alteratio. nam si esset eadē, oporteret id quod
alteratur, mox & augeri, vel minui, vel quandam
aliarum motionum sequi, sed non necesse est. Si-
militer autem & quod augetur, aut alia aliqua
mutatione mouetur, alterari oporteret. sed sunt
quædam quæ augmentantur, quæ non alteran-
tur. vt quadratum gnomone circumposito creuit
quidem: alteratum verò nihil factum est. sic & in
aliis huiusmodi. quare alij motus sunt abinuicē.

Quadrati accretio, Gnomone circumposito.



Est autem simpliciter motui quidem quies
contrarium: iis verò quæ per singula sunt, & sin-
gula. generationi quidem corruptio cōtrarium,
augmētationi verò diminutio, secundū locū mu-
tationi secundū locū quies. maxime autē videtur
opposita esse ad cōtrariū locū mutatio. vt ei quæ
infe

inferius est ea quæ superius est: & ei quæ superius est, ea quæ inferius est. Reliquo vero assignatorum motuum non facile est assignare quid forte est contrarium. videtur autem nihil esse ei contrarium: nisi quis & in hoc secundum qualitatem quietem opponat, aut in contrarium qualitatis, mutationem: sicut & in mutatione secundum locum, quietem secundum locum, aut in contrarium locum mutationem. est enim & alteratio mutatio secundum qualitatem. quapropter opponitur motui secundum qualitatem quies secundum qualitatem, aut in contrarium qualitatis mutatio ut album fieri ad id quod nigrum est fieri. alteratur enim in contraria, qualis mutatione facta.

De Habere.

Cap. V.

Habere secundum plures modos dicitur. Aut enim ut habitum & dispositionem, aut aliam aliquam qualitatem. dicimur enim disciplinam aliquam, atque virtutem habere. Aut ut quantum, ut quam contingit aliquis habere magnitudinem. dicitur enim tricubitam habere magnitudinem vel quadricubitam. Aut ut ea quæ circa corpus sunt ut vestimentum, vel tunicam. Aut ut in parte, ut in manu annulum. Aut ut partem, ut manum vel pedem. Aut ut in vase, ut modius grana tritici, aut amphora vinum. vinum enim habere amphora dicitur, & modius grana tritici. hæc enim omnia habere dicuntur, ut in vase. Aut ut possessionem. habere enim domum & agrum dicimur. Dicitur autem & vir uxorem habere, & uxor virum. sed qui nunc dictus est modus, alienissimus est eius quod est habere. nihil enim aliud uxorem habere significamus, quam quod cohabitât. Forte tamē & alij quidam eius quod est habere, apparebunt modi: sed qui dici consueverunt, penè omnes enumerati sunt.

* alias lagenæ
* a. l. igitur

Log. Arist.

g



GILBERTI POR-
RETANI, PERI-
PATETICI
SEX PRINCIPIO-
RVM LIBER.

SVMMMA LIBRI.

*De Forma, Actione, Passione, Quando, Vbi, Positio-
ne, Habitu, Et de eo quod est suscipere magis, &
minus.*

De Forma.

Caput I.



FORMA est compositioni contin-
gens, simplici & inuariabili
essentia consistens. Compositio
etenim non est: quoniam à natu-
ra compositionis seiungitur. Com-
positio enim alteri vnaquaque
adueniens, maiorem se coniunctam efficit quo-
dam modo. In forma autem hoc commune non
est. nam in eo quod corpus albū est, non dicitur
maius aut minus seipso non albo: nec si non al-
bū intelligatur, destructio compositionis vel mi-
noratio aliqua facta est, sed alteratio solū. Quo-
niā autē fortasse in aliis idē contingit proferri,
additū cōueniēter existimo, inuariabili essentia
consist

consistens. in anima enim alteratio contrarietatis inuenitur, vt tristitiæ, & gaudij. Sed quoniam (vt aiunt quidam) simplicitati, nulli vero variationi subiecta est, vt ea quæ est anima mundi, dissocias hæc ab omnibus, addidi cōpositioni contingens. Erit itaque terminus formæ dicta definitio. neque enim superflua neque diminuta, si quis subtiliter inuestigauerit, reperietur. Habet autem dubitationem ex præcedentibus, vtrū aliqua forma variabilis sit. hoc autem videtur in pluribus. nam eadem oratio susceptiua veri & falsi est: & albedo claritatis & obscuritatis: & oratio eius quod est in re, & non est. Sed non est ita. nam nihil differt albedinem claram dicere, quàm, suscipiens clarum dicere. nō est autem oratio eadem susceptiua contrariorum, nec oratio eius quæ in re est & non est: sed orationes notæ sunt earum quæ sunt in anima passionum. de his autē dictum est alibi. Substantiale vero est, quod confert esse ex quadam compositione compositioni, vt in pluribus, quod impossibile est deesse ei. vt ratio & sensus: siue horum similia vt continuum & discretum. Hoc vero erit vt materia, & illud vt forma. vt corpus, quod est hominis materia, anima vero forma. erit itaque substantiale, vt corpus, homo, & ratio. hæc autem in his quæ de Categoriis dicta sunt, expedita sunt.

Videtur autem forma, quædam à natura esse, quædam vero ab actu. ratio enim à natura est, color vero & passio quædam in actu consistunt. In quibusdam autem dubitatio est, vtrum à natura, an ab actu incipiant esse, vt in figura incisionis. nam nihil additionis fit, sed separatio quædam partium. Dico autem figuram esse à natura: assentiri vero ab actu. sed

An forma aliqua invariabilis sit.

Primo de Interp. c. 1. Substantiale quid.

Formarū diuisio. Forte melius arte.

quæ coniunctionis est ab actu est, vt domus. manifestum autem de his. Sed in his quæ in pluribus sunt, palam non est: nam ea quæ in pluribus sunt, in actione esse impossibile est. à natura autem non videtur fieri, quoniam ea, quæ à natura sunt, à creatura præexistente sumunt principium: palam vero est creaturam non esse: nihil enim rationis omnino, quare hæ creaturæ sint, poterit explicari. Natura igitur in his occulte operatur. nam sicut ex plurium partium coniunctione constitutio quædam primorum excedens quantitatem efficitur: sic ex singularium discretionem ynum quoddam intelligitur, eorum excedens prædicationem. Quapropter cõmunitas omnis naturalis est, quia à singularitate procedit, quæ creationi adæquatur. Subtiliter autem etiã speculantes, sicut naturam in actionibus operati latenter inuenimus, sic creaturarum creatorem in natura, exactu, qui numero naturam stabilivit. Sed hæc hætenus: alterius enim cõsiderationis sunt. Formarum vero alia quidem est in subiecto & de subiecto dicitur, vt scientia in subiecto quidem est, vt in anima, & de subiecto quidem dicitur, vt de Grammatica. Quædam autem in subiecto est, de subiecto autem nullo dicitur, vt albedo Socratis. * Quædam vero neque in subiecto est, neque de subiecto dicitur, vt humanitas Socratis & Platonis. similiter autem & his, quæ cunctæ formarum sunt indiuiduæ. Quædam vero dicuntur de subiecto, & in subiecto nullo sunt, vt rationale mortale. Eorum vero quæ in subiecto sunt, & quæ de subiecto non sunt dicibilia, alia quidem sensibilia sunt, alia insensibilia. Sensibile vero est, quod sensu comprehenditur: vt albedo, color, sonus, sapor, percussio, dulcedo. Insensibilia,

*Formarum
alia diu-
sio: de qua
in ante præ-
dicamentis
cap.*

** a. co. non
habet hoc
diuisionis
mëbrum.*

sibilia, quæ ratione comprehenduntur: vt doctrina, disciplina, simpliciter autem nihil eorum quæ de subiecto dicuntur sensibilia sunt. Manifestum est autem ex his, quæ proposita sunt sita alicubi, vt nigredo in oculo: quædam vero difficile est assignare, vt sciëntia, paternitas, filiatio: nisi forte in componentium & generantium complexione. singulorum autem quæ dicta * incomplexionis
 eius quæ in voce est notatio est: hoc vero subsi-
 stens erit vel contingens. Eorum vero quæ con-
 tingunt existenti, singulum aut extrinsecus adue-
 nit, aut intra substantiam consideratur simpli-
 citer: vt linea, superficies, corpus. Ea vero quæ ex-
 trinsecus cõtingunt, aut actus, aut pati, aut dispo-
 sitio, aut esse alicubi, aut in mora, aut habere ne-
 cessario erunt. Sed de his, quæ subsistunt, & quæ
 non solum in quo existunt, exigunt, in eo, qui de
 Categoriis libro inscribitur, disputatum est. de re
 liquis vero continuo agamus.

* a. l. in vo-
 cis comple-
 xione signi-
 ficat.

De Actione.

Caput II.

Actio vero est, secundũ quam in id quod sub-
 iicitur, agere dicimur: vt secans quis in eo
 quod secet, secans dicitur. Est autem alia qui-
 dem animæ, alia vero corporis. Differunt au-
 tem, quoniam ea quæ corporis est, mouens est
 necessario illud in quo est: idem enim quod cor-
 pus agens est, & mobile est. actio autem animæ
 non id mouet in quo est, sed coniunctum. anima
 autem dum agit, immobilis est: mouet enim cor-
 pus. anima autem permanet immutabilis. quo-
 niam anima nec secundum locum mouetur, nec
 secundum quemquam aliorum motuum ni-
 si secundum alterationem, non in suscipiendo
 incrementum, neque decrementum mouetur, ne-

que diminuendo, neque ad oppositum locū trāscundo. locus enim corpus est: anima vero nō est corpus. Impossibile est autem non corpus corpore moueri, quia nullam loci suscipit mutationem. solum vero corpus, eò quòd de loco ad locum transit, mouetur. Hoc autem in quibusdam dubitabile apparebit. speculo enim permanente immobili, imaginis motus fieri videtur ad oppositi mutationes. impossibile ergo erit soluere, concesso quòd ibi forma existat vere. Si vero non est incredibilis error, in vulgo putabitur, licet sit cōuenientius. Scire autem oportet, quòd omne quod in motu est, in actione est: moueri enim actio est. si quid enim mouetur, agit necessario, omnis ergo actio in motu est, omnisque motus in actione firmabitur. Proprium igitur actionis est in motu esse, sicut proprium motus in actione. Et in his quidem actionibus, in quibus est generatio aliqua, palam est: de his vero quæ corrumpuntur, fortasse obicitur. nam qui destruit in motu est, nihil autem facere videtur. nam nihil efficitur, sed quod factum est destruitur. Dico autem actionem, non quid, sed in quid agat exigere. Nō est autem motus actio, sed quale, quiescere enim quale est: quare & motus quidē quale erit. Simpliciter autem quæcunque cōtrariorum oppositionem suscipiunt, eiusdem suscipiunt generis prædicationem. Naturalis vero actionis proprietas est passionem ex se in id quod subiicitur, inferre. omnis enim actio passionis est effectiua: & omne passionem inferens, actio est. Contingit autem actionem actione effici. actio enim eius quod per se mouetur, eius actionis, quæ per aliud mouetur, generatiua est. actio enim ab animali illata, ab ea quæ
est

est animalis, principium sumit. Nihil autem interest siue agere, siue pati, animalis eius quod ab animali agere est, principium dicatur. Et sic actus quidem est primordiale principium: pati vero permixtum. quamobrem actionis, passionisque actus est generatius. Facere vero id quod quale est ex se gignit. Qualitas, quæ calor est, eam efficit quæ calefacere est, actionem. Quantitatum vero particularium positio effectrix est, & qualitatum. asperitas enim & similia qualia sunt: linea vero & superficies, & soliditas quantitates sunt. vniuersa enim è situ substantiam & generationem habent. Quantitas autem quantitatis: vt longitudinis linea, latitudinis planum, altitudinis solidum corpus. Qualitatis vero qualitas: vt calor caliditatis. Situs autem agere & pati: in dispositionis nanque compositione quædam generatio simplicium fit, quæ in motiua actione consistere necesse est. Quando vero tempus. Vbi vero locus. Habere autem corpus. ea enim quæ circa corpus sunt, habere dicuntur. Eorum vero quæ in subiecto non sunt, indiuiduorum, corruptio quidem est in primis: generatio autem in his quæ mox post primorum constitutionem consistunt. Eorum vero, quæ de ipsis prædicata sunt, ea à quibus omnino generaliter nulla est prædicatio, vt omnes quidem homines eius hominis, qui communis est, & vniuersalis. Recipit autem facere & pati contrarietatem, & magis & minus. secare enim ad plantare contrarium est, & vrere ad humidum facere. & calefieri magis & minus dicitur, & infrigidari, siccari, & humidum fieri, triftari, & gaudere magis & minus dicitur.

De Passione. Cap. III.

Passio est effectus illatioque actionis, secundum quam hæc quidem patiuntur magis, illa vero minime. secundum quod quædam animantiora sunt alijs: ut animantius quidem brutum est arbore, animantius vero irrationali rationale. Omnia vero, quæ de generatione dicta sunt, eadem dici possunt de ea, quæ in rebus est, passione: quadam autem prolatione non recta, sed mutatione. Est autem pati eorum quæ multipliciter dicuntur. animæ enim actionum vnaquæque passio dicitur, quas quidem sub actione locauimus: ut amor, odium, tristitia, & gaudere. quæ omnia qualitates passibiles, actiones animæ appellamus. Dicitur quoque passio, quod in naturam agit: ut morbus, febris, ægrotudines, & reliqua quæ qualia dicta sunt. Passio vero, ut dictum est, prima est generatio actionis. Non est autem in agente passio, sed in eo in quod agitur, & operantis actum suscipit. percutiens enim pati non dicitur, sed materia actum suscipiens: ea vero, quæ nunc relinquuntur, in eo qui est de Generatione libro tractantur. Et de passione hæc sufficiant.

De Quando. Cap. IIII.

Quando vero est, quod ex adiacentia temporis relinquatur. Tempus vero quando non est, utriusque autem ratio coniuncta est, ut tempus quidem præteritum quando non est, effectus autem eius, & affectio, secundum quam dicitur aliquid fuisse, quando est. Instans autem quando non est, sed secundum quod aliquid æquale, vel inæquale est. eius autem affectio, secundum quam aliquid dicitur instanti esse, quando est. Futurum similiter tempus quando non est, sed id quod futurum est: quoniam cōtin-
gere

gere necesse est, secundum quod aliquid dicitur futurum esse cras, vel in aliquo tempore. Est igitur quādo, aliud ex eo quod abiit, aliud ex eo quod instat, aliud vero ex eo quod necesse est contingere. Dictum est enim in Categoriis præteritum & futurū esse quantitates, & quod magis est continuans ad præsens. De præterito quidem dictum est hoc, non quod in substantia permaneat, sed quoniam in excessu suo nondum præterit: de futuro autem, quoniam necesse est contingere, quod tantum est, ac si instaret. nulla enim differentia est in eo quod permanet, & quod futurum est, & quod nunc abiit. Quamobrem & de futuris agitur, & secundum ea aliquid dicitur, & nuncupationem existentium sortiuntur. vt Sol oriatur cras, cras erit nauale bellū, heri obiit Socrates, & aliquid dicitur secundum tempus id quod futurum est, de eo qui nascetur futurum, aut necessario de eo quod est, vt Callias disputabit cras, vel non disputabit cras: disputabit enim futuram actionem significat: nihil autē inde est, quod in substantia adhuc sit. Differt enim quādo ab eo quod est vbi: quoniam in quocunq; tempus est vel fuit vel erit, in eo quidem quando, est vel fuit vel erit, quod secundum idem tempus dicitur. quando enim quod existenti est cū ipso instati est, & simul in eodem sunt. quādo vero ex eo quod abiit & quod futurum est, nunquam simul erunt. vbi vero & locus, à quo est, vel sit, nūquam simul in eodem. vbi autem in circumscriptione est: locus autem in completente. Distat autem quādo, quod ex præterito est, ab eo quod ex futuro procedit: quoniam quando quod ex futuro præterito posterius est: quod vero ex præterito, est prius futuro. Quando autem vnum & idem, primum quidem

ex futuro est, secundum ex præsenti, posterius vero ex præterito: quemadmodum tempus. primum quidem nunc est futurum, postea vero præsens, deinde præteritum. Sicut autem & tempus, aliud quidem compositum est, aliud vero simplex. Est autem compositum, quod in composita actione consistit: simplex vero, quod cum simplici procedit. Et ita quando, aliud simplex, aliud compositum. simplex quidem, ut in momento, & nunc esse: compositum autem, ut in hora, die, hebdomada, & similibus. Amplius, quemadmodum temporis partes sine mora succedent, similiter & partes quando, quando quippe præteritum & futurum ad præsens copulatiue reducuntur. Distat autem & tempus ab eo quod quando: quoniam secundum tempus aliquid est mensurabile: ut motus annuus quis, & motus multus dicitur, eo quod multo tempore permanet. At vero secundum quando nihil mensuratur, sed aliquando dicitur esse, & secundum idem temporale, & variabile pronunciatur. Inest autem quando non suscipere magis & minus. non enim dies vel diurnus magis & minus die vel diurno dicitur, nec vnumquodque diurnius alio: sic & de aliis, quare omni quando inest non dici secundum magis & minus. Amplius quando nihil est contrarium, etenim quando ex præsenti est vnum, & idem quando de futuro & præterito, impossibile est autem duas de eodem prædicari indiuiduo contrarietates. Amplius autem contraria nunquam in eodem erunt insimul: quando autem, quod secundum præteritum & futurum, insimul erit in eodem, idem nanque quod est fuisse verum est esse, & permansurum. contrariorum vero ratio est, nunquam in eodem simul consistere,

re, nequ e de indiuiduo eodem dici, & in eodem tempore. Quare contrarietas in eo, quod quando est, nō enunciabitur. Est autem quando in omni eo, quod incipit esse. vt corpus quidem vniuersum aliquando est & in tempore: suscipit enim temporum alterationes. alteratur enim corpus in æstu, vere, hyeme, & autumnō. Similiter autem & animalia acutius quædam in hyeme, quædam in æstate, quædam in vere speculantur secundum instrumenti complexionem. Anima enim coniuncta corpori imitatur complexiones ipsius, vt qui aridæ vel gelidæ compaginationis, demetiores seipsis in autumnō sunt sæpe: quibus vero sanguis principatur, in vere. Similiter autem & in aliis secundum similitudinem complexionis animalium & temporum. Erit igitur in tempore, quicquid temporis suscipiens variationes alteratur secundum tēpus. Huiusmodi vero sunt quæ dicta sunt, de paucis autē, aut de nullis aliis conuenientius erit proferre.

Vide in libro de Phisionomicis Aristot.

De Vbi.

Cap. V.

Vbi vero est circumscripctio corporis, à circumscripctione loci proueniens. Locus autem in eo, quod capit, est, & circumscribit. Est ergo in loco, quicquid à loco circumscribitur & complectitur. Non est autem in eodem locus & vbi. locus autem in eo quod capit: vbi vero in eo quod circumscribitur & complectitur. Videtur autem non omni adesse. anima enim nusquam est. nullum enim locum occupat, neque implet: animatum nanque aliud capere potest. Nunquam autem contingere palam est occupatum quidem aliquo locum capere aliud, & complecti posse occupante permanēte. granum enim modio adueniens retineri non posset, aëre quo implebatur,

tur, quiescente aëre enim expulso granum utique recipitur. Nequaquam igitur duo in eodem loco esse simul possunt, nec idem vnum in diuersis. Quamobrem nec anima quidē localis erit, cum locum nullatenus occupet. Similiter autem & quæcunque à corporis ratione dissentiunt, loci carent circumscriptione. Mouet autem quis quæstionem fortasse, idem in diuersis & pluribus concludens. etenim vox in auribus diuersorum est: vox autem & si aër non sit, esse non poterit sine aëre: & in auribus diuersorum est. Quare dicitur & corpus idem esse in diuersis locis. vox enim omnino vna & eadem in diuersis quidem aëris partibus esse nō potest. Concedentibus itaque nobis vnam & eandem vocem omnino in auribus diuersorum sentiri, utique & confiteri oportet omnino vnam particulam aëris ad aures diuersorum peruenire. simpliciter autē vnum & idem in pluribus totum impossibile est inueniri. Quamobrem etiam concedere cogimur, vel diuersum quidem in auribus diuersorum sentiri, vel vnum & idem omnino in pluribus locis. Relinquitur igitur diuersum sensum esse imaginabiliter se generantium, & similiter. quare & vox quædam nō animalis est. ea enim, quæ imaginabiliter fit, similiter animalis non est, quoniam ab animali nō profertur. Adhuc autem dicimus omnem vocem animalis esse. Quis enim vocem ab initio audiuit, in silentio quidem simpliciter, nisi animalium? quare vox quidem animalis dicitur, quæcunque quidem ab ipso profertur fit. vnius ergo vox ad aures diuersorum dirigitur: vna autem & eadem nō contingens est. Vbi autem, aliud quidem simplex, aliud vero compositum. Simplex quidem, quod à simplici loco

loco procedit: compositum autem, quod ex composito. Locus autem simplex est origo, & constitutio eius quod est conuinuorum. Locus autem, ut dictum est quidem, compositus habet particulas copulatas ad eundem terminum, ad quem particulae corporis copulantur: corporis vero partes iuxta punctum: loci ergo particulae solidorum particulas claudunt. etenim loca simplicia corporis minimi occupatiua sunt. Quare nec locus sine corpore, nec soliditas sine loco erit. Contentio autem de sphaerae extremitate oritur: nihil enim extra ipsam est. In ea autem locus esse non poterit, ut dictum est à Superioribus, quod ab eo quidem loco ambitur. confitentibus ergo nobis sphaeram localem esse, confiteri utique necesse est, aliud quidem praeter eam, in quo extremitatis locus existat: nihil autem praeter ipsam est: quare extremitas quidem in loco non est. de huiusmodi autem insolitum & occultum est pronuntiare, & contra sensibilia. Caret autem ubi intensiōe & remissione: non enim dicitur alterum altero magis in loco esse vel minus, licet etiam maiorem vel minorem locum possideat. non autem secundum ubi, vel secundum quantitatem aliquam est magis & minus, sed secundum id quod quale est. Inest autem ubi nihil esse contrarium: eò quod nec loco quidem inest contrarietas: locus enim loco non est contrarius. Quod autem nec aliis manifestum est. sursum enim & deorsum esse contraria pluribus videntur. multum enim distare videtur id quod sursum est ad id quod deorsum est, quemadmodum sursum & deorsum. quare contrarietas videtur ubi circa sursum esse & deorsum, quemadmodum circa locorum quantitates. Contingit

autē contraria in eodē esse. sursum enim & deorsum esse, in eodē sunt. idem enim sursum & deorsum est ad diuersa quidē sumptum. nam turris altitudo sursum est ad nos, sphaerę autē extremitati cōparata inferior est. Amplius contrariū sibi met quidam idem fore contingit, si enim sursum esse & inferius esse contraria sunt, cū idē sursum & deorsum sit: colligitur idē sibi met cōtrariū fieri. Nō ergo cōtrarietas vlla in eo quod in loco est.

De Positione. Cap. VI.

Positio est quædam partium situs, & generationis ordinatio, secundum quam dicuntur stantia vel sedentia, vel aspera, vel lenia, vel quolibet aliter disposita. sedere autem & iacere positiones non sunt, sed denominatiue ab his dicta sunt. Solet autem quæstio induci de curuo & recto, aspero & leni, quadrangulo & triangulo, bicubito & tricubito, magno & paruo, breui & longo, & similibus: quandam enim positionem partium significare videntur. Asperum enim dicitur, cuius partium vna alteri supereminet. Lene vero dicitur, cuius particulæ æqualiter porrectæ sunt. similiter autem & de aliis. Non sunt autem positiones ea quæ dicta sunt omnia, sed qualia circa situm existentia, ex eo nanque quod partes si sunt dispositæ, ex eo talia sensibus iudicantur: non autem ex eo quod talia, scilicet & aspera & lenia, vel bicubita, vel tricubita sunt. similiter autem & de aliis huiusmodi, quæ partium habent positionem. Erit igitur vnumquodque prædictorum non positio, sed quale, quod circa positionem nascitur. Suscipere autem videtur situs contrarietates. nam sedere ad id quod stare contrarium esse videtur. contraria enim sunt, quæ in eodem indiuiduo, eodēque tempore impossibile

Sex principiorum liber. III

bile est reperiri: vicissim tamen possibilia inesse. sedens autem illico stare potest, & stans sedere. quocunq; autem sedente, impossibile est eundem stare. Ponentibus autē nobis hæc contraria esse, inconuenientia recipere cogimur, hoc, quod vnum sit contrariū plurium. secundum enim dictorum consequentiam non magis sedere ad id quod est stare contrarium est, quàm ad accumbere. Similiter autem & quemadmodum sedere & stare nunquam in eodem simul reperiuntur, ita & accumbere & sedere & stare. secundum igitur huiusmodi dispositiones situi nulla contrarietas inest. Fortassis autem nec insolitum quidem putabitur vnum plurium esse contrarium. pallor etenim ad album & nigrum contrarium esse videbitur. nam sub eodem genere cum sint, nunquam simul inueniuntur, & vicissim transmutantur. relinquitur ergo vnum pluribus esse aduersum. Non est autem pallidum ad nigrum vel album contrarium: etenim cum utroque in eodem est. pallidum enim & colores reliqui ex albo & nigro conficiuntur: necessarium ergo in quocunq; pallidum est in omni eo esse album & nigrum. similiter autē & de cæteris quidē coloribus. Amplius autem contrariorum quidem ratio est circa idē natura existere. sedere enim & iacere, non circa idē natura sunt seiuncta. est enim sedere proprie circa rationalia: iacere vero & accumbere circa diuersa. huius autem signum est equi & hominis similitudo, quibus sine dubio accubitus esse probatur. Proprium autem positionis, neque magis, neque minus dici. Sedere autem non magis positio est quàm accumbere, neque minus, neque sedens alterum altero magis & minus dicitur, neque accumbens, neque vniuersal

uersaliter secundum aliam positionem. Magis autem proprium videtur esse positionis, substantiæ proxime assistere, omnibus quidem aliis formis suppositis. Positio autem nihil aliud est quam naturalis ipsius substantiæ ordinatio, qualis vel à principio quidem innata est, ut ea quæ asperis & lenibus, æqualibus & inæqualibus inest: vel à naturali quidem motu consueto, ut sessio & accubitus & similia. Quicquid igitur proxime substantiæ est assistens id necessario positio est, & omnis quidem positionis huius ratio suscipit prædicationem.

De Habitu.

Cap. VII.

HAbitus est corporum & eorum quæ circa corpus sunt, adiacentia: secundum quam hoc quidem habere, illa vero dicuntur haberi. Hæc autem non secundum totum dicuntur, sed secundum particularem diuisionem: ut armatum esse, calceatum esse. his autem neque simplicia nomina imposita sunt, quibus ea appellantur, sed sunt eis posita, armatio, calceatio: horum autem secundum proportionem & reliquis. Suscipit autem habitus magis & minus. armatior enim est eques pedite, dicitur & calceatior, qui calceamentis & caligis utitur, quam qui solis calceamentis vel caligis utitur. In quibusdam autem non videtur quod cum magis & minus prædicentur: ut vestitum esse, & similia. Habitui quoque nihil est contrarium. etenim armatio calceationi non est contraria. idem etenim armatus & calceatus. quod autem aliis contrarium non est, palam est. similiter autem his & reliqua. Proprium quidem habitus est in pluribus existere, ut in corpore, & in his quæ circa corpus sunt existētia. adiacet enim corpori, & his quæ circa corpus sunt, hoc autem,

vt dictum est, fit secundum eam quæ est in partibus diuisionem. In paucis autem aliis principiis huiusmodi inuenies. in quantitate enim solum, & in his quæ ad aliquid sunt similia reperiens. ad aliquid autem, vt figuraliter dicatur, & similitudo & dissimilitudo, quæ insunt pluribus similibus & dissimilibus: quantitas autem vt numerus qui in numerabilibus inest, utique semper crescens secundum vnitatum multifariam ascensionem. simpliciter autem nihil inuenies tot distribui partibus, vt numerum. non autem omnis quantitas, aut relatio talium est. Habitus autem omnis in pluribus necessario existit, vt in corpore, & in his quæ circa corpus sunt. Omne igitur quod in corpore & circa corpus est existens, habitus nomen sortitur. Quare magis proprium quidem habitus erit in corpore, & circa corpus existentibus, secundum eam quæ partium est diuisionem, vt in pluribus existere. Dicitur autem habere multis modis. habere enim dicitur alteratione, vt albedinem, & nigredinem: quantitatem, vt longitudinem. nihil enim aliud est dicere albedinem aut longitudinem habere, quàm album aut longum esse. Dicitur etiam vas aliquid habere, vt modius triticum: quod nihil aliud est habere, quàm continere. Habere quoque in membro dicimur, vt in digito anulum: quod tantundem est dicere, quantum est digitum in annulo esse. Dicitur vir uxorem habere, & recipere vxor virum. hic autem insolitus est habendi modus, quo vir habetur vel haberi dicatur. hoc autem habere nihil aliud est quàm cohabitare. Quare modi habendi qui dici consueuerunt, quinario numero terminantur. Fortassis quidem essent alij modi habendi præter hos qui dicti sunt: sed si

*Vide i Pra
dicamentis
in fine.*

qui sunt, diligens inquisitor inueniat. Et quidem de principiis hæc dicta sufficiât. reliqua vero in eo quod de Analyticis est, quærantur volumine.

De eo, quod est plus, minusue suscipere.

Cap.

VIII.

Dicitur autem magis & minus suscipere tripliciter. Aiunt enim quidam secundum crementum vel diminutionem eorû, quæ suscipiunt subiectorum. Aliter autem & alij ipsa quidem quæ suscipiuntur, in suscipiente diminui & crescere annunciant. Alij autem secundum vtrunque, amborum diminutionem & augmentationem. A primis itaque inchoantes, quæ eorum rata sit ac firma sententia manifestabo. Si quis vero primâ & secundam destruxerit, utique & tertiam destruit, quæ ex vtraque conficitur, coniunctione. Non ergo secundum suscipientium ipsorum crementum vel decrementum, cum magis vel minus aliqua dicuntur. Nulla enim ratio obuiaret dicenti hominem & animal & substantiam, & cætera consimilia cum magis & minus dici, concedentibus nobis secundû subiecti intensiorem & remissionem quolibet cum magis & minus dici. Amplius autem equus quidem & augmenti, & diminutionis motum frequenter sustinet. dicitur enim equus minor vel maior lapide quodâ, qui nunquam intensiorem & remissionem passus est. mons etiam alio monte maior dicitur, cû neuter crescat vel decrescat. Amplius autem margarita, albior quidem equo dicitur, cui pedem album contingit habere. hoc autem non est, quia equus quidem in essentia à margarita superatur. colligere igitur oportet vel margaritam quidem albiorẽ equo pronunciari, secundum magnitudinem subiecti vel paruitatem: vel non verum al-

biorem

biorem equo margaritam esse: vel nihil omnino magis vel minus dici secundū subiectorum magnitudinē vel paruitatem, neque secundum crementum vel diminutionem. Hoc autem palam est, quod secundum magnitudinem subiecti margarita albiore equo non dicitur, tamen margaritam albiorem equo esse non falsum est. Relinquitur ergo nihil secundum magnitudinē subiecti amplius vel minus dici: similiter autem neque secundum paruitatem. Amplius autem neque secundum ea quæ inficiunt. Si enim secundum magnitudinem albedinis vel alicuius ceterorum dicitur aliquid albius aliquo, vel secundum paruitatē minus album, vel quomodolibet aliter: utique & maior albus equus, vel homo, vel quodlibet aliud albius margarita diceretur, etenim maior albedinis quātitas equo accidit quā margaritę. Amplius autem magis & minus alterum altero dicitur, non secundum subiecti, neque accidentis crementum. Quoniam autem non secundum subiecti crementum vel magnitudinem aliud paruius alio dicatur, manifestum est: neque ergo secundum ipsius accidentis amplio-rem quantitatem. etenim quantitas ultra subiectum protendi non potest, quoniam terminus quantitatis est corpus. paruitas autem quantitati supponitur: quare ultra paruum quidem subiectum paruitas ipsa non porrigitur. quanto igitur subiectū paruius efficitur, tanto paruius quantitas minoratur. Patet itaque nihil secundum magis & minus prædicari, neque secundum subiectum solum augmentum vel diminutionem, neque secundum accidentis: quare neque secundum vtrunque. Oportet igitur ab alia eam inuenire, quæ cum magis & minus dicantur.

tur. Huiusmodi vero sunt ea, quæ sunt in voce eorum quæ adueniunt, & non secundum subiecti vel mobilis crementum vel diminutionem, sed quoniam eorum quæ sunt in voce, impositioni propinquiora sunt, siue ab eadem remotiora sunt. de his etenim cum magis dicuntur quæ proximiora sunt ei quæ in ipsa voce est impositioni, cum minus autem de his quæ remotiora consistunt. Vt album dicitur illud, in quo pura albedo est. quanto igitur ad vocis impositionem accedens puriori inficitur albedine, tanto & candidior assignabitur. & paruum quidem dicitur, quod aliis comparatum stature diminutione & quâritate vincitur. quicquid igitur est quod in quantitatis mensura superatur, id continuo paruius pronuntiatur. similiter autem de aliis. Dubitabit autem aliquis, quare hæc quidem cum magis & minus dicantur, substantiæ verò minime. hoc autem contingit, quoniam substantiarum impositio quidē in termino est, ultra quem transgredi impossibile est. Additur autem & de accidentibus quibusdam, quæ sine magis & minus dicuntur: vt quadrangulus, & triangulus, & similia. non enim triangulus magis vnus altero dicitur. Contingit autem, quoniam in substantiarum quidem designatione accipitur. etenim quadrangulus quantitas nuncupatur, & corpus quadrangulatum. vel eadem, quæ in superioribus est ratio, hic vetat, quoniam huiusmodi impositio in termino facta est, ultra quem transgredi non licet. quemadmodum in superlatiuis. etenim albißimus vel nigerrimus & huiusmodi sine amplius sunt, & minus, eò quòd huiusmodi impositio in termino est, ultra quem porrigi impossibile est, & citra permanere. possibile enim si con-

ting

tingit, nullum sequitur impossibile. quapropter si omnes puncti componantur, nullam faciunt magnitudinem: quoniam punctus puncto additus nihil auget. Est autem generatio simplex, & corruptio non congregatione nec segregatione atomorum, sed quando transmutatur ex aëre specificato in hoc totum. In subiecto enim duo sunt, quorum hæc quidem est forma secundum rationem: hæc autem secundum materiam. quando igitur in his duobus est transmutatio, generatio & corruptio erit simpliciter secundum veritatem. Dicitur autem simpliciter generari, in his magis hoc aliquid & forma quam terra. musicus homo corruptus est, homo immusicus generatus est, homo manet idem: siquidem in his passio non esset secundum se musica & immusica, his quidem generatio esset, his autem corruptio. Ideo hominis quidem hæc passiones, hominis autem musici & immusici generatio quædam & corruptio. nunc autem est hominis hæc passio manentis musica & immusica: ideoque alteratio talis est. Est autem materia maxime quidem subiectum generationis & corruptionis proprie susceptibile. Sed quare discens non dicitur generari simpliciter, sed quod generari disciplinatum, hæc determinata sunt in Prædicamentis, hæc autem hoc aliquid significant & substantiam, hæc autem quale, hæc autem quantum. Quæcunque igitur non substantiam significant, non dicuntur simpliciter, sed secundum aliquid generari. Est autem cui inest secundum naturam moueri, ut ignis.

Libri Sex Principiorum finis.



ARISTOTELIS

STAGIRITAE

PERIPATETICO-

*rum principis de interpretatio-
ne liber primus,*

SEVERINO BOETHO
INTERPRETE.

SUMMA LIBRI.

*De Notis. De Orationis principis. De ipsa Oratio-
ne, Enunciatione, ac ipsius speciebus. De enun-
ciationum oppositionibus, ac circa ipsarum ve-
ritatem & falsitatem regulis, in quocunque
tempore.*

*De Notis: Et ut in intellectu, ita etiam in
voce verum & falsum reperiri.*

CAPVT I.

SECTIO
PRIMA
*secundum
Gracos.*



PRIMUM oportet ponere quid sit
nomen, & quid verbum: postea
quid est negatio, & affirmatio, &
enunciatio, & oratio. Sunt ergo ea
quæ sunt in voce, earum quæ sunt
in anima passionum notæ: & ea
quæ scribuntur, eorum quæ sunt in voce. Et quem-
admo

admodū nec literæ omnibus eadē, sic nec eadē voces. Quarum tamen hæc primum notæ sunt, eadē omnibus passionēs animæ sunt: & quarum hæc similitudines, res etiam eadē. De his verò dictum est in iis qui sunt de Anima: alterius enim hæc sunt negotij. Est autem quemadmodum in anima, aliquando quidem intellectus sine vero vel falso, aliquando autem cui iam necesse est horum alterum inesse: sic etiam in voce. circa compositionem enim & diuisionem est verum & falsum. Nomina igitur ipsa & verba consimilia sunt ei, qui sine compositione & diuisione est, intellectui: vt homo vel album, quando non aliquid additur. neq; enim falsum, neq; verū adhuc est. Signū autem huius est. hircocerus enim aliquid significat: sed nondum verum aliquid, vel falsum, nisi esse vel non esse addatur, vel simpliciter, vel secundum tempus.

*In 3. de Anima
lex. 59.*

Circa cōpositionē et diuisionē est verum & falsum.

De Nomine.

Cap. I I.

NOmē igitur est vox significatiua, secundum placitū, sine tēpore, cuius nulla pars significatiua est separata. in nomine enim quod est equiferus, ferus nihil per se significat, quēadmodū in oratione, quæ est equus ferus. At verò non quēadmodū in simplicibus nominibus, sic se habet in compositis. In illis enim nullo modo pars significatiua est: in his autē vult quidē, sed nullius est, separata. vt in eo quod est equiferus hoc quod est ferus, nihil significat per se. Secundū placitum verò, quoniā natura, nominū nullum est, sed quādo fit nota. quoniā designant & illiterati soni, vt ferarū: quorū nullū nomē est. Nō homo verò nō est nomē. at vero nec positū nomen est, quo illud oportet appellare. neq; enim oratio,

neq; negatio est: sed sit nomē infinitū: quoniam similiter in quolibet est, & quod est, & quod non est. Philonis autē, aut Philoni, & quæcunq; talia sunt, non sunt nomina, sed casus nominis. ratio autē ipsorum est, in aliis quidē eadē. differūt autem, quoniam cum est, vel fuit, vel erit, neq; verum, neque falsum est, nomen verò semper. ut Philonis est, vel non est. nondum enim neque verum dicit, neque falsum.

De Verbo.

Cap. III.

Verbum autem est, quod consignificat tēpus, cuius pars nihil significat seorsum, & est semper eorū, quæ de altero prædicantur, nota. Dico autem quod consignificat tempus. ut valetudo quidem nomen est: valet verò verbum. consignificat enim nunc esse: & semper eorum quæ de altero dicuntur nota est, ut eorum quæ de subiecto, vel in subiecto sunt. Non valet autem, & non laborat non verbū dico: consignificat enim tempus, & semper de aliquo est. Differentiæ autem huic nomen positum nō est: sed infinitum verbum sit: quoniam similiter in quolibet est, & quod est, & quod non est. Similiter autem & valet bit, & valebat nō verbum est, sed casus verbi. Differunt autē à verbo, quòd hoc quidē præsens consignificat tempus, illa verò id quod circuncirca est. Ipsa igitur secundum se dicta verba nomina sunt, & significant aliquid: constituit enim qui dicit intellectum, & qui audit, quiescit. sed si est vel non est, nondum significat. neq; enim signum est rei esse vel non esse: neque si * ipsum ens dixeris nudum. ipsum enim nihil est, consignificat autem compositionem quandam, quam sine compositis non est intelligere,

** a. l. ipsum
per seip: n.*

De

De Oratione, Enunciatione, una ac pluri.

*Affirmatione & Negatione, ac Contradi-
tione. Cap. IIII.*

ORatio autē est vox significatiua, cuius partium aliqua significatiua est separata, ut dictio, sed non ut affirmatio * vel negatio. ut homo aliquid significat, sed non quod est aut non est: sed erit affirmatio vel negatio, si quid additum fuerit. Sed non hominis syllaba una. neque enim in eo, quod est forex, rex significat, sed vox nunc est solum. In duplicibus verò significat quidem aliquid, sed non secundum se, quemadmodum dictum est. * Est autem oratio omnis quidem significatiua, non autē sicut instrumentum: sed quemadmodum dictum est, secundum placitum. Enunciatiua verò non omnis: sed in qua verum vel falsum est. non autem in omnibus inest, ut deprecatio oratio quidem est, sed neque vera, neque falsa. Ceteræ igitur relinquantur. Rhetoricæ enim, vel Poeticæ conuenientior est consideratio: enunciatiua verò præsentis est speculationis. Est autem una prima oratio enunciatiua affirmatio, deinde negatio: aliarum verò omnes coniunctione una. Necessè est autem omnem enunciatiuam orationem, ex verbo esse; vel ex casu verbi, etenim hominis ratio, nisi addatur, aut est, aut fuit, aut erit, aut aliquid huiusmodi, nondum oratio enunciatiua est: quoniam unum quiddam est, & non multa animal gressibile bipes. non enim eò quòd propinquæ partes dicuntur, una erit. est autem alterius hoc tractare negotij, Est autem una oratio enunciatiua, quæ unum significat, vel coniunctione una: plures autem, quæ plura, & non unum, vel inconiunctæ. Nomen igitur, vel verbum dictio sit solum: quoniam non est

* *Mul.co.*
non habent
vel negatio

* *a.l.addit*
in superio-
ribus.

vide 7. &
8. Meta.

dīcere sic aliquid significantem, voce, vt enuncia-
re, vel aliquo interrogante vel non, sed ipso spon-
te proferente. Harum autem hæc quidem simplex
est enunciatio, vt aliquid de aliquo, vel aliquid
ab aliquo: hæc autem ex his cōposita, velut ora-
tio quædam iam composita. Est autem simplex
enunciatio, vox significatiua de eo quod est ali-
quid, vel non est, quemadmodum tempora diui-
sa sunt. Affirmatio vero est enūciatio alicuius de
aliquo. Negatio vero enunciatio alicuius ab ali-
quo. Quoniam autem enunciare est, & quod est,
non esse: & quod non est, esse: & quod est, esse: &
quod non est, non esse: & circa ea quę extra præ-
sens, tempora sunt, similiter omne vtrique contin-
git quod quis affirmauerit, negare, & quod quis
negauerit, affirmare. Quare manifestum est, quod
omni affirmationi opposita est negatio, & omni
negationi affirmatio. Et sit hoc cōtradictio, affir-
matio & negatio oppositæ: Dico autem opponi
eiusdem de eodem, non autem æquiuoce, & quæ-
cunque cætera talium contra sophisticas deter-
minauimus importunitates.

Diuiditur Enunciatio iuxta quantitates notas.

*Enunciationum opposiuitones assignantur: cir-
cæque ipsarum veritatē ac falsitatem regula
traduntur: ac quæ sit una affirmatio & ne-
gatio determinatur.* Cap. V.

*Sectio secū-
da, secūdu
Græcos.*

QUoniam autem sunt hæc quidem rerum vni-
uersales, illæ vero singulares: (Dico autem
vniuersale, quod in pluribus prædicari natum est:
Singulare vero quod non: vt homo quidem vni-
uersaliū est, Callias vero eorū quæ sunt singu-
laria): necesse est quoque enunciare quod inest
aliquid aut non, aliquando quidem alicui eo-
rum

rum quæ vniuersalia sunt, aliquando autem eorum quæ singularia * sunt. Si ergo in vniuersali vniuersaliter enunciet quis * quod est aut non est, contrariæ enunciationes erunt. Dico autem in vniuersali enunciare vniuersaliter: vt omnis homo albus est, nullus homo albus est. Quando autem in vniuersalibus, non vniuersaliter autem, * non sunt contrariæ: quæ autem significantur, est esse aliquando contraria. Dico autem non vniuersaliter enunciare in iis quæ vniuersalia sunt, vt est albus homo, non est albus homo. cum enim vniuersale sit homo, non vniuersaliter vtitur enunciatione. omnis nanque non vniuersale significat, sed quod vniuersaliter. In eo vero quod prædicatur vniuersale, id quod est vniuersaliter prædicare, non est verum. nulla enim affirmatio vera erit, in qua cum vniuersale sit prædicatum, vniuersaliter prædicatur: vt est omnis homo, omne animal. Opponi autem affirmationem negationi dico contradictorie, quæ vniuersaliter significat eadem, quod nō vniuersaliter. vt omnis homo albus est, nō omnis homo albus est: nullus homo albus est, aliquis

homo albus est. Contrariæ vero vniuersalem affirmationem & vniuersalem negationem. * vt om-

nis homo iustus est,

nullus homo

iustus

est.

est.

*

* a. l. sunt:

siquidē in vniuersali.

* a. l. quid

est aliquid,

aut non,

erūt he con-

traria enū-

ciationes.

* a. l. he qui

dē nō sunt

contraria.


* a. l. vt o-

mnis homo

albus est,

nullus hō

albus est.



De regulis
oppositarū
propositio-
num.

Quocirca has quidem impossibile est simul esse veras : his verò oppositas contingit aliquando in eodem simul esse veras: vt nō omnis homo albus est, & aliquis homo albus est. Quæcunque igitur contradictiones vniuersalium sunt vniuersaliter, necesse est alteram esse veram vel falsam: & quæcunque in singularibus sunt: vt est Socrates albus, non est Socrates albus. Quæcunque autem in vniuersalibus quidem, non vniuersaliter autem, non semper hæc quidem vera est, illa verò falsa est. simul enim verum est dicere quòd est homo

homo albus, & quòd non est homo albus. & est
 homo pulcher, & non est homo pulcher. si enim
 turpis est, non est pulcher. & si sit aliquid, nō est.
 Videbitur autem subito inconueniens esse: iccir-
 co quoniam videtur significare idem, hoc, non
 est homo albus, & hoc, nullus homo est albus.
 hoc autem neque idem significat, neque simul ne-
 cessario. Manifestum est autem quòd vna nega-
 tio vnius affirmationis erit, hoc enim idem opor-
 tet negare negationem, quod affirmatio affirma-
 uit, & ab eodem vel ab aliquo singulare, vel
 ab aliquo vniuersalium: vt vniuersaliter, vel vt
 non vniuersaliter. dico autem vt est Socrates al-
 bus, non est Socrates albus. Si autem * aliud ali-
 quid ab eodem, vel ab alio idem, non est opposi-
 ta, sed erit ab ea diuersa. Huic vero quæ est, om-
 nis homo albus est, illa quæ est, non omnis homo
 albus est. illi vero quæ est, aliquis homo albus
 est, illa quæ est, nullus homo albus est. illi autem
 quæ est, est homo albus, illa quæ est, non est ho-
 mo albus. Quòd igitur vna affirmatio vni nega-
 tioni opponitur contradictoriæ, & quæ sunt hæ,
 dictum est. & quòd contrariæ aliæ, & quæ sunt il-
 læ, dictum est. & quòd non omnis vera vel falsa
 contradictio & quare, & quando vera vel falsa.
 Vna autem affirmatio & negatio est, quæ vnum
 de vno significat, vel cum sit vniuersale vniuer-
 saliter, vel non similiter. vt omnis homo albus
 est, non omnis homo albus est: est homo albus,
 non est homo albus: nullus homo albus est, ali-
 quis homo albus est: si album vnum significat,
 Si vero duobus vnum nomen positum est, ex qui-
 bus non est vnum, non est vna affirmatio, neque
 vna negatio: vt si quis ponat hoc nomen tunica,
 homini & equo: quòd tunica alba est, hæc nō est
 vna

* a. l. aliud
 vel ab alio
 idem non
 eodem.

De affir-
 matione et
 negatione
 vna.

*a. l. addit
 &

vna affirmatio, nec vna negatio. Nihil enim differt hoc, qui dicere quòd est homo * equus albus. hoc autem nihil differt quàm dicere est homo albus, & est equus albus. Si ergo hæc multa significant, & sunt plures, manifestum est quòd & prima, vel multa, vel nihil significat. neque enim est aliquis homo equus. Quare nec in his necesse est hanc contradictionem veram, illam vero falsam esse.

*Quo pacto in futuris contingentibus contradictio-
 nis regis a veritatem habeat. Cap. VI.*

*a. l. si enim
 hic quidem
 dicit.

IN iis ergo quæ sunt, & quæ facta sunt, necesse est affirmationem vel negationem veram esse vel falsam. Et in vniuersalibus quidem vt vniuersaliter, semper hanc quidem veram, illam vero falsam esse, & in iis quæ singularia sunt, quemadmodum dictum est. in vniuersalibus autem quæ non vniuersaliter dictæ sunt, non necesse est, dictum est autem & de his. In singularibus vero & futuris, non similiter. Nam si omnis affirmatio & negatio vera vel falsa est: & omne necesse est esse vel non esse. * quare si hic dicat futurum esse aliquid: ille vero non futurum dicat hoc ipsum: manifestum est, quòd necesse est verum dicere alterum ipsorum: si omnis affirmatio vel negatio vera vel falsa est, vtraque enim non erunt simul in talibus. Nam si verum est dicere, quòd album vel non album, necesse est esse album vel non album. & si est album vel non album, verum erat affirmare vel negare. & si non est, falsum dicit: & si falsum dicit: non est. Quare necesse est semper affirmationem aut negationem veram esse vel falsam. Nihil igitur neque est, neque fit, nec à fortuna, nec vtrumlibet contingit, neque erit, neque non erit: sed ex necessitate omnia, &
 non

non vtrūlibet contingit. aut enim qui dicit verus est, aut qui negat. similiter enim vel fieret, vel nō fieret. quod enim vtrūlibet contingit, nihil magis sic vel non sic se habet, vel habebit. Amplius autem, si est album nunc, verū erat dicere prius, quod erit album. quare semper fuit verū dicere quodlibet eorum quæ facta sunt, quod est vel erit. si autem semper verum fuit dicere quod est, vel erit, non potest hoc non esse, vel nō futurum esse. quod autem non potest non fieri, impossibile est non fieri: & quod impossibile est non fieri, necesse est fieri: omnia igitur quæ futura sunt, necesse est fieri. Nihil igitur vtrūlibet contingit neque à fortuna erit. * nam si à fortuna, non ex necessitate. At vero nec quod neutrum verum est dicere contingit: vt quod neque erit, neque non erit. Primum enim cum sit affirmatio falsa, negatio non vera erit: & cum hæc falsa sit, contingit affirmationem non veram esse. Et ad hæc, si verum sit dicere, quod album est simul & magnum, oportet esse vtrunque. si vero erit cras, oportet fore cras. si autem neque erit, neque non erit cras, non erit vtrūlibet contingit. vt est nauale bellum: oportet enim neque fieri nauale bellum, neque non fieri. Quæ ergo contingunt inconuenientia hæc sunt, & huiusmodi alia: si quidem omnis affirmationis & negationis, aut in vniuersalibus dictis vt vniuersaliter, vel in iis quæ sunt singularia, necesse est oppositarū, hæc quidē veram esse, illam vero falsam: nihil autem vtrūlibet contingit esse in iis quæ sunt, sed omnia esse & fieri ex necessitate. Quare neque consultare oportebit, neque negotiari: quod si hoc quidem facimus erit hoc: si vero nō hoc, non erit hoc. Nihil, enim prohibet, & in annum decies millesimum, hunc quidem

* a. l. addit,
sed omnia
ex necessi-
tate.

quidem dicere hoc futurum esse, illum vero non dicere, quare ex necessitate erit utrumlibet eorū, quod ab ipso verum erat dicere tunc. At vero nec hoc differt, si aliquid dixerint contradictionem, vel nō dixerint. manifestum enim quod sic se habent res, etiam si non hic quidem affirmauerit quid, ille vero negauerit. non enim propter negare vel affirmare erit, vel non erit, nec in decies millesimum annum, magis quā in quantolibet tempore. Quare si non omni tempore sic se habebat ut alterum vere diceretur, necesse erat hoc fieri: & vnumquodque eorum quæ fiunt, semper sic se habebant, ut ex necessitate fieret. si enim vere dixit quis quod erit, non potest non fieri: & quod factum est, verum erat dicere semper, quod erit. Si itaque hæc impossibilia sunt: videmus enim esse futurorum principium, & ab eo quod consultamus, atque aliquid agimus: & quod est, omnino in iis quæ non semper actu sunt, possibile esse, & non esse similiter, in quibus utrumque contingit & esse & non esse, quare & fieri, & non fieri: & multa nobis manifesta sunt sic se habentia: ut quod hanc vestem possibile est incidi, & nō incidetur, sed prius exteretur: similiter autem & non incidi possibile est, non enim esset eam prius exteri, nisi possibile esset non incidi: quare & in aliis generationibus, quæ secundum huiusmodi potentiam dicuntur: manifestum igitur est, quod non omnia ex necessitate, vel sunt, vel fiunt: sed alia quidem utrumlibet contingit, & nihil magis affirmatio quā negatio erat vera vel falsa: alia vero magis quidem, & ut in pluribus alterum, nihilominus contingit fieri & alterum, alterum vero minime. Igitur esse quod est, quando est, & non esse quod non est, quando

quando non est, necesse est. sed non omne quod est necesse est esse, nec quod non est, necesse est non esse. non enim idem est, omne quod est, necessario esse, quando est & simpliciter ex necessitate esse. similiter autem & in eo quod non est. Sed & in contradictione eadem ratio est. esse quidem vel non esse omne necesse est, & futurum esse vel non: non tamen diidentem, dicere alterum necessarium. dico autem ut necesse est futurum esse bellum nauale cras, vel non futurum esse: non tamen fieri cras bellum nauale necesse est, neque non fieri: fieri tamen, vel non fieri necesse est. Quare cum similiter orationes veræ sint, quemadmodum & res, manifestum est quod quæcunque sic se habent ut sint utrumlibet contingit, & contraria suscipiant, necesse est similiter se habere & contradictionem. quod contingit in iis, quæ non semper sunt, vel non semper non sunt. horum enim necesse est alteram partem contradictionis veram esse vel falsam, non tamen hanc vel illam, sed utramlibet contingit: & magis quidem veram alteram, non tamen iam veram vel falsam. Quare manifestum est, quod non est necesse omnis affirmationis vel negationis oppositarum, hanc quidem veram, illam autem falsam esse. non enim quemadmodum in iis quæ sunt, sic se habent & in iis quæ non sunt quidem, possibilibus tamen esse vel non esse, sed quemadmodum dictum est.



ARISTOTELIS

DE INTERPRE-
TATIONE

LIBER SECVNDVS.

SVMMA LIBRI.

De Enunciationibus infinitis. De Enunciationum unitate, ac pluralitate. Et prädicationibus coniunctis, atque diuisis. De Enunciationibus modalibus. Et quæ Enunciationes magis inuicē sint cōtrariæ.

De Enunciationibus infinitis cuiuscunque generis, ipsarūque oppositionibus ac consequentiis. Nomina item ac verba transposita idem significare.

Capit

I.



VONIAM autem est aliquid de aliquo affirmatio significans: hoc autem vel nomen est, vel innominatum: vnum autem oportet esse & de vno id quod est in affirmatione: nomen autem dictum est & innominatū prius: (non homo enim nomen quidem non dico, sed nomen infinitum: vnum enim significat aliquo modo infinitum nomen: quemadmodum & non valet non verbum

bum *:) sed infinitum verbum. erit igitur omnis * a l. addit
affirmatio & negatio, vel ex nomine & verbo, dico.
vel ex infinito nomine & verbo. Sine verbo au-
tē nulla affirmatio vel negatio est. est enim, vel
fuit, vel erit, vel fit, vel quæcunq; alia huiusmodi
verba, ex ijs sunt quæ posita sunt: consignant
enim tempus. Quare prima erit affirmatio & ne-
gatio, est homo, non est homo: deinde, est non
homo: non est non homo. Rursus, est omnis ho-
mo, non est omnis homo: est omnis non homo,
non est omnis non homo. Et in ijs, quæ extrinse-
cus sunt, temporibus eadem ratio est.

Quando autem est, tertium adiacens prædica-
tur, dupliciter dicuntur oppositiones. Dico autem
vt est iustus homo, ipsum est, tertium dico ad-
iacere nomen, vel verbum in affirmatione. Qua-
re ob id ipsum quatuor erunt illæ, quarum duæ
quidem ad affirmationem & negationem se ha-
bebunt secundum consequentiam, vt priuationes:
duæ vero minime. Dico autem quòd est, * aut
iusto adiacebit, aut non iusto: quare etiam nega-
tio. quatuor igitur erunt. Intelligimus vero quod
dicitur ex ijs, quæ subscripta sunt. Est iustus ho-
mo, huius negatio est, non est iustus homo: est
non iustus homo, huius negatio est, non est non
iustus homo. est enim hoc in loco, & non est, iu-
sto & non iusto adiacebit. Hæc igitur, quemad-
modum in Resolutoriis dictum est, sic sunt ordi-
nata. Similiter autem se habebunt & si vniuersa-
liter nominis sit affirmatio. vt omnis est homo
iustus, negatio huius, non omnis est homo iu-
stus: omnis est homo non iustus, non omnis est
homo non iustus. Tamen non similiter angula-
res veras esse contingit, contingit autem ali-
quando:

*Sectio ter-
tia secundū
Gracos.*

* a. l. ad.
hic.

*In fine pri-
mi Prioris*

*Enunciationum indefinitarum dispositio,
ex primo Priorum in fine.*

Simplex affirmatio.

Homo iustus est.

Simplex negatio.

Homo iustus non est.

Priuatoria negatio.

Homo iniustus non est.

Priuatoria affirmatio.

Homo iniustus est.

Infinita negatio.

Homo non iustus non est.

Infinita affirmatio.

Homo non iustus est.

*Earundem dispositio in terminis vniuer-
saliter ac in parte.*

Simplex affirmatio vñ. Simplex negō in parte.

Omnis homo iustus est. Nō omnis hō iustus est.

Priuatoria neg. in parte. Priuatoria affirm. vñ.

Nō oīs homo iniustus est. Omnis hō iniustus est.

Infinitiuā negatio in parte. Infinitiuā affirm. vñ.

Non oīs hō nō iustus est. Oīs hō nō iustus est.

*Vt dispositæ sient hæ Enūciationes de subiecto finito,
eodem pacto disponi possunt Enunciationes de
subiecto infinito, addendo ipsi homini dictionem,
non.*

Hæ igitur duę oppositæ sunt mutuo. Aliæ au-
tem duę ad non homo, quasi ad subiectum ali-
quod additum. vt, est iustus non homo: non est
iustus non homo, est non iustus non homo: non
est non iustus non homo. plures autem his non
erunt oppositiones. Hę autē extra illa, ipse secun-
dam

dum se erunt, vt nomine vtentes eo. quod est non homo. In quibuscunq; autem est non conuenit, vt in eo quod est sanū esse, & ambulare, in iis idem facit sic positum, ac si est adderetur. vt, sanus est omnis homo: non sanus est omnis homo. sanus est omnis non homo: non sanus est omnis nō homo. non enim dicendum est non omnis homo, sed non negationē ad id quod est homo, addendum est. omnis enim non vniuersale significat, sed q; vniuersaliter. Manifestum est autem ex eo quod est, valet homo, nō valet homo: valet non homo, nō valet non homo. hæc enim ab illis differunt, eo quod vniuersaliter non sunt. quare omnis, vel nullus nihil aliud consignificat, quā q; vniuersaliter de nomine vel affirmationē vel negationem. ergo & reliqua eadem oportet apponi. Quoniā vero contraria est negatio ei quę est, omne est animal iustū, illa quę significat, q; nullum est animal iustum: hæc quidem manifestum est, quod nunquā erunt neque veræ simul, neq; in eodem: his vero oppositæ erunt aliquando: vt non omne animal iustum est, & est aliquod animal iustum. Sequuntur vero & hæc, eam quidem quę est, omnis est homo nō iustus, hæc, nullus homo est iustus: * illam vero, est non omnis homo non iustus, opposita, q; est aliquis hō iustus. necesse est enim aliquem esse. Manifestum est autem etiam quod in singularibus si verum est interrogatum negare, quod & affirmare verum est. vt, putāsne, Socrates sapiens est? non. Socrates igitur est non sapiens. In vniuersalibus vero non est vera quæ similiter dicitur: vera autem negatio est. vt putāsne, omnis homo sapiens est? nō. omnis igitur homo nō sapiens est. hoc enim falsum est. sed non, igitur omnis homo sapiens est, verum est.

* a. l. illam
vero qua
est, aliquis
est homo ius-
tus, opposi-
ta, q; nō o-
mnis homo
est non ius-
tus.

hæc enim opposita est : illa vero contraria. Quæ vero secundum infinita contraiacentes sunt nomina & verba, vt in eo quod est non homo, vel non iustus, quasi negationes sine nomine & verbo esse videbuntur. sed non sunt. semper enim vel verâ vel falsam esse necesse est negationem: qui vero non homo dixit, nihil magis quàm qui dicit homo, sed etiam minus verus vel falsus fuit, nisi aliquid addatur. Significat autem est omnis non homo iustus, nulli illarum idem, nec huic opposita, quæ est, non est omnis nō homo iustus. ea vero quæ est, omnis non iustus non homo est, illi quæ est, nullus est iustus non homo, idē significat. Transposita vero nomina & verba idem significant: vt est albus homo, & est homo albus. Nani, si hoc non est, eiusdem multæ erunt negationes. sed ostensum est quòd vna vnus est. Eius enim quæ est, est albus homo, negatio est, nō est albus homo. eius autem quæ est, est homo albus, si non eadem est ei quæ est, est albus homo, erit negatio, vel ea quæ est, non est non homo albus, vel ea quæ est, non est homo albus. sed altera quidem est negatio, ea, quæ est, non est non homo albus, * eius, est non homo albus: altera vero eius quæ est, est albus homo. quare erunt duæ vnus. Quod igitur transposito nomine & verbo, eadem fit affirmatio & negatio, manifestum est.

* a. l. negatio eius quæ est, est non homo albus

De Enunciationis unitate, ac pluralitate. Et quo pacto veritas & falsitas in eis reperiatur in predicationibus coniunctis, atque diuisis. Cap. II.

AT vero vnum de pluribus, vel plura de vno affirmare vel negare, nisi sit vnum aliquid quod ex pluribus significatur, non est affirmatio neque negatio vna. Dico autem vnum, non

si vnum nomen positum sit, non sit autem vnum aliquid ex illis. vt homo est fortasse & animal, & bipes, & mansuetum, sed ex his vnum fit. ex his vnum fit. ex albo autem, & homine, & ipso ambulare non est vnum. Quare nec si vnum aliquid de his affirmet aliquis, erit affirmatio vna: sed vox quidem vna, affirmationes vero multæ, nec si de vno ista: sed similiter multæ. Si ergo dialectica interrogatio responsionis est petitio, vel propositionis, vel alterius partis contradictionis propositio vero cōtradictionis est vnius pars: nō erit vna responsio ad hęc. neque enim interrogatio vna, neque etiam si sit vera. dictum est autem de his in Topicis. Simul autem manifestum est, quòd nec hoc ipsum quid est, dialectica interrogatio est, oportet enim datum esse ex interrogatione, eligere, vtram velit contradictionis partem enunciare sed oportet interrogantem determinare, vtrum hoc sit homo, an non hoc.

8. Top.

Quoniam vero hęc quidem prædicantur composita, vt vnum omne prædicatum fiat, eorum quæ extra prædicantur: alia vero non: quæ est differentia? De homine enim verum est dicere, & extra animal, & extra bipes: & hæc vt vnum: & hominem, & album: & hæc vt vnum. sed non si * coriarius est, & bonus: etiam coriarius bonus. * Si enim quoniam vtrunq; verum, esse oportet & simul vtrunq;, multa inconuenientia erūt. De homine enim & hominē verum est dicere & albū: quare & omne. rursus si albū ipsum, & omne. quare erit hō albus, albus & hoc in infinitū. & rursus musicus albus ambulās, & hęc eadē frequenter implicita in infinitum. Amplius, si Socrates Socrates est, & homo: & Socrates Socrates homo, & si homo & bipes, erit homo bipes.

* συντελες
* α. l. quare
non si alter
utra verū.

* a.l. addit
& vt cōtin
git.

Quòd igitur, si quis simpliciter * dicat comple-
xiones fieri, multa accidit dicere inconuenien-
tia, manifestum est. Quemadmodum autem po-
nendum est, nunc dicimus. Eorum igitur, quæ præ-
dicantur, & de quibus prædicari accidit, quæcun-
que secundum accidens dicuntur, vel de eodem,
vel alterum de altero, hæc nō erunt vnum, vt ho-
mo albus est. & musicus: sed non est vnū album
& musicum, accidentia enim sunt vtraque. Nec si
album, musicum verum est dicere, tamen nō erit
album musicū vnum aliquid: secundum accidēs
enim albū musicū. quare nō erit albū musicum
vnum aliquid. quocirca nec corarius bonus sim-
pliciter: sed animal bipes. non enim secundum
accidens. Amplius, nec quæcunque insunt in al-
tero. quare neque album frequēter: neque homo,
homo animal est vel bipes. insunt enim in homi-
ne animal & bipes. Verum est autem dicere de
aliquo & simpliciter: vt aliquem hominem ho-
minem, aut aliquem album hominem, hominem
album, non autem semper. Sed quando in adie-
cto quidem aliquid oppositorum insit, quod con-
sequitur contradictio, non verum, sed falsum est:
vt hominem mortuum, hominem dicere. quādo
autē nō insit, * verū. Aut, quando insit quidem,
semper non verum est: quando vero non insit,
non semper verum est. vt Homerus est aliquid,
vt poëta, vtrum igitur est? an non. secundum ac-
cidens enim prædicatur est, de Homero (quòd
enim est poëta) sed non secundū se prædicatur de
Homero ipsum est. Quare in quibuscunque præ-
dicationibus neque contrarietas inest, si defini-
tiones pro nominibus dicantur, & secundum se
prædicentur, & non secundum accidens, in his
aliquid & simpliciter verum erit dicere. Quod
autem

* a.l. addit
semper.

autem non est, quoniam opinabile est, non est verum dicere esse aliquid. opinio enim eius est, non quid est, sed quod non est.

De Enunciationibus cum modo, & earū adinuicem oppositionibus, ac consequentiis: tum ex aliorum, tum ex propria opinione. Cap. III.

His vero determinatis considerandum est, quemadmodum sese habent negationes & affirmationes ad se inuicem, quæ sunt de possibili esse & non possibili, & de contingenti & non contingenti, & de impossibili & necessario. habent enim aliquas dubitationes. Nam si eorum, quæ complectuntur, illa sunt sibi inuicem oppositæ contradictiones, quæcunque secundum esse & non esse disponuntur: vt eius quæ est, esse hominem, negatio est, non esse hominem, non ea quæ est esse non hominem: & eius quæ est, esse album hominem, ea qua est, non esse album hominem, sed non ea quæ est, esse non album hominem: (si enim de omni aut affirmatio, aut negatio est lignum erit verum dicere esse non album hominem:)* quod si hoc modo & in quibuscunque esse non additur, idem faciet quod pro esse dicitur: vt eius quæ est, homo ambulat non hæc ambulat, non homo negatio erit, sed hæc, non ambulat homo. nihil enim differt dicere hominem ambulare, vel hominem ambulantem esse. Quare si hoc modo vbique, & eius quæ est possibile esse, negatio erit possibile non esse, sed non ea quæ est, non possibile esse. Videtur autem idem posse & esse & nō esse. omne enim quod est possibile diuidi vel ambulare, & non ambulare & non diuidi possibile est. Ratio autem est: quoniam omne quod sic possibile est, non semper in actu est. quare inest ipsi etiam negatio. potest

Scilicet quarta, secundum Gracos.

** a. l. addit: quod inconueniens est.*

enim & non ambulare quod est ambulatium, & non videri quod est visibile. at vero impossibile est de eodem oppositas veras esse affirmationes & negationes. non igitur eius quæ est, possibile esse, negatio est hæc, possibile non esse. Contingit enim ex his, aut idem affirmare & negare simul de eodem, aut non secundum esse vel non esse, quæ apponuntur, fieri affirmationes & negationes. si ergo illud impossibile est, hoc erit magis eligendum. est igitur negatio eius quæ est, possibile esse, ea quæ est, non possibile esse, sed non ea quæ est, possibile non esse. Eadem quoque ratio est, & in ea quod est contingens esse: etenim negatio eius est, non contingens esse, & in aliis quoque simili modo, ut in necessario, & impossibili. Fiunt enim quemadmodum in illis esse, & non esse appositiones, subiectæ vero res, hoc quidê album, illud vero homo: eodem quoque modo hoc in loco, esse quidem & non esse ut subiectum fit, posse vero & contingere appositiones sunt, determinantes (quemadmodum in illis esse & non esse) veritatem & falsitatem, similiter hæc in eo quod est, esse possibile, & esse non possibile. Eius vero quæ est, possibile non esse, negatio est, non ea quæ est, non possibile esse, sed ea quæ est, non possibile non esse. & eius quæ est, possibile esse, non ea quæ est, possibile non esse, sed ea quæ est, non possibile esse. Quare & sequi sese inuicem videbuntur, possibile esse, & possibile non esse. idem enim possibile esse, & non esse. non enim contradictiones sunt sibi inuicem huiusmodi possibile esse, & possibile non esse. Sed possibile esse, & non possibile esse, nunquam simul in eodem veræ sunt. opponuntur enim neque ea quæ est, possibile non esse, & non possi-

bile

bile non esse, nunquam simul in eodem vera sunt. Similiter autem & eius quæ est necessarium esse, negatio non est ea quæ est, necessarium non esse, sed ea quæ est, non necessarium esse. eius vero quæ est, necessarium non esse, ea quæ est, non necessarium non esse. & eius quæ est, impossibile esse, non est ea quæ est, impossibile non esse, sed hæc, non impossibile esse. eius vero quæ est, impossibile non esse, ea quæ est, non impossibile non esse. Vniuersaliter vero (quemadmodum dictum est) esse quidem & non esse oportet ponere quemadmodum subiecta: negationem vero & affirmationem hæc, facientem, ad esse & non esse apponere. & has oportet putare esse oppositas dictiones: possibile, & non possibile: cōtingens, non contingens: impossibile, non impossibile: necessarium, non necessarium: verum, non verum. Consequentiarum vero secundum rationem fiunt cum ita ponuntur. illam enim quæ est, possibile esse, sequitur ea quæ est, contingit esse: & hæc conuertitur illi, & non impossibile esse, & non necessarium esse, illam vero quæ est, possibile non esse, & contingens non esse, ea quæ est, non necesse non esse, & non impossibile non esse. illam autem quæ est, non possibile esse, & non contingens esse: ea quæ est, impossibile esse, & necesse non esse. illam vero quæ est, non possibile non esse, & non contingens non esse, ea quæ est, impossibile non esse, & necessarium esse. consideretur autem ex subscriptione, quemadmodum dicimus.

Enun

*Enunciationum modalium consequentia
secundum alios.*

Ordo I.	Ordo III.
Antecedentes.	Antecedentes.
Possibile esse.	Non possibile esse.
Contingens esse.	Non contingens esse.
Sequentes.	Sequentes.
Non impossibile esse.	Impossibile esse.
Non necessarium esse.	Necessarium non esse.
Ordo II.	Ordo IIII.
Antecedentes.	Antecedentes.
Possibile non esse.	Non possibile non esse.
Contingens non esse.	Non cōtingens nō esse.
Sequentes.	Sequentes.
Nō impossibile nō esse.	Impossibile non esse.
Nō necessariū non esse.	Necessarium esse.

Hæ igitur impossibile, & non impossibile eam quæ est contingens & possibile, & non contingens & non possibile sequuntur quidem contradictoriæ: sed conuersim. eam enim quæ est possibile esse, negatio impossibilis sequitur, quæ est, non impossibile esse. negatione verò affirmatio. nam illam, non possibile esse, ea quæ est, impossibile esse. affirmatio enim est impossibile esse: non impossibile verò negatio. Necessarium verò quemadmodum se habet, considerandum est. Manifestum est enim quod non eodem modo se habet, sed contrariæ sequuntur, contradictoriæ autem sunt extra. nō enim est negatio eius, quæ est necesse non esse, ea quæ est, non necesse esse: contingit enim veras esse utraque in eodem. quod enim

* a. l. ante

enime est necessariū non esse, nō est necessarium esse. Causa autē huius est, cur non sequitur necessarium similiter ceteris : quoniam cōtrariā, impossibile esse, necessario redditur idem valens. nam quod impossibile esse, necesse hoc, nō quidem esse, sed potius non esse. quod verò impossibile non esse, hoc necessarium esse. quare si illa similiter sequuntur possibile & nō possibile: hæc è contrario: quoniā non significant idem necessarium & impossibile: sed (quemadmodum dictum est) conuersim. An certe impossibile est sic poni cōtradictiones necessarij. nam quod necessarium esse, possibile esse. nam si non, negatio consequetur: necesse enim est aut affirmare aut negare. quare si non possibile esse, impossibile esse. igitur impossibile esse, quod necesse esse: quod est inconueniēs. At verò illam quæ est, possibile esse, non impossibile esse, sequitur: hanc verò, ea quæ est, nō necessarium esse, quare contingit quod necessarium esse, non necessarium esse: quod est inconueniens. At verò neque necessariū esse, sequitur eam quæ est, possibile esse, neque ea quæ est, necessariū non esse. illi enim vtraq; contingit accidere. harum autē vtralibet vera fuerit, non erunt illa vera: simul enim possibile esse, & non esse. si verò necesse esse vel non esse, nō erit vtrunque possibile. relinquitur ergo non necessarium non esse, sequi eam quæ est, possibile esse. hæc enim vera est & de necesse esse. hæc enim fit contradictio eius, quæ sequitur illam, quæ est, nō possibile esse. illam enim sequitur ea quæ est, impossibile esse, & necesse non esse, cuius negatio est, non necesse non esse. Sequuntur igitur & hæc contradictiones secundum prædictum modum: & nihil impossibile contingit sic positis.

Enunc

*Enunciationum modalium consequentia
secundum Aristotelem.*

Ordo I.

Antecedentes.
Possibile esse.
Cōtingēs esse.
Sequentes.

Non impossi-
bile esse.
Non necessa-
rium non esse.

Ordo III.

Antecedentes.
Non possibile
non esse.
Nō contingēs
non esse.

Sequentes.
Impossibile nō
esse.
Necessariū esse

Cōtrariæ.

Cōtrariæ.

Cōtrariæ.

Cōtrariæ.

Contra-

Cōtra-

Contra-

Contra-

Ordo II.

Antecedentes.
Possib. nō esse.
Cōtingens nō
esse.

Sequentes.
Non impossi-
bile non esse.
Non necessa-
rium esse.

Ordo IIII.

Antecedentes.
Non possib. esse
Noncontingens
esse.

Sequentes.
Impossib. esse.
Necessarium
non esse.

dictoriæ.

dictoriæ.

dictoriæ.

dictoriæ.

Dubitatio. Dubitabit autem aliquis, si illam quæ est, ne-
cessarium esse, ea quæ est, possibile esse sequitur.
Nam si non sequitur, contradictio sequetur quæ
est, non possibile esse. & si quis, hanc non esse di-
cat contradictionem, necesse est dicere possibile
non esse: quæ utræque falsæ sunt de necesse esse.
* At vero rursus idem videtur esse possibile in-
cidi & non incidi, & esse & non esse: quare erit
necesse esse, contingens non esse. hoc autem fal-
sum est. Manifestum est autem, quòd non omne
possibile vel esse, vel ambulare, etiam opposita
potest:

* a. l. addit
quare ad
necessariū
esse, possibi-
le esse sequi-
tur.

potest: sed est in quibus non sit verum. primum quidem in iis quæ non secundum rationem possunt. vt ignis calefactiuus est, & habet vim irrationalem. Quæ igitur secundum rationem potestates sunt, eadem plurimum etiam contrariorum sunt, irrationales vero non omnes: sed (quemadmodum dictum est) ignem non est possibile calefacere, & non: neque quæcunque alia semper agunt. alia verò possunt & secundum irrationales potestates simul opposita suscipere. sed hoc huius gratia dictum est: quoniam non omnis potestas oppositorum susceptiua est, neque quæcunque secundum eandem speciem dicuntur. Quædam verò potestates æquiuocæ sunt. possibile enim non simpliciter dicitur. sed hoc quidem, quoniam verum est quod in actu est: vt possibile ambulare, quoniã ambulat iam, & omnino possibile esse, quoniam iam est in actu quod dicitur esse possibile. illud verò, quoniam actu esse posset: vt possibile ambulare, quoniã ambulare posset, & hæc quidem in solis mobilibus est potestas, illa verò & in immobilibus, vtrunque verò verum est dicere, possibile ambulare vel esse, & quod ambulat & actu est, & ambulatium. Sic igitur possibile non est verum de necessario simpliciter dicere, alterum autem verum est. Quare, quoniam partem vniuersale sequitur, illud quod ex necessitate, consequetur posse esse: sed non omne. Et est quidem fortasse principium quod necessarium est, & quod non necessarium est, omnium vel esse, vel non esse, & alia, veluti horum consequentia, considerare oportet.

Alior

Aliorum modorum ad ipsum necessarium consequentia.

Ordo I.

Necessarium esse.

Non possibile non esse.

Non cōtingens nō esse.

Impossibile non esse.

Ordo II.

Non necessarium esse.

Possibile non esse.

Contingens non esse.

Non impossibile nō esse.

Ordo III.

Necessarium non esse.

Non possibile esse.

Non contingens esse.

Impossibile esse.

Ordo IIII.

Nō necessarium nō esse.

Possibile esse.

Contingens esse.

Non impossibile esse.

Manifestum est autem ex iis quæ dicta sunt, quòd id quod ex necessitate est, secundū actum est. quare si priora sunt sempiterna, & quæ actu sunt potestate priora sunt. Et hæc quidem sine potestate actus sunt, ut primæ substantiæ. alia verò cum potestate, quæ natura quidem priora sunt, tempore verò posteriora. alia autem nunquam actus sunt, sed potestates solum.

Quæ enunciationes contraria magis sibi inuicem esse dicantur. Cap. III.

Sectio quarta, secundū Gracos.

Idē in principio primi huius.

Vtrum autem contraria est affirmatio negationi, an affirmatio affirmationi, & oratio orationi quæ dicit, quòd omnis homo iustus est, ei quæ est, nullus homo iustus est: aut omnis homo iustus est, ei quæ est, omnis homo iniustus est: ut, est Callias iustus, nō est Callias iustus, Callias iniustus est, vtra harum cōtraria est? Nam si ea quæ sunt in voce, sequuntur ea quæ sunt in intellectu, illic autem contraria est opinio contrarij, ut quod omnis homo iustus est, ei quæ est, omnis homo iniustus est, etiam in iis quæ sunt in voce

affir

affirmationibus, necesse est similiter sese habere. quòd si neque illic contrarij opinio cōtraria est. nec affirmatio affirmationi erit cōtraria: sed ea quæ dicta est negatio. quare considerandum est quæ opinio falsa opinioni veræ contraria est, utrū negationis, an ea quæ contrariū esse opinatur. Dico autē hoc modo. est quædam opinio vera boni, quòd bonum est: alia autem quòd non bonum, est falsa: alia verò, quòd malum: vtra harum contraria veræ? & si est vna, secundū quamnam contraria. Nam arbitrari cōtrarias opiniones definiri, eò q̃ contrariorum sunt, falsum est. Boni enim quòd bonū est, & mali q̃ malum est, eadem fortasse opinio est etiam vera, siue plures, siue vna sit. sunt autem ista contraria, sed non eo quòd contrariorū sint, contraria sunt, sed magis eo quòd cōtrariæ. Si ergo est boni quidem quòd est bonum opinio, alia autem quòd non bonum est: est autem aliquid aliud quod non est, neque esse potest: aliarum quidem nulla ponenda est, neque quæcunq; esse quod non est opinantur: neque quæcunque non esse quod est. infinitæ enim vtræque sunt, & quæ esse opinantur quod non est: & quæ non esse quod est. Sed in quibuscunque fallacia est. hæ autem sunt ex his, ex quibus sunt generationes. ex oppositis verò generationes. quare etiam fallaciæ. Si ergo quod bonum est, & bonum & non malum est: & hoc quidem secundum se, illud verò secundum accidens (accidit enim ei non malum esse) magis autem in vnoquoque vera est quæ secundum se est etiam falsa, siquidem & vera: ergo ea quæ est, quòd non est bonum quod bonum est, eius quæ secundum se, falsa est: illa verò quæ est, quòd malum est, eius quæ secundum accidens. quare magis erit

falsa de bono, ea quæ est negationis opinio, quàm ea quæ est contrarij. Falsus est autem maxime circa singula, qui contrariam habet opinionem: contraria enim sunt eorum quæ plurimum circa idem differunt. Si igitur harum contraria est altera: magis verò negationis est contraria: manifestum est quòd hæc erit contraria. Illa verò quæ est, quòd malum est quod bonum est, implicita est, etenim quòd non bonum est, necesse est forte ipsum eundem opinari. Amplius, si etiam in aliis similiter oportet se habere, & hoc modo videbitur bene esse dictum. Aut enim vbique ea quæ est contradictionis, aut nusquam. quibus verò non sunt cōtraria, de illis quidem falsa, quæ est verè opposita: ut qui hominem nō putat esse hominem, falsus est. si igitur hæ contrariæ sunt, etiam & aliæ, quæ sunt contradictionis. Amplius, similiter se habet opinio boni quòd bonum est, & non boni quòd non bonum est, & præter has boni quòd non bonum est, & non boni quod bonum est. Illi ergo quæ est, non boni quod non bonum verè opinioni, quæ est contraria? Non enim ea quæ dicit, quod malum est, * si aliquando fuerit vera. nunquam autem vera veræ contraria est: est enim quoddam non bonum malum. quare contingit simul esse veras. At verò nec illa quæ est, quòd nō malum: vera enim & hæc: simul enim & hæc erunt. Relinquitur igitur ei quæ est non boni, quod * non bonum est, contraria ea quæ est non boni, quòd bonum est, falsa enim hæc. * quare & ea quæ est boni quòd non bonum est, ei quæ est boni, quòd bonum est. Manifestum ergo est, quòd nihil interest, nec si vniuersaliter ponamus affirmationem, vniuersalis enim negatio contraria erit. ut
opinio

* a. l. simul
 enim ali-
 quando.

* a. l. nō bo-
 nū vere cō-
 traria ea
 quæ est non
 boni, quod
 bonū falsa.
 falsa enim
 hæc.

opinionem quæ opinatur, quòd omne quod est bonum, bonum est, ea quæ est, quòd nihil eorum quæ bona sunt, bonum est. nam ea quæ est boni, quòd bonum, si vniuersaliter sit bonum, eadem est ei, quæ opinatur, quòd quicquid bonum est, quod bonum est. hoc autem nihil differt ab eo quod est, quòd omne quod est bonum, bonum est. similiter autem & in non bono. Quare si in opinione sic se habet: & sunt hæ quæ sunt in voce affirmationes & negationes, notæ earum quæ sunt in anima: manifestum est quòd affirmationi contraria quidem negatio est, quæ de eodem vniuersaliter: vt ei quæ est, quòd omne bonum, bonum est, vel quòd omnis homo bonus, ea quæ est, quòd nullum, vel nullus: contradictoriæ autem quæ est quòd non omne, * aut non omnis.

* a. l. & p

Manifestum est autem, quòd & veram veræ non contingit esse contrariam, neque opinionem, neque contradictionem. contrariæ enim quæ circa opposita sunt: circa eadem autem cōtingit verum dicere eundem: simul autem non contingit idem inesse contraria.





ARISTOTELIS

STAGIRITAE,

PERIPATETICO-

*rum principis pricrum re-
solutoriorum liber
primus,*

IOANNE FRANCISCO BVRANA
VERONENSI INTERPRETE.

SVMMA LIBRI.

*Agitur de nonnullis principijs, prosequentium cogni-
tione. De propositionum conuersionibus. De Syllo-
gismorum simplicium, ac mistorum figurarum, ac com-
plicationibus omnibus. De figurarum ternario nu-
mero, ac etiam Terminorum in quolibet syllogismo.
De Medijs syllogistici inuentione, seu propositionum
abundantia. De Syllogismorum male contextorum
in proprias figuras resolutione.*

De Syllogismi structura, Sectum Primum.

*De Propositione, Terminis, Syllogismo, Dicto de
omni, ac Dicto de nullo. Cap. I.*

* Alex. le-
git, & sciē-
tia demon-
stratiuam:
& etiā ut
iacet.



RIMVM dicere circa quid, &
cuius sit consideratio: quoniam
circa demonstrationē, & scienti-
æ demonstratiuæ. Postea deter-
minare, quid est propositio, &
quid terminus, & quid syllogi-
smus,

smus, & qualis perfectus, & qualis imperfectus: posthæc autem & quid in toto esse, aut non esse hoc in hoc: & quid dicimus de omni, aut nullo prædicari. Propositio igitur est oratio affirmatiua, vel negatiua alicuius de aliquo: hæc autem, aut vniuersalis, aut in parte, aut indefinita. Dico autem vniuersalem quidē, omni aut nulli inesse: in parte verò, alicui aut non alicui, aut non omni inesse: sed indefinitam inesse, aut non inesse sine vniuersali, aut secundum partem: vt, contrariorum vnā esse scientiam: aut voluptatem nō esse bonum. Differt autem demonstratiua propositio à Dialectica: quoniam Demonstratiua, sumptio alterius particulæ contradictionis est. non enim interrogat, sed accipit demonstrans. Dialectica verò, interrogatio cōtradictionis est. Nihil autem differet, quo vtriusque fiat syllogismus. nanque & demonstrans, & interrogans ratiocinatur, accipiēs aliquid de aliquo, inesse aut non inesse. Quare est Syllogistica quidē propositio simpliciter affirmatio, aut negatio alicuius de aliquo secundum dictum modum. Demonstratiua verò, si vera sit, & per suppositiones, quæ à principio sunt, accepta. sed Dialectica, percunctanti quidem interrogatio contradictionis: ratiocinanti autem sumptio apparentis, & probabilis: quemadmodum in Topicis dictum est. Quid itaque propositio, & quomodo differat syllogistica, & demonstratiua, & dialectica, accurate in sequentibus dicetur: ad præsentem verò vsum sufficiant, quæ nunc à nobis determinata sunt. Terminum autē voco, in quem * dissoluitur propositio, vt prædicatum, & de quo prædicatur: aut appositio, aut diuisio, esse, aut nō esse. Syllogismus autem est * ratio, in qua positis quibusdam, alte-

In Primo libro.

In principio primi libri Poster.

* Διαλύ-

τας αἰτιῶν λέγεται ὡς ἀπολύεται

ταύτης

* λόγος

αἰτιῶν λέγεται

ὡς ἀπολύεται

rum quid à positis, necesse est contingere, eò quòd hæc sint. Dico autem, eo quòd hæc sint, propter hæc contingere: propter hæc verò, nullius extrinsecus termini adiumento indigere ad necessarium efficiendum. Perfectum itaque voco syllogismum, nullo alio indigentem præter assumpta, vt necessarium appareat. Imperfectum verò, indigentem aut vnius, aut plurium, quæ sunt quidem necessaria per subiectos terminos, non tamen assumpta sunt per propositiones. In toto autem esse alterum altero, & de omni prædicari alterum altero, idem significat. Dicimus autem de omni prædicari, quando nihil sit subiecti accipere, de quo alterum non dicitur: ac de nullo consimiliter.

De conuersione propositionum Inexistentium.

Cap. I I.

Quoniam verò omnis propositio est, aut inesse, aut necessario inesse, aut contingenter inesse: harum autem aliæ affirmatiuæ, aliæ negatiuæ secundum vnamquamq; allocutionem: rursus vero affirmatiuarum ac negatiuarum, aliæ sunt vniuersaliter, aliæ in parte, aliæ indefinitæ: Vniuersaliter quidem priuatiuam, in eo, quod est inesse, terminis conuertere necesse est: vt, si nulla voluptas bonum, neque bonū vllum erit voluptas. Prædicatiuam autem conuertere quidem necessarium, nō tamen vniuersaliter, sed in parte: vt, si omnis voluptas bonum, & bonum aliquod esse voluptatem. Earum verò quæ in parte, prædicatiuam quidem conuertere necesse est secundum partem: si enim voluptas aliqua bonum, & bonum aliquod erit voluptas. Priuatiuam autem non necessarium: non enim

enim, si homo non inest alicui animali, & animal non inest alicui homini. Primum itaque sit priuatiua vniuersaliter, A B, propositio. si enim nulli A ipsum eorum quæ sunt B, inest, & B inest nulli eorum quæ A. nam si alicui, vt c, non verum erit quod dicitur, nulli ipsum A, eorum quæ B inesse: c enim ex his quæ B sunt, est. Si vero omni A ipsum eorum quæ sunt B, & B alicui eorum quæ A, inest. nam si nulli, & A eorum quæ B, nulli inest: verum suppositum fuerat omni inesse. Consimiliter autem & si propositio secundum partem sit. si enim A alicui eorum quæ B, & B alicui eorum quæ A, necesse est inesse. nam si nulli, & A nulli eorum quæ B. Sin autem A alicui eorum quæ B, non inest, non necesse & B alicui eorum quæ A, non inesse. vt si B quidem est animal, A vero homo: homo quidem enim non omni animali, animal autem omni homini inest.

*De conuersione propositionum
Necessariorum.*

Cap.

I I I.

Eodem autem modo se habebit & in necessariis propositionibus. vniuersalis enim negatiua vniuersaliter conuertitur: affirmatiuarum vero vtraque secundum partem. Si enim necesse est A, eorum quæ B, nulli inesse, necesse & B, eorum quæ A, nulli inesse. si enim alicui contingit, & A eorum quæ B, alicui contingeret. Sin autem ex necessitate A omni vel alicui eorum quæ B inest, & B alicui eorum quæ A necesse est inesse. si enim non necesse, neque A alicui eorum quæ B, inesset utique ex necessitate. Priuatiuum vero in parte, non conuertitur ob eandem causam, ob quam & prius diximus.

De conuersione propositionum Contingentium.

Cap.

IIII.

IN contingentibus vero, quoniam multifariam dicitur contingere: (etenim necessarium, & non necessarium, & possibile, contingere dicimus:) In affirmatiuis quidem consimiliter se habebit secundum conuersionem in omnibus. si enim A omni vel alicui eorum, quæ B contingit, & B alicui eorum quæ A continget utique. si enim nulli, neque A nulli eorum quæ B. ostensum est enim hoc prius. In negatiuis vero non similiter: sed quæcunque quidem contingere dicuntur, eo quod ex necessitate non insunt, aut non ex necessitate insunt, similiter. ut, si quis hominem dicat, contingere non esse equum, aut album nulli vestimento inesse. horum enim, illud quidem ex necessitate non inest, hoc autem non ex necessitate inest. Et consimiliter conuertitur propositio. si enim contingit nulli homini equum esse, & hominem contingit nulli equo, & si album contingit nulli indumento, & indumentum contingit nulli albo: si enim alicui necesse, & album alicui erit ex necessitate: hoc enim ostensum est prius. Consimiliter & in negatiua in parte. Quæcunque vero, eo quod ut plurimum, atque ob id, quod nata sunt, contingere dicuntur. secundum quem modum determinamus contingens, non similiter se habebunt in priuatiuis conuersionibus. cæterum vniuersalis quidem * propositio non conuertitur: quæ vero in parte conuertitur. Hoc autem erit manifestum, quando de contingenti dicemus. Nunc vero nobis & hoc sit præter ea quæ dicta sunt, planum, quod contingere nulli, aut alicui non inesse, affirmatiuam habet figuram. Contingit namq; ad similitudinem ipsius est, ordinatur: ipsum

* a. c. ad-
dūt priua-
tina.

ipsum vero est, in quibuscunq; prædicetur, affirmationem semper & omnino facit: vt, est non bonum, aut est non album, aut simpliciter est non hoc: monstrabitur autem & hoc per sequentia: secundum vero conuersiones ad aliarum similitudinem se habebunt.

De tribus figuris ex propositionibus Inexistentibus. Cap. V.

Determinatis vero his, dicamus iam per quæ, & quando, & quomodo fit omnis syllogismus: posterius autem dicendum de demonstratione. prius enim de syllogismo dicendum, quàm de demonstratione, eo quod vniuersaliter syllogismus est. demonstratio nanque syllogismus quidam est: syllogismus vero non omnis, demonstratio.

Prima Figura.

Cumque itaque termini tres sic se habeant inuicem, vt vltimus in toto sit medio: & medius in primo aut sit, aut non sit: necesse est extremitatum esse syllogismum perfectum. Voco autem medium, quod & ipsum in alio, & aliud in hoc est: quod & positione fit medium. extremitates vero, quæ & ipsa in alio est, & in qua aliud est. Si enim A de omni B: & B de omni C: necesse est A de omni C prædicari. prius enim dictum est, quomodo de omni dicimus.

Consimiliter vero, si A de nullo quidem B: B vero de omni C: quòd A nulli C inerit.

Sed si primum, omne consequitur medium: medium vero nulli inest extremo: non erit syllogismus extremitatum. nihil enim necessarium accidit, eo quòd hæc sint. nanque & omni & nulli cōtingit vltimo primum inesse: quare neq; quod secundum partem, neque quod vniuersaliter fit

necessarium. cū vero nullum sit necessarium, per hęc non erit syllogismus. Termini omni inesse, animal, homo, equus: nulli, animal, homo, lapis.

Neque quando neque primum medio: neque medium vltimo nulli insit: neque sic erit syllogismus. Termini inesse, scientia, linea, medicina: non inesse, scientia, linea, vnitas.

Vniuersalibus igitur terminis existentibus, planum in hac figura, quando erit & quando non erit syllogismus: & quod si fuerit syllogismus, terminos ita se habere necesse est, vt diximus: & si ita se habuerint, planum quod erit syllogismus. Si vero hic vniuersaliter, ille in parte ad alteram: quando quod vniuersaliter ad maiorem extremitatem, aut prædicatiuum, aut priuatiuum: quod autem in parte, ad minorem prædicatiuum: necesse est syllogismum esse perfectum. cū vero ad minorem, aut aliter quodammodo termini se habuerint, impossibile. Dico autem maiorem extremitatem, in qua medium est: minorem vero, quæ sub medio. Insit enim A omni B: B verò alicui C: si itaque est, de omni prædicari, quod in principio diximus, necesse est A alicui eorum quæ C inesse.

Et si A nulli eorum quæ B inest: B vero alicui C: necesse est A alicui C non inesse, determinatum enim est & de nullo quomodo dicimus. quare erit syllogismus perfectus. Consimiliter & si indefinitum sit B C, prædicatiuum existens. idem enim erit syllogismus, & si indefinitum, & si in parte accipiatur.

Sin autem ad minorem extremitatem vniuersaliter ponatur, aut prædicatiuum, aut priuatiuum, non erit syllogismus, neq; affirmatiuo, neq; negatiuo,

tuo, neq; indefinito, neque secundum partem existente. vt si A alicui B insit, aut non insit: B vero omni C insit. Termini, quòd insit, bonũ, habitus, prudentia: q; non insit, bonũ, habitus, * ignorãtia.

* ἀμαθία
insipientia.

Rursus, si B nulli insit C: A vero alicui B insit, aut non insit, aut non omni insit, neq; sic erit syllogismus. Termini, quòd omni insit, albũ, equus, cygnus: q; nulli, albũ, equus, coruus. iidẽ & si AB indefinitũ sit. Neq; quãdo quod ad maiorẽ extremitatẽ vniuersaliter fiat aut prædicatiuũ aut priuatiuũ: quod autẽ ad minorẽ priuatiuũ secundum partẽ, nõ erit syllogismus, siue indefinitum, siue in parte accipiat. vt si A omni inest B: B vero alicui C non inest aut nõ omni inest: cuiusq; enim alicui non insit medium, hoc & omne, & nullum ipsum sequetur primũ. Subiiciantur enim termini, animal, homo, album: postea & de quibus non prædicatur albis homo, sumantur cygnus, & nix: igitur animal de illo quidem prædicatur omni: de hoc autem nullo: quare non erit syllogismus. Rursus A quidem nulli insit B. B vero alicui C non insit. Termini sint, inanimatum, homo, album: postea accipiantur de quibus albis non prædicatur homo, cygnus, & nix. inanimatum nanque de hoc quidem omni: de illo autem nullo prædicatur. Amplius, quoniam indeterminatum est, B alicui C non inesse: verificatur autem & si nulli inest, & si non omni. quòd alicui non inest. si vero tales assumantur termini, vt nulli insit, non fit syllogismus: hoc enim dictum est prius. Planum itaque, quòd, eo quòd termini sic se habeant, non erit syllogismus: esset enim & in his. Consimiliter autem monstrabitur, & si vniuersaliter ponatur priuatiuum.

Neque autem si vtraque interualla secundum partem

partem extiterint, aut prædicatiue, aut priuatiue, aut hoc prædicatiue illud priuatiue, aut indefinitum illud definitum, aut vtrique indefinita, nõ erit syllogismus nullo pacto. Termini cõmunes omnium, animal, album, equus: animal, album, lapis.

Planum igitur ex dictis, quemadmodum si fuerit hac in figura secundum partem syllogismus, quòd necesse est terminos sic se habere, vt diximus: aliter vero se habentibus, nullo modo fit. Manifestum autem &, quod syllogismi omnes in eadem perfecti sunt (omnes enim perficiuntur per ea, quæ à principio sunt accepta) quòdque problemata omnia monstrantur per hanc figuram: nanque & omni, & nulli, & alicui, & non alicui inesse. Voco autem figuram talem Primam.

Secunda Figura ex propositionibus Inexistantibus. Cap. V I.

Q Vando vero idem huic quidem omni, illi autem nulli insit: aut vtrique omni, aut nulli, figuram quidem talem voco Secundam. Medium vero in ipsa dicitur, quod de vtrisque prædicatur: extrema autem, de quibus dicitur hoc. maius vero extremũ, quod ad medium iacet: minus autem, quod longius à medio. ponitur autem medium quidem extra extrema, sed positione primum. Perfectus quidem in hac figura nullo pacto est syllogismus: potest autem esse, & vniuersaliter, & non vniuersaliter terminis existentibus. Vniuersaliter quidem existentibus terminis erit syllogismus, quando medium huic quidem omni, illi vero nulli insit: & si ad vtrumuis fuerit priuatiuum: aliter vero minime. Prædicetur M de x quidem nullo: de x autem omni: quoniam
itaq

itaque conuertitur priuatiuum, nulli M inerat N :
 M vero omni x suppositum est : quare N nulli
 x . hoc enim monstratum est prius.

Rursus si M N quidem omni : x vero nulli : &
 x N nulli inerat. Si enim M nulli x , & x nulli
 M : M autem omni N inerat : x vero nulli in-
erat : N facta nanque rursus est prima figura.
quoniam vero conuertitur priuatiuum, & N nul-
li inerat x : quare idem erit syllogismus.

Est autem ipsa monstrare & ad impossibile
deducentes.

Quòd itaque sit syllogismus ita se habentibus
terminis, planum. verum nō perfectus: non enim
solum ex his, quæ ex principio, sed & ex aliis ef-
ficitur necessarium.

Si autem M de omni N , atque x prædicetur,
non erit syllogismus. Termini quòd inest, substan-
tia, animal, homo: quòd non inest, substantia, ani-
mal, numerus: medium, substantia.

Et quando neque de x , neque de N aliquo
prædicetur M . Termini quòd inest, linea, animal,
homo : quòd non inest, linea, animal, lapis.

Manifestum itaque, si sit syllogismus, vniuer-
saliter terminis existentibus, necesse terminos
ita se habere, vt diximus in principio: aliter
enim se habentibus, non efficitur necessarium.

Quando autem medium ad alterum vniuersa-
liter sit, quando quidem ad maius sit vniuersale,
aut prædicatiue aut priuatiue, ad minus vero &
secundum partem & oppositè (dico autem oppo-
sitè, si vniuersale priuatiuum, quod in parte af-
firmatiuum : si vero vniuersale prædicatiuum,
quod in parte priuatiuum) necessarium est, syl-
logismum fieri priuatiuum secundum partem.

Si

Si nanque M inest N quidem nulli : X vero alicui : necesse est N ipsi X non inesse. Quoniam enim conuertitur priuatiuum, nulli M inerit N : M vero suppositum est X alicui non inesse : quare N alicui X non inerit . efficitur nanque syllogismus per primam figuram. Rursus si M N quidem omni : X vero alicui M non insit : necesse est N X alicui non inesse . Si enim omni inest : prædicetur autem & M de omni N : necessarium est M omni X inesse. suppositum vero fuerat alicui non inesse. Et si M N quidem omni inest : X vero non omni : erit syllogismus quod non omni X N : demonstratio autem eadem. Si vero de X quidem omni : de N vero non omni prædicetur M : non erit syllogismus. Termini, * animal, substantia, coruus : * animal, album, coruus.

* a.l.c.ad.
q̄ insit.
* q̄ non insit.

Neque quando de X quidem nullo : de N vero aliquo. Termini quod insit, animal, substantia, vnitas : quod non insit, animal, substantia, sciētia.

Quando itaque oppositum sit vniuersali quod est secundum partem, dictum est, quando erit, & quando non erit syllogismus. Quando vero propositiones eiusdem sint figuræ, quemadmodum vtræque priuatiuæ aut affirmatiuæ nullo pacto erit syllogismus. Sint enim primum priuatiuæ, & vniuersale adiaceat maiori extremo, vt M N quidem nulli : X vero alicui non insit : contingit utique N & omni, & nulli eorum quæ sunt X, inesse. Termini quod nulli insit, animal, nix, nigrum. Quod vero omni insit, non est capere : si M X alicui quidem inest : alicui autem non. Si enim N omni X : M vero nulli N : M nulli X inerit : sed suppositum fuerat alicui inesse. sic itaque non contingit terminos capere. Ex infinito

definito autem monstrandum. quoniam enim verificatur quòd M alicui X non inest, & si nulli inest: cùm vero nulli inest, non erat syllogismus: manifestum, quòd neque nunc. Rursus sint prædicatiuæ, & vniuersale ponatur consimiliter, vt MN quidem omni: X vero alicui inest: contingit vtique N, & omni & nulli inesse X. Termini quòd nulli inest, album, cygnus, lapis. Quòd vero omni, non est capere ob eandem causam, quã prius: sed ex indefinito monstrandum. Si vero vniuersale ad minus est extremum: & M X quidem nulli: N vero alicui non inest: contingit N, & omni & nulli inesse X. Termini quòd inest, album, animal, coruus: quòd non inest, album, lapis, coruus. Si autem prædicatiuæ sint propositiones, termini quòd non inest, album, animal, nix: quòd vero inest, album, animal, cygnus.

Manifestum itaque, quando eiusdem figuræ sint propositiones, & hæc quidem vniuersaliter, illa vero in parte, quòd nullo modo efficitur syllogismus. Verum neque si alicui vtrique inest, aut non inest: aut huic quidem, illi vero non: aut neutri omni: aut indefinite. Termini omnium communes, album, animal, homo: album, animal, inanimatum. Manifestum itaque ex dictis, quòd & si ita se habeant termini ad se inuicem, quemadmodum dictum est, ex necessitate fit syllogismus: & si syllogismus sit, necesse est terminos ita se habere. Planum autem, quòd & omnes, qui in hac figura, syllogismi imperfecti sunt (omnes enim perficiuntur assumptis quibusdam, quæ vel insunt terminis ex necessitate, aut ponuntur, vt suppositiones, vt quando per impossibile monstremus) & quòd

quòd non fit affirmatiuus syllogismus per hanc figuram, sed omnes priuatiui, & qui vniuersaliter & qui secundum partem.

Tertia Figura.

Cap. VII.

SIn autem eadem, hoc quidem omni, illud vero nulli insit: aut ambo omni, aut nulli, figuram talem voco Tertiam. Sed medium in ipsa dico, de quo ambo prædicamus: extrema vero, quæ prædicantur: maius, quod à medio longius: minus autem, quod proximus. ponitur vero medium extra quidem extrema, positione autem vltimum. Perfectus itaque neque in hac figura syllogismus efficitur: poterit autem, cum & vniuersaliter, & non vniuersaliter termini ad medium extiterint.

Vniuersaliter igitur terminis existētibus, cum & P, & R omni insit S, erit syllogismus, quòd alicui eorum quæ sunt R, P inerit ex necessitate. Quoniam enim cōuertitur prædicatiuum, inerit S alicui eorum, quæ sunt R. quamobrem quoniam P omni S: S vero alicui R: necesse est P alicui R inesse. per primam namque figuram syllogismus efficitur.

Possumus autem & per impossibile, & exponendo, demonstrationē, facere. Si ambo enim omni insunt S, si quid eorū quæ sunt S, accipiatur, vt N: huic & P, & R inerūt: quare alicui R inerit P.

Et si R omni S: ipsum verò P nulli insit: erit syllogismus, quod P alicui eorum quæ sunt R, non inerit ex necessitate. erit enim idem modus demonstrationis, conuersa, R S, propositione.

Monstrari verò posset & per impossibile, quemadmodum in priori.

Si verò R nulli S: P verò omni insit S: non erit syllogismus. Termini quòd insit, animal
equus

equus, homo : quòd non inest, animal, inanimatum, homo. Neque quando ambo de nullo S dicantur, erit syllogismus. Termini quòd inest, animal, equus, inanimatum : quòd non inest, homo, equus, inanimatum. Manifestum itaque & in hac figura quando erit, & quando non erit syllogismus, cum termini vniuersaliter fuerint. Quando enim ambo termini prædicatiui positi sint erit syllogismus, quòd alicui inerit extremum extremo : quando autem priuatiui, non erit. Quando autem his priuatiuus sit, ille vero affirmatiuus : si maior quidem factus fuerit priuatiuus, alter autem affirmatiuus, erit syllogismus, quòd alicui non inerit extremum extremo : si e conuerso, non erit. Sed, si hic quidem vniuersaliter sit, ille autem in parte, terminis vtrisque prædicatiuis existentibus, necesse est fieri syllogismum, si vterlibet terminorum vniuersaliter sit. Si enim R omni inest S : ipsum vero P alicui : necesse est P alicui eorum quæ sunt R inesse. Quoniam enim conuertitur affirmatiua, inerit S alicui eorum quæ sunt P. quare quoniam R quidem omni S : S vero alicui eorum quæ sunt P : & R alicui P inerit : quare & P alicui R. Rursus si R quidem alicui S : P vero omni inesse : necesse est P alicui R inesse. idem enim modus erit demonstrationis. Est autem demonstrare & per impossibile, & expositione, quemadmodum in prioribus. Sed si hic quidè sit prædicatiuus, ille vero priuatiuus, vniuersaliter autem prædicatiuus, quando minor quidem sit prædicatiuus, erit syllogismus. Si enim R omnis : ipsum vero P alicui non inest : necesse est P alicui R non inesse. Si enim omni : & R omni S : & P omni S inerit : sed non inerat.

Monstratur autem & sine deductione, si acceptum fuerit aliquid eorum quæ sunt S, cui P non inest. Quando autem maior quidem sit prædicatiuus, minor vero particularis priuatiuus, non erit syllogismus: ut si P quidem omni inest S: R autem alicui S non inest. Termini quod omni inest, animatum, homo, animal. Nulli vero

* *Al. cod. non habet hac verba usque ad aliud, Si enim* non est accipere terminos: si alicui quidem inest ipsum R, alicui autem non. * Si enim nulli R inest P: ipsum vero R alicui S: & P alicui S non inerit: suppositum autem est, omni inesse. Si enim omnis inest P: R vero alicui S: & P alicui R inerit: suppositum autem fuerat, nulli inesse. Sed quemadmodum in prioribus accipiendum est cum etenim indefinitum sit, alicui non inesse, & quod nulli inest, verum est dicere, alicui non inesse: cum vero nulli insit, non est syllogismus. manifestum igitur, quod non erit syllogismus. Sed si priuatiuus terminorum vniuersaliter sit, qui autem in parte prædicatiuus, cum maior sit priuatiuus, minor vero prædicatiuus, erit syllogismus. Si enim P nullis: R autem alicui inest S: R P alicui non inerit. Rursus enim erit prima figura, R S, propositione conuersa.

Sed quando minor sit priuatiuus, non erit syllogismus. Termini quod insit, animal, homo, syluestre: quod non insit animal, scientia, syluestre: medium amborum, syluestre.

Neque quando utrique priuati positi fuerint, sit autem hic quidem vniuersaliter, ille vero in parte. Termini quod insit, cum minor sit vniuersaliter ad mediam, animal, homo, syluestre: quod non insit, animal, scientia, syluestre. Sed quando maior vniuersaliter, minor ve-

ro in parte : quòd non insit, coruus, nix, album. Quòd autem insit, non est capere terminos, si R alicui quidem inest S, alicui vero non inest. Si enim P omni R : R autem alicui S : & P alicui S inerit : sed fuerat suppositum nulli. cæterum ex indefinito monstrandum. Neque quando vterque alicui medio insit, aut non insit, aut hic quidem alicui, ille vero non omni, aut indefinite, non erit syllogismus. Termini omnium communes, animal, homo, album : animal, inanimatum, album. Manifestum itaque & in hac figura, quãdo erit, & quando non erit syllogismus : & quòd ita se habentibus terminis, quemadmodum dictum est, fit ex necessitate syllogismus : & si existat syllogismus, necesse est terminos ita se habere. Manifestum etiam, quòd omnes imperfecti & qui hac in figura syllogismi sunt : (perficiuntur namque omnes assumptis quibusdam :) & quòd vniuersaliter ratiocinari per hanc figuram non licet, neque priuatiuum, neque affirmatiuum.

Quæ coniugationes penitus inutiles sint : quæ vero non penitus, in omnibus figuris. Quo pacto syllogismi omnes perfecti fiant : & reducantur omnes in vniuersales Primæ figuræ. Cap. VIII.

Planum autem, & quòd in omnibus figuris, quando non fiat syllogismus prædicatiuis aut priuatiuis vtrisque existentibus terminis, & in parte, nihil penitus fit necessarium : prædicatio autem & priuatiuo, & vniuersaliter accepto priuatiuo, semper fit syllogismus minoris extremi ad maiorem. Quemadmodum

si A omni B, aut alicui: B vero nulli C. conuersis namque propositionibus, necesse est C alicui eorum quæ sunt A, non inesse.

Consimiliter & in aliis figuris: semper enim per conuersionem fit syllogismus. Palam autem, quòd & si indefinitum pro prædicatiuo in parte ponatur, eundem faciet syllogismum in omnibus figuris. Manifestum autem, & quòd omnes imperfecti syllogismi perficiuntur per primam figuram, aut enim monstratiue, aut per impossibile concluduntur omnes: utroque autem modo prima efficitur figura. Si quidem monstratiue perficiantur: quoniam per conuersionem concluduntur omnes: conuersio vero primam efficiebat figuram. Sin autem per impossibile monstrantur: quoniam posito falso, syllogismus efficitur per primam figuram. Quemadmodum in vltima figura, si A, & B omni insunt C, quòd A alicui B inest. si enim A nulli B: B vero omni C: A nulli C: sed erat omni. Consimiliter & in aliis. Est autem & omnes syllogismos reducere ad vniuersaliter syllogismos, qui in prima sunt figura. Qui quidem in secunda sunt figura, planum quòd per illos perficiuntur: præterquam quòd non omnes consimiliter: sed vniuersales, priuatiuo conuerso: qui vero in parte, vterque per deductionem ad impossibile. Qui autem sunt in prima figura secundum partem, perficiuntur quidem & per seipsos: verum est etiam per secundam figuram monstrare ad impossibile deducendo. Vt si A omni B: B alicui C: quòd A alicui C inerit, si enim nulli B vero omni: nulli C B inerit: hoc enim fit per secundam figuram. Consimiliter autem & in priuatiuo erit demonstratio. Si enim A nulli B: B vero alicui C inest:

C inest: A C alicui non inerit, si enim omni: nulli autem B inest: nulli C B inerit. sed hæc erat media figura. Quamobrem, quoniam omnes, qui in media sunt figura, syllogismi reducuntur ad vniuersales syllogismos, qui in prima: qui vero secundum partem in prima ad eos, qui in media: planum, quod & qui secundum partem reducuntur ad vniuersales syllogismos, qui in prima figura. Qui vero in tertia, cum termini vniuersaliter sunt, statim perficiuntur per eos syllogismos, qui in prima figura. cum vero in parte fuerint accepti, per syllogismos in parte, qui sunt in prima figura: isti autem in illos reducti sunt: quare & qui in tertia figura secundum partem omnes reducuntur ad vniuersales syllogismos, qui in prima. Qui igitur inesse, aut non inesse monstrant syllogismi, dictum est quomodo se habent: & secundum se, qui ex eadem figura: & ad se inuicem, qui ex diuersis figuris.

De syllogismis ex ambabus, de Necessario in tribus figuris.
Cap. I X.

Quoniam vero diuersum est inesse, & ex necessitate inesse, & contingere inesse (multa enim insunt quidem, non ex necessitate tamen: alia vero neque insunt omnino, contingunt autem inesse) planum quod & syllogismus vniuscuiusque horum diuersus erit, & non similiter se habentibus terminis: sed hic quidem ex necessariis, ille vero ex inexistentibus, ille autem ex contingentibus. In necessariis itaque fermè consimiliter se habet ac in his quæ insunt: eodem enim modo positis terminis in eo quod est inesse, & in eo quod est ex necessitate

inesse, erit & non erit syllogismus: præterquàm quòd different in eo quòd adiacet terminis ex necessitate inesse vel non inesse. nanque & priuatiuum similiter conuertitur. & quòd est in toto esse, & quòd de omni, consimiliter assignabimus. In aliis igitur eodem pacto monstrabitur per conuersionem, quòd conclusio est necessaria, quemadmodum in eo quòd est inesse. In media vero figura, quando sit hoc quidem vniuersaliter affirmatiuum, hoc autem priuatiuum in parte: atque iterum in tertia, cùm sit hoc quidem vniuersaliter prædicatiuum, illud vero priuatiuum in parte, non similiter erit demonstratio. Cæterum necesse est, cui vtrunque non inest, de hoc facere syllogismum: erit enim necessarium & in his, si autem de exposito necessario est & de illo quodam: nanque expositum, quòd illud aliquid est. Fit autem vterque syllogismorum in propria figura.

Mistio necessarj & inesse, in Prima figura.

Caput X.

Sed contingit aliquando, & altera propositio-
ne necessaria existente, necessarium fieri syllogismum: præterquàm quòd non vtralibet, sed quæ ad maius extremum. Vt si A quidem sumptum est inesse ipsi B ex necessitate, aut non inesse: B vero ipsi C inesse solum. sic enim sumptis propositionibus, ex necessitate A inerit ipsi C, aut non inerit. Quoniam enim B ipsi ex necessitate inest, aut non inest A: ipsum vero C aliquid est eorum, quæ sunt B: manifestum quòd & C ipsi ex necessitate erit horum alterum. Sin autem A B quidem non est necessarium: B C vero necessarium: non erit conclusio necessaria. Nam si est, continget A eorum quæ sunt B
alic

alicui inesse ex necessitate, & per primam, & per tertiam figuram. sed hoc falsum. contingit enim B tale esse, cui nulli accidit inesse A. Præterea & ex terminis palā, quod nō est conclusio necessaria. ut si A esset motus, B animal, in quo autem C homo. animal nanque homo ex necessitate est: verum mouetur animal non ex necessitate, neque homo. Consimiliter autem & si priuatiuum esset A B: eadem enim demonstratio.

In syllogismis vero qui sunt in parte, si vniuersale est necessarium, & conclusio erit necessaria: sin autem quod secundum partem, non necessaria: neque priuatiua, neque prædicatiua existente vniuersali propositione. Sit autem primum vniuersale necessarium, & A omni B insit ex necessitate: B vero alicui C solum insit: necesse vtique A alicui C inesse ex necessitate. nam C sub B est: B verò omni A inerat ex necessitate. Consimiliter autem & si priuatiuus esset syllogismus: eadem enim erit demonstratio. Si vero quod est secundum partem necessarium sit, non erit conclusio necessaria. nullum enim impossibile concidit, quemadmodum neq; in vniuersalibus syllogismis. Consimiliter autem & in priuatiuis, Termini, motus, animal, album.

Mistio Necessarij & Inesse in Secunda figura.

Caput XI.

SEd in secunda figura, si priuatiua propositio est necessaria, & cōclusio erit necessaria: si vero prædicatiua, non necessaria. Sit enim primum priuatiua necessaria, & A nulli contingat B: ipsi vero C solum insit: quoniam itaque conuertitur priuatiuum, & B A nulli contingit: A vero omni inest C: quare nulli C contingit B: nanque C sub A est.

*4a. l. nō igitur neque
duæ negationes apud
Græcos magis negant.*

Consimiliter autem & si ad C ponatur priuatiuum. Si enim A nulli C contingit: & C nulli A continget: A vero omni inest B: quare nulli B continget C. fit enim prima rursus. * igitur neque B ipsi C: conuertitur enim similiter.

Sin autem prædicatiua propositio est necessaria, non erit conclusio necessaria. Infit enim, A omni B ex necessitate: C vero nulli infit solum: conuerso itaque priuatiuo, prima efficitur figura. monstratum est autem in prima, quod non necessaria existente priuatiua quæ ad maius, neque conclusio est necessaria: quare neque in his erit ex necessitate. Præterea, si conclusio est necessaria, contingit C alicui A non inesse ex necessitate. Si enim B nulli C inest ex necessitate: & C nulli B inerit ex necessitate: ipsum vero B alicui A necesse est inesse: siquidem & A omni B ex necessitate inerat: quare & C necesse est alicui A non inesse. verum nihil vetat, A tale acceptum fuisse, cui omni, C ipsum contingit inesse. Præterea & terminos exponentem monstrare liceret, quod conclusio non est simpliciter necessaria, sed his existentibus necessariis. Vt sit A animal, B homo, C vero album; & propositiones similiter sint acceptæ. contingit enim animal nulli albo inesse: & homo utique nulli inerit albo, verum non ex necessitate. contingit enim hominem fieri album, non tamen quousque animal nulli infit albo. quare his quidem existentibus, necessaria erit conclusio: simpliciter autem non necessaria. Consimiliter se habebit & in syllogismis in parte. cum enim priuatiua propositio & vniuersaliter sit & necessaria, & conclusio erit necessaria: cum vero prædicatiua & vniuersaliter sit

ter sit

ter sit necessaria, priuatiua autem secundum partem, non erit conclusio necessaria. Sit primum priuatiua, & vniuersaliter & necessaria, & A nulli B contingat inesse: alicui vero C inest: quoniam itaque conuertitur priuatiuum, & B nulli A posset contingere inesse: A vero alicui C inest: quare ex necessitate B alicui C non inerit. Rursus sit prædicatiua vniuersaliter & necessaria, & ponatur ad B prædicatiuum. Si itaque A omni B ex necessitate inest: C vero alicui non inest: quod itaque non inerit B alicui C manifestum, sed non ex necessitate: iidem nanque termini erunt ad demonstrationem, qui & in vniuersalibus syllogismis. Sed neque, si priuatiuum necessarium acceptum sit in parte, est conclusio necessaria: per eosdem nanque terminos demonstratio, * vno solo transumpto.

Mixtio Necessarij & Inesse in tertia figura.

Caput XII.

Sed in tertia figura, cum termini sint vniuersaliter ad medium, & ambæ propositiones prædicatiuæ, si vterlibet necessarius existat, & conclusio erit necessaria. Sin autem hoc prædicatiuum, illud vero priuatiuum sit, cum priuatiuum sit necessarium, & conclusio erit necessaria: quando autem prædicatiuum, non erit necessaria. Sint enim primum ambæ prædicatiuæ propositiones: & A & B omni C insint: necessarium vero sit A C: quoniam igitur B omni C: & C alicui B inerit, eo quod vniuersale secundum partem conuertitur: quare, si omni C inest A ex necessitate: & C alicui B: necessarium est A alicui B inesse, nam B sub C est. sit igitur

* *Sit Alexā. Quædā exemplaria habent hæc verba. quod Alb. dixit, sed aliter ordinandi sunt termini.*

rursus prima figura. Consimiliter monstrabitur & si B C est necessarium. conuertitur enim C cum aliquo A: quare, si omni C B ex necessitate inest: & A alicui B inerit ex necessitate.

Rursum sit A C priuatiuum: B.C vero affirmatiuum: priuatiuum autem necessarium. quoniam igitur conuertitur C cum aliquo B: A vero nulli C ex necessitate: neque B alicui inerit A ex necessitate. nam B sub C est. Si vero prædicatiuum necessarium, non erit conclusio necessaria. Sit enim B C prædicatiuum & necessarium: A C vero priuatiuum & non necessarium: quoniam igitur conuertitur affirmatiuum, inerit & C alicui B ex necessitate: quare si A nulli C: C vero alicui B: A alicui B non inerit: sed non ex necessitate. monstratum est enim in prima figura, quod priuatiua propositione non necessaria existente, neque conclusio erit necessaria. Amplius per terminos planum fieri possit. sit enim A bonum: B animal: C vero equus. contingit igitur bonum nulli equo inesse: animal autem necesse omni inesse: sed non necesse animal quippiam non esse bonum, si quidem contingit omne bonum esse. Sin autem non hoc possibile: sed vigilare, aut dormire, terminum ponendum. omne nanque animal horum esse, susceptiuium. Si igitur termini vniuersaliter ad medium sint, dictum est, quando erit conclusio necessaria. Si vero hic quidem vniuersaliter, ille autem in parte, vtrisque prædicatiuis existentibus, si vniuersale sit necessarium, & conclusio erit necessaria. demonstratio vero eadem, quæ & prius, cōuertitur enim & prædicatiuum in parte. Si itaque necesse est B omni C inesse: A vero sub C est: necesse est B alicui A inesse

*Terminos
legas in
figura.*

in esse, sed, si B alicui A, & A alicui B in esse necessarium. conuertitur enim. Similiter & si A C sit necessarium, vniuersaliter existens. nam B sub C est. Si vero quod in parte necessarium est, non erit conclusio necessaria. Sit enim B C in parte & necessarium: A vero omni C in sit, non tamen ex necessitate conuerso igitur B C, prima efficitur figura: & vniuersalis quidem propositio nō necessaria, quæ autem in parte necessaria, sed cū ita se habeant propositiones, non erat cōclusio necessaria: quare neque in his. Amplius & ex terminis manifestum. sit A vigilatio, B bipes, in quo autem C animal. B igitur alicui C necesse est in esse: A vero ipsi C contingit: & A ipsi B non necessarium. non enim necesse bipes aliquod non dormire, aut vigilare. Consimiliter & per eosdem terminos monstrabitur, & si A C sit in parte, & necessarium. Si vero hic quidem prædicatiuus, ille autem priuatiuus terminorum, quādo vniuersale priuatiuum sit & necessarium, & conclusio erit necessaria. Si enim A C nulli contingit: B vero alicui C inest: A alicui B necesse non in esse. Quando autem affirmatiuum necessarium positum sit vniuersaliter existens, aut in parte, aut priuatiuum secundum partem, non erit conclusio necessaria: nam alia quidem eadem, quæ & in prioribus, dicemus. Termini vero, quando sit vniuersale prædicatiuum necessarium, vigilatio, animal homo: medius, homo. Quando autem in parte prædicatiuum sit necessarium, vigilatio, animal, album. necesse est nanque animal alicui albo in esse: vigilatio autem contingat nulli: & non necesse alicui animali nō in esse vigationem. Sed quando priuatiuum in parte existens necessarium sit, bipes

bipes, motum, animal: animal medium. Plannum itaque, quod inexistenti syllogismus non est, nisi utraque sint propositiones inesistentes: sed necessarij est, & cum altera solum sit necessaria. In utrisque vero, & cum pradicatiui & cum priuatiui syllogismi sint, necesse alteram propositionem consimilem esse conclusionem. dico autem, si inexistens, in-existentem: si necessaria, necessariam. Quare & hoc manifestum, quod non poterit conclusio aut necessaria, aut inexistens esse, nisi accipiatur necessaria, aut inexistens propositio. De necessario itaque quomodo fit, & quam habet ad inexistens differentiam, dictum est quasi sufficienter.

*De Contingenti, & propositionum secundum
Contingens conuersionibus.*

Cap. XIII.

DE contingenti verò posthac dicamus, quando, & quomodo, & per quæ erit syllogismus. Dico autem contingere & contingens, quod cum non sit necessarium, si ponatur inesse, nihil erit propter hoc impossibile: nanque necessarium, æquiuoce contingere dicimus. Quod autem hoc est contingens, manifestum & ex negationibus & affirmationibus oppositis. nam non contingit inesse, & impossibile inesse, & necesse non inesse, aut eadē sunt, aut consequentia se inuicem: quare & opposita, contingit inesse, & non impossibile inesse, & non necesse non inesse, aut eadem sunt, aut consequentia se inuicem: de omni enim affirmatio, aut negatio erit, igitur contingens non necessarium, & non necessarium contingens. Accidit autem omnes, quæ secundum contingens sunt propositiones, conuerti inter se: di-

Vide Secundo de Interpretatione cap. 3.

Quo pacto conuertantur propositiones de contingenti.

eo autem non affirmatiuas cum negatiuis, sed quæcunque affirmatiuam habent figuram, secundum oppositionem: vt, contingere inesse, cum eo quod est, contingere non inesse: & omni contingere, cum eo quod est, nulli contingere, vel non omni: & alicui, cum eo quod est, alicui non. eodem autem modo & in aliis. Quoniam enim contingens non est necessarium: non necessarium vero contingit non inesse: planum, quod si contingit A inesse B, contingit & non inesse: & si omni contingit inesse, & omni contingit non inesse. Consimiliter autem & in affirmationibus in parte: nanque eadem demonstratio. verum tales propositiones affirmatiuæ sunt, & non priuatiuæ. Contingit enim ad similitudinem ipsius esse ordinatur, quemadmodum dictum est prius. Determinatis verò his, rursus dicimus, quod contingere secundum binos dicitur modos. Vnum, eo quod vt plurimum fit, & deficit necessarium, vt canescere hominē, vel augeri aut minui, aut penitus, quod aptū natum est esse: hoc enim non continuum quidem habet necessarium, propterea quod nō semper est homo: at qui dum homo fit, aut ex necessitate, aut vt plurimū est. Alium, ipsum infinitum, quod & sit & non sit possibile: vt ambulare animal, aut ambulante terræ motum fieri, aut omnino quod à fortuna fit. nil enim magis sic aptum est natum, quàm in cōtrarium. Conuertitur itaq; secundum oppositas propositiones vtrūque contingentium, non eodem tamen modo: sed quod aptum natū est esse cum eo, quod est, non ex necessitate inesse: sic enim contingit non canescere hominem: ipsum verò infinitum, cum eo quod est nihil magis sic, quàm illo modo se habere, aut habitum ire. Verum
 sciens

scientia ac syllogismus demonstratiuus de ipsis quidem infinitis non est. eò quòd inordinatum est medium: de apte vero natis est. & ferme rationes & considerationes fiunt de sic contingentibus: de illis autè accidit quidem fieri syllogismum non tamen consueuerunt quæri. Hæc igitur magis determinabuntur in sequentibus. Sed nunc dicamus quando, & quomodo, & quis erit syllogismus ex contingentibus propositionibus.

*De syllogismis ex ambabus, de Contingenti in
Prima figura. Cap. XIII.*

*Quale sit
dictum de
omni in p
positioni-
bus contin-
gentibus.*

Sed quoniam contingere hoc huic inesse, bifariam erit accipere: aut enim cui inest hoc, aut cui contingit ipsum inesse: A nanque contingere, de quo B horum alterum significat, aut de quo dicitur B aut de quo contingit dici: A vero de quo B, vel A contingit omni B, nihil differt: manifestum igitur quòd bifariam dici posset, A contingere omni B inesse. Primum igitur dicamus, si de quo B contingit ipsi C, & de quo A ipsi B, quis erit & qualis syllogismus: sic enim & propositiones utræque accipiuntur secundum contingere. cum vero de quo B inest, A contingat: illa quidem inexistens, illa autem contingens. quare ab iis quæ consimilis sunt figuræ incipiendum, quemadmodum & in aliis. Quando itaque A omni contingat B: & B omni C: erit syllogismus perfectus, quòd A omni C contingit inesse. hoc autem manifestum ex definitione: contingere nanque omni inesse sic dicebamus. Consimiliter & si A contingit nulli eorum quæ sunt B: B vero contingit omni C: quòd A contingit nulli C. de quo enim B contingit, A non contingere, hoc erat nullum omittere contingentium, quæ sub B. Cum verò A omni

B con

B contingat : B vero nulli contingat C: per sumptas quidem propositiones nullus fit syllogismus. conuersa autem B C secundum contingere, idem erit, qui prius. nam quoniam contingit B nulli C inesse, contingit & omni inesse. hoc autem dictum est prius. quare quoniam B omni C: A vero omni B: rursus idem efficietur syllogismus. Consimiliter & si ad vtrasque propositiones negatio ponatur cum eo quod est contingere. dico autem, veluti si A nulli contingit B: & B nulli C. per sumptas enim propositiones nullus fit syllogismus: conuersis vero, rursus idem erit qui prius. Planum itaque quod negatione posita ad minus extremum, vel ad vtrasque propositiones, aut non fit syllogismus, aut fit quidem, sed non perfectus: ex conuersione namque concluditur necessarium. Sin autem hæc quidem propositionum vniuersaliter accepta sit, illa vero in parte, vniuersali posita ad maius extremum, syllogismus erit perfectus. Si enim A omni contingit B: B autem alicui eorum quæ C contingit: A alicui C contingit, hoc autem manifestum ex definitione eius quod est, de omni contingere. Rursus si A contingit nulli B: sed B alicui C contingit inesse: necesse A contingere alicui C non inesse. demonstratio autem eadem.

Si vero propositio in parte priuatiua accepta fuerit, vniuersalis autem affirmatiua, positione vero consimiliter se habeant: puta, A omni B contingit: sed B alicui C contingit non inesse: per assumptas quidem propositiones non fit manifestus syllogismus: verum si eam quæ in parte est conuerterimus, & ponamus B alicui C contingere inesse, eadem erit conclusio, quæ & prius, quemadmodum in iis, quæ à principio.

Quod

Quòd si quæ ad maius extremum in parte sit accepta, quæ verò ad minus vniuersaliter, siue vtræque affirmatiue posita fuerint, siue priuatiue, siue non consimilis figuræ, siue vtræque indefinite, aut secundum partem, nullo modo erit syllogismus. Nil enim prohibet B transcendere A, & non prædicari in æquis. quo autè transcendit A, accipiat C: huic enim neq; omni, neque nulli, neq; alicui, nõ contingit A inesse: siquidè conuertuntur propositiones, quæ secundum contingere, & B pluribus contingit, quàm A inesse. Amplius & ex terminis planum: ita namq; se habentibus propositionibus, primũ ultimo & nulli contingit, & omni inesse necessarium. Termini vero cõmunes omnium, q̃ ex necessitate insit animal, album, homo: q̃ non contingat, animal, album, indumentum. Planum itaque, quòd hoc se habentibus modo, nullus sit syllogismus. Aut enim existendi aut ex necessitate, aut contingendi omnis est syllogismus. quòd quidem inexistendi ac necessarij non sit, planum: affirmatiuus enim priuatiuo tollitur: priuatiuus autè affirmatiuo. superest igitur, vt contingendi sit. hoc autem fieri nequit: monstratum enim est, quòd ita terminis se habentibus, & omni postremo necesse est primũ, & nulli contingere inesse. quare esse non posset contingendi syllogismus: necessariũ namque non erat contingens. Manifestum itaque, & quòd si vniuersaliter termini extiterint in contingentibus propositionibus, semper sit syllogismus in prima figura: & si prædicatiui & si priuatiui fuerint. præterquàm quòd si prædicatiui quidem sint perfectus: si vero priuatiui, imperfectus. Accipere autem opus est contingere, non quod in necessariis, sed secundum dictam determinat

minationem. plerunque autem latet quod tale est.

Mistio Contingenti & Inexistenti in Prima figura.

Cap. XV.

SIn autem hac inesse, illa propositionum accipiat^r contingere. cum quæ ad inaius est extremum contingere significet, & perfecti omnes erunt syllogismi, & contingentis secundum determinatam determinationem: cum vero quæ ad minus, & imperfecti omnes, & priuatiui syllogismi contingentis, non secundum determinationem, sed eius, quod est nulli, aut nõ omni ex necessitate. si enim non omni aut nulli ex necessitate contingere dicimus, & nulli & non omni inesse. Contingat nanque A omni B: B vero omni C ponatur inesse: quoniam igitur C est sub B: omni autem B contingit A: planum quod & C omni contingit. fit itaque perfectus syllogismus. Consimiliter & si A B propositio extiterit priuatiua: B C vero affirmatiua: & A C quidem contingere: B C autem inesse accipiat^r: perfectus erit syllogismus, quod A cõtingit nulli C inesse. Quod igitur, si inexistens ad minorem ponatur extremitatem, perfecti fiant syllogismi, manifestum. Sed quod dum econtrario se habeat, erunt syllogismi, per impossibile monstrandum. simul autem clarum erit, & quod imperfecti: monstratio nanque non est ex acceptis propositionibus. Caterum primo dicendum est, quod si dum A fuerit, necesse est B esse: & dum possibile A extiterit, possibile erit & B ex necessitate. Sit enim ita se habentibus, in quo quidem A possibile: in quo autem B impossibile. si igitur possibile, quando possibile est esse, utique fieret, impossibile vero, quãdo impossibile, fieri

Log. Arist.

m

nequeat: simul autem si A possibile, & B impossibile: contingeret utique A factum esse sine B, si vero factum esse, & esse: factum nanque, quando factum fuit, est. Verum oportet accipere possibile atque impossibile, non solum in generatione, sed & in eo quod est verificari, & inesse, & quocumque modis aliter dicitur possibile: in omnibus enim consimiliter se habebit. Amplius existente A, B esse, non oportet existimare, tanquam si vnum esset A, B fore. nihil nanque est ex necessitate, vno quopiam existente, sed duobus minimis: sicuti cum propositiones ita se habeant, veluti dictum est secundum syllogismum. nam, si C de D: D autem de F: & C de F ex necessitate: & si vtrunque possibile, & conclusio erit possibilis. ac si quispiam poneret A propositiones, B vero conclusionem, euenire posset non solum A necessario existente, simul & B esse necessarium, sed & possibili possibile. Hoc autem monstrato, planum, quod falso supposito, & non impossibili, & conclusio propter suppositionem falsa erit, & non impossibilis. veluti si A falsum quidem est, non tamen impossibile: cum vero A sit, B est: & B erit falsum quidem, non tamen impossibile. quoniam monstratum est, quod A existente, B est: & possibili existente A, erit B possibile: suppositum autem est, A possibile esse, & B erit possibile. si enim impossibile, simul possibile erit, & impossibile idem. Determinatis vero his, insit A omni B: B autem omni C contingat: necesse itaque A omni C contingere inesse. Non enim contingat: B vero omni C ponatur tanquam inexistens: hoc falsum quidem, non tamen impossibile. si itaque A non contingit ipsi C: B vero omni inest C: A non omni B

ni B contingit: fit enim syllogismus per tertiam figuram. verum suppositum fuerat omni contingere inesse: necesse igitur A omni C contingere. falso enim supposito & nō impossibile. quod accidit est impossibile. Verum & per primam figuram licet facere impossibile, ponentes B inesse ipsi C. Si enim B omni C inest: A vero omni B contingit: & C omni contingeret utique A. sed fuerat suppositum non omni contingere.

Sumere vero oportet omni inesse non secundum tempus determinantes, puta nunc, aut in hoc tēpore, sed simpliciter: nanque per has propositiones, & syllogismos facimus. Quoniam, si propositio secundum nunc accipiat, non erit syllogismus. nihil enim fortasse prohibet, aliquādo omni noto hominem inesse, veluti si nil aliud moueretur: motum vero contingit omni equo: sed hominem nulli equo inesse contingit.

Præterea sit primum animal, medium motum, vltimum vero homo. propositiones itaque consimiliter se habebunt, conclusio vero necessaria non contingens: ex necessitate enim homo animal. Manifestum itaque, quēd vniuersale accipere oportet simpliciter, & non tempore determinantes. Rursus sit priuatiua vniuersaliter propositio A B: & sumptum sit A inesse nulli B: B vero omni contingat C inesse: his itaque positis, necesse est A contingere nulli C inesse. Non enim contingat: & B ponatur inesse C, quemadmodum prius: necesse itaque A alicui eorum, quæ B inesse: fit enim syllogismus per tertiam figuram. hoc autem impossibile. quare contingeret utique A nulli C inesse. falso enim posito, impossibile quod accidit.

Hic igitur syllogismus non est contingentis secundum determinationem, sed eius quod est, nulli ex necessitate. hæc enim est contradictio factæ suppositionis: suppositum enim est, A alicui C inesse. syllogismus vero ad impossibile oppositæ est dictionis. Amplius & ex terminis manifestum, quod non erit conclusio contingens. Sit enim in quo A coruus: in quo B discurrens: in quo C homo. nulli itaque B A inest: nullum enim discurrens coruus: B vero omni contingit C, omni enim homini discurrere: sed A ex necessitate nulli C. non igitur conclusio contingens. Sed neque necessaria semper. Sit enim A motum, B scientia, in quo autem C homo. A igitur nulli inheret B: B vero omni C contingit: & non est conclusio necessaria, non enim necesse nullum moueri hominem, sed non necesse aliquem. planum itaque quod conclusio est eius, quod est nulli ex necessitate inesse. Accipiendi vero melius sunt termini. Sed si priuatiuum ad minorem ponatur extremitatem contingere significans, ex ipsis quidem acceptis propositionibus nullus erit syllogismus: conuersa autem secundum contingere propositione, erit quemadmodum in prioribus. Insit enim A omni B: B vero contingat nulli: sic igitur se habentibus terminis, nihil erit necessarium. si autem conuertatur B C, & accipiatur B omni C contingere, fit syllogismus, quemadmodum prius. nam consimiliter termini positione se habebunt. Sed eodem modo & cum priuatiua extiterint utraque interualla, si A B quidem non insit: B vero contingere C nulli accidit: per ipsa quidem accepta fit non necessarium, sed propositione conuersa, quæ est secundum contingere, erit

erit syllogismus. Accipiat^r enim A quidem nulli eorum quæ sunt B inesse : B vero contingat nulli C : per hæc igitur nihil necessarium. quod si accipiat^r B contingere omni C, quod est verum : A B autem propositio similiter se habeat : rursus idem erit syllogismus. Si vero non inesse ponatur B ipsi C, & non contingere non inesse, non erit syllogismus nullo modo : neque cum priuatiua, neq; cum affirmatiua fuerit A B propositio. Termini communes, quòd ex necessitate insit, album, animal, nix : quòd non contingat, album, animal, pix. Planum itaque, quòd si termini vniuersales extiterint, & hæc inexistentes, illa propositionum contingens accipiat^r : quando propositio quæ ad minorem extremitatem, contingere accipiat^r, semper fit syllogismus : præterquam quòd aliquando quidem ex ipsis, nonnunquam vero ex conuersa propositione, quando autem horum vterque, & ob causam, diximus. Quòd si hoc vniuersaliter, illud vero interuallorum accipiat^r in parte, quando quod ad maius est extremum, vniuersaliter ponatur & contingens, seu negatiuum siue affirmatiuum, quod vero in parte, affirmatiuum & inexistens, erit syllogismus perfectus, quemadmodum & vniuersaliter terminis existentibus. demonstratio autem eadem, quæ & prius.

Cæterum, quando vniuersale quidem sit ad maius extremum, sed inexistens non cōtingens, alterum vero in parte & contingens, seu negatiua, siue affirmatiua ponantur vtræque, siue hæc negatiua, illa affirmatiua, omnino erit syllogismus imperfectus, præterquam quòd hi quidem per impossibile monstrabuntur, illi vero per conuersionem eius quod est contingere,

* autē pro
que, expo-
nit Philop.

quemadmodum in precedentibus. Erit * autem syllogismus per conuersionem, & quando vniuersalis ad maius posita extremum significet inesse, aut non inesse: quæ vero in parte priuatiua existens, contingere accipiat. Quemadmodum si A omni quidem inest: B autem alicui C contingit non inesse. conuersa enim B C secundum contingere, fit syllogismus.

Sed quando quæ secundum partem ponitur non inesse accipiat, non erit syllogismus. Termini quod insit, album, animal, nix: quod non insit, album, animal, pix. per indefinitum nanque sumenda est demonstratio.

Si autem vniuersale ad minus ponatur extremum, quod vero in parte ad maius, siue priuatiuum seu affirmatiuum, vel contingens aut inexistens, quomodocunque, nullo pacto erit syllogismus. Neque quando in parte, aut indefinitæ ponantur propositiones, seu contingere accipientes, siue inesse, aut vicissim, neque sic erit syllogismus. demonstratio vero eadem, quæ & in prioribus. Termini communes, quod insit ex necessitate, animal, album, homo: quod non contingat, animal, album, indumentum.

Planum itaque, quod si vniuersale ad maius ponatur extremum, semper fit syllogismus: si vero ad minus, nullius vnquam.

Mistio Necessarij & Contingenti

in Prima figura.

Cap.

XVI.

CVM vero hæc quidem propositionum ex necessitate inesse aut non inesse, hæc autem contingere significet, syllogismus quidem erit, eodem modo se habentibus terminis, & perfectus, quando ad minorem extremitatem ponatur
necessa

necessarium. Conclusio vero, si termini fuerint
 prædicatiui, erit eius quod est contingere, &
 non eius quod est inesse, & vniuersaliter & non
 vniuersaliter positus. Sed cum hoc quidem affir-
 matiuum sit, illud verò priuatiuum, quando affir-
 matiuum quidem necessarium sit, eius quod est
 contingere, & non eius quod est non inesse: cum
 vero priuatiuum & eius quod est contingere non
 inesse, & non inesse, & vniuersalibus & non vni-
 uersalibus terminis existentibus. Contingere au-
 tem in conclusione eodem pacto accipiendum,
 quo & in prioribus. Eius vero quod est ex neces-
 sitate non inesse, non erit syllogismus. alterum
 enim est, non ex necessitate inesse, & ex necessita-
 te non inesse. Quod itaque, si termini affirmatiui
 extiterint, non fit conclusio necessaria, planum.
 Insit namque A omni B ex necessitate: B autem
 contingat omni C: erit utique syllogismus im-
 perfectus, quod A contingit omni C inesse. Quod
 autem imperfectus ex demonstratione manife-
 stum: nam eodem monstrabitur pacto, quo & in
 prioribus. Rursus A contingat omni B inesse: B
 vero omni C insit ex necessitate: erit utique syllo-
 gismus quod A omni contingit C inesse: sed non
 quod inest. & perfectus, non autem imperfectus:
 statim namque perficitur per propositiones, quæ
 à principio. Si autem non consimilis figuræ pro-
 positiones extiterint, sit primū priuatiua necessa-
 ria, & A nulli contingat eorū quæ B ex necessita-
 te: B vero omni C cōtingat: necesse itaq; est A nul-
 li C inesse. Ponatur enim inexistens, aut omni, aut
 alicui: B vero supponebatur nulli cōtingere: quo-
 niā itaq; cōuertitur priuatiuū, & B nulli cōtingit
 A: A vero omni C, aut alicui ponitur inesse: quare
 nulli aut nō omni C cōtingeret B inesse: suppone

batur autem à principio omni contingere. Sed manifestum & quoniam eius quod est cōtingere non inesse, efficitur syllogismus: siquidem & eius quod est non inesse. Rursum sit affirmatiua]propositio necessaria, & A contingat nulli B inesse: B vero omni C insit ex necessitate: syllogismus itaque erit perfectus: sed non eius, quod est non inesse, sed eius quod est contingere non inesse. nanque propositio sic accepta fuit, quæ est à maiori extremo. Et ad impossibile non est ducere. si enim supponatur A nulli C inesse, positum est autem & B nulli contingere inesse, nihil accidit propter hæc impossibile. Si vero ad minus extremum ponatur priuatiuum, quando contingere quidem significet, syllogismus erit per conuersionem, quemadmodum in prioribus. Sed quando non contingere, non erit: neque quando ambo ponantur priuatiua, non sit autem contingens, quod ad minus. Termini vero iidem, eius quod est inesse, album, animal, nix: non inexistenti, album, animal, pix.

Ceterum eodem pacto se habebit & in syllogismis in parte. Nam cum priuatiuum sit necessarium, & conclusio erit eius quod est non inesse. Veluti si A nulli eorum quæ sunt B con-

* *Al. quæ* tingit inesse, necesse est A alicui eorum quæ sunt
re si A om C non inesse. Si enim omni inest: nulli vero B
ni C inest: contingit, & B nulli A contingit inesse. * quare
B nulli eo- si A quidem omni C inest: B vero nulli A:
rum quæ C ipsum B nulli eorum quæ C contingit. Sed
cōtingit: ve cum particulare affirmatiuum, quod est in syl-
rum suppo logismo priuatiuo, necessarium sit, ut BC: aut
fit ū fuerat, vniuersale in prædicatiuo, ut A B, non erit
alicui con- eius quod est inesse syllogismus. demonstratio
tingere. vero eadem, quæ & in prioribus. Si autem

vniuer

vniuersale ponatur ad minus extremum, aut affirmatiuum, aut priuatiuum contingens: quod autem in parte necessarium ad maius extremum: nō erit syllogismus. Termini eius quod est esse ex necessitate, animal, album, homo: non inexistendi autem, animal, album, indumentum. Cū vero vniuersale necessarium sit, quod autem in parte contingens, vniuersali existente priuatiuo. termini eius quod est inesse, animal, album, coruus: non inexistendi, animal, album, pix. Si vero affirmatiuum fuerit, animal, album, cygnus: eius vero quod est non contingere, animal, album, nix. Neque quando indefinitæ acceptæ fuerint propositiones, aut utræque secundum partem, neque sic erit syllogismus. Termini communes inexistendi, animal, album, homo: non inexistendi, animal, album, inanimatum. nanque animal alicui albo: & album inanimato alicui, & necessarium inesse & non contingit inesse. Et in eo quod est contingere consimiliter. quare ad omnia termini sunt vtilis. Planum itaque ex dictis, quod terminis consimiliter se habentibus, & in eo quod est inesse, & in necessariis, fit & non fit syllogismus. præterquā quod si secundum inesse ponebatur priuatiua propositio, eius quod est contingere erat syllogismus: verum si secundum necessarium priuatiua, & eius quod est contingere, & eius quod est non inesse. Manifestum autem, & quod omnes syllogismi imperfecti, & quod perficiuntur per prædictas figuras.

Secunda figura ex ambabus Contingentibus.

Cap. XVII.

Sed in Secunda figura, quando contingentes utræque accipiuntur propositiones nullus

erit syllogismus, seu prædicatiuæ, siue priuatiuæ ponantur, vel vniuersaliter, aut secundum partem. cum vero hæc inexistere, illa autem significet contingere, si affirmatiua quidem significat inexistere, nunquam erit: si autem vniuersaliter priuatiua, semper eodem pacto & cum hæc propositionum ex necessitate, illa cōtingere accipiat. Oportet autem & in his accipere in conclusionibus contingens, quemadmodum in prioribus. Primum itaq; monstrandum, quod non conuertitur contingens priuatiuum: quemadmodum si A contingit nulli eorum quæ B, non necesse & B contingere nulli eorum quæ A. Ponatur enim hoc. & contingat B nulli A inesse. quoniam itaq; conuertuntur contingentes affirmationes cum negationibus, & contrariæ & oppositæ: B vero contingit nulli A inesse: plānum, quod & omni A cōtingere posset B inesse, sed hoc falsum, non enim si hoc huic omni contingit, & hoc huic necessarium: quare non cōuertitur priuatiuum. Amplius nihil prohibet A contingere nulli B: B vero alicui eorum quæ sunt A ex necessitate non inesse. quemadmodum album omni homini contingit non inesse, & inesse: hominem autem non verum dicere, quod contingit nulli albo. multis enim ex necessitate nō inest. cæterum necessarium nō erit contingens. Verum neq; ex impossibili monstrabitur cōverti. veluti si quis existimaret, quoniam falsum est B cōtingere nulli A inesse, verum non cōtingere. dictio nanq;, & negatio. Si autem hoc verum, & B ex necessitate inesse alicui eorum quæ A: quare & A alicui eorum quæ B. sed hoc impossibile. non enim si B non contingit nulli eorum quæ sunt A, necesse inesse alicui solum, sed ex necessitate non omni, nanque non contingere
nulli

nulli bifariam dicitur: vnum, si ex necessitate ali-
 cui inest: alterum, si ex necessitate alicui nō inest.
 Quod enim ex necessitate alicui eorum quæ A
 non inest, non est verum dicere, quod omni con-
 tingit non inesse: quemadmodum neq; quod ali-
 cui inest, ex necessitate, quod omni cōtingit ines-
 se. Si itaq; quispiam censeret, propterea quod non
 contingit C omni D, inesse, ex necessitate alicui
 ipsum non inesse, falso acciperet: omni enim
 inest. * sed quoniam quibus iam ex necessitate
 inest, ob hoc dicimus non omni contingere. qua-
 re huic quod est, contingere omni inesse, opponi-
 tur & ex necessitate alicui inesse, & ex necessitate
 alicui non inesse: consimiliter autem & ei quod
 est, nulli contingere. Manifestum igitur, quod ad
 sic contingens & non contingens, quemadmo-
 dum in principio determinauimus, non solum
 ex necessitate alicui inesse, sed ex necessitate ali-
 cui non inesse accipiendum. hoc autē accepto, ni-
 hil accidit impossibile: quare nō fit syllogismus.
 Manifestū itaq; ex dictis, q; non conuertitur pri-
 uatiuum. Hoc autem monstrato, ponatur A nulli
 quidem B contingere: C vero omni. per conuer-
 sionem igitur non fit syllogismus: dictum est
 enim, quod non conuertitur talis propositio. Sed
 neque per impossibile. si nanque ponatur B om-
 ni C contingere inesse, nihil accidit falsi. con-
 tingere enim posset A ipsi C, & omni, & nulli
 inesse. Sed si omnino est syllogismus, planum,
 quod eius quod est cōtingere vtiq; esset: propterea
 quod neutra propositionum accepta fuit in eo
 quod est inesse. & iste aut affirmatiuus, aut priua-
 tiuus. Neutro autem modo accidit. si affirmatiuus
 quidem ponatur, monstrabitur per terminos, q;
 non contingit inesse: si vero priuatiuus, quod
 conclu

* Al.c.ad.
 si cōtingat.

conclusio non contingens est, sed necessaria. Sit enim A album, B homo, in quo C equus. A itaque album contingit huic quidem omni, illi vero nulli: sed B ipsi C neque inesse contingit, neque non inesse. quòd igitur inesse non accidit, manifestum: nullus enim equus homo. cæterum neque contingere non inesse: necesse nanque est nullum equum hominem esse, sed necessarium non erat contingens. non itaque fit syllogismus. Itidem autem monstrabitur & si e conuerso positum fuerit priuatiuum.

Et si utræque affirmatiuæ acceptæ fuerint, aut priuatiuæ. per eosdem nanque terminos erit demonstratio.

Et quando hæc vniuersaliter, illa in parte, aut utræque secundum partem, aut indefinitæ, aut quocunque modis aliter contingit transmutare propositiones. semper enim erit demonstratio per eosdem terminos.

Planum itaque, quòd si utræque propositiones secundum contingens ponuntur, nullus fit syllogismus.

*Mistio Inexistentis & Contingentis
in Secunda figura.*

Cap.

XVIII.

Sed autem hæc inexisteret, illa verò contingere significet, si prædicatiua ponatur inexisteret, priuatiua autem contingere, nullus erit syllogismus: neque dum vniuersaliter, neque dum in parte termini accipiuntur. demonstratio vero eadem, & per eosdem terminos.

Sed quando affirmatiua contingere, priuatiua autem inexisteret, erit syllogismus. Sumatur enim A B nulli inesse: C vero omni contingere

tingere : conuerso itaque priuatiuo , B A nulli
 inerit : sed A omni C contingit : fit igitur syl-
 logismus , quòd contingit B nulli C per pri-
 mam figuram. Consimiliter autem & si ad C
 ponatur priuatiuum . Cùm vero utræque
 sunt priuatiuæ , significet autem hæc non inesse ,
 illa contingere non inesse , per ipsa quidem as-
 sumpra nihil accidit necessarium : sed conuersa
 propositione , quæ est secundum contingere , syl-
 logismus efficitur , quòd nulli C contingit ines-
 se , quemadmodum in prioribus . erit enim rursus
 prima figura. Si vero utræque ponantur præ-
 dicatiuæ , non erit syllogismus. Termini quòd
 insit, sanitas, animal, homo: quòd non insit, sani-
 tas, equus, homo. Eodem pacto se habebit &
 in syllogismis in parte. Cùm enim affirmatiuum
 sit inexistens, aut vniuersaliter, aut in parte acce-
 ptum, nullus erit syllogismus . hoc autem consi-
 militer & per eosdem monstratur terminos, qui-
 bus priora . Cùm vero priuatiuum , erit per
 conuersionem, quemadmodum in prioribus.

Rursus si ambo quidem interualla priuati-
 ua fuerint accepta , vniuersaliter autem , quòd
 non inexistere , ex ipsis quidem propositionibus
 non erit necessarium : sed conuerso eo , quod est
 contingere, quemadmodum in prioribus, erit syl-
 logismus. Si vero priuatiuum quidem inexi-
 stens sit, sed in parte acceptum, non erit syllogi-
 smus: siue affirmatiua, siue priuatiua altera fuerit
 propositio. Neque quando utræque indefini-
 tæ sint acceptæ, aut negatiuæ, aut affirmatiuæ, vel
 secundum partem. demonstratio vero eadem , &
 per eosdem terminos.

*Mistio Necessarij & Contingenti
 in Secunda figura.*

Cap.

Verum si hæc ex necessitate, illa propositio-
num contingere significet, priuatiua existen-
te necessaria, erit syllogismus, non solum
quod contingit non inesse, sed & quoniam
non inest: affirmatiua autem non erit. Ponat-
ur enim A B nulli ex necessitate inesse: C
vero omni contingere: conuersa igitur priua-
tiua, & B A nulli inerit, sed A C omni con-
tingit: fit igitur rursus per primam figuram syl-
logismus, quod B nulli C contingit inesse.

Simul autem manifestum, quod & B nulli
C inest. ponatur enim inesse: igitur si A B nul-
li contingit: B vero inest alicui eorum quæ C:
A alicui eorum, quæ C non contingit: sed om-
ni supponebatur contingere. Eodem pacto
monstrabitur, & si ad C ponatur priuatiuum.

Rursus sit prædicatiuum necessarium, alterum
vero contingens: & A contingat nulli B: C
vero omni insit ex necessitate: sic itaque se ha-
bentibus terminis, nullus sit syllogismus, acci-
dit enim ipsi C ex necessitate non inesse. Sit
nanque A album, in quo B homo, in quo
C cygnus. album igitur cygno ex necessitate
inest: homini vero contingit nulli: & homo
nulli cygno ex necessitate. Quod igitur eius quod
est contingere non est syllogismus, planum:
quod enim ex necessitate, non erat contingens.

Veruntamen neque necessarij. necessarium
nanque aut ex vtrisque necessariis, aut ex priua-
tiua accidit. Amplius autem & licet his positis,
B ipsi C inesse. nihil enim prohibet C sub B
esse: A vero B omni contingere: C autem
ex necessitate inesse. Veluti si C esset vigilatio,
B animal, in quo A motus, nam vigilanti ex
necessi

necessitate motus inest: animali vero omni con-
 tingit: & omne vigilans animal. Manifestum
 itaque, quòd neque non inexistendi: siquidem
 ita se habentibus, necesse inesse. neque utique
 oppositarum affirmationum. quare nullus erit
 syllogismus. Consimiliter monstrabitur & si
 econuerso ponatur affirmatiua. Quod si eius-
 dem figuræ sint propositiones, cum priuatiuæ
 sunt, semper fit syllogismus, conuersa propo-
 sitione, quæ est secundum contingere, quemad-
 modum in prioribus. Accipiatur enim A ipsi
 B ex necessitate non inesse: conuersis igitur pro-
 positionibus, B nulli A inerit: A vero omni
 C contingit: fit itaque prima figura. Et si ad
 C poneretur priuatiuum, consimiliter. Sin au-
 tem prædicatiuæ positæ fuerint, non erit syllo-
 gismus. Nanque non inexistendi, aut ex neces-
 sitate non inexistendi, planum quòd non erit:
 propterea quòd non fuit accepta priuatiua pro-
 positio, neque in eo quod est inesse, neque in eo
 quod est ex necessitate inesse. Veruntamen neque
 eius quod est contingere non inesse. ex necessita-
 te enim sic se habentibus B ipsi C non inerit.
 quemadmodum si A poneretur album, in quo
 B cygnus, C vero homo. Neque utique oppo-
 sitarum * negationum: quoniam monstratum est
 B ipsi C ex necessitate non inexistens. non igitur
 fit syllogismus omnino. Consimiliter autem
 se habebit & in syllogismis in parte. Cū enim sit
 priuatiuum & vniuersale & necessarium, semper
 erit syllogismus, & eius quod est contingere, &
 eius quod est nō inesse. demonstratio autem ea-
 dem per cōuersionem. Cū vero affirmatiuum,
 nunquam. eodem nanque pacto monstrabitur,
 quo & in vniuersalibus, & per eosdem terminos.

Neque

* a. l. affir-
 mationum,

Neque quando vtræque fuerint acceptæ affirmatiuæ. huius enim eadem demonstratio, quæ & prius. Cùm vero vtræque priuatiuæ, vniuersalis autem necessaria, quæ non inesse significat, per assumptos terminos non erit necessarium: sed conuersa propositione, quæ est secundum contingere, erit syllogismus, quemadmodum in prioribus.

Quòd si ambæ indefinitæ aut in parte positæ fuerint, non erit syllogismus. demonstratio autem eadem, & per eosdem terminos. Planum itaque ex dictis, quòd dum priuatiua vniuersaliter ponitur & necessaria, semper fit syllogismus, non solum eius quod est contingere non inesse, sed & eius quod est non inesse: dum vero affirmatiua, nunquam. & quòd eodem modo se habentibus, in necessariis & inexistentibus fit, & non fit syllogismus. Sed & manifestum, quòd omnes imperfecti syllogismi, & quòd perficiuntur per prædictas figuras.

Figura tertia ex ambabus Contingentibus. Cap. XX.

SED in vltima figura, & vtrisque contingentibus, & altera, erit syllogismus. Cùm itaque contingere significant propositiones, & conclusio erit contingens: & quando hæc contingere, illa inesse. cùm vero altera necessaria posita sit: si affirmatiua quidem, non erit conclusio, neque necessaria, neq. inexistens: sin autem priuatiua, inexistendi erit syllogismus, quemadmodum in prioribus. Accipiendum vero & in his consimiliter contingens, quod in conclusionibus. Sint itaque primum contingentes: & A & B omni C contingant inesse. quoniam igitur conuertitur affirmatiuum in parte: B vero omni C contingit

tingit: & C alicui eorum quæ B contingere posset. quare si A omni contingit C: C autem alicui eorum quæ B: necesse & A alicui B contingere: fit enim prima figura. Et si A contingit nulli C inesse: B vero omni C contingeret: necesse & A alicui eorum quæ B contingere non inesse. erit enim rursus prima figura per conuersionem. Quòd si utræque priuatiuæ positæ fuerint, ex ipsis quidem assumptis non erit necessarium, sed conuersis propositionibus, erit syllogismus, quemadmodum in prioribus. Nanque si A & B contingit non inesse, si transumptum fuerit contingere non inesse, rursus erit prima figura per conuersionem. Si vero hic terminorum est vniuersaliter, ille in parte, eodem pacto se habentibus terminis, quo in eo quod est inesse, erit, & non erit syllogismus. Contingat enim A omni C inesse: B autem alicui C: erit itaque prima figura, propositione conuersa, quæ est in parte. nam si A omni C: C vero alicui eorum quæ B: A igitur alicui eorum quæ B contingit. Et si ad B C positum fuerit vniuersale consimiliter. Itidem & si A C sit priuatiuum: B C vero affirmatiuum. erit enim rursus prima figura per conuersionem. Sin autem utræque positæ fuerint priuatiuæ, hæc vniuersaliter, illa in parte, per ipsa quidem assumpta non erit syllogismus: sed conuersis erit, quemadmodum in prioribus. Cùm vero utræque indefinitæ, aut in parte acceptæ sint, non erit syllogismus: necesse etenim A omni, & nulli B inesse. Termini inexistenti, animal, homo, album: non inexistenti, equus, homo, album.

*Mistio Inexistentis & Contingentis in
Tertia figura.*

Caput

XXI.

CAeterum si hæc inexistere, illa propositio-
num significet contingere, conclusio erit,
quòd contingit, & non quòd inest. syllogismus
autem erit, eodem modo se habentibus termi-
nis, quo & in prioribus. Sint enim primum præ-
dicatiuæ. & A omni inest C: B vero omni con-
tingat inesse: conuerso igitur B C, prima erit fi-
gura, & conclusio quòd contingit A alicui B in-
esse. nam quâdo in prima figura propositionum
altera significet contingere, conclusio erat con-
tingens. Consimiliter autem, & si B C inesse, A
C vero contingere. Et si A C priuatiuum: B C
autem prædicatiuum, sit autem vtrumuis: vtro-
que modo erit conclusio contingens: sit enim
rursus prima figura. monstratum vero est, quòd
dum altera propositio in ipsa contingere signi-
ficat, & conclusio erit contingens. Sed si con-
tingens priuatiuum ad minus extremum posi-
tum fuerit, per ipsa quidem posita non erit syl-
logismus: conuersis autem erit, quemadmodum
in prioribus. Quod si hæc propositionum vni-
uersaliter, illa in parte sit, vtrisque prædicatiuis
existentibus: aut ea priuatiua quæ vniuersaliter,
affirmatiua vero quæ in parte, idem erit syllo-
gismorum modus: omnes enim per primam con-
cluduntur figuram. quare manifestum, quòd
eius quod est contingere, & non eius quod est
inest erit syllogismus. Quòd si affirmatiua vni-
uersaliter, priuatiua vero in parte, per impossi-
bile erit demonstratio. Inest enim B omni C: A
vero contingat alicui C non inesse: necesse est
ergo

ergo A alicui B contingere non inesse. Nanque si inerit ex necessitate omni B : B vero omni C ponitur inesse : A omni C ex necessitate inerit, hoc autem monstratum est prius . verum supponebatur alicui contingere non inesse. Sed cum indefinitæ aut in parte utræque fuerint acceptæ, non erit syllogismus, demonstratio autem eadem, quæ & in vniuersalibus, & per eosdem terminos,

*Missio Necessarij & Contingentis in
Tertia figura.*

Cap. XII.

Verum, si est hæc quidem propositionum necessaria, illa vero contingens, dum termini sunt prædicatiui, semper eius quod est contingere erit syllogismus. Cum vero sit hoc quidem prædicatiuum, illud autem priuatiuum, si affirmatiuum sit necessarium, eius quod est contingere non inesse : si vero priuatiuum, & eius quod est contingere, & eius quod est non inesse. sed eius quod est ex necessitate non inesse, non erit syllogismus : quemadmodum neque in alteris figuris. Sint itaque prædicatiui primum termini, & A omni C in sit ex necessitate : B vero contingat inesse omni C : quoniam itaque A omni C ex necessitate : C vero alicui B contingit : & A alicui B contingens erit, & non inexistsens. sic igitur accidebat & in prima figura. Consimiliter autem monstrabitur & si B C necessarium positum fuerit : A C vero contingens. Iterum sit hoc prædicatiuum, illud priuatiuum, sed prædicatiuum necessarium, & A contingat nulli eorum quæ C inesse : B vero omni in sit C ex necessitate : erit itaque rursus prima figura. etenim priuatiua

propositio contingere significat. Planum igitur quod conclusio erit contingens. nam cum sic se haberent in prima figura propositiones, & conclusio erat contingens. Sed si priuatiua propositio necessaria, & conclusio erit, quod contingit alicui non inesse, & quod non inest. Ponatur enim A nulli ex necessitate: B vero omni contingere: conuerso itaque B C affirmatiuo, prima erit figura, & necessaria priuatiua propositio. verum quando ita se haberent propositiones, accidebat A ipsi C, & contingere alicui non inesse, & non inesse: quare & A ipsi B necesse alicui non inesse. Cum vero priuatiuum ad minus extremum positum fuerit, si contingens, erit syllogismus, transumpta propositione, quemadmodum in prioribus. Si vero necessarium non erit. etenim omni necesse, & nulli contingit inesse. Termini quod omni insit, somnus, equus dormiens, homo: quod nulli, somnus equus vigilans, homo. Consimiliter se habebit, & si hic terminorum vniuersaliter, ille in parte ad medium. Nam cum predicatiui fuerint vtrique, eius quod est contingere, & non eius quod est inesse, erit syllogismus. Et quando hoc priuatiuum acceptum fuerit, illud vero affirmatiuum, sed necessarium affirmatiuum, eius quod est contingere. Quando autem priuatiuum necessarium, & conclusio erit eius quod est non inesse. idem nanque demonstrationis modus, & vniuersaliter terminis existētib. necesse etenim per primam figuram syllogismos perfici. quare quemadmodum in illis, & in his necessarium accidit. Cum vero priuatiuum vniuersaliter acceptum ad minus positum fuerit extremum, siquidem contingens, erit syllogismus per conuersionem. Sin au-

tem necessarium, non erit. monstrabitur autem eodem pacto, quo & vniuersalibus, & per eodem terminos. Planum itaque & in hac figura, quando, & quomodo erit syllogismus, & quando contingendi, & quando inexistenti. Sed & manifestum, quòd omnes imperfecti, & quòd perficiuntur per primam figuram.

Quòd figura syllogismorum sint tantum tres in omnibus syllogismorum generibus.

Caput

XXIII.

Quòd igitur syllogismi, qui in his sunt figuris, per vniuersales perficiuntur syllogismos, qui in prima figura, & in istos reducuntur, planum ex dictis. quòd autem simpliciter omnis syllogismus ita se habebit, nunc erit manifestum, quando monstratum fuerit syllogismum omnem per harum aliquam figurarum effici. Necesse igitur omnem demonstrationem, atque omnem syllogismum, aut inexistentes quippiam, aut non inexistens monstrare: & hoc aut vniuersaliter, aut secundum partem: amplius aut ostensue, aut ex suppositione, eius vero qui est ex suppositione, pars est qui per impossibile. Primum itaque dicamus de ostensuiis: his enim monstratis, planum erit & in iis qui ad impossibile, & omnino iis qui ex suppositione. Si igitur oporteat A de B ratiocinari, ut inexistens, aut non inexistens, necesse est accipere aliquid de aliquo. Si ergo A de B acceptum fuerit, quod est à principio sumptum erit. Sin autem de C, C vero de nullo: neque de illo aliud, neque de A alterum, nullus erit syllogismus. eo enim quòd vnum de vno sit acceptum, nil accidit ex necessitate: quare assumenda & altera propositio.

Animal.

Homo.

Animal.

Rationalc.

A. ————— B.

A. ————— C.


*Ex una
propositione
nihil cōclu-
ditur.*

Si itaque A de alio fuerit acceptum, aut aliud de A, aut de C alterū, esse quidem syllogismum nihil prohibet: ad B tamen non erit per accepta, neque quando C alteri: & illud alij: & hoc alteri: non fuerit autem ad B copulatum, nec sic erit ad B ipsius A syllogismus. Omnino enim diximus, quod nullus vnquam erit syllogismus, alius de alio, non accepto aliquo medio, quod ad vtrunque se habet quodammodo prædicationibus. Syllogismus nanque simpliciter ex propositionibus est: ad hoc autem syllogismus ex propositionibus ad hoc, sed impossibile ad B propositionem capere, nihil de ipso aut prædicantes, aut negantes: aut iterum ipsius A ad B, nihil commune accipientes: verum de vtroque sigillatim quædam prædicantes, aut negantes. quare accipiendum medium aliquod vtrorunque, quod prædicationes copulabit: siquidem erit huius ad hoc syllogismus. Si igitur necesse quidem est accipere ad vtraque commune, hoc autem trifarium contingit: aut enim A de C, & C de B prædicaturos: aut C de vtrisque: aut vtraque de C: hæc vero sunt dictæ figuræ: planum syllogismum omnem necessarium fieri per harū aliquam figurarum. eadem enim ratio, & si per plura copulat ad B, eadem nanque erit figura & in multis. Quod igitur ostensui omnes concluduntur per prædictas figuras, manifestum. Quod autem & qui ad impossibile, planum erit per hæc. Omnes enim per impossibile concludentes, falsum quidem ratiocinantur: quod autem à principio,

ex sup

*De syllogis-
mi ad im-
possibile.*

ex suppositione monstrant, cum impossibile ali-
quid accadat, cōtradictione posita. Vt quod dia-
meter incōmensurabilis, eo quod imparia æqua-
lia paribus fiunt, si fuerit posita commensurabi-
lis. æqualia igitur fieri imparia paribus ratioci-
natur, diametrum vero incommensurabilem es-
se, ex suppositione monstrat: quoniam falsum
accidit propter contradictionem. hoc enimerat
per impossibile ratiocinari, aliquid monstrare
impossibile propter suppositionem, quæ ex pria-
cipio.



Ostensio
quod dia-
meter sit in-
cōmensura-
bilis lateri.

Quare, quoniam falsi syllogismus fit osten-
siuus in his quæ ad impossibile deducuntur:
ostensiuos autem prius diximus, quod per has
concluduntur figuras: manifestum, quod per *De syllogi-*
impossibile syllogismi per has erunt figuras. *smis ex sup-*
Consimiliter & alij omnes, qui ex suppositio- *positione.*

ne. in omnibus enim syllogismus quidem fit ad transumptum : quod autem ex principio, concluditur per confessionem, aut aliquam aliam suppositionem. Quod si hoc verum, omnem demonstrationem, & omnem syllogismum necesse fieri per tres prædictas figuras. Hoc autem monstrato, planum, & quod omnis syllogismus perficitur per primam figuram, & reducitur ad vniuersales syllogismos, qui in hac sunt.

In omni syllogismo terminum aliquem prædicatiuum esse, & vniuersale existere.

Caput XXXIII.

Amplius autem in omni oportet terminorum aliquem prædicatiuum esse, & vniuersale existere. Nam sine vniuersali, aut non erit syllogismus, aut non ad positum, aut quod ex principio petetur. Ponatur enim, musicam voluptatem esse studiosam. si itaque quispiam censeat voluptatem esse studiosam, non addens, omnem non erit syllogismus. si vero aliquam voluptatem, siquidem aliam, nihil ad positum. sin autem ipsam hanc, quod ex principio accipit. Sed magis efficitur manifestum in descriptionibus. vt quod æquicruris æquales, qui ad basin. Sint ad centrum ductæ A B. si igitur æqualem accipiat A C D angulum ipsi B D C, non omnino existimas æquales, qui semicirculorum: & rursus C ipsi D, non omnem assumens eum qui secit: amplius ab æquis existentibus totis angulis, & ablatorum æquales esse reliquos E F, quod ex principio petet: nisi acceperit, ab æqualibus, æqualibus demptis, æqualia derelinqui.

Planum



*Demōstra-
tio, q̄ angu-
li aquicru-
ri, qui sūt
supra ba-
sin, aqua-
les inter se
sunt.*

Planum igitur, quòd in omni oportet vniuer-
sale existere: & quòd vniuersale quidem ex om-
nibus terminis vniuersaliter monstratur: quod
autem in parte & sic, & illo modo. Quare si con-
clusio quidem vniuersaliter sit, & terminos ne-
cesse vniuersaliter esse: si vero termini vniuersa-
liter, contingit conclusionem non esse vniuer-
saliter. Sed manifestum, & quòd in omni syllo-
gismo, aut vtrasque, aut alteram propositionem
similem necesse fieri conclusioni. dico autem
non solum affirmatiuam aut priuatiuam, sed ne-
cessariam, aut inexistentem, aut contingentem.
Considerare vero oportet & alia prædicamenta.
Planum autem & simpliciter, quando erit, &
quando non erit syllogismus: & quando possi-
bilis, & quando perfectus: & quòd si fuerit syl-
logismus, necessarium est se habere terminos se-
cundum aliquem dictorum modorum.

Omnem syllogismum ex tribus tantum constare terminis, duabusque propositionibus, ac quo pacto dum adduntur termini, propositiones crescant, ac conclusiones. Caput X X V.

Sed manifestum & quodd omnis demonstratio erit per tres terminos & non plures: nisi per alios & alios eadem conclusio fiat: ut E per A B, & per C D. aut per A B, & A C, & per B C: plura nanque media eorundem esse nihil prohibet, his autem existentibus, non vnus, sed plures sunt syllogismi. Aut rursus, quando vtrunque eorum quæ A B per syllogismum fuerit acceptum, ut A per D E, & rursus B per F G: aut hoc inductione, illud syllogismo. verum & sic plures syllogismi: plures nanque conclusiones sunt, ut A & B, & C. Si igitur non plures, sed vnus, sic accidit per plura eandem fieri conclusionem. ut vero C per ea quæ sunt A B impossibile. Sitenim E conclusum ex A B, C D: ergo necesse est ipsorum aliquid aliud ad aliud acceptum esse, hoc ut totum, illud ut pars. hoc enim prius ostensum est, quod si fuerit syllogismus, necesse est terminorum aliquos ita se habere. Sic se igitur habeat A ad B: est itaque aliqua ex ipsis conclusio, aut ergo E, aut eorum quæ C D alterum, aut aliud quippiam præter hæc. & si E quidem ex A B tantum syllogismus utique esset. C D vero, si quidem sic se haberet, ut sit hoc ut totum, illud ut pars, erit aliquid & ex illis: & aut E, aut eorum quæ A B alterum, vel aliud quippiam præter hæc. Et si E quidem, aut eorum quæ A B alterum, vel plures erunt syllogismi, aut ut contingebat, idem per plures terminos concludi accidit. si vero aliud præter hæc, plures erunt, & inconiuncti syllogismi ad se iuncti. quod si non ita se habeat C ad D, ut faciat syllogismum, frustra erunt accepta
nisi

nisi * abductionis, aut occultationis, aut alicuius
 alius talium gratia. Sin autem ex A B non E, sed
 aliud quid sit conclusio, ex C D vero, aut horum
 alterū, aut aliud quiddā præter hæc, & plures sūt
 syllogismi, & non ipsius suppositi: suppositū nāq;
 fuerat syllogismum esse ipsius E. Quod si ex C D
 nulla efficitur conclusio, frustra accepta ea fuis-
 se accidit, ac syllogismum non esse eius quod à
 principio: quare planum, q, omnis demonstratio,
 & omnis syllogismus erit solum per tres termi-
 nos. Cū autē hoc planum sit, manifestum q, &
 ex duabus propositionibus, & non pluribus. tres
 nāq, termini duæ sunt propositiones, nisi assuma-
 tur, quemadmodum ex principio dictū est, ad syl-
 logismorū perfectionē. Planū itaq, q, in qua ra-
 tione syllogistica non sunt pares propositiones,
 per quas cōclusio propria fit, (quasdā nanq; ex su-
 perioribus conclusionibus necesse est propositio-
 nes esse) hæc ratio aut non est ratiocinata, aut plu-
 ra necessariis interrogavit ad positionē. Si itaq;
 syllogismi secundum proprias accipiantur pro-
 positiones, omnis erit syllogismus ex propositio-
 nibus quidem paribus, ex terminis autem impari-
 bus: vno nanq; plures termini quā propositiones.
 conclusiones vero dimidium propositionū. Sed
 cū per prosyllogismos cōcludūtur, aut per plura
 media non continua, vt A B per C D, multitudo
 quidē terminorū cōsimiliter vno superabit pro-
 positiones. aut enim extrinsecus, aut ad mediū po-
 netur intercidēs terminus: vtroq; autē modo ac-
 cidit interualla vno minora esse terminis. Propo-
 sitiones vero æquales sunt interuallis, nō tñ pa-
 res semper erūt, illi aut impares: sed vicissim qñ
 propositiones pares, impares termini, cū vero pa-
 res termini, propositiones ipares, simul enim cū
 termino

* a. l. indus-
 trionis.

Hæc verba
 (q si ex C
 D) debent
 legi, q si ex
 A B, ex
 Alexā. &
 Philo.

termino vna additur propositio, vndecunq; addatur terminus. quare quoniam illæ pares, isti impares erunt, necesse est permutari, cum eadem fiat appositio. Conclusiones vero nō etiam eundem habebunt ordinē, neque ad terminos, neque ad propositiones. cum enim vnus terminus additur, cōclusiones addentur vna pauciores præexistentibus terminis: ad solum nanque vltimū non facit conelusionem, sed ad alios omnes. Veluti si A B C adiiciatur ipsum D, statim & cōclusiones duæ adiiciuntur, & quæ ad A, & quæ ad B. confimiliter autem & in aliis. Verum & si ad medium intercidat, eodem modo: ad vnum nanq; solum non faciet syllogismum. quare multo plures conclusiones erunt & terminis & propositionibus.

*Quæ problemata per quas figuras concludantur,
& quæ facile, quæ uero difficulter concludi
possint. Cap. XXVI.*

Quoniam autem habemus de quibus syllogismi, & quale in vnaquaque figura, & quot modis monstratur, manifestum nobis est & quale problema difficile, & quale bene argumentabile. quod enim in pluribus figuris, & per plures casus cōcluditur, facilius: quod autem in paucioribus & per pauciores, difficilius argumentabile. Vniuersale itaq; affirmatiuum per solam primā monstratur figuram, & per hanc vno tantum modo. Priuatiuum autem, & per primam & per mediam. ac per primā, quidem vno solum modo: per mediam vero dupliciter. Sed affirmatiuam in parte per primam, & per vltimam: vno tantummodo per primam, trifariam autē per vltimam. Priuatiuum vero secundū partem in omnibus figuris mōstratur: præterquam quod in prima quidem, semel: in media vero atque vltima,

in illa bifariam, in hac tripliciter. Planum itaque quod vniuersale prædicatuum construere quidem difficillimum, destruere vero facilius. Omnino autem tollere vniuersalia facilius, quàm ea quæ sunt in parte. nanque & si nulli, & si alicui non insit, sublatum est. horum autem alicui quidem non, in omnibus mōstratur figuris: nulli vero, in duabus. Sed eodem pacto & in priuatiuis. nanque & si omni, & si alicui, sublatum est quod à principio: hoc autem erat in duabus figuris. In iis vero quæ sunt in parte, vno tantū modo, aut omni, aut nulli ostendentem inesse. Sed construendi faciliora quæ in parte: nanque & in pluribus figuris, & per plures casus. Et omnino non oportet latere, quod destruere per se inuicem est, & vniuersale per ea, quæ sunt in parte, & hæc per vniuersalia. construere vero non est vniuersale per ea quæ sunt secundum partem, sed per illa hæc est. Simul autem manifestū, quod & destruere facilius est, quàm cōstruere. Quomodo igitur efficiatur omnis syllogismus, & per quot terminos ac propositiones, & quomodo se habentes inuicem: amplius, quale problema in vnaquaq; figura, & quale in pluribus, & quale in paucioribus monstratur, planum ex dictis.

S E C T V M S E C V N D V M.

*De abundantia Propositionum, inuentioneque
Medij syllogistici.*

Quo pacto inuenienda sint propositiones.

Cap. I.



V O M O D O autem abundabimus syllogismis, ipsi semper ad positum, & per qualem viam accipiemus principia, quæ circa vnumquodque, iam nunc dicen

dicendum. non enim solum fortasse oportet generationem considerare syllogismorum, verum & faciendi potentiam habere. Omnium itaque entium, hæc quidem talia sunt, vt de nullo vere vniuersaliter prædicentur, vt Cleon, & Callias, &

* *singulare* quod secundum vnumquodque, & sensibile: de his autem alia: etenim horum vterque homo, & animal est. illa vero ipsa quidam de aliis prædicantur, de his autem alia prius non prædicantur. sed alia & ipsa de aliis, & de ipsis altera: vt homo de Callia, & de homine animal. Quod igitur entium quadam de nullo apta nata sunt dici, manifestum. ferme enim sensibile vnumquodque tale est, vt de nullo prædicetur, nisi vt secundum accidens. dicimus namque aliquando album illud Socratem esse: & accedens Calliam. Quod autem & sursum tendentibus statatur aliquando, rursus dicimus: nunc vero sit hoc positum. De his igitur non est demonstrare alterum prædicatum, nisi secundum opinionem: sed hæc de aliis. neque quæ

* *singularia* secundum singula de aliis, sed altera de illis. quæ vero intermedia sunt, planum quod vtroque modo contingunt. namque & ipsa de aliis, & alia de his dicentur: & quasi rationes & considerationes sunt maxime de his. Oportet itaque propositiones circa vnumquodque sic excerpere: supponentem ipsum primum, & definitiones, & quæcunque propria rei sunt: deinde post hoc, quæcunque rem sequuntur, ac rursus quæ res sequitur, & quæcunque non contingunt ipsi inesse. quibus ipsum non contingit, non eligendum. eò quod conuertitur priuatiuum. Diuidenda autem sunt & consequentium, quæcunque in eo quod est quid, & quæcunque propria, & quæcunque vt accidentia prædicantur: & horum qualia ex opinione, & qualia secundum

veritatem. quanto enim pluribus talibus abundauerit quilibet, citius cōclusionem assequetur: quanto autem verioribus, magis demonstrabit. Verum oportet eligere, non quæ aliquod sequuntur, sed quæ totam rem sequuntur: quemadmodum non quid aliquem hominem, sed quid omnem hominem sequitur. per vniuersales nanque propositiones syllogismus. nanque cum est indefinitum, incertum, si vniuersalis propositio est: cum vero definitū, planum. Consimiliter autem eligenda, & quæ ipsum sequitur tota, ob dictam causam: ipsum vero consequens non assumendū totum sequi. dico autem veluti hominem omne animal, aut musicam scientiam omnem: sed tantum simpliciter sequi, quemadmodum & protendimus. nanque inutile alterum, & impossibile: veluti omnem hominem esse omne animal, aut iustitiam omne bonum. sed ex quo sequitur, in illo omni dicitur. Sed cum ab aliquo cōtineatur subiectum, quod consequentia oportet accipere, quæ sequuntur vniuersale, vel nō sequuntur, non eligenda in his: sunt enim in illis accepta. quæcunque enim animal, & hominem sequuntur, & quæcunque non insunt, consimiliter. Quæ vero circa vnumquodque propria accipiendum. sunt enim quædam speciei propria præter genus: necesse nanque diuersis speciebus propria quædam inesse. Neque igitur vniuersali eligendum, quæ sequitur quod continetur: vt animali quæ sequitur homo. necesse enim si hominē sequitur animal, & hæc omnia sequi, conuenientiora autem hæc hominis electionis. Assumenda vero & quæ vt plurimum sequuntur, & quæ sequitur. problematum nanque vt plurimū & syllogismus ex propositionibus vt plurimū, aut omnibus, aut aliquibus
simil

similis nanque vniuscuiusque conclusio principis. Amplius quæ omnia sequuntur, non eligendum. nō enim erit ex ipsis syllogismus. ob quam autem causam, in sequentibus erit manifestum.

Quo pacto inuenienda sint media in omni syllogismorum genere, construendiq; syllogismi.

Caput I I.

Construere igitur volentibus de aliquo toto, aspiciendum quidem in subiecta eius, quod construitur, de quibus ipsum dicitur: de quo autem oportet prædicari, quæcunq; hoc sequuntur. si nanque horum aliquid idem fuerit, necesse est alterum alteri inesse. Si vero nō quoddam omni, sed quoddam alicui, quæ sequitur vtrunq; si enim horum aliquid idem, necesse alicui inesse. Ceterum cum nulli oporteat inesse, cui non est opus inesse ad sequentia: quod autem oportet non inesse, in quæ non contingūt ipsi inesse. aut econuerso, cui quidem oportet non inesse, quæ nō contingunt ipsi inesse: quod autē non inesse, in consequentia. cum enim hæc vtralibet eadem fuerint, nulli contingit alteri alterum inesse. fit enim quandoque quidem qui in prima figura syllogismus, quandoque autem qui in media. Quoddam si alicui non inesse, cui oportet non inesse, quæ sequitur: quod autem non inesse, quæ non possunt ipsi inesse. si enim horum aliquid idem sit, necesse alicui non inesse. Sed magis fortasse sic erit vnumquodque dictorum manifestum. Sint enim consequentia A, in quibus B, quæ vero ipsum sequitur, in quibus C, quæ autem non contingunt ipsi inesse, in quibus D. Rursus ipsi E inexistencia, in quibus F, quæ vero ipsum sequitur, in quibus G, quæ autem non contingunt ipsi inesse, in quibus H.

Figura

C. Consequia B.
bonum.

Vtile.
eligibile.
prosequendū.
familiare.
cōpēdiosum.
conferens.
appetibile.



P. Consequia.
voluptas.

Placitum.
nō laboriosum.
non triste.
nō timorofum.
operatio sine
impedimento.
appetibile se-
cundū naturā.
impersurba-
bile.
eligibile.
motus lenis.

D. Repugnans B.
ita bono.

Fugendum.
nocens.
malum.
non conferens.
dissēdiosum.
alienum.
damnosum.
inutile.
imperfectum.
turpe.

H. Repugnans
ita voluptati.

Aegritudo.
labor.
tristitia.
timor.
indigentia.
quod prae-
iudicat.

A. Aucto. C.

denia bonum.
Felicitas.
bona habitudo.
sanitas.
virtutes.
quod secundum naturam.
perfectum.
cum gratia.
operatio secundum virtutem.

G. Aucto.

denia voluptatem.
Sanitas.
abundantia.
bona gloria.
bona pro-
pagatio.
operatio secundum
virtutem.
tranquillitas.

Si itaque aliquid eorum quæ C idem erit alicui eorum quæ F, necesse est A omni E inesse. nanque F omni E: A vero omni C: quare A omni E. Quod si C & G idem, necesse A inesse alicui eorum quæ E. nanque A ipsi C: E autem sequitur omne C. Si vero F & D idem, nulli eorum quæ E A inerit ex prosyllogismo. quoniam enim conuertitur priuatiuum, & F ipsi D idem, nulli eorum quæ F inerit A: F autem omni E. Rursus si B & H idem, nulli eorum quæ E inerit A. nam B omni A: nulli vero inerit eorum in quibus E, idem nanque erat ipsi H: H autem nulli eorum quæ E inerit. Quod si D & C idem, A alicui eorum quæ E non inerit. ipsi nanque G non inerit: quoniam neque ipsi D: G autem est sub E: quare alicui eorum quæ E non inerit. Si vero ipsi G B idem, conuersus fit syllogismus, G nanque inerit omni A: B enim omni A. E vero ipsi B: nam idem erat ipsi G. A autem omni quidem E non necesse inesse; alicui vero necesse: eo quod quæ secundum partem cum vniuersali prædicatione conuertitur.

Planum itaque, quod ad prædicta inspiciendum vtriusque secundum vnumquodque problema. per hæc enim omnes syllogismi. Verum oportet & consequentium & quæ consequitur vtrunque, ad prima & vniuersalia maxime inspicere. vt ipsius E magis ad K F, quàm ad F solum: ipsius autem A ad K C, quàm ad C solum. Si enim A inest K F, & F, & E inerit, quod si non sequitur ex hoc, accidit ipsum F sequi. Consimiliter autem & in quibus ipsum sequitur, considerandum. si enim prima, & quæ sub illa sequitur. quod si non hæc, sed quæ sub hæc, accidit.

cidit. Palam vero, & quòd per tres terminos ac binas propositiones consideratio, & per prædictas figuras syllogismi omnes. Monstratur nanque A inesse omni E, quando eorum quæ C & F idem aliquid acceptum fuerit. hoc autem erit medium: extrema vero A & E. fit itaque prima figura. Sed alicui, quando C & G sumptum sit. hæc autem vltima figura: medium enim fit G. Nulli vero quando D & F idem. sic autem & prima figura & media. prima, quòd A inest nulli F (siquidem conuertitur priuatiuum) F autem omni E. media vero, quoniam D nulli A: E autem omni inest. Verum alicui non inesse, quando D & G idem sit. hoc autem vltima figura: A nanque nulli G inerit, E vero omni G.

Planum itaque, quòd per prædictas figuras syllogismi omnes, & quod non eligenda quæcunque omnia sequuntur, eo quòd nullus ex ipsis fit syllogismus. construere nanque penitus non erat ex sequentibus. priuare autem non contingit per id quod omnia sequitur: oportet enim huic quidem inesse, illi vero non inesse. Sed & manifestum, quòd aliæ considerationes eorum, quæ sunt secundum electiones, inutiles sunt ad faciendum syllogismum, quemadmodum si consequentia vtrunque eadem sunt, aut si quæ sequitur A, & quæ non contingunt ipsi E. aut quodcunque rursus non accidit vtrique inesse. non enim efficitur syllogismus per hæc. Nanque si consequentia eadem, vt B, & F, fit media figura, prædicatiuas habens propositiones. Sin autem quæ sequitur A, & quæ non contingunt ipsi E, vt C & H, prima figura, priuatiuam habens propositionem, quæ ad minus extremum. Si vero quocunque non

contingunt utrique, & D & H, priuatius ambæ propositiones, aut in prima, aut in media figura. sic autem nullomodo syllogismus.

Sed manifestum & qualia eadem accipienda, quæ secundum inspectionem, & non qualia diuersa, aut contraria. primum quidem, quoniam inspectio mediij gratia: medium vero non diuersum, sed idem oportet accipere. postea & in quocunque accidit fieri syllogismum, eo quod fuere accepta contraria, aut non contingentia eidem inesse, in prædictos omnia reducentur modos. Veluti si B & F contraria, aut non contingunt eidem inesse. erit enim his acceptis syllogismus, quod A contingit inesse nulli eorum quæ sunt E. sed non ex ipsis, verum ex prædicto modo. nam B A quidē omni: E vero nulli inerit: quare necesse B idem esse alicui H. Rursus si B & G non contingunt eidem inesse, quod A non inerit alicui eorum quæ sunt E. sic etenim media erit figura. Nam B A quidem omni: G vero nulli inerit: quare necesse B alicui eorum quæ H idem esse. nanque non contingere B & G eidem inesse, nihil differt, quàm * B idem esse alicui eorum quæ H. omnia enim accepta sunt non contingentia inesse ipsi E. Manifestum igitur, quod ex his ipsis inspectionibus nullus syllogismus. Quod si B & F contraria, necesse B idem esse alicui eorum quæ H, & syllogismus per hæc fieri. Accidit itaq; ita speculantibus inspicere aliam viam à necessaria, propterea quod latet identitas eorū quæ B. & eorū quæ H. Eodem autē pacto se habent: & syllogismi ad impossibile deducētes cum ostensiuis. nanq; & hi sunt per consequentia, & quæ consequitur utrunque. & eadem inspectio in ambobus. quod enim ostensiuæ mōstratur, & per imposs

* Græci dicunt legēdū esse, H idē esse alicui eorum quæ D.

De syllogismo ad impossibile.

impossibile est ratiocinari per eosdē terminos: & quod per impossibile, & ostensue: vt quòd A nulli eorum quæ E inest. Ponatur enim alicui inesse. quoniam igitur B omni A: A vero alicui eorum quæ E: B alicui eorum quæ E inerit: sed nulli inerit. Rursus quòd alicui inest. Si enim A nulli eorum quæ E: E vero omni G, nulli eorum quæ G inerit A. sed omni inerit. Consimiliter autem & in aliis problematibus. semper enim & in omnibus erit monstratio per impossibile ex consequentibus, & quæ sequitur vtrunque: ac secundum vnumquodque problema eadem consideratio, & ostensue volenti ratiocinari & ad impossibile ducere. ex eisdem namque terminis vtræque demonstrationes. Quemadmodum si monstratum est A inesse nulli E, quoniam accidit & B inesse alicui eorum quæ E, quod impossibile: si acceptum fuerit B inesse E quidem nulli, A vero omni, planum itaq; quòd A inerit nulli E. Rursus si ostensue ratiocinatum fuerit A inesse nulli E, supponentibus inesse, per impossibile monstrabitur nulli inexistens. Consimiliter autem & in aliis, in omnibus enim necesse communem aliquem accipere terminum alium à suppositis, ad quem erit falsi syllogismus, quare conuersa hac propositione, altera vero similiter se habente, ostensiuus erit syllogismus per eosdem terminos. Differt namque ostensiuus ab eo, qui ad impossibile: quoniam in ostensiuo secundum veritatem vtræque ponuntur propositiones, in eo autem qui ad impossibile, solum vna. Hæc igitur magis erunt manifesta per sequentia, quando de impossibili dicemus, nunc vero tantum nobis sit manifestum,

quòd ad eadem inspiciendum & ostensue volenti ratiocinari, & ad impossibile ducere.

De syllogismo ex suppositione.

Sed in aliis syllogismis, qui ex suppositione (quemadmodum quicumque secundum transumptionem, aut secundum qualitatem in subiectis) non in illis, quæ à principio, sed in transumptis erit consideratio. modus vero inspectionis idem. Considerare autem, & diuidere, quot modis qui ex suppositione. Monstratur itaque vnumquodque problematum sic. Est autem & alio modo non, nulla horum ratiocinari, quemadmodum vniuersalia per particularem inspectionem ex suppositione. Si enim C & G eadem sint: solis vero G accipiat E inesse: A inesset utique omni E. Et rursus, si D & G eadem: E autem de solis G predicaretur: quòd A inerit nulli eorum quæ E. Planum itaque, quòd & sic inspiciendum. Eodem autem modo & in necessariis & contingentibus: eadem nanque consideratio, & per eosdem terminos erit ordine eius quod est contingere, & eius quod est inesse syllogismus. accipiendum autem in contingentibus & quæ non insunt, sed possunt inesse: monstratum enim est, quòd & per hæc fit eius quod est contingere syllogismus. consimiliter autem se habebit & in aliis predicamentis. Planum igitur ex dictis, non solum quòd accidit per hanc viam fieri omnes syllogismos, sed & quòd per aliam impossibile. monstratum nanque est syllogismum omnem per aliquam prædictarum effici figurarum: hæc autem non accidit per alia constitui, quàm per consequentia, & quæ vnumquodque consequitur: ex his enim propositiones, & medij acceptio, quare neque syllogismum accidit

*Non esse
aliã viam
à prædicta
conficiendo
rum syllo-
gismorum.*

cidit per alia fieri. Via igitur de omnibus eadem
& circa philosophiam, & circa artem qua-
lemcunque, & disciplinam. Oportet enim in-
existentia, & quibus insunt, circa utrunque vi-
dere, & his quam plurimis abundare: atque
hæc per tres terminos considerare, destruentem
quidem sic, construente vero sic: secundum ve-
ritatem quidem ex iis, quæ secundum verita-
tem describuntur inesse: ad dialecticos autem
syllogismos, ex propositionibus secundum opi-
nionem. Principia vero syllogismorum vniuer-
saliter dictum est, & quomodo se habent, & quo-
modo oportet ipsa venari: ne aspiciamus ad om-
nia quæ dicuntur, neque ad eadem, construentes,
ac destruentes, neque construentes de omni aut
aliquo, & destruentes ab omnibus aut aliquibus,
sed ad pauciora & determinata. Secundum vero
vnumquodque entium eligere, ut de bono, aut
scientia. privata autem secundum vnamquan-
que sunt plurimæ. Quare principia quidem, quæ
secundum vnumquodque sunt, experimenti est
tradere. dico autem, ut astrologicam experien-
tiam Astrologicæ scientiæ. acceptis enim appa-
rentibus sufficienter, ita inuentæ sunt astrologicæ
demonstrationes. consimiliter autem se habet &
circa aliam qualemcunque artem, ac scientiam.
quare si accepta fuerint, quæ insunt circa vnum-
quodque, nostrum iam demonstrationes propa-
lare. Si enim nihil secundum historiam dereli-
ctum fueriteorum, quæ vere insunt rebus, habe-
bimus de omni, cuius est demonstratio, hanc in-
uenire & demonstrare: cuius autem non est natu-
raliter demonstratio, hoc facere manifestum.
Vniuersaliter itaque quomodo opus est propo-

sitiones eligere, ferme dictum est: cum diligentia
vero percurramus in negotio circa Dialecticam.

De Diuisione, & eius syllogismo.

Caput III.

QUOD autem diuisione per genera, parua quæ-
dam particula est dictæ methodi, facile est
conspicere. est enim diuisione velut imbecillis syl-
logismus. quod enim oportet monstrare, petitur:
ratiocinamur autem semper aliquid superiorum.
Primum vero ipsum hoc latuerat omnes videntes
ipsa, & persuadere conabantur, quod esset impos-
sibile de substantia demonstrationem fieri, & eo
quod est quid. quare neque * quod contingit ra-
tiocinari diuidentes intellexere, neque quod sic
contingebat, quemadmodum diximus. In demon-
strationibus itaque, quando opus sit aliquid ra-
tiocinari inesse, oportet medium, per quod fit syl-
logismus, & minus semper esse, & non vniuersa-
lius prima extremitatum. diuisione autem contra-
rium vult: ipsum nanque vniuersale accipit me-
dium. Sit enim animal, in quo A: mortale, in quo
B: & immortale, in quo C: homo autem, cuius
rationem oportet accipere, in quo D. omne igitur
animal accipit aut mortale aut immortale.
hoc autem est, quodcunque sit A, omne esse aut
B, aut C. rursus hominem semper diuidens,
ponit animal esse: quare de D accipit A inesse.
syllogismus itaque est, quod D aut B, aut C
omne est: quare hominem aut mortalem, aut
immortalem necessarium esse: animal mortale
autem non necessarium esse, sed petitur. hoc
autem est, quod oportebat ratiocinari. Rursus po-
nens A quidem animal mortale, in quo autem B
pedes habens, in quo vero C sine pedibus, homi-
nem

nem autem D, consimiliter accipit aut in B esse, aut in C. omne enim animal mortale aut cum pedibus, aut sine pedibus est: A vero de D, hominem nanque animal mortale esse accepit: quare cum pedibus aut sine pedibus animal necesse est hominem esse: cum pedibus autem non necesse, sed accipit. sed hoc erat, quod oportebat iterum monstrare. Hoc igitur modo semper diuidētibus vidit quidem ipsis vniuersale medium accipere: de quo autem oportebat monstrare & differentias extremas: ad finem autem, quod hoc est homo, vel quodcunque sit quæsitum, nihil dicunt planum, vt necessarium sit: etenim aliam viam faciunt omnem, neque contingentes abundantias existimantes. Manifestum autem, quod neque destruere licet hac methodo, neque de accidente aut proprio ratiocinari, neque de genere, neque in quibus ignoratur, vtrum sic, aut sic se habet. Vt an'ne diameter incommensurabilis? si enim acceperit, quod omnis longitudo aut commensurabilis aut incommensurabilis: diameter autem est longitudo: ratiocinatum est, quod incommensurabilis aut commensurabilis est diameter. si autem sumetur, quod incommensurabilis, quod oportebat ratiocinari acceptum est. non est igitur monstrare. via enim hæc: per hanc autem non est monstrare. incommensurabile, aut commensurabile in quo A, longitudo B, diameter C. Planum igitur, quod neque ad omnem considerationem conuenit inquisitionis modus, neque in quibus maxime videtur dicere, in his est utilis. Ex quibus igitur demonstrationes sunt, & quomodo. & ad qualia inspiciendum secundum vnumquodque problema, manifestum ex dictis.

SECTVM TERTIVM.

De Syllogismorum resolutione.

*Quo pacto syllogistica omnes rationes in
aliquam prædictarum figurarum
sint reducenda.*

Caput I.

Quomodo autem reducemus syllogismos in prædictas figuras, esset utique post hæc dicendum. reliquum enim istud adhuc ex consideratione. Si enim syllogismorum generationem speculareretur: & inveniendi potestatem haberemus: amplius autem factos resolveremus in prædictas figuras, finem habere posset, quod à principio propositum. Accidet autem simul & prius dicta confirmari, & planiora esse, quòd ita se habent, per ea, quæ nunc dicentur. oportet enim verum omne ipsum sibi ipsi confessum vndecunque esse. Primum igitur tettare oportet duas è syllogismo propositiones excerpere. facilius nanq; maiora, quam minora diuidere: maiora autem sunt composita, quam ex quibus. Postea considerare, vtra in toto, & vtra in parte. & si non sint ambæ acceptæ, ipsum ponentem alteram. plerunque nanque vniuersalem proponentes, quod est in hac, non accipiunt, neque scribentes, neque interrogantes. aut has quidem proponunt: per quas vero hæc concluduntur, prætermittunt: alia autem frustra interrogant. Considerandû itaque, si quid superfluum acceptum est, & quid ex necessariis præ-

De deceptione penes necessariam, sed non syllogisticam conclusionem.

termisſum fuit : & hoc quidem ponendum , illud vero auferendum, quouſque ad duas propoſitiones quiſpiam deuenierit. abſque enim his non eſt reducere ſic interrogatas rationes. Quarundam igitur facile defectum conſpicere : quædam autem latent, & videntur ratiocinari, eo quod neceſſarium aliquid accidit expoſitis. Veluti ſi acceptum fuerit, non ſubſtantia ſublata, non auferri ſubſtantiam : ſublatis autem, ex quibus eſt, & quod ex his, corrumpi. his enim poſitis neceſſarium eſt ſubſtantiaꝝ partem ſubſtantiam eſſe: non tamen per accepta ratiocinatum eſt, ſed deſunt propoſitiones. Rurſus ſi homine exiſtente, neceſſe animal eſſe : & animal ſubſtantiam : homine exiſtente, neceſſe ſubſtantiam eſſe. verum nondum ratiocinatum eſt. non enim ſe habent propoſitiones, vt diximus. Decipimur autem in talibus, eo quod expoſitis neceſſarium aliquid accidit, quoniam & ſyllogiſmus neceſſarium eſt: in plus autem neceſſarium, quàm ſyllogiſmus. ſyllogiſmus enim omnis neceſſarium, neceſſarium vero non omne ſyllogiſmus. Quare non ſi quid accidit poſitis quibuſdam, tentandum ſtatim reducere: ſed primo accipiendæ duæ propoſitiones, deinde ſic diuidendum in terminos. medius autem ponendus terminus, qui in vtriſque propoſitionibus dicitur. neceſſe enim medium eſſe in vtriſque in omnibus figuris. Si itaq; prædicetur, ac ſubiiciatur medium: aut ipſum quidem prædicetur, aliud autem ab illo negetur: prima erit figura. quod ſi & prædicetur. & negetur ab aliquo, media. ſi autem alia de illo prædicentur: aut hoc negetur, illud prædicetur, vltima. Conſimiliter & ſi non vniuerſaliter ſint propoſitiones : eadem nanque medij determinatio.

Planum

*In plus eſt
neceſſarium
q̃ ſyllogi-
ſmus.*

Planum itaque, quoniam in qua ratione non dicitur idem plerunque, quod non fit syllogismus: non enim acceptum fuit medium. Quoniam autem habemus quale problematum in vnaquaque concluditur figura, & in qua vniuersale, & in quali quod in parte: manifestum, quod non in omnes figuras perspicendum, sed in propriam cuiusque problematis. quæcunque vero in pluribus concluduntur, medijs positione cognosce-

*De decepti-
one iuxta
similitudi-
nem positio-
nis termino-
rum.*

mus figuram. Plerunque igitur decipi accidit circa syllogismos propter necessarium, quemadmodum dictum est prius. aliquando autem iuxta similitudinem positionis terminorum, quod non oportet latere nos. Veluti si A de B dicitur, & B de C. videri enim posset ita se habentibus terminis esse syllogismus: non fit autem neque necessarium quippiam, neque syllogismus. Sit nanque in quo A semper esse, in quo B intelligibilis Aristomenes, in quo C. Aristomenes: verum itaque A ipsi B inesse, semper enim est intelligibilis Aristomenes: sed & B ipsi C, Aristomenes nanque est intelligibilis Aristomenes: A vero ipsi C non inest, corruptibilis enim est Aristomenes. Nam non efficiebatur syllogismus ita se habentibus terminis, sed oportebat vniuersaliter A B propositionem acceptam fuisse. hoc autem falsum, existimare omnem intelligibilem Aristomenem semper esse, cum sit corruptibilis Aristomenes. Rursus sit in quo C Miccalus, in quo B musicus Miccalus, in quo A corrumpi cras. verum igitur B prædicari de C, nam Miccalus est musicus Miccalus: sed & A de B, corrumpi enim posset cras musicus Miccalus: A vero de C falsum. Hoc igitur idem est ei quod prius. non enim verum vniuersaliter, Miccalus musicus

ficus, quòd corrumpitur cras. hoc autem non
 sumptò, non erat syllogismus. Hæc itaque de-
 ceptio fit eo, quod penè, tanquam enim nihil
 differat dicere, hoc huic inesse, aut hoc huic
 omni inesse, concedimus. Cæterum plerunque
 mentiri accidet iuxta id quod non bene expo-
 nuntur termini, qui sunt secundum propositio-
 nem. Vt si A sit sanitas, in quo B morbus, in
 quo vero C homo. verum enim dicere, quòd
 A nulli B contingit inesse, nulli nanque mor-
 bo sanitas inest: & rursus, quòd B omni C inest,
 omnis enim homo susceptivus est morbi: videri
 posset accidere nulli homini contingere sanita-
 tem inesse. Huius autem causa, non bene ex-
 positos fuisse terminos secundum dictionem.
 quoniam si transumantur, qui sunt secundum
 habitudines, non erit syllogismus. Vt pro sani-
 tate si positum fuerit sanum, pro morbo autem
 morbidum. non enim verum, quòd non contin-
 git morbidum sanum inesse. hoc autem non acce-
 pto, non fit syllogismus, nisi eius quod est con-
 tingere. hoc vero non impossibile: contingit
 enim nulli homini inesse sanitatem. Rursus
 in media figura consimiliter erit falsum. sani-
 tatem nanque morbo nulli: homini vero omni
 contingit inesse: quare nulli homini ægritudi-
 nem. Intertia autem figura secundum contin-
 gere accidet falsum, nanque & sanitatem &
 morbum, & scientiam & ignorantiam, & om-
 nino contraria eidem contingit inesse: sibi au-
 tem inuicem impossibile. hoc autem dissonum
 à prædictis. quando enim eidem contingerent
 plura inesse, contingebant & sibi inuicem.

*Fallacia,
 cum termi-
 ni diversi-
 mode in p-
 positionibus
 assumuntur*

Planum igitur, quòd in omnibus his dece-
 pto

ptio sit iuxta terminorum expositionem. si enim transumpti fuerint, qui sunt secundum habitudines, nullum efficitur falsum. Manifestum igitur, quod secundum tales propositiones semper quod secundum habitudinem pro habitudine transumendum, & ponendum terminum.

Nō semper terminos nomine, sed interdum oratione exponendos esse.

Non oportet autem semper quærere, ut terminos nomine exponamus. plerumque enim erunt orationes, quibus non est positum nomen. quapropter difficile est reducere tales syllogismos. Aliquando autem & decipi accidet quod talem inquisitionem, ut quod immediatum est syllogismus. Sit A duo recti, in quo B triangulus, in quo C æquicus. ipsi itaque C inest A per B: ipsi vero B non amplius per aliud, per se nanque triangulus habet duos rectos: quare non erit medium ipsius A B, cum sit demonstrabile. manifestum enim quod medium non ita semper accipiendum, ut hoc aliquid, verum aliquando & orationem: quod accidit & in eo quod diximus. Quod autem insit primum medio, & hoc extremo, non oportet accipere tanquam quæ semper de se inuicem prædicentur: aut similiter primum de medio, & hoc de ultimo (& in eo autem quod est non inesse, consimiliter) sed quot modis esse dicitur, & verum dicere ipsum hoc tot modis existimare oportet significare & inesse, & non inesse. veluti quod contrariorum est, una scientia. Sit enim A unam esse scientiam, contraria inter se in quo B. A itaque ipsi B inest, non tanquam contraria unam esse ipsorum scientiam: sed quod verum de ipsis dicere, unam esse ipsorum scientiam.

A. Una

Nō semper in recto assumendos esse terminos.

A. Vna scientia. — B. Contraria.

*Ex his ter-
minis fit p-
positio ha-
bens, p'dica-
tum obli-
quum.*

Accidit autem quandoque in medio primum dici, medium vero in tertio non dici. Quemadmodum si sapientia est scientia: boni autem est sapientia: scientia. Quandoque vero medium in tertio dicitur, primum autem in medio non dicitur. Quemadmodum, si omnis qualis est scientia, vel contrarij: bonum autem & contrarium, & quale: conclusio, quod boni est scientia. non est autem bonum scientia, neque quale, neque contrarium, sed bonum hæc. Est autem quando neque primum de medio, neque hoc de tertio: cum primum de tertio aliquando dicatur, aliquando non dicatur. Veluti, si cuius est scientia huius est genus: boni autem est scientia: conclusio, quod boni est genus. prædicatur autem nullum de nullo. Si vero cuius est scientia, genus est hoc: boni autem est scientia: conclusio, quod bonum est genus. de extremo igitur prædicatur primum, de se inuicem autem non dicuntur. Eodem itaque modo & in non inesse accipiendum. non enim semper significat non inesse hoc huic, non esse hoc: sed aliquando non esse hoc huius, aut hoc huic. Quemadmodum, quod non est motionis motio, vel generationis generatio: voluptatis autem est: non igitur voluptas generatio. Aut rursus, quod ipsius risus non est signum: sed signi non est signum: quare risus non est signum. Consimiliter & in alijs, in quocunque tollitur problema, eo quod ad ipsum quodammodo dicitur genus. Rursus, quod tempora non sunt tempus opportunum. Deo enim sunt tempora: non autem est

tem

tempus opportunum: eo quòd nihil Deo vtile. terminos nanque ponendum, tempora, & tempus opportunum, & Deum: propositionem vero accipiendum secundum nominis casum.

** alias de-
clinationes.* Simpliciter enim dicimus hoc de omnibus, quòd terminos semper ponendum secundum * vocationes nominum, vt homo, aut bonum, aut contraria: non hominis, aut boni, aut contrariorum. propositiones autem accipiendum secundum vniuscuiusque casum. vel enim quoniam huic, vt æquale: aut quoniam huius, vt duplum: aut quoniam hoc, vt verberans, aut videns: vel quoniam hic, vt homo, animal: vel si aliquo modo aliter cadit nomen secundum propositionem. Inesse autem hoc huic, & verificari hoc de hoc, tot modis accipiendum, quot modis prædicamenta distincta sunt. & hæc, aut quo, aut simpliciter. amplius simplicia, aut complicita. Consimiliter autem & non inesse. Verum considerandum hæc, ac distinguendum melius. Reduplicatum autem in propositionibus ad primum extremum ponendum, non ad medium. Dico autem, quoniam si fieret syllogismus, quòd iustitiæ est scientia, quoniam bonum, hoc, quod est, quoniam bonum, vel inquantum bonum, ad primum ponendum. Sit enim A scientia, quoniam bonum: in quo B bonum: in quo C iustitia. A itaque verum de B prædicare, boni enim est scientia, quoniam bonum: sed & B de C, iustitia enim quod bonum: ita igitur fit resolutio. Si vero ad B positum fuisset hoc, quod est, quoniam bonum, non erit. A nanque de B verum erit: B autem de C non verum. bonum enim, quoniam bonum

*Præcepta
circa red-
plicationem
particulæ.*

bonum, prædicare de iustitia falsum, & non intelligibile. Similiter itaque & si sanabile demonstraretur, quòd est scibile, inquantum bonum: aut hirco ceruus opinabile, inquantum non ens: aut homo corruptibile, inquantum sensibile. in omnibus enim super prædicatis ad extremum reduplicationem ponendum. Non est autem eadem terminorum positio, quando simpliciter aliquid ratiocinatum fuerit, & quando hoc aliquid, aut quo, aut quomodo. Dico autem, quemadmodum quando bonum scibile monstratum fuerit, & quando scibile quid, quoniam bonum. verum si simpliciter scibile monstratum fuerit, medium ponendum ens: sin autem quoniam bonum hoc quod est, aliquid ens. Sit enim A scientia, quoniam ens aliquid: in quo B ens aliquid: in quo C bonum. verum itaque A de B prædicare: erat enim scientia alicuius entis, quoniam aliquid ens. sed & B de C: quod enim in quo C ens aliquid. quare & A de C: erit igitur scientia boni, quoniam bonum. nanque aliquid ens erat propriæ substantiæ signum. Si vero ens medium positum fuisset, & ad extremum eius simpliciter, & non dictum esset, aliquid ens, non esset utique syllogismus, quæ est scientia boni, quoniam bonum: sed quoniam ens. Ut in quo A scientia quoniam ens: in quo B. ens: in quo C bonum. Manifestum igitur, quod in syllogismis qui in parte, ita accipiendi sunt termini.

Oportet autem & transumere quæ idem posunt, nomina pro nominibus, & orationes pro orationibus, & nomen & orationem, & semper pro oratione nomen accipere. facilius namque terminorum expositio. Quemadmodum si nihil differat dicere, suspicabile non esse genus

*Construas
hos, ut &
alios duos.*

*Documentum
quando
accipiendi
sunt termini
simpliciter,
& quã
do cū addi-
tione.*

*Quomodo
transumenda
sint nomi-
na & ora-
tiones.*

Hoc præceptum attinet ad articulos apud Græcos: nos assumimus ipsum pro articulo.

Præceptum, quando propositiones implicite sunt in uno dicto, quo pacto cognoscere debeamus, an ex eis effici possit syllogismus, necne

Obiectionis solutio circa exemplum usum.

opinabilis, aut opinabile non esse quod suspicabile quid: idem enim significatum: pro dicta oratione suspicabile, & opinabile termini ponendi. Quoniam vero non est idem, voluptatem esse bonum, & voluptatem esse ipsum bonum, non similiter ponendi termini. sed si est syllogismus, quod voluptas ipsum bonum, ipsum bonum. sin autem quod bonum, bonum. Consimiliter & in aliis. Non est autem idem neque esse dicere, quod cui B inest, huic omni A inest: & dicere, cui omni B inest, & A omni inest. nihil enim prohibet B ipsi C inesse, non omni autem. Vt sit B honestum quid, C vero album. Si igitur albo alicui inest honestum quid, verum dicere quod albo inest honestum: sed non omni fortasse. Si itaque A inest ipsi B, non omni autem de quo B: neque si B omni C, neque si solum inest, necesse A non quod non omni, sed neque inesse. Sin autem de quocunque B vere dicatur, huic omni inest A, accidet A, de quo omni B dicitur, de hoc omni dici. Si tamen A dicitur de quo utique B dicatur de omni, nihil prohibet B inesse ipsi C, non omni autem ipsum A, aut omnino non inesse. In tribus itaque terminis, videlicet de quo B omni A dici, hoc est, de quocunque B dicitur, de omnibus dici & A: & si B de omni, & A itidem. si vero non de omni, non necesse A de omni. Non oportet autem existimare penes id quod exponimus, aliquid accidere absurdum. nihil enim utimur eo, quod est hoc aliquid esse: sed quemadmodum Geometra pedalem, & rectam hanc, & sine latitudine dicit, quæ non sunt. verum non sic utitur, tanquam ex his ratiocinans. Omnino enim quod non est, ut totum ad partem, & aliud ad

hoc,

hoc, ut pars ad totum, ex nullo talium monstrat ipse monstrans, neque fit syllogismus. Expositione vero sic utimur, quemadmodum & sensatione ad discipulum dicentes. non enim sic, tanquam quod sine hoc demonstrari non possit, quemadmodum ex quibus syllogismus. Non lateat autem nos, quod in eodem syllogismo non omnes conclusiones per unam figuram sunt: verum hæc per hanc, illa vero per aliam. Planum igitur, quod resolutiones ita faciendum. Quoniam autem non omne problema in omni figura, sed in unaquaque ordinate, manifestum ex conclusione, in qua figura querendum. Et ex rationibus, quæ sunt ad definitionem, quæcunque ad unum aliquid redarguunt eorum, quæ sunt in definitione, ad quod redargutum est, ponendum terminum, & non totam rationem. accidet enim minus conturbari propter longitudinem, quemadmodum si aquam monstravit, quoniam humidum potabile: potabile, & aquam terminos ponendum. Amplius autem ex suppositione syllogismos non tentandum reducere, non enim est ex positis reducere. namque non sunt ostensi per syllogismum, sed per compositionem confessi omnes. Quemadmodum si supponens, si una quædam potentia non sit contrariorum, neque scientiam unam esse: postea disputatum sit, quod non est una potentia contrariorum, ut si sanabilis & ægrotabilis: simul enim idem erit sanabile & ægrotabile. Quod itaque non est una omnium contrariorum potentia, & monstratum est: quod autem scientia non est, non fuit monstratum. atqui confiteri necessarium. sed non ex syllogismo: verum ex suppositione. hanc igitur non est reducere: quod autem non una est po-

*Cōplicādas
interdum
esse figuras,
ut proble-
mata expo-
stulant.*

*Definitio-
nis pars, nō
tota sæpius
redarguen-
da.*

*Quid agē
dū in syllo-
gismo ex
suppositio-
ne.*

*De syllogis-
mo per im-
possibile cō-
cludētibz*

*4. l. hic. tertia. * si enim fortasse & syllogismus esset, illud vero supposito. Consimiliter autem & in his, qui per impossibile concluduntur, neque enim hos resolvere, sed ad impossibile abductionem est. syllogismo nanque monstratur: alterum vero non est, ex suppositione enim concluditur. Differunt autem à prædictis: quoniam in illis quidem oportet præconfiteri, si debet assentiri, quemadmodum si monstrata fuerit vna contrariorum potentia, & scientiam eandem esse. hic autem & non præconfessi concedunt, eò quòd manifestum est falsum. veluti si posita fuerit, diameter commensurabilis, imparia æqua esse paribus. Multi vero & alij concluduntur ex suppositione, quos oportet considerare, & notare pure. Quæ igitur sint horum differentiarum, & quot modis fit quod est ex suppositione, postea dicemus: nunc autem tantum sit nobis manifestum, quòd non est resolvere tales syllogismos in figuras: & ob quam causam, diximus.

De mutua Syllogismorum resolutione.

Caput II.

QUæcunque vero problematum in pluribus monstrantur figuris, si in altera ratiocinatum fuerit, est reducere syllogismum in alteram: quemadmodum priuatiuum, qui est in prima, in secundam & eum, qui est in media, in primam. non omnes autem, sed quosdam. manifestum vero erit in sequentibus. Si enim A nulli B: B autem omni C: A nulli C. sic igitur prima figura. sin autem priuatiua conuersa fuerit, media erit, nam B nulli A: omni vero C inest. Consimiliter autem & si non vniuersaliter, sed in parte syllogismus sit. quemadmodum

dum si A nulli B: B vero alicui C. conuerso enim priuatiuo, media erit figura. Syllogismorum vero, qui in secunda, vniuersales quidem reducuntur in primam: eorum autem qui in parte, alter solus. Si enim A B quidem nulli: C vero omni inexistens. conuerso igitur priuatiuo, prima erit figura. nam B nulli A: A vero omni C inerit. Si vero prædicatiuum sit ad B, priuatiuum autem ad C, primum terminum ponendum C. hoc enim nulli A: A vero omni B: quare C nulli B, & B igitur nulli C, nanque conuertitur priuatiuum. Sin autem in parte syllogismus, quando priuatiuum quidem sit ad maius extremum, reducetur ad primam: quemadmodum si A nulli B: C vero alicui. conuerso enim priuatiuo, prima erit figura. nam B nulli A: A vero alicui C. Sed cum prædicatiuum, non resoluetur. veluti si A B quidem omni: C vero non omni. neque enim suscipit conuersionem A B, neque facta, erit syllogismus. Rursus qui in tertia figura, non omnes resoluentur in primam: qui vero in prima, omnes in tertiam. Inest enim A omni B: B autem alicui C: ergo, quoniam conuertitur & prædicatiuum in parte, inerit C alicui B: A vero omni inerit: quare efficitur tertia figura. Et si priuatiuus syllogismus sit, consimiliter. conuertitur enim prædicatiuum in parte. quare A nulli B: C vero alicui inerit. Syllogismorum autem qui in vltima figura, vnus solus non resoluitur in primam, quando priuatiuum fuerit non vniuersaliter positum: alij vero omnes resoluuntur. Prædicentur nanque A, & P de omni C: igitur C conuertetur in parte ad vtrunque. inest ergo alicui B. quare erit prima figura: si A quidem omni C: C vero alicui eorum quæ

B. Et si A quidem omni C, B autem alicui, eadem ratio. conuertitur enim C ad B. Si vero B omni C: A autem alicui C, primum terminum ponendum B. B nanque omni C: C vero alicui A. sed quoniam conuertitur quod in parte, & A alicui B inerit. Et si priuatiuus syllogismus, terminis existentibus vniuersaliter, similiter accipiendum. Insit enim B omni C: A vero nulli: ergo alicui B inerit C: A autem nulli C: quare erit medium C. Consimiliter autem & si priuatiuum quidem vniuersaliter, prædicatiuum vero in parte. nanque A nulli C: C vero alicui eorū quæ B inerit. Quod si in parte acceptum fuerit priuatiuum, non erit resolutio. Quemadmodum, si B omni C: A vero alicui non insit. cōuerso enim B C, utraque propositiones erunt secundum partem, planum autem & quod ad resoluendas figuras in se inuicem, propositio, quæ ad minus extremum, conuertenda in vtrisque figuris: hac enim transposita, transitio efficiebatur. Eorum vero qui in media figura, alter quidem resoluitur, alter autem non resoluitur in tertiam. quando enim quod vniuersale priuatiuum sit, resoluitur. Si enim A nulli B: C vero alicui: utraque similiter conuertuntur ad A. quare B quidem nulli A: C autem alicui: medium igitur A. Sed quando A omni B: ipsi vero C alicui non insit, non erit resolutio: neutra enim propositionum ex conuersione vniuersalis. Et qui ex tertia figura resoluētur in mediam, quando priuatiuum sit vniuersale. Quemadmodum si A nulli C: ipsum autem B alicui, aut omni. nanque & C A quidem nulli: ipsi vero B alicui inerit. Quod si in parte sit priuatiuum, non resoluetur: non enim suscipit conuersionem negatiuum in parte

te. Manifestum igitur, quòd iidem syllogismi non resolvuntur in his figuris, qui neque in primam resolvantur: & quòd cùm syllogismi in primam reducuntur figuram, isti soli per impossibile concluduntur. Quomodo igitur oportet syllogismos reducere, & quòd resolvuntur figuræ in se inuicem, planum ex dictis.

De Syllogismis ex propositionibus infinitis, & priuatoriis: ac ipsarum & simplicium consequentiis.

Cap.

III.

Differt autem aliquid in construendo ac destruendo existimare, aut idem, aut diversum significare, non esse hoc, & esse non hoc: quemadmodum, non esse album, & esse non album. neque enim idem significant, neque est negatio eius, quod est, esse album, hoc quod est, esse non album, sed non esse album. Hæc autem huius ratio. nanque similiter se habet, potest ambulare, & potest non ambulare, ei quod est, est album, ad hoc, quod est, est non album: & scit bonum, ad scit non bonum. nam scit bonum, aut est sciens bonum, nihil differt, neque potest ambulare, aut est potens ambulare. quare & opposita, non potest ambulare, non est potens ambulare. Si igitur, non est potens ambulare, idem significat, & est potens non ambulare, aut haud ambulare, eadem utique simul eidem inerunt. idem enim potest & ambulare, & non ambulare: & est cōsultus boni, & non boni. dictio autem & negatio opposita non insunt simul eidem. Quemadmodum igitur non est idem, non scire bonum, & scire bonum: neque esse non bonum, & nō esse bonum idem. eorum enim, quæ proportionem habent inter se, si al-

* 1515 -

1600

tera sint diuersa, & altera) neque esse non æquale, & non esse æquale. illi enim subiicitur aliquid existenti non æquali, & hoc est inæquale: huic vero nihil: quo circa æquale quidem, aut inæquale non omne: æquale autem, aut non æquale omne. Amplius, est non album lignum, & non est album lignum, non simul sunt. si enim est lignum non album, erit lignum: quod autem non est album lignum, non necesse lignum esse. quare manifestū, quòd nō est eius quod est, est bonum, negatio, est non bonum. Si itaque de omni vno, aut dictio aut negatio vera, si non est negatio, planum quòd affirmatio quodammodo esse posset: affirmationis vero omnis negatio est: & huius igitur, non est non bonum.

*Enunciationum simplicium, ac infinitarum,
seu transpositarum per varia exempla
dispositio.*

Propō affirmatiua simplex. Propō neg. simplex.
Est album Non est album.

Negatiua infinita, Affirmatiua infinita,
seu transposita. seu transposita.
Non est non album. Est non album,

Exemplum manifestius.

Affirmatiua simp. in min⁹. Negatiua simp. in pl⁹.
Est æquale. Non est æquale.

Neg. trāspositiua ī pl⁹. Affir. trāsposita in minus.
Non est non æquale. Est non æquale.

Exempl

*Exemplum manifestius appposito sub-
iecto ipsi propositioni.*

Affirmatiua simplex. Negatiua simplex.
Lignum est album. Lignum non est album.

Negatiua infinita. Affirmatiua infinita.
Lignum non est non album. Lignū est nō albū.

Habent autem ad se inuicem ordinem hunc.
Sic esse bonum, in quo A: non esse bonum, in
quo B: esse non bonum, in quo C, sub B: non esse
non bonū, in quo D, sub A. Omni itaq; inerit
aut A, aut B, & nulli eidem: & aut C, aut D, & nul-
li eidem: & cui C, necesse B omni inesse. si enim
verum dicere, quòd est nō album, & q̄ nō est al-
bū, verū: impossibile enim simul esse album, &
esse non album: aut esse lignum non album, &
esse lignum album. quare si non affirmatio, ne-
gatio inerit. C vero ipsi B non semper. quod
enim omnino non lignum, neque lignum erit
non album. E conuerso igitur D omni, cui A.
nanque aut C, aut D. quoniam vero non possi-
bile esse simul non album & album, ipsum D in-
erit: de existente enim albo verum dicere, quòd
non est non album: A aut de D non omni: nan-
que de eo, quod penitus non est lignum, non
verum dicere, quod est lignum album: quare D
verum, A autem non verum, quoniam lignum
album. Planum vero, quòd & A C nulli eidem:
et si B, & D contingit alicui eidem inesse.

*Propositionum simplicium & infinitarum,
seu transpositarum ordo, ac
consequentia.*

A.		B.
Est bonum.	<i>Omni alterum: nulli ambo.</i>	Non est bonum.

Ad affirmativam sequitur
negativa, & non è contra.

Repu-

stant.

Simul

gnant.

Ad affirmativam sequitur
negativa, & non è contra.

D		C.
Non est non bonum.	<i>Omni alterum: nulli ambo.</i>	Est non bonum.

Consimiliter se habent & priuationes ad prædicamenta hac positione. æquale, in quo A: non æquale, in quo B: inæquale, in quo C: non inæquale, in quo D.

Proposi

Propositionum simplicium, ac privatoriarum ordo, ac consequentia.

A.	<i>Omni alterum: nulli ambo.</i>	B.
Est æquale.		Non est æquale

Ad hanc alia sequitur,
& non è contra.

Repu-
stant
Simul
gnant.

Ad hanc alia sequitur,
& non è contra.

D.	<i>Omni alterum: nulli ambo.</i>	C.
Non est inæquale.		Est inæquale,

Et in pluribus autem, quorum his quidem inest, illis verò nō inest idem, negatio quidē similiter verificari posset, quòd non sunt alba omnia, aut quòd non est album vnumquodque. quòd autem est non album vnumquodque, aut omnia sunt non alba, falsum. Consimiliter autem & eius quòd est, est omne animal album, non hoc quod est, est non album omne animal, negatio (ambæ enim falsæ) sed hoc, non est omne animal album. Quoniam vero manifestum

festum, quod diuersum significat, est non album, & non est album: & illud quidem affirmatio, hoc autem negatio: manifestum, quod non est idem modus ostendendi vtrunque. vt quoniam quodcunque sit animal, nō est album, aut contingit non esse album: & quod verum dicere non album, hoc enim est esse non album. sed de eo, quodcunque sit album, verum dicere, est album, siue nō album, idem modus. Constructiue enim ambo per primam monstrantur figuram. verū enim & esse similiter ordinantur. eius enim quod est, verum dicere album, non hoc quod est, verum dicere non album, negatio: sed non verum dicere album. Si itaque verum est dicere, quodcunque sit homo, musicum esse, aut non musicum esse, quodcunque sit animal, accipiendum, aut esse musicum, aut esse non musicum: & ostensum est. Non esse autem musicum, quodcunque sit homo, destructiue monstratur secundum dictos modos tres. Simpliciter autē, quando sic se habent A & B, vt simul quidem eidem non contingant, omni autem ex necessitate alterum: & rursus C ad D consimiliter: sequitur autem ex C A, & non conuertitur: & ex B D sequetur, & non conuertetur: & A, & D contingunt eidem: B vero, & C non contingunt. Primum igitur, quod ex B sequitur D, hinc manifestum. quoniam enim ex C D alterum ex necessitate omni: cui autem B non contingit C, eō quod simul infert A: A vero & B non contingunt eidem: planum quod D sequetur. Rursus, quoniam C non conuertitur cum A: omni autem C, aut D: contingit A D eidem inesse. B vero & C non contingit, eo quod A consequitur ex C. accidit enim impossibile quoddam. Manifestum igitur, quod neque

B cum

B cum D conuertitur, quoniam accidit simul D & A inesse.

Simplicium, ac transpositarum propositionum ordo, ac consequentia in terminis ignotis: mutato tamen à prioribus terminorum ordine. nos autem clarioris intelligentiæ gratia, notos etiam terminos apposuius.

A.	Prima suppositio.	B.
Non est bonum.	Nulli ambo: omni alterum.	Est bonum.

Tertia suppositio. Ex C sequitur A, & non è contra.	Secundum Simul	monstrandū. stant.	Primum monstrandū: quartū pars primi. Ex B sequitur D: & non è contra.
	Tertium Non simul	monstrandū. stant.	

C.	D.
Est non bonum.	Nulli ambo: omni alterum. Non est bonum.
	Secunda suppositio. nō bonū.

Accidit autem quandoque & in tali terminorum ordine decipi, eo quòd non recte accipiuntur opposita, quorum alterum necesse est omni inesse.

inesse. Quemadmodum si A, & B non contingunt simul eidem, necesse autem alterum inesse, cui non alterum: & rursus C, & D consimiliter.

** a. l. cui au* * ex quo autem omni C sequatur A: accidet
tem Commi enim cui D ipsum B inesse ex necessitate: quod est falsum. Si enim accepta negatio eorum quæ A B, quæ est in quo F: & rursus eorum quæ C D, quæ est in quo H: necesse igitur omni aut A, aut F: aut enim dictionem, aut negationem. & iterum vel C, vel H: dictio nanque, & negatio. & cui C omni, suppositum fuit A: quare H cui omni F. Rursus, quoniam eorum quæ F B omni alterum, & eorum quæ H D consimiliter: sequitur autem ex F H, & ex D sequetur B. hoc enim scimus. si igitur ex C A, & ex D B. hoc autem falsum: econverso enim erant in sic se habentibus consequentia. Non enim fortasse necessarium omni A, aut F: neque F, aut B. non

** Io. Gr. &
Magr. le-
gunt B.*

enim F est negatio ipsius * A. nam
 boni negatio, non bonum. non
 est autem idem non bonum
 ei, quod est, neque bonum
 neque non bonum. Si-
 militer autem & in
 C D. negationes
 enim acce-
 ptæ duæ
 sunt.

*



ARISTOTELIS

PRIORVM RE-

SOLVTORIO-

RV M,

LIBER SECVNDVS.



SVMMA LIBRI.

*De Potentijs, impotentijſq; ſyllogiſmi, ac
ipſi Annexu.*

De Potentiis ſyllogiſticis.

*Qui ſyllogiſmi plures poſſint concludere
concluſiones. Cap. I.*



N quot igitur figuris, & per qua-
les, & quot propoſitiones, & quan-
do, & quomodo fit ſyllogiſmus:
Amplius autẽ, in qualia aſpicien-
dum deſtruenti ac conſtruenti, &
quomodo oportet quẽrere de pro-
poſito ſecundum qualemcunq; methodum: Am-
plius autem, per qualem viam accipiemus prin-
cipia, de ſingulis iam tranſegimus. Sed quo-
niam alij ſyllogiſmorum vniuerſales ſunt, alij
ſecundum partem: vniuerſales omnes ſemper
plura ratiocinantur: ex iis vero qui in parte, af-
firm

firmatiui quidem plura, negatiui autem conclusionem solam, alia nanque propositiones conuertuntur: priuatiua vero non conuertitur. Conclusio autem aliquid de aliquo est: quare alij quidē syllogismi plura ratiocinantur. Quemadmodum si A monstratū est omni B, aut alicui: & B alicui A necessarium inesse, & si A nulli B, & B nulli A. hoc autem diuersum à precedenti. Si vero alicui non inest, non necesse & B alicui A non inesse. contingit enim omni inesse. Hæc itaque communis omnium causa, & eorum qui vniuersaliter, & eorum qui secundum partem.

Est autem de vniuersalibus & aliter dicere. quæcunq; enim aut sub medio sunt, aut sub conclusione, omnium erit idem syllogismus: si hæc in medio, illa in conclusione posita fuerint. Vt si A B conclusio per C, quæcunque sub B; aut C sunt, necesse de omnibus dici A. Si enim D in toto B: B vero in A: & D erit in A. Rursus, si E in toto C: C autem in A: & E in A erit. Consimiliter & si priuatiuus syllogismus. In secunda autem figura, quod sub conclusione solum erit ratiocinari. Veluti si A nulli B: C autem omnis conclusio quod B nulli C. Si igitur D sub C est, planum, quod B non est ipsi. Iis vero quæ sub A, quod non inest, non manifestum per syllogismum, atqui non inest ipsi E, si est sub A: sed B quidem inesse nulli C, monstratum est per syllogismum: ipsi vero A non inesse indemonstratum sumptum est. quare non propter syllogismum accidit B non inesse ipsi E. In his vero quæ sunt in parte, eorum quidem quæ sub conclusione sunt, non erit necessarium: (non enim fit syllogismus, quando hæc accepta fuerit in parte) eorum vero quæ sub medio, erit omnium,

præter quàm quod non per syllogismum. Vt si A omni B : B vero alicui C. eius enim quod sub C positum est, non erit syllogismus: eius vero, quod sub B erit, sed non propter antea factum. Consimiliter autem & in aliis figuris. eius enim quod sub conclusione, non erit: alterius vero erit: præterquam quod non propter syllogismum: sed quemadmodum & in vniuersalibus, ex indemonstrabili propositione, quæ sub medio erant, monstrabantur. quare neque ibi erit, aut & in his.

De eo quod est ex falsis ratiocinari.

Prima figura. Cap. II.

ESt itaque ita se habere, vt veræ sint propositiones, per quas syllogismus: est autem vt falsæ: est vero, vt hæc quidem vera, illa autem falsa. cæterum conclusio aut vera, aut falsa ex necessitate. Ex veris igitur non est falsum ratiocinari. ex falsis autem est verum, præter quam quod non propter quid, sed * quia. eius enim quod est * *a. l. quod* propter quid, non est ex falsis syllogismus: ob quam vero causam, in sequentibus dicitur.

Primum ergo, quod ex veris non possumus falsum ratiocinari hinc manifestum. Si enim A existente, necesse est B esse: B non inexistente, necesse est A non esse. si igitur verum est A, necesse est B verum esse: aut accidet idem simul esse, & non esse. hoc autem impossibile. Non autem, quoniam positus est A vnus terminus, existimetur contingere vno aliquo existente, ex necessitate aliquid accidere: non enim possibile. quod enim accidit ex necessitate, conclusio est: per quæ autem hoc fit, minima tres termini: bina vero interualla, & propositiones. Si itaque verum est, cui B inest ipsum, A omni: cui autem C,

Arist. Log.

q.

ipsum B: cui C necesse est A inesse. & non potest hoc falsum esse: simul enim inerit idem, & non inerit. A igitur tanquam vnum ponitur duarum propositiones simul acceptarum. Consimiliter autem & in priuatiuis se habet. non enim est ex veris monstrare falsum. Ex falsis autem verum est ratiocinari, & vtrisque propositionibus existentibus falsis, & vna. hac autem non vtralibet, sed secunda, si totam accipiat falsam: si vero non tota accipiat, est, vtralibet. Sit enim A toti C inexistent, eorum autem quarum B nulli, neque B ipsi C. contingit autem hoc, ut lapidi nulli animal, & lapis nulli homini. Si igitur acceptum fuerit A omni B, & B omni C, A omni C inerit. quare ex vtrisque falsis vera conclusio: omnis enim homo animal. Similiter autem & priuatiuum. est enim A, & B nulli C inesse: A tamen omni B: veluti si eisdem acceptis terminis, medium positum fuerit homo. lapidi enim & animal, & homo nulli inest: animal vero omni homini. Quare si cui quidem inest, accipit nulli inesse, ex falsis vtrisque vera erit conclusio. Consimiliter autem monstrabitur, & si ad aliquid falsa vtraque accepta fuerit.

Quod si altera falsa posita fuerit, prima existente tota falsa, ut ipsa A B, non erit conclusio vera: ipsa vero B C erit. Dico autem totam falsam contrariam: quemadmodum si nulli inexistent, omni acceptum fuit: aut si omni, nulli inesse. Si enim A B nulli inexistent, B vero C omni: si B C quidem propositionem veram acceperro, A B autem totam falsam, & A inesse omni B, impossibile conclusionem veram esse: nulli enim inerit eorum quarum C. si quidem cui B, nulli ipsum A: B vero omni C.

Consimiliter autem neque
si A

si A omni B inest, & B ipsi C : accepta vero est
 B C propositio vera, A B autem falsa tota, & A
 nulli eorum quibus B, conclusio falsa erit. omni
 enim C inerit ipsum A. siquidem ipsum A omni,
 cui B : B vero omni C. Planum igitur, quod si
 prima tota accipiaturs falsa, siue affirmatiua, si-
 ue priuatiua: altera autem vera, non fit vera con-
 conclusio. Cum vero non tota accipitur falsa erit.
 Si enim A inest omni C, alicui autem B, B vero
 omni C : vt animal cygno quidem omni : albo
 autem alicui, album vero omni cygno : si ac-
 ceptum fuerit. A omni B, & B omni C inerit vere:
 omnis enim cygnus animal. Consimiliter & si
 priuatiuum sit A B. accidit enim A B quidem
 alicui inesse, C vero nulli, B autem omni C : vt
 animal alicui albo, niui autem nulli, album vero
 omni niui. Si itaque acceptum fuerit A nulli B,
 B vero omni C, A nulli C inerit. Quod si A B
 propositio tota accepta fuerit vera, B C autem
 tota falsa, erit syllogismus verus. nil enim pro-
 hibet A B, & C omni inesse, B autem nulli C : vt
 quacunque eiusdem generis species non subal-
 ternæ. animal enim & equo & homini inest,
 equus vero nulli homini. Si itaque acceptum
 fuerit A omni B, & B omni C, vera erit conclu-
 sio, falsa tota existente B C propositione. Con-
 similiter autem & priuatiua existente A B pro-
 positione. contingit enim A & B, & C nulli :
 quemadmodum ex alio genere speciebus ipsum
 genus. animal enim neque musicæ, neque me-
 dicinæ inest, neque musica medicinæ. Si igitur
 acceptum fuerit A nulli B, B vero omni C, vera
 erit conclusio. Et si B C non tota falsa, sed ad
 aliquid, & ita erit conclusio vera. nihil enim
 prohibet A & B, & C toti inesse: B tamé alicui C:

vt genus speciei, ac differentia. animal enim
 omni homini, & omni pedestri, homo vere ali-
 cui pedestri, & non omni. Si igitur A omni B &
 B omni C acceptum fuerit, A omni C inerit: quod
 erat verum. Similiter autem & priuatiua existen-
 te A B propositione. contingit enim A & B, & C
 nulli inesse, B tamen alicui C: vt genus ex alio
 genere speciei & differentie. animal enim neque
 prudentia vlli inest, neque speculatiua: pruden-
 tia vero alicui speculatiua. Si igitur acceptum fue-
 rit A nulli B, B autem omni C, A inerit nulli C.
 hoc autem erat verum. In syllogismis vero qui
 in parte, contingit & prima propositione tota fal-
 sa, altera autem vera, conclusionem veram esse:
 & prima existente ad aliquid falsa: & hac quidem
 vera, illa autem quæ in parte, falsa: & vtriusq; fal-
 sis. Nihil enim prohibet A nulli quidē B inesse,
 C vero alicui, & B alicui C: veluti animal nulli
 niui, albo autem alicui inest, & nix albo alicui.
 Si igitur medium positum fuerit nix, primum au-
 tem anima: & acceptum fuerit A toti B inesse, B
 vero alicui C: A B quidem tota falsa, B C autem
 vera, & conclusio vera. Consimiliter autem &
 priuatiua existente A B propositione. accidit enim
 A toti B inesse, C vero alicui non inesse, B tamen
 alicui C inesse. vt animal homini quidem omni
 inest, albo autem alicui non sequitur, homo au-
 tem alicui albo inest. Quare si medio posito ho-
 mine, accipiatur A nulli B inesse, B autem alicui
 C inesse, vera erit conclusio, falsa existente A B
 propositione tota. Et si ad aliquid falsa A B
 propositio, erit conclusio vera. nihil enim prohi-
 bet A & B, & C alicui inesse, & B alicui C inesse:
 quemadmodum animal alicui honesto, & alicui
 magno, & honestum alicui magno inesse. Si igitur

tur acceptum fuerit A omni B, & B alicui C: A B quidem propositio ad aliquid falsa erit, B C autem vera, & conclusio vera. Consimiliter autem & priuatiua existente A B propositione. iidem enim termini erunt, & similiter positi ad demonstrationem. Rursus, si A B quidem vera, B C autem falsa, vera erit conclusio. nihil enim prohibet A B quidem toti inesse, C autem alicui, & B C nulli inesse: quemadmodum animal cygno quidem omni, nigro autem alicui, cygnus vero nulli nigro. Quare si acceptum fuerit A omni B, & B alicui C, vera erit conclusio, falso existente B C. Consimiliter autem & priuatiua accepta A B propositione. accidit enim A B quidem nulli, C vero alicui non inesse, B tamen nulli C: quemadmodum genus speciei ex alio genere, & accidenti speciebus ipsius. animal enim numero quidem nulli inest, albo autem alicui, numerus autem nulli albo. Si igitur medium positum fuerit numerus, & acceptum fuerit A quidem nulli B, B vero alicui C, A alicui C non inerit, quod erat verum. & A B quidem propositio vera, B C autem falsa. Et si ad aliquid falsa A B, falsa vero B C, erit conclusio vera. nihil enim prohibet A B alicui, & C alicui inesse utrique, B autem nulli C: veluti si B contrarium ipsi C, ambo vero contingentia eidem generi. animal enim alicui albo, & alicui nigro inest: album autem nulli nigro. Si igitur acceptum fuerit A omni B, & B alicui C, vera erit conclusio. Et si priuatiua accipiatur A B similiter. iidem enim termini, & similiter ponentur ad demonstrationem.

Et utrisque autem falsis existentibus, erit conclusio vera. accidit enim A B quidem nulli, C vero alicui inesse, B autem nulli C: quemadmo-

dum genus speciei ex alio genere, & contingenti speciebus ipsius. animal enim numero quidem nulli, albo autem alicui inest, & numerus nulli albo. Si igitur acceptum fuerit A omni B, & B alicui C, conclusio quidem vera, propositiones autem ambæ falsæ. Similiter & priuatiua existente A B. nihil enim prohibet A B quidem toti inesse, C vero alicui non inesse, & B nulli C: veluti animal cygno quidem omni, nigro autem alicui non inest, cygnus vero nulli nigro. Quare si acceptum fuerit A nulli B, B vero alicui C, A alicui C non inerit. conclusio igitur vera, propositiones autem falsæ.

Secunda figura. Cap. III.

IN media autem figura, omnino accidit per falsam verum ratiocinari: & cum utræque propositiones totæ falsæ accipiuntur: & cum utræque ad aliquid: & hac quidem vera, illa autem falsa existente tota, utralibet posita falsa: & si utræque ad aliquid falsæ: & si hæc simpliciter vera, illa autem simpliciter falsa: & si hæc tota falsa, illa autem ad aliquid vera: & in vniuersalibus syllogismis, & in iis qui sunt in parte. Si enim A B quidem nulli inest, C vero omni: ut animal lapidi quidem nulli, equo autem omni: si e contrario positæ fuerint propositiones, & acceptum fuerit A B quidem omni, C vero nulli, ex falsis totis propositionibus, vera erit conclusio. Consimiliter, & si B quidem omni, C autem nulli inest A. idem enim erit syllogismus. Rursus, si altera quidem tota falsa, altera autem tota vera. nil enim prohibet A inesse & B & C omni, B tamen nulli C: ut genus non subalternis speciebus, animal enim & equo omni, & homini, & nullus homo equus.

Si igitur acceptum fuerit, huic quidem omni illi vero nulli inesse: hæc quidem tota falsa erit, illa autem tota vera, & conclusio vera: ad vtrumlibet posito priuatiuo. Et si altera ad aliquid falsa, altera autem tota vera. accidit enim A B quidem alicui inesse, C vero omni, B tamen nulli C: vt animal albo alicui, coruo autem omni, & album nulli coruo. Si igitur acceptum fuerit B quidem nulli, C vero toti inesse, A B propositio ad aliquid falsa, A C vero tota vera, & conclusio vera. Et si transponatur priuatiuum, consimiliter. per eosdem nanque terminos demonstratio.

Et si affirmatiua propositio ad aliquid falsa. priuatiua autem tota vera. nihil enim prohibet A B quidem alicui inesse, C vero toti non inesse, & B nulli C: vt animal albo quidem alicui, pici autem nulli, & album nulli pici. Quare si acceptum fuerit A toti B inesse, C vero nulli: A B quidem ad aliquid falsa, A C autem tota vera. Et si ambæ propositiones ad aliquid falsæ, erit conclusio vera. accidit enim A & B, & C alicui inesse, B vero nulli C: vt animal & albo alicui, & nigro alicui, album autem nulli nigro. Si igitur acceptum fuerit A B quidem omni, C vero nulli: ambæ propositiones ad aliquid falsæ, conclusio autem vera. Consimiliter & transposita priuatiua per eosdem terminos. Manifestum vero & in syllogismus in parte. nihil enim prohibet A B quidem omni, C autem alicui inesse, & B alicui C non inesse: vt animal omni homini, albo vero alicui, homo autem alicui albo non inerit. Si igitur positum fuerit A B quidem nulli inesse, C vero alicui inesse: vniuersalis propositio tota falsa, quæ autem in parte vera, & conclusio vera, Consimiliter vero, &

cum affirmatiua accipitur A B. accidit enim A B quidem nulli, C autem alicui non inesse, & B C alicui non inesse: vt animal nulli inanimato, albo vero alicui, & inanimatum non inerit alicui albo. Si itaque positum fuerit A B quidem omni, C vero alicui non inesse: A B quidem propositio vniuersalis, tota falsa, A C autem vera, & conclusio vera. Et si vniuersalis vera quidem posita fuerit, quæ vero in parte falsa. nihil enim prohibet A & B, & C nullum sequi, B tamen alicui C non inesse: vt animal nullum numerum, & inanimatum, & numerus aliquod inanimatum non sequitur. Si igitur positum fuerit A B quidem nulli, C vero alicui: conclusio quidem erit vera, & vniuersalis propositio, quæ autem in parte, falsa. Et cum affirmatiua ponitur vniuersalis, consimiliter. accidit enim A & B, & C toti inesse, B tamen non sequi aliquod C: vt genus speciem, & differentiam. animal enim omnem hominem, & totum pedestre sequitur, homo autem non omne pedestre. Quare, si acceptum fuerit A B quidem toti inesse: vniuersalis quidem propositio vera, quæ autem in parte, falsa, conclusio autem vera. Planum vero, & quod ex ambabus falsis erit conclusio vera. si quidem contingit A & B, & C toti inesse, B tamen aliquod C non sequi. Si enim acceptum fuerit A B quidem nulli, C vero alicui inesse, propositiones quidem ambæ falsæ, conclusio autem vera. Consimiliter vero & cum vniuersalis propositio est prædicatiua: quæ autem in parte, priuatiua. accidit nanque A nullum quidem B, C vero omne sequi, & B alicui C non inesse. vt animal scientiam quidem nullam, hominem vero omnem sequitur, scientia autem non omnem

omnem hominem. Si igitur acceptū sit A B quidem toti inesse, C autem aliquod non sequi: propositiones quidem falsæ, sed conclusio vera.

Tertia figura.

Cap. IIII.

ERit autem & in vltima figura per falsas totas: & ad aliquid vtraque: & altera quidem vera tota, altera vero falsa: & hæc ad aliquid falsa, illa autem tota vera, & econuerso: & quocunque modis aliter contingit trāsumere propositiones. Nihil enim prohibet & A & B nulli C inesse: veluti & homo, & pedestre. nullū inanimatū sequitur, homo tamē alicui pedestri inest. Si igitur acceptum fuerit A, & B omni C inesse, propositiones quidem totæ falsæ, conclusio autem vera. Consimiliter vero & hac quidem priuatiua, illa autem affirmatiua existente. accidit enim B quidem nulli C inesse, ipsum vero A omni, & A alicui B non inesse: vt nigrum nulli cygno, animal autem omni, & animal non omni nigro. Quare si acceptum fuerit B omni C, ipsum vero A nulli, A alicui B non inerit: & conclusio quidem vera, propositiones autem falsæ. Et si ad aliquid vtraque falsa, erit conclusio vera. nihil enim prohibet & A & B alicui C inesse, & A alicui B: vt album & honestum alicui animali inest, & album alicui honesto. Si igitur positū fuerit A, & B omni C inesse: propositiones quidem ad aliquid falsæ, conclusio autem vera. Sed & cū A C priuatiua ponitur, consimiliter. nihil enim prohibet, A quidem alicui C non inesse, ipsum vero B alicui inesse, & A B non omni inesse: vt honestum alicui animali non inest, album vero alicui inest, & album non omni honesto. Quare si acceptum fuerit, A quidem nulli C, ipsum vero B omni: ambæ propositiones ad aliquid falsæ, conclusio

autem vera. Consimiliter vero, & cum hæc quidem tota falsa, illa autem tota vera accipitur. accidit enim & A, & B sequi omni C, A tamen alicui B non inesse: ut animal, & album omnem cygnum sequitur, animal tamen non omni inest albo. His igitur positis terminis, si acceptum fuerit, B quidem toti C inesse, A vero toti non inesse: B C quidem tota erit vera, A C autem tota falsa, & conclusio vera. Consimiliter vero & si B C quidem falsum, A C autem verum. iidem enim termini ad demonstrationem, nigrum, cygnus, inanimatum. Sed & si ambæ accipiantur affirmatiuæ. nihil enim prohibet, B quidem sequi omne C, ipsum vero A toti non inesse, & A alicui B inesse: ut animal omni cygno, nigrum autem nulli cygno, & nigrum inest alicui animali. Quare si acceptum fuerit A, & B omni C inesse: B C quidem tota vera, A C autem tota falsa, & conclusio vera. Sed consimiliter & cum A C accepta fuerit vera. per eosdem nanque terminos demonstratio. Rursus, & cum hæc quidem tota vera extiterit, illa autem ad aliquid falsa: accidit enim B quidem omni C inesse, A verò alicui, & alicui B: ut bipes quidem omni homini, honestum autem non omni, & honestum alicui bipedi inest. Si igitur acceptum fuerit & A, & B toti C inesse: B C quidem tota vera, A C autem ad aliquid falsa, sed conclusio vera. Consimiliter autem & si A C vera, B C falsa accipiat. iisdem namque terminis transpositis erit demonstratio.

Et si hæc priuatiua, illa autem affirmatiua sit, quoniam enim accidit B quidem toti C inesse, A vero alicui. Et quando sic se habeant, A non omni B, si acceptum fuerit B quidem toti C inesse, A vero nulli: priuatiua quidem ad aliquid falsa, al-

tera autem tota vera, & conclusio. Rursus, quoniam monstratum est, quòd cum A nulli inest C, ipsum vero B alicui, accidit A alicui B non inesse: planum quòd & cum A C tota vera sit, B C autem ad aliquid falsa, accidit conclusionem veram esse. Si enim acceptum fuerit A nulli C, ipsum vero B omni: A C quidem tota vera, B C autem ad aliquid falsa. Cæterum & in syllogismis in parte manifestum, quòd omnino erit verum per falsa. iidem enim termini accipiendi, & quando vniuersales sint propositiones: qui quidem in affirmatiuis, affirmatiui, qui vero in priuatiuis, priuatiui. nihil enim differt, cum nulli inest, omni accipere inesse: & si alicui inerat, vniuersaliter capere ad terminorum expositionem. itidem & in priuatiuis. Planum igitur, quòd si quidem sit conclusio falsa, necesse est falsa esse, ex quibus est ratio, aut omnia aut quedam: quando autem vera, non necesse est verum esse, neque aliquid neque omnia: sed est, cum nullum eorum quæ in syllogismo verum sit, conclusionem consimiliter veram esse, non ex necessitate tamen. Causa autem: quoniam quando duo sic se inuicem habeant, ut cum ex necessitate alterum sit, ex necessitate alterum existat: cum hoc quidem non sit, neque alterum erit: cum autem sit, non necesse alterum esse. sed cum idem sit, & non sit, impossibile ex necessitate esse idem. Dico autem, ut cum sit A album, B esse ex necessitate: & cum non sit album A, B esse ex necessitate. quòd enim cum hoc sit album A, necesse est hoc magnum esse B: cum vero magnum B sit, C non album: necesse est si A album, C non esse album.

Et quando duobus existentibus altero existente, necesse est alterum esse: hoc non existente, neces

* itaque. necesse est A non esse: B vero non existente magno, potest A album esse: A * vero non existente albo, si necesse est B magnum esse, accidit ex necessitate, B magno non existente, ipsum B magnum esse. hoc autem impossibile. si enim B non est magnum, A non erit album ex necessitate. si igitur non existente hoc albo, B erit magnum, accidit, si B non est magnum, esse magnum, tanquam per tria.

De circulari monstratione.

Cap. V.

Circulo autem, & ex se inuicem monstrare, est per cōclusionem, & eo quod prædicatione retrouersum se habet, alteram accipientem propositionem, concludere reliquam, quam accipiebat in altero syllogismo. Quemadmodum si oportebat monstrare, quòd A omni C inest: monstrauit autem per B. Rursus, si ostenderet, quòd A inest ipsi B, accipiens A ipsi C inesse: C vero ipsi B: & A ipsi B. prius autem econuerso accipiebat B inesse ipsi C. Aut si oportet monstrare, quòd B inest ipsi C, accipiat A de C, quæ erat conclusio: B vero de A inesse. sed prius acceptum fuerat econuerso, A de B. Aliter autem non est ex se inuicem ostendere, siue enim aliud medium accipiet, non circulo: nihil enim accipitur ex iis, quæ eadem sunt, siue horum aliquid, necesse alterum solum. si nanque ambo, eadē erit conclusio. oportet autem alterum. In iis igitur, quæ non conuertuntur, ex indemonstrabili altera propositione fit syllogismus. non enim est demonstrare per hos terminos, quòd medio tertium inest, aut primo medium. In iis vero, quæ conuertuntur, est omnia monstrare per se inuicem, veluti si A, & B,
& C

& C conuertuntur inter se. Sit enim ostensum, A C per medium B : & rursus A B , & per conclusionem, & per B C propositionem conuersam: consimiliter autem & B C per conclusionem , & A B propositionem conuersam. Oportet vero & C B , & B A propositionem demonstrare: his enim indemonstrabilibus vsi fuimus solis. Si itaque sumatur B omni C inesse : & C omni A: syllogismus erit ipsius B ad A . Rursus, si acceptum fuerit ipsum quidem C omni A : A vero ipsi B : necesse est C inesse omni B . In vtrisque igitur his syllogismis C A propositio accepta est indemonstrabilis : aliarum enim monstratarum erant . quare si hanc demonstrauerimus, omnes monstratae erunt per se inuicem . Si igitur acceptum fuerit C omni B : & B omni A inesse: vtraque propositiones monstratae accipiuntur, & C ipsi A necesse est inesse. Manifestum igitur, quod in solis conuertentibus, circulo & per se inuicem contingit fieri demonstrationes: in aliis vero, vt prius diximus. Accidit autem & in his eo ipso, quod monstratur, vt ad demonstrationem. nam C de B , & B de A monstratur, si acceptum sit C de A dici. C vero de A per has monstratur propositiones : quare conclusione vtimur ad demonstrationem . In priuatiuis autem syllogismis ita monstratur . Ex se inuicem quidem sit B omni C inesse : A vero nulli eorum quae B : conclusio, quod A nulli eorum quae C . Si igitur rursus oportet concludere, quod A nulli eorum quae B , quod dudum acceptum: sit A nulli eorum quae C : C vero omni B : sic enim propositio est conuerso. Si vero quod B ipsi C oportet concludere, non amplius similiter conuertendum est A B . namque eadem propositio

B nulli

B nulli A, & A nulli B inesse: sed accipendum, cui A nulli inest, B omni inesse. Sit A nulli eorum quæ C inesse, quod erat conclusio: cui autem A nulli, acceptum sit B omni inesse: necesse igitur B omni C inesse. quare cum tria sint, vnumquodque conclusio factum est, & circulo demonstrare hoc est. conclusionem accipientem, & è conuerso alteram propositionem, reliquam ratiocinari. In syllogismis vero qui in parte, vniuersalem quidem propositionem non est demonstrare per altera, eam vero quæ secundum partem erit. Quòd igitur non est demonstrare vniuersalem, manifestum. vniuersale nanque monstratur per vniuersalia: conclusio autem non est vniuersalis: oportet autem ex conclusione monstrare, & altera propositione. Amplius, omnino neque fit syllogismus, conuersa propositione: in parte enim ambæ sunt propositiones. Eam vero quæ est in parte, est. Sit enim monstratum A de aliquo C per B. si igitur acceptum fuerit B omni A: & conclusio maneat: B alicui C inest. fit enim prima figura, & A medium.

Si vero priuatius syllogismus, vniuersalem quidem propositionem non est monstrare, ob id, quod & prius dictum est: eam vero quæ est in parte, est, si itidè conuersa fuerit A B, quemadmodum & in vniuersalibus: vt cui A alicui non inest, B alicui inesse. aliter enim non fit syllogismus, eo quòd propositio, quæ in parte, est negatiua.

Secunda figura

Cap. VI.

IN secunda autem figura, affirmatiuum quidem non est monstrare per hunc modum, priuatium vero est, Prædicatiuum igitur non
mon

monstratur, eo quòd ambæ propositiones non sunt affirmatiuæ, conclusio autem est priuatiua: sed prædicatiuum ex ambabus monstrabatur affirmatiuis. Priuatiuum vero sic monstratur. Infit A omni B: nulli autem C: conclusio B nulli C. si igitur acceptum fuerit B omni A inesse, necesse est A nulli C inesse. fit enim secunda figura: medium B. Sin autem A B priuatiuum acceptum fuerit, alterum vero prædicatiuum, prima erit figura: C quidem omni A: B autem nulli C: quare B nulli A: neque igitur B ipsi ipsum A. Per conclusionem igitur, & vnā propositionem non fit syllogismus: accepta autem altera, erit. Si uero non vniuersalis syllogismus, in toto quidem propositio non demonstratur ob eandem causam, quam diximus & prius: quæ autem est in parte monstratur, quando sit vniuersale prædicatiuum. Infit enim A omni B: C vero non omni: conclusio B C. si itaque acceptum fuerit B omni A: C autem non omni: A alicui C non inest: medium B. Quèd si est vniuersalis priuatiua, non monstrabitur A C propositio, conuerso A B: accidit enim aut vtræque, aut alteram propositionem fieri negatiuam: quare non erit syllogismus. sed consimiliter monstrabitur, quemadmodum et in vniuersalibus, si acceptum fuerit, cui B alicui non inest, A alicui inesse.

Tertia figura. Cap. VII.

IN tertia autem figura, quando ambæ quidem propositiones vniuersaliter acceptæ fuerint, nõ cõtingit mōstrare per se inuicē. vniuersale nanque monstratur per vniuersalia: conclusio autem, quæ in hac. semper est secundū partē: quare manifestum, quòd omnino non contingit monstra-

re per hanc figuram vniuersalem propositionem. Quòd si hæc vniuersaliter sit, illa verò in parte, aliquando quidem erit, quandoque autem non erit. Cum igitur vtræque prædicatiuæ acceptæ fuerint, & vniuersale fiat ad minus extremum, erit: cum vero ad alterum, non erit. Insit enim A omni C: ipsum autem B alicui: conclusio, A B. si acceptum fuerit C omni A inesse: A autem alicui B: C quidem ostensum est alicui B inesse: B vero alicui C non est monstratum, atqui necesse est, si C alicui B, & B alicui C inesse. sed non est idem, hoc huic, & hoc huic inesse. Sed assumendum, si hoc alicui huic, & alterum alicui huic. hoc autem accepto, non amplius fit ex conclusione, & altera propositione syllogismus. Si vero B omni C: A autem alicui C: erit demonstrare A C, quando acceptum fuerit, C quidem omni B inesse: A autem alicui. si enim C omni B inest: A autem alicui B: necesse est A alicui C inesse: medium B. Et quando sit hæc quidem prædicatiua, illa vero priuatiua: quæ autem prædicatiua vniuersalis, monstrabitur altera. Insit enim B omni C: ipsum vero A alicui non inest: conclusio, quod A alicui B non inest. si igitur assumptum fuerit C omni B inesse: erat autem & A non omni B: necesse est A alicui C non inesse: medium B. Quando autem priuatiua fiat vniuersalis, non monstratur altera: nisi quemadmodum in prioribus, si acceptum fuerit, cui hoc alicui non inest, alterum alicui inesse. Vt si A quidem nulli C: ipsum vero B alicui: conclusio quod A alicui B non inest. si igitur acceptum fuerit, cui A alicui non inest, C alicui inesse, necesse est C alicui eorum quæ B inesse. aliter autem non est conuertentem

tem vniuersalem propositionem monstrare alteram : nullo enim modo erit syllogismus. Planum itaque, quòd in prima quidem figura demonstratio per se inuicem, & per tertiam, & per primam efficitur figuram. cùm enim prædicatiua est conclusio, per primam: cùm autem priuatiua, per vltimam. accipitur enim cui hoc nulli, alterum omni inesse. In media autem, cùm syllogismus quidem vniuersalis sit, & per ipsam, & per primam figuram: cùm vero in parte, & per ipsam & per vltimam. In tertia autem per ipsam omnes. Manifestum autem, & quòd in tertia, & media, qui non per ipsas fiunt syllogismi, aut non sunt secundum circularem monstrationem, aut imperfecti.

De Conuersione, quæ in syllogismis.

Cap. VIII.

Conuertere autem est, transponentem conclusionem, facere syllogismum, quòd aut summum medio non inerit, aut hoc vltimo. necesse enim conclusionem conuersa, & altera propositione manente, interim reliquam. si enim erit, & conclusio erit. Differt autem oppositæ aut cõtrariæ conuertere cõclusionem: non enim idem efficitur syllogismus, cùm vtroque modo conuertitur. sed hoc per sequentia manifestum erit. Dico autem opponi omni, non omni: & alicui, nulli: contrarie vero omni, nulli: & alicui, non alicui inesse.

Prima figura.

Sit nanque monstratum A de omni C, per medium B. si itaq; A acceptum fuerit nulli C inesse: ipsi vero B omni: nulli C inerit B. & si A quidem nulli C: B autem omni C: A non omni B, & non omnino nulli. non enim monstrabatur vni-

Log. Arist.

r

uersale per vltimam figuram. Omnino vero non est vniuersaliter destruere per conuersionē propositionem, quæ est ad maius extremum. semper enim tollitur per tertiam figuram, necesse namq; ad vltimum extremum ambas accipere propositiones. Et si priuatius syllogismus sit, consimiliter. Sit enim ostensum A nulli eorum quæ C inexistens per B. igitur si acceptum fuerit A inesse omni C: ipsi vero B nulli: B inerit nulli eorū, quæ C, etsi A, & B omni C: A alicui B: sed nulli inerit.

Quod si oppositæ conuersa fuerit conclusio, & syllogismi oppositi, & nō vniuersales erunt. nāq; fit altera propositio in parte: quare & conclusio erit secundum partem. Sit enim prædicatiuus syllogismus, & conuertatur sic. igitur si A nō omni C: omni autem B: ipsum B nō omni C. & si A quidem non omni C: ipsum vero B omni: A nō omni B. Consimiliter autem & si priuatius syllogismus. Si enim A alicui C inest: ipsi vero B nulli: B alicui C non inerit, non simpliciter nulli. & si A alicui C: B vero omni quemadmodū in principio acceptum est: A alicui B inerit. Ceterum in syllogismis, qui in parte, quando oppositæ quidē conuertatur conclusio, tolluntur ambæ propositiones: quando autem contrarie, neutra. nō enim amplius accidit tollere, quemadmodum in vniuersalibus, deficiente conclusione secundū conuersionem, sed neque omnino tollere. Sit enim ostensum A de aliquo C. igitur si acceptum fuerit A nulli C inesse: ipsum vero B alicui: A alicui B non inerit. & si A nulli C: omni autem B: ipsum B nulli C. quare tolluntur utræque. Quod si contrarie cōuersa fuerit, neutra. Si enim A alicui C non inest: ipsi vero B omni: B alicui C non inerit. sed nondum tollitur, quod à principio: cōtingit nāq;

alic

alicui inesse, & alicui non inesse. sed ipsius A B vniuersalis, omnino non fit syllogismus. si enim A non inest alicui eorum quæ C: B vero alicui inest: neutra propositionum vniuersalis. Consimiliter autem & si priuatius syllogismus. Si enim accipietur A omni C inesse, tollentur utreque: si vero alicui, neutra. demonstratio autem eadem.

Secunda figura. Cap. I X.

Sed in secunda figura, propositionem quidem quæ ad maius extremum, non est interimere contrarie, facta conuersione utrolibet modo. nam semper erit conclusio in tertia figura: vniuersalis autem non erat in hac syllogismus. alterum vero similiter tollemus conuersioni. dico autem similiter, si contrarie quidem conuertitur, contrarie: si vero oppositæ, oppositæ. Insit enim A omni B: ipsi autem C nulli: conclusio B C. si itaque acceptum fuerit B omni C inesse: & A B maneat: A omni C inerit: nam fit prima figura. quod si B omni C: A vero nulli C: A non omni B figura vltima. Sin autem oppositæ conuersum fuerit B C, A B quidem itidem monstrabitur, A C vero oppositæ. Si enim B alicui C: A autem nulli C: A alicui B non inerit. rursus si B alicui C: A vero omni B: A alicui C. quare oppositus fit syllogismus. Consimiliter monstrabitur, & si è conuerso se habeant propositiones. Quod si syllogismus est in parte, si contrarie conuertatur conclusio, neutra propositionum tollitur, quemadmodum neque in prima figura: si vero oppositæ, utraque. Ponatur enim A B quidem nulli inesse: ipsi autem C alicui: conclusio B C. si itaque positum fuerit B alicui C inesse: & A B maneat: conclusio erit, quod A alicui C non inest, sed non est sublatum,

quod à principio : contingit enim alicui inesse, & non inesse. Rursus si B alicui C: & A alicui C: non est syllogismus. neutrum enim acceptorum vniuersale: quare non tollitur A B. Quòd si opposite conuertatur, tolluntur ambæ. Si enim B omni C: A vero nulli B: nulli C ipsum A. sed erat alicui. rursus si B omni C: A autem alicui C: A alicui B.

Eadem vero demonstratio, & si vniuersale prædicatiuum.

Tertia figura.

Caput X.

Sed in tertia figura, cum contrarie quidè conuertatur conclusio, neutra tollitur propositio- num secundum nullum syllogismorum: cum vero oppositè, ambæ, & in omnibus. Sit ostensum A alicui B inexistens: medium autem sit acceptum C: sint autem propositiones vniuersales. igitur si acceptum fuerit A alicui B non inesse: B vero omni C: non fit syllogismus A & C. neque si A eorum quidem quæ B alicui non inest: C autem omni: non erit B & C syllogismus. Consimiliter autem monstrabitur, & si non vniuersales propositiones. aut enim ambas necesse est secundum partem esse per conuersionem, aut vniuersale ad minus extremum fieri. verum sic non erat syllogismus, neque in prima figura, neque in media.

Quòd si oppositè conuertantur, propositiones tolluntur ambæ. Si enim A nulli B: B vero omni C: A nulli C. rursus si A nulli quidem B: ipsi vero C omni: B nulli C. Et si altera non vniuersalis, cōsimiliter. Si enim A nulli B. B vero alicui C: A alicui C nō inerit. q̄ si A B quidè nulli: C autè omni: nulli C ipsum B. Similiter vero & si priuatiuus syllogismus. Sit enim ostensum A alicui B non inexistens: sit autem prædicatiuum quidem B C: negatiuum autem A C: sic enim efficiebatur

syllog

syllogismus. quando igitur contrarium acceptum fuerit conclusioni, non erit syllogismus. si enim A alicui B: B vero omni C: non erat syllogismus ipsius A, & ipsius C. neque si A alicui B: C vero nulli: non erat ipsius B, & ipsius C syllogismus. quare non tolluntur propositiones.

Quando autem oppositum, tolluntur. Si enim A omni B: & B ipsi C: A omni C: sed nulli inerat. rursus si A omni B: ipsi autem C nulli: B nulli C: sed omni inerat. Consimiliter autem monstratur, & si non vniuersales sunt propositiones. Sit enim A C & vniuersale, & priuatium, alterum autem prædicatium in parte. si igitur A omni B: B autem alicui C: A alicui C contingit: sed nulli inerat. rursus, si A omni B: ipsi autem C nulli: B nulli C. Sin autem A alicui B: & B alicui C, non fit syllogismus. neque si A alicui B: ipsi autem C nulli, neque sic. quare illo quidem modo tolluntur, sic autem non tolluntur propositiones. Planum igitur per dicta, quomodo conuersa conclusione in vnaquaque figura fit syllogismus, & quando contrarius propositioni, & quando oppositus. Et quòd in prima quidem figura per mediam, & vltimam fiunt syllogismi, & quæ ad minus extremum semper per medium tollitur, quæ vero ad maius per vltimum. In secunda autem per primam, & vltimam: quæ quidem ad maius extremum semper per primam figuram, quæ autem ad maius per vltimam. Sed in tertia per primam, & per mediam. & quæ quidem ad maius semper per primam, quæ autem ad minus per mediam. Quid igitur est conuvertere, & quomodo in vnaquaque figura, & quis sit syllogismus, manifestum.

*De Monstratione per impossibile.**Caput XI.*

Syllogismus vero qui per impossibile, monstratur quidem, quando contradictio conclusio-
nis posita fuerit, & assumpta sit alia propositio.
Fit autem in omnibus figuris, simile nanque est
conuersioni: præterquam quòd differt tantum,
quòd conuertitur quidem factò syllogismo, &
impositis ambabus propositionibus: deducitur
vero ad impossibile, non præconfesso prius op-
posito, sed manifesto existente, quòd verum.
Termini autem similiter se habebunt in ambo-
bus, & eadem amborum acceptio. Vt si A inest
omni B: medium autem C. si fuerit suppositum
aut non omni, aut nulli B inesse: C vero omni,
quod erat verum: necesse est C aut nulli, aut
non omni B inesse. hoc autem impossibile: qua-
re falsum, quod suppositum est. verum igitur op-
positum. Consimiliter vero & in aliis figuris. quæ-
cunque enim conuersionem suscipiunt, & syl-
logismum per impossibile.

Prima figura.

Alia itaque problemata omnia per impossibi-
le monstrantur in omnibus figuris: vniuer-
sale autem prædicatiuum in media quidem, &
tertia monstratur; in prima vero non monstra-
tur. Supponatur nãq; A non omni B, aut nulli in-
esse: & accipiatur alia propositio vtrinlibet, siue
C inesse omni A, siue B omni D: sic enim esse
posset prima figura. Si igitur suppositum est A in-
esse non omni B, non fit syllogismus, vtrinlibet
accepta propositione. Si autem nulli, quando B
D assumpta fuerit, syllogismus quidem erit fal-
si, sed propositum non monstratur, si enim A nul-

li B: B vero omni D: A nulli D. hoc vero impossibile: falsum itaque A inesse nulli B. sed non, si nulli falsum, omni verum. Quòd si C A accepta fuerit, non sit syllogismus: neq; quando suppositum sit A inesse nō omni B. quare manifestum, quòd omni inesse non monstratur in prima figura per impossibile. Alicui vero, & nulli, & non omni monstratur. Supponatur enim A nulli B inesse: B autem acceptum sit omni, aut alicui C: igitur necesse est A nulli, aut non omni C inesse. sed hoc impossibile. sit enim verum & manifestum, quòd A inest omni C: quare si hoc falsum, necesse est A alicui B inesse. Quòd si ad A sumpta fuerit altera propositio, non erit syllogismus, neque quando contrarium conclusioni suppositum fuerit, vt alicui non inesse. Planum igitur, quòd oppositum supponendum. Rursus supponatur A alicui B inesse: acceptum autem sit Omni A: necesse itaque C alicui B inesse. hoc autem sit impossibile: quare falsum, quod suppositum est. si vero sic, verum nulli inesse. Consimiliter autem & si priuatiuum sumptum fuerit C A. Sed si propositio, quæ est ad B accepta fuerit, non erit syllogismus. Sin autem contrarium suppositum fuerit, syllogismus quidem erit & impossibile, sed non monstratur propositum. Supponatur enim A omi B: & C accipiatur omni A: igitur necesse est C omni B inesse. hoc autem impossibile: quare falsum A inesse omni B. verum nondum, vtique necessarium, si non omni, nulli inesse. Consimiliter autem & si ad B accepta fuerit altera propositio, syllogismus quidem erit & impossibile, sed non tollitur suppositio: quare oppositum supponendum.

Vt autem monstremus A inesse non omni B,

supponendum omni inesse. Si enim A omni B: & C omni A: C omni B. quare si hoc impossibile, falsum quod suppositum est. Consimiliter autem etsi ad B accepta fuit altera propositio.

Et si priuatium sit C A, consimiliter: sic enim fit syllogismus. Si vero ad B sit priuatium, nihil monstratur. Quòd si non, omni, sed alicui inesse suppositum fuerit, non monstratur, quòd non omni, sed quòd nulli. Si enim A alicui B: C vero omni A: C alicui B inerit. si igitur hoc impossibile, falsum est A alicui B inesse: quare verum nulli. hoc autem monstrato, tollitur ipsum verum. A enim alicui quidem B inerat: alicui autem non inerat. Amplius non accidit impossibile iuxta hypothesin. esset enim utrique falsa: si quidem ex veris non est falsum ratiocinari. nunc autem est vera: inest nanque A alicui B: quare non supponendum alicui inesse, sed omni. Consimiliter vero & si monstraremus A alicui B non inexistentem, si enim idem alicui non inesse, & non omni inesse, eadem utroque demonstratio. Planum itaque, quòd non contrarium, sed oppositum supponendum. nanque sic necessarium erit, & dignitas probabilis. si enim de omni dictio, aut negatio, cum monstratum fuerit, quòd non negatio, necesse est affirmationem verificari. rursus si non ponit affirmationem verificari, probabile est existimare negationem. Contrarium autem neutro modo conuenit existimare. neque enim necessarium, si nulli falsum, omni verum esse: neque probabile, ut si alterum falsum, quòd alterum verum. Planum igitur, quòd in prima figura alia quidem problemata omnia monstrantur per impossibile: vniuersale autem affirmatiuum

non

non monstratur.

Secunda figura.

Cap. XII.

IN media vero, atque vltima & hoc monstratur. Ponatur enim A non omni B inesse: acceptum autem sit A omni C inesse. igitur si non omni B: C vero omni: C non omni B. sed hoc impossibile. sit enim manifestum, quod C inest omni B: quare falsum, quod supponitur: verum itaque omni inesse. Sin autem contrarium suppositum fuerit: syllogismus quidem erit, & impossibile, non tamen monstratur propositum. Si enim A nulli B: ipsi vero C omni: C nulli B. sed hoc impossibile: quare falsum nulli inesse. cæterum non si hoc falsum, omni verum.

Quando autem A inest alicui B, supponatur A nulli B inesse: C autem omni insit: necesse igitur C nulli B. quare si hoc impossibile, necesse est A alicui B inesse. Quod si fuerit suppositum alicui non inesse, eadem erunt, quæ & in prima figura. Rursus subiiciatur A alicui B inesse: ipsi vero C nulli insit: necesse itaque C alicui B non inesse. sed omni inerit: quare falsum, quod est suppositum: A igitur nulli B inerit. Quando autem A non omni B, supponatur omni inesse: ipsi vero C nulli: necesse igitur C nulli B inesse. hoc autem impossibile: quare verum non omni inesse. Planum igitur, quod omnes syllogismi fiunt per mediam figuram.

Tertia figura.

Cap. XIII.

Consimiliter autem & per vltimam. Ponatur enim A alicui B non inesse: ipsum vero C omni: A igitur alicui C non inest. si igitur hoc impossibile, falsum alicui non inesse: qua-

re verum omni. Si vero suppositum fuerit nulli inesse, syllogismus quidem erit, & impossibile, non autem monstratur propositum. nam si contrarium suppositum fuerit, eadem erunt, quæ & in prioribus. Sed ad alicui inesse accipienda est hæc suppositio. Si enim A nulli B: C vero alicui B: A non omni C. si igitur hoc falsum, verum A alicui B inesse. Quando autem A inest nulli B, supponatur alicui inesse: accipiat autem & C omni B inexistent: igitur necesse est ipsum A inesse alicui C. sed nulli inerat: quare falsum A inesse alicui B. Si vero suppositum fuerit A inexistent omni B, non monstratur propositum: Sed ad non omni inesse, hæc accipienda est suppositio. Si enim A omni B: & C alicui B: A inest alicui C. sed hoc non erat: quare falsum omni inesse. si autem ita, verum non omni. Quod si fuerit suppositum alicui inesse, eadem erunt, quæ & in prædictis. Manifestum igitur, quod in omnibus syllogismis per impossibile oppositum supponendum. Planum autem & quod in media figura monstratur quodammodo affirmatiuum, & in vltima vniuersale.

*Differentia inter Ostensiuam monstrationem,
& deducentem ad Impossibile.*

Cap. XIII.

Differt autem demonstratio ad impossibile ab ostensiuâ, eo quod ponit quod vult tollere, deducens ad confessum falsum: ostensiuâ vero incipit ex confessis positionibus. Accipiunt itaque ambæ duas propositiones confessas: sed illa quidem, ex quibus est syllogismus: hæc vero vnam quidem harum, vnam autem contradictionem conclusionis. Et illic quidem non necesse

cesse conclusionem notam esse, neque præaccipere quod est, aut non: hic vero necesse, quod est. Differt autem nihil, dictionem, aut negationem esse conclusionem: sed similiter se habet de utrisque.

Quod omne Ostensue monstratum, & per Impossibile monstrari potest, & è conuerso.

Caput XV.

OMne vero, quod ostensue concluditur, & per impossibile monstrabitur: & quod per impossibile, ostensue, per eosdem terminos. Quando igitur syllogismus in prima efficiatur figura, verum erit in media, aut vltima: priuatiuum quidem in media, prædicatiuum autem in vltima. Cū vero in media fuerit syllogismus, quod verum in prima, & in omnibus problematibus. Quando autē in vltima syllogismus, quod verum in prima & media: affirmatiua quidem in prima, priuatiua vero in media.

Prima figura.

SIt enim ostensum. A nulli, aut non omni B per primam figuram: igitur suppositio quidem erat A inesse alicui B: C vero accipiebatur, A quidem omni inesse: B autem nulli: nam sic efficiebatur syllogismus, & impossibile. hæc autē media figura, si C A quidem omni: B vero nulli inest. & manifestum ex his, quod nulli B inest A. Consimiliter autem & si non omni monstratum est inexistens. suppositio nanque est omni inesse: C vero accipiebatur, A quidem omni, B vero non omni. Et si priuatiuum acciperetur C A consimiliter: sic enim efficitur media figura.

Rur

Rurſus monſtratum ſit, A inexiſtens alicui B. ſuppoſitio igitur nulli ineſſe: B vero accipiebatur omni C ineſſe: & A aut omni, aut alicui C: ſic enim erit impoſſibile. hæc autem vltima figura, ſi A, & B omni C. & manifeſtum ex his, quòd neceſſe eſt A alicui B ineſſe. Conſimiliter autem & ſi B, aut A acceptum fuerit inexiſtens alicui C.

Secunda figura. Cap. XVI.

Rurſus in media figura ſit oſtenſum A omni B inexiſtens. igitur ſuppoſitio erat A ineſſe non omni B: eſt autem. acceptum A omni C: & C omni B: ſic erit enim impoſſibile. hæc vero prima figura, ſi A omni C: & C omni B.

Conſimiliter autem & ſi alicui oſtenſum eſt inexiſtens. ſuppoſitio nanque erat A ineſſe nulli B: ſed acceptum fuit A omni C: & C alicui B.

Quòd ſi priuatiuus ſit ſyllogiſmus, ſuppoſitio quidem A alicui B: acceptum vero eſt A nulli eorum quæ C: & C omni B. quare ſit prima figura. Et ſi non vniuerſalis ſyllogiſmus, ſed A alicui B monſtratum eſt non ineſſe, conſimiliter. nam ſuppoſitio A ineſſe omni B: acceptum vero eſt A nulli C: & C alicui B: ſic enim prima figura.

Tertia figura. Cap. XVII.

Rurſus in tertia figura oſtenſum ſit A omni B ineſſe. igitur ſuppoſitio erat A ineſſe non omni B: acceptum autem eſt C omni B: & A omni C: ſic enim erit impoſſibile. hæc vero prima figura. Conſimiliter autem & ſi in aliquo demonſtratio. ſuppoſitio nanque A ineſſe nulli B: acceptum autem eſt C alicui B: & A omni C. Si
vero

vero priuatiuus syllogismus, suppositio quidem A alicui B inesse: acceptum est autem C A quidem nulli: B vero omni. hæc autem media figura. Consimiliter autem & si non vniuersalis demonstratio. suppositio enim erit A inesse omni B: acceptum vero fuit C A quidem nulli: B autem alicui. hæc vero media figura. Planum igitur, quod per eosdem terminos, & ostensiuus est monstrare vnumquodque problematum, & per impossibile. Consimiliter autem erit & ostensiuus existentibus syllogismis ad impossibile deducere in terminis acceptis, quando propositio opposita conclusioni accepta fuerit: sunt enim iidem syllogismi iis, qui per conuersionem: quare statim habemus & figuras, per quas vnumquodque erit. Manifestum igitur, quod vnumquodque problema monstratur ambobus modis, & per impossibile, & ostensiuus: & non contingit alterum separari.

De eo, quod est ex Oppositis ratiocinari.

Cap. XVIII.

IN quali autem figura est ex oppositis propositionibus ratiocinari, & in quali non est, ita erit manifestum. Dico autem oppositas esse propositiones, secundum dictionem quidem quatuor: vt omni, ei quod est, nulli: & omni, ei quod est, non omni: & alicui, ei quod est, nulli: & alicui, ei quod est, non alicui: secundum autem veritatem tres: alicui enim, ei quod est, non alicui secundum dictionem solum opponitur. Harum vero contrarias quidem, quæ vniuersaliter, omni, ei quod est, nulli inesse: vt omnem scientiam esse

esse studiosam, ei quod est, nullam esse studiosam: alias autem oppositas.

Prima figura.

IN prima igitur figura non est ex oppositis propositionibus syllogismus, neque affirmatiuus, neque negatiuus. Affirmatiuus quidem, quoniam ambas oportet affirmatiuas esse propositiones: oppositæ vero dictio & negatio. Priuatiuus autem, quoniam oppositæ quidem idem de eodem prædicant, & negant: medium vero, quod in prima, non dicitur de ambobus: sed ab illo quidem aliud negatur, ipsum autem de alio prædicatur. verum hæ non opponuntur.

Secunda figura.

Cap. XIX.

Sed in media figura, & ex oppositis, & ex contrariis contingit fieri syllogismum. Sit enim bonum quidem, in quo A: scientia vero, in quo B, & C, si itaque scientiam omnem studiosam accepit, & nullam: A B omni inest, & C nulli: quare B nulli C. nulla igitur scientia scientia est.

Consimiliter autem & si omnem accipiens studiosam, medicinam non studiosam accepit. namque ipsum A omni B: ipsi vero C nulli: quare quædam scientia non erit scientia. Et si ipsum A C quidem omni, B autem nulli: est vero B quidem scientia, C autem medicina, sed A suspitio. cum enim acceperit nullam scientiam suspitionem, accepit aliquam scientiam esse suspitionem. Differt autem ab eo qui pridem, eo quod terminis conuertitur: prius enim ad B, nunc autem ad C affirmatiuum. Et si altera propositio non sit vniuersaliter, consimiliter. Semper enim

enim medium est, quod ab altero quidem negatiue dicitur, de altero autem affirmatiue. quare contingit opposita concludi, præterquam quod non semper, neque omnino: sed si ita se habeant, quæ sub medio, vt aut eadem sint, aut totum ad partem: aliter autem impossibile. neque enim erunt vlllo modo propositiones, aut contrariæ, aut oppositæ.

Tertia figura. Cap. XX.

SEd in tertia figura affirmatiuus quidem syllogismus nunquam erit ex oppositis propositionibus, ob dictam causam & in prima figura: negatiuus vero erit, & vniuersaliter, & non vniuersaliter terminis existentibus. Sit enim scientia, in quo B, & C: medicina autem, in quo A. si itaque acceperit omnem medicinam scientiam, & nullam medicinam scientiam: ipsum C accepit omni A, & ipsum B nulli: quare erit aliqua scientia non scientia. Consimiliter autem & si non vniuersaliter accepta fuerit C A propositio. si enim est aliqua medicina scientia, & rursus nulla medicina scientia, accidit scientiam aliquam non esse scientiam. Sunt autem cum termini vniuersaliter accipiuntur, propositiones contrariæ: cum vero alter in parte, oppositæ. Oportet autem existimare, quod contingit quidem sic opposita accipere, quemadmodum diximus, omnem scientiam studiosam esse, & rursus nullam, aut aliquam non studiosam, quod nō consuevit latere. Est autem per alias interrogationes ratiocinari alterum, aut, quemadmodum in Topicis dictum est, accipere.

Non esse accipiendas propositiones actu oppositas.

Lib.8. re. Sex fieri cōplicationes in secunda figura, & etiā in tertia. Quoniam vero affirmationum oppositiones tres, sex modis contingit opposita accipere, aut omni & nulli, aut omni & non omni, aut alicui & nulli: & hoc conuertere in terminis: vt A omni B, ipsi vero C nulli: aut C omni, B autem nulli: aut huic quidem omni, illi vero non omni: & rursus hoc conuertere secundū terminos. Consimiliter autem & in tertia figura. Quare manifestum, & quot modis, & in qualibus figuris contingit per oppositas propositiones fieri syllogismum.

Differētia inter syllogismū ex falsis, & ex oppositis.

Sed & manifestum, quod ex falsis quidem est verum ratiocinari, quemadmodum dictum est prius: ex oppositis autem, non est: semper enim syllogismus fit contrarius rei, vt si est bonum, non esse bonum: aut si animal, non animal: eo quod ex contradictione est syllogismus, & termini subiecti aut idem sunt: aut hic totum, ille pars. Planum autem & quod in obratiocinationibus nil prohibet fieri suppositionis contradictionem, vt si est impar, non esse impar: ex oppositis nanque propositionibus cōtrarius erat syllogismus. Si itaque tales acceperit, erit suppositionis contradictio. Oportet autem existimare, quod ita quidem non erit contraria concludere ex vno syllogismo, vt sit conclusio, non existens bonum, aut aliud quid tale: nisi statim propositio talis accepta fuerit, vt animal album esse, & non album, hominem vero animal.

Sed aut contradictionem oportet assumere, vt, quod omnis scientia suspitio, & non suspitio: postea accipere, quod medicina scientia quidem est, nulla autem suspitio, quemadmodum elenchi fiunt: aut ex duobus syllogismis. vt autem quæ accepta sunt, contraria sint secundum veritatem,

tatem, non est alio modo, quàm hoc, veluti prius dictum fuit.

De Impotentiis syllogisticis.

De eo quod est Peti in principio.

Cap. XXI.


Quod autem in principio * peti, & accipere, * *petere* est quidem vt in genere accipiam, in eo quod est non demonstrare propositum. Hoc autem accidit multifariam. nanque & si non ratiocinatur, & si per ignotiora, aut similiter ignota, & si per posteriora prius: demonstratio nanque & ex credibilibus, & prioribus est. Horum igitur nihil est peti quod in principio. sed quoniam nonnulla quidem per se ipsa apta sunt cognosci, quædam vero per alia: principia, enim per seipsa, quæ autem sub principia per alia: quando non per seipsum cognoscibile conetur aliquis per seipsum monstrare, tunc petit quod ex principio. Hoc autem est quidem sic facere, vt statim censeat quod propositum est.

Contingit vero & in alia transeuntes, nata per illud monstrari, per hæc demonstrare quod ex principio. Veluti si A monstraretur per B: B autem per C: C autem natum esset monstrari per A. accidit enim ita ratiocinantes ipsum A per seipsum monstrare. quod faciunt qui coalternas putant scribere: latent enim ipsi seipsos talia accipientes, quæ non est possibile monstrare, non existentibus coalternis.

Log. Arist.

s

Linea coal-
terna, su-
per quas ca-
dit linea re-
cta.



Quare accidit ita ratiocinantibus, vnumquod-
que esse dicere, si est vnumquodque. sed ita om-
ne erit per seipsum cognoscibile: quod impossi-
bile. Si igitur obscuro existente, quod A inest
ipsi C: similiter autem & quod ipsi B: peteretur
A inesse ipsi B: nondum clarum, si quod in prin-
cipio petitur. sed planum, quod non demonstrat.
non enim est principium demonstrationis, quod
similiter obscurum. Si tamen B ad C ita se ha-
bet, vt idem sint, + aut videlicet conuertuntur,
aut inest alterum alteri, petitur quod in prin-
cipio. monstrare enim posset per illa, quod A inest
ipsi B si conuertuntur: nunc autem hoc prohi-
bet, sed non modus. Si vero hoc faceret, quod
dictum est faceret vtique, & conuerteret per tria.

Consimiliter autem & si acciperet B ipsi C
inelle, itidem obscurum existens: & si A ipsi C:
nondum quod à principio, sed non demonstrat.

Si vero idem sint A & B aut eo quod conuer-
tuntur, aut eo quod ex B sequitur A, quod à prin-
cipio *, ob eandem causam, quid enim potest,
quod ex principio, dictum nobis est, quod per
seipsum monstrare, quod non per seipsum ma-
nifestum. Si igitur est in principio peti, per
seipsum monstrare, quod non per seipsum ma-
nifest

* a. l. si

* al. c. ad.
petitur.

nifestum: hoc autem est non monstrare, cum similiter obscura sint, & id quod monstratur, & id per quod monstrat: aut eo quod eadem eidem, aut eo quod idem eisdem inest, accipiat: in media quidem figura, & tertia utroque modo contingere posset peti quod in principio. in prædicatio autem syllogismo & in tertia, & prima: quando autem negative, cum eadem ab eodem, & non similiter ambæ propositiones. consimiliter vero & in media, propterea quod termini non conuertuntur secundum negativos syllogismos. Est autem in principio peti, in demonstrationibus quidem secundum veritatem sic se habentia: in dialecticis vero secundum opinionem.

De eo, quod est Non penes hoc.

Cap. XXII.

Non penes hoc autem accidere falsum, quod plerumque in rationibus consuevimus dicere: primum quidem est in syllogismis ad impossibile, quando ad contradictionem sit huius, quod monstrabatur ea quæ est ad impossibile. Neque enim qui non contradixit, dicet quod est non penes hoc, sed quod falsum aliquid positum fuit eorū, quæ prius. neque in ea quæ monstrat: non enim ponit, quod contradicit. Amplius autem, quando sublatum fuerit aliquid ostensue per A B C, non est dicere, quod non penes positum factus est syllogismus. nanque non penes hoc fieri tunc dicimus, quando sublato hoc, nihil minus concludatur syllogismus. quod non est in ostensuiis: sublata enim positione, neque qui ad hanc erit syllogismus. Manifestum igitur, quod in iis quæ ad impossibile, dicitur non penes hoc: & quando ita se habeat

*Primo Elē
chorum.*

ad impossibile suppositio, quæ à principio, vt & existente, & non existente hac, nihil minus accidat impossibile. Manifestissimus igitur modus eius, quod est non penes positionem esse falsum est, quando à suppositione inconiunctus sit à mediis ad impossibile syllogismus: quod dictum est, & in Topicis. non causam enim vt causam ponere, hoc est. Vt si volens monstrare, quòd diameter est incommensurabilis, argueret Zenonis rationem, quod non est moueri, & in hoc deduceret impossibile. nullo nanque modo nullibi continuum est falsum dictioni, quæ à principio. Alius autem modus, si continuum sit impossibile suppositioni, non tamen propter illam accidat. hoc enim contingit fieri, & sursum, & deorsum accipienti continuum. Vt si A ponatur ipsi B inesse: B autem ipsi C: C vero ipsi D. hoc autem sit falsum, B inesse ipsi D. nanque si ablato A, nihil minus inesset B ipsi C, & C ipsi D, non esset vtique falsum propter suppositionem, quæ à principio. Aut rursus, si quispiam sursum acciperet continuum. Vt si A ipsi B: E vero ipsi A: & F ipsi E: falsum esse posset F inesse ipsi A. nanque & sic nihil minus esse posset impossibile, sublata suppositione, quæ à principio.


Sed oportet ad terminos qui à principio, coaptare impossibile: sic enim erit propter suppositionem. Vt deorsum quidem accipienti continuum, ad prædicatum terminorum. nam si impossibile, A ipsi D inesse, ablato A, non amplius erit falsum. Sursum vero, de quo prædicatur. si enim non accidit F inesse ipsi B, ablato B, non amplius erit impossibile. Consimiliter autem & priuatiuis existentibus syllogismis.

Planum igitur, quòd impossibili non existenti ad

ti ad terminos, qui à principio, non accidit falsum penes positionem. * Aut neque ita semper propter suppositionem erit falsum. nanque & si positum fuerit A inesse non ipsi B, sed ipsi K: K vero ipsi C, & hoc ipsi D: & sic manet impossibile. Consimiliter autem & sursum accipienti terminos. Quare quoniam & existenti, & non existenti hoc, accidit impossibile, non esset utique penes positionem. Aut hoc, quod est, non existenti hoc, nihil minus fieri falsum, non ita accipiendum, ut cum aliud ponitur, accidat falsum: sed quando ablato hoc, per reliquas propositiones idem concludatur impossibile. quoniam idem utique falsum per plures suppositiones accidere, nihil fortasse inconueniens: veluti coalternas coincidere, & si maior est extrinsecus intrinseco, & si triangulus habet plures rectos duobus.

* *An Instantia.*

Solutio.



Monstratur per has figuras, per binas suppositiones falsas, coalternas coincidere.

De falsa Ratione. Cap. XXIII.

Sed falsa ratio efficitur penes primum falsum, aut enim ex duabus propositionibus, aut ex pluribus omnis est syllogismus. Si igitur ex duabus, harum alteram, vel & ambas necesse

278 Arist. prior. resolutor.

est falsas esse: ex veris enim non erat falsus syllogismus. Quod si ex pluribus, ut C per A B, hæc per D E, F H, ex his aliquid superiorum falsum erit, & ratio penes hoc. nanque A, & B per illa concluduntur: quare penes illorum aliquid accidit conclusio, & falsum.

De eo, quod est Non ratiocinari.

Cap. XXIII.

AD hoc autem, quod non fiat ratiocinium, observandum, quando sine conclusionibus rationem interrogat, ne bis in propositionibus idem detur: quoniam scimus, quod sine medio non efficitur syllogismus: medium vero est, quod pluries dicitur. Qualiter autem oportet ad vnamquamque conclusionem medium observare, manifestum ex eo, quod scimus, quale in vnaquaque figura monstratur. hoc autem nos non latebit, eo quod scimus, quomodo præstamus rationem. Oportet autem, quod à respondentibus cavendum enunciamus. ipsos arguentes conari latere. Hoc autem erit, primum quidem, si conclusiones non præratiocinentur, sed acceptis necessariis sint obscuræ. Amplius vero, si propinqua non interrogat, sed quam maxime * immediata. Ut sit opus concludere A de F, media B C D E. oportet itaque interrogare, si A ipsi B: & rursus non si B ipsi C, sed si D ipsi E: & postea, si B ipsi C, & sic reliqua. Ac si per vnum medium fiat syllogismus, à medio incipere maxime enim sic latere posset respondentem.

* *Al. co. le. lōge media alij media: ra. Vide 8. To. in principio.*

De Redargutione. Cap. XXV.

QUoniam autem habemus quando, & quo modo se habentibus terminis sit syllogismus, mani

manifestum & quando erit, & quando non erit redargutio. Cum enim omnes responsiones conceduntur, aut vicissim ponuntur, ut hæc quidem negatiua, illa vero affirmatiua, accidit fieri redargutionem: erat enim syllogismus, & ita, & illo modo se habentibus terminis. quare, si quod ponitur contrarium sit conclusioni, necesse fieri redargutionem. redargutio nanque contradictio nis syllogismus. Quod si nihil concederetur, impossibile fieri redargutionem. non enim erat syllogismus, omnibus terminis priuatiuis existentibus: quare neque redargutio, si enim redargutio, necesse syllogismum esse: syllogismo autem existente, non necesse redargutionem. Consimiliter vero, & si nihil poneretur secundum responsionem in toto: eadem nanque erit determinatio redargutionis, & syllogismi.

*De deceptione, qua secundum
Suspicionem.*

Cap. XXVI.

Accidit autem aliquando, quemadmodum in terminorum positione decipimur, & secundum suspicionem fieri deceptionem. quemadmodum si contingit idem pluribus primis inesse, & hoc quidem latere quempiam, & existimare nulli inesse, illud autem nosse. Sit A inexistens B, & C per seipsa, & hæc omnis D consimiliter. si igitur existimat A omni quidem B inesse, & hoc ipsi D: A vero nulli C, & hoc omni D: eiusdem secundum idem habebit scientiam, & ignorantiam. Rursus, si quis deciperetur circa ea, quæ ex eadem coordinatione. Ut A inest ipsi B, hoc autem ipsi C, & C ipsi D: suspicaretur vero A omni B inesse, & rursus nulli C: simul enim &

noscet, & non suspicabitur inesse. igitur nil aliud
 censebit ex his, quam quod sit, hoc non suspi-
 ri, scit enim quodammodo, quod A inest ipsi C,
 veluti vniuersali quod secundum partem. quare
 quod quodammodo scit, hoc penitus censebit non
 suspicari: quod impossibile. Sed in prius dicto, si
 non medium ex eadem coordinatione, secun-
 dum vtrunque mediorum ambas propositiones
 non accidit suspicari, vt A B quidem omni: C ve-
 ro nulli: hæc autem vtraque omni D. Accidit
 enim aut simpliciter, aut ad aliquid, contrariam
 accipi propositionem primam. Si enim cui omni
 inest B, existimat ipsum A inesse: B vero ipsi D
 nouit: & quod ipsi D A nouit: quare si iterum cui
 C nulli, existimat A inesse: cui B alicui inest,
 huic non existimat A inesse. Quod autem omni
 existimatur cui B, rursus alicui non existimare
 cui B, aut simpliciter, aut ad aliquid, contrarium
 est. sic igitur non contingit suspicari. Secundum
 vtrunque vero vnam, aut secundum * alterum
 ambas nihil prohibet. vt A omni B: & B ipsi D:
 & rursus A nulli C. Similis enim talis deceptio,
 & quemadmodum decipimur circa eas quæ in
 parte. Veluti si A inest omni B: B vero omni C:
 A omni C inerit. si itaque quispiam nouit quod
 A inest omni cui B, nouit & quod cui C: sed nil
 prohibet ignorare C, quod est. Vt si A, duo recti:
 in quo autem B, triangulus: in quo vero C, sen-
 sibilis triangulus. suspicari nanque posset aliquis
 non esse C, sciens quod omnis triangulus habet
 duos rectos: quare simul noscet, & ignorabit
 idem. Noscere enim omnem triagulum, quod duo-
 bus rectis, non simplex est: sed hoc quidem, eo
 quod vniuersalem habet scientiam, illud autem,
 eo quod singularem. sic igitur vt vniuersali no-
 uit

* a. l. vtrū-
 que.

uit C, quòd duo recti: vt autem singulari non nouit: quare non habebit contrarias. Similiter vero & ratio, quæ in Ménone, quòd disciplina recordatio, nullibi nanque accidit præsciri quòd singulare est: sed simul cum inductione accipere scientiam, quæ secundum partem, tanquàm recognoscentes: quædam enim subito nouimus, quemadmodum quòd duobus rectis, si nouerimus, quòd triangulus. consimiliter autem & in aliis. Vniuersali igitur speculamur quæ in parte, propria vero non nouimus. quare accidit & decipi circa ipsa, præterquàm quòd non contrarie, sed habere quidem vniuersalem, decipi vero ea quæ secundum partem. Consimiliter igitur & in prædictis. neque enim contraria deceptio, quæ secundum medium, scientiæ, quæ secundum syllogismum, neque quæ secundum vtrunque mediorum suspitio. Nihil enim prohibet scientem, & quòd A toti B inest, & rursus hoc ipsi C, existimare A non inesse C. vt quòd omnis mula sterilis, & ipsa mula, existimare prægnantem hanc esse. non enim scit, quòd A ipsi C, non simul speculans assumptum, quòd secundum vtrunque.

Quare planum, quòd etsi hoc quidem nouit, illud vero non nouit, decipietur: quòd habent vniuersale ad scientias quæ secundum partem. nullum enim sensibilem extra sensum existens nouimus, neque si sentientes scimus: nisi vt vniuersale, & eo quòd est habere propriam scientiam: sed non vt agere. Scire nanque trifariam dicitur, vel vt vniuersali, vel vt propria, vel vt agere: quare & decipi tot modis. Nihil igitur prohibet & nosse, & deceptum esse circa idem, præterquàm quòd non contrarie: quòd accidit & secundum vtranque cognoscenti propositione-

nem, & non consideranti prius, suspicans enim mulam prægnantem esse, non habet scientiam secundum agere: neque iterum ob suspicionem, contrariam deceptionem scientiæ: syllogismus enim contraria deceptio vniuersali. Qui vero suspicatur bono esse malo esse, idem suspicabitur bono esse, & malo. Sit nanque bono esse, in quo A: malo autem esse, in quo B: rursus vero bono esse, in quo C. quoniam igitur idem suspicabitur B & C, & esse CB suspicabitur: & rursus B A esse consimiliter: quare & C A. quemadmodum enim si erat verum, de quo C, B: & de quo B, A: & de C A verum erat: ita & in ipso suspicari. Similiter autem & in ipso esse. cum enim idem sint C & B: & rursus, B & A: & C ipsi A idem erat: quare & in ipso opinari: consimiliter ergo hoc quidem necessarium, si quis dabit primum. sed fortasse illud falsum, suspicari quendam malo esse, bono esse, nisi secundum accidens. multipliciter enim possibile est hoc suspicari. considerandum vero hoc melius.

De Annexis syllogismo.

De Conuersione terminorum.

Cap.

XXVII.

QVando autem extrema conuertuntur, necesse est & medium conuerti ad vtraque. Si enim A de C per B inest, si conuertuntur, & ipsum C inest omni cui A: & B cum A conuertitur, & inest B omni cui A, per medium C: & C cum B conuertitur, per medium A. Et in non inesse consimiliter. Veluti si B ipsi C inest: A vero ipsi B non inest: neque A ipsi C inerit. Si igitur A conuertitur cum B, & C conuertetur cum

cum A. sic enim B non inexistens ipsi A: neque igitur C: nam B inerat omni C. Et si C conuertitur cum B, & B conuertetur cum A. de quo enim B omni, & C. Et si C ad A conuertitur, & B conuertetur. nam cui B, C: cui vero A, C non inest. & solum hoc à conclusionē incipit, alia autem non similiter: vt & in prædicatiuo syllogismo. Rursus, si A & B conuertuntur, & C D consimiliter: necesse autem A vel C omni inesse: & B & D sic se habebunt, vt omni alterum inest. quoniam enim cui A B, & cui C D: omni autem A vel C, & non simul: planum quòd & B vel D omni, & non simul. vt si ingenerabile incorruptibile, & incorruptibile ingenerabile: necesse quod sit corruptibile, & corruptibile factum esse. duo enim syllogismi fiunt.

De cōmutatis Cōuersionibus.

A.	Conuertuntur.	B.
Ingenerabile.		Incorruptibile.

Omni alterum,
nulli simul.

Omni alterum,
nulli simul.

Hoc theorema simile potius est coniunctis, quam cōmutatis cōuersioni.

C.	Conuertuntur.	D.
Generabile.		Corruptibile.

Rursus, si omni A aut B, & C aut D: simul vero non insunt: si conuertuntur A & C, & B & D conuertuntur. si enim B non inest alicui cui D, planum quòd A inest: si vero A & C, conuertuntur enim: quare simul C & D. hoc autem impossibile.

Omni

A.	Omni alterum,	B.
Ingenerabile.	nulli simul.	Generabile.

Conuertuntur.

Conuertuntur.

*Hoc theore-
ma vere di-
ci potest à
cōmutata
cōuersione.*

C.	Omni alterum,	D.
Incorruptibile.	nulli simul.	Corruptibile.

Cum vero A toti B, & C insit, & de nullo alio prædicetur: insit autem & B omni C: necesse est A & B conuerti. quoniam enim A de solis B C dicitur: prædicatur autem B & ipsum de seipso, & de C: planum, quòd de quibus A, & B dicitur omnibus, * præterquam de ipso A.

** Alex. du-
bitat esse
mendū, &
forte legen-
dum, & de
ipso A.*

Rursus, quando A, & B toti insunt C: conuertitur autem C cum B: necesse A omni B inesse. quoniam enim A omni C: C vero ipsi B, eo quòd conuertitur: & A omni B inerit.

*De mutua Oppositorum conuersione,
eligendorum, & fugiendorum.*

Cap. XXVIII.


** unus co-
le. ut A &
B, A eligi-
bilis*

Quando autem duobus existentibus, * ut A eligibilis sit quàm B. cum sint opposita, & D quàm C consimiliter: si eligibilia A C quàm B D, A eligibilis quàm D. Similiter enim sequendum A, & fugiendum B, opposita nanque: & C ipsi D, nam & hæc opponuntur. Si igitur A ipsi D similiter eligendum, & B ipsi C fugiendum: utrunque enim utrique similiter fugiendum sequendo: quare & ambo A C ipsis B D, quoniam autem magis non possunt, similiter: nanque B D similiter erant. Si verro D quàm A eligibilis, & B quàm

B quàm C minus fugiendum: nam minus minori opponitur: eligibilius autem maius bonum, & minus malum, quàm minus bonum, & maius malum: & totum ergo B D eligibilius quàm A C; sed nunc non est: A igitur eligibilius quàm D: & C itaque quàm B minus fugiendum.

Sanitas.

Aegritudo.



*Sumptum
est hoc exē-
plū ab in-
terpretibus*

Diuitiæ.

Paupertas.

Si ergo eligeret omnis amans secundum amorem, A sic se habere, vt gratificetur: & non gratificari, in quo C: aut gratificari, in quo D: & non talem esse vt gratificetur, in quo B: planum quòd A talem esse, eligibilius est, quàm gratificari. Amari igitur coitu eligibilius secundum amorem. amor igitur magis est amicitia, quàm ipsius coitus. quòd si magis huius, & finis hoc: coire igitur aut non est penitus, aut eius quod est amari gratia. nanque & alij affectus, & artes sic *.

** al. co. ad.
sunt.*

Velle gratificari.

Nolle gratificari.



Exēplum
hoc sum-
ptū est ex
conuersio
Platonis.

Posse gratificari.

Non posse gratificari.

Quomodo igitur se habent termini secundum conuerſiones, & eo quod magis fugiendi, vel eligibiliores ſint, manifeſtum.

De Inductione, & ſyllogiſmo Inductiuo.

Cap.

XXIX.

Quod autem non ſolum dialectici, & demonſtratiui ſyllogiſmi per prædictas efficiuntur figuras, ſed & rhetorici. & ſimpliciter quæcunque fides, & ſecundum quamcunque methodum, nunc utique ſit dicendum. omnia enim credimus aut per ſyllogiſmum, aut ex inductione.

Inductio igitur eſt, & ex inductione ſyllogiſmus, alterum extremum medio ratiocinari per alterum. Veluti ſi ipſorum A C medium ſit B, per C monſtrare A inexiſtens ipſi B: ſic enim facimus inductiones. Ut ſit A, longæuum: in quo autem B, bilem non habens: in quo vero C, ſingulare longæuum, ſicut homo, & equus, & mulus. A * igitur ineſt toti C: omne enim C longæuum: ſed & B bilem non habens ineſt omni C. Si igitur conuertitur C cum B, & nō excedit medium, neceſſe eſt A ineſſe ipſi B. monſtratum nanque

fuit

* Al. co. le.
A igitur
ineſt toti
B: omne
enim bilem
non habens
longæuū, ſed
melior pri-
ma lectio.

fuit prius, si duo quædam eidem insint, & ad alterum ipsorum conuertatur extremum, quod conuertenti & alterum prædicatorum inerit. Oportet autem intelligere C ex omnibus singularibus compositum: inductio enim per omnia. Est autem talis syllogismus primæ & immediatæ propositionis. quorum nanque est medium, per medium syllogismus: quorum vero non est, per inductionem. Et quodammodo opponitur inductio syllogismo. hic enim per medium extremum tertio monstrat: illa autem per tertium extremum medio. Natura igitur prior & notior qui per medium syllogismus: nobis vero notior qui per inductionem.

De Exemplo.

Cap. XXX.

Sed exemplum est, quando extremum medio inexistens monstratum fuerit per simile tertio. oportet autem medium tertio, & primum simile notius esse inexistens. Vt sit A, malum: B, contra confines bellum inferre: in quo C, Athenienses contra Thebanos: in quo autem D, Thebanos contra Phocenses. Si itaque velimus monstrare quod bellum gerere cum Thebanis est malum, accipiendum quod contra confines bellum gerere est malum. huius autem fides ex similibus, ut quoniam Thebanis, quod contra Phocenses. Quia igitur malum est, quod contra confines: quod vero contra Thebanos, contra confines est: planum, quod contra Thebanos bellum gerere malum. manifestum itaque, quod B ipsi C, & ipsi D inest: ambo enim sunt contra confines bellum inferre: & quod A ipsi D. Thebanis enim non contulit bellum, contra Phocenses. quod autem A ipsi B inest, per D monstrabitur. Eodem au-

tem

tem modo, si per plura similia fides fiat medij ad extremum. Planum igitur, quod exemplum est, neque ut pars ad totum, neque ut totum ad partem: sed ut pars ad partem, quando ambo sub eodem sint, notum vero alterum. Et differt ab inductione: quoniam illa quidem ex omnibus induit extremum monstrabat inesse medio, & ad extremum non coarctabat syllogismum: hoc autem & coarctat, & non ex omnibus monstrat.

De Abductione.

Cap. XXXI.

Abductio vero est, cum primum medio inexistens manifestum sit: ultimo autem medium: obscurum quidem, sed similiter credibile, aut magis quam conclusio. Amplius, si pauca sint media ultimi & medij: omnino enim propinquius scientiæ accedit esse. Ut sit A docibile: in quo B, scientia: C iustitia. quod igitur scientia docibilis, planum: si autem virtus scientia, obscurum. si igitur B C similiter, aut magis credibile, quam A C, abductio est: est enim proximius ipsi scire, eo quod * assumpsimus A C, scientiam prius non habentes. Aut rursus si pauca sint media ipsorum B C: nanque & sic proximius ipsi cognoscere. Veluti si K esset quadrati: in quo autem E, rectilineum: in quo vero F, circulus: si ipsius E F unum solum esset medium, hoc quod est, cum lunulis æqualem fieri circulum rectilineo, esse posset prope ipsum cognoscere.

* Al. co. le.
adsumpsi-
mus ipsi A
C. ipsam A
B scientiā.

Cum



Per hāc de
scriptionē
mōstrabat
Hippocra-
tes circulū
quadrari.

Cum vero BC , neque credibilius sit quam AC , neque pauca media, non dico abductionem: neque quando BC sit immediatum, tale enim scientia est.

De Instantia. Cap. XXXII.

Cæterum instãtia est propositio propositioni contraria. differt autẽ à propositione, quoniã instãtiã contingit esse in parte: propositionẽ vero, aut omnino non contingit, aut non in vniuersalibus syllogismis. Fertur autem instantia bifariam, & per duas figuras. bifariam quidẽ, quoniam aut vniuersaliter, aut in parte omnis instantia: ex duabus vero figuris, quoniam oppositæ feruntur propositioni: opposita autem in prima, & tertia figura concluduntur solis. quando enim censeat omni inesse, instamus, quod nulli, aut quod alicui non inest. horum autem nulli quidem ex prima figura: alicui vero non, ex vltima. Vt sit A, vnam esse scientiam: in quo B, contraria. Cũ igitur proponit vnam esse contrariorum scientiam, instat, aut quod omnino

Log. Arift.

*al. co. ad
scientiam

non eadem oppositorum: contraria autem opposita: quare fit prima figura. aut quoddam noti & ignoti, non una: hæc vero tertia. de C nanque noto & ignoto, contraria quidem esse, verum: unam autem ipsorum scientiam esse falsum. Rursus in priuatiua propositione consimiliter. cum enim censet non esse unam contrariorum, & aut quoddam omnium oppositorum, aut quoddam aliquorum contrariorum eadem, dicimus, ut sanabilis & ægrotabilis. omnium igitur ex prima: aliquorum vero ex tertia figura. Simpliciter enim in omnibus, cum vniuersaliter quidem instat, necesse ad vniuersale contradictionem dicere eorum quæ proponuntur. veluti si non existimet eandem contrariorum omnium, dicentem oppositorum unam. sic autem necesse primam esse figuram: medium enim fit quod vniuersale ad id quod ex principio. In parte vero, ad quod est vniuersale, de quo dicitur propositio. ut noti & ignoti non eadem: contraria enim vniuersaliter ad hæc, & fit tertia figura. medium enim, quod in parte accipitur, ut notum & ignotum. ex quibus enim est ratiocinari contrarium, ex his & instantias conamur dicere. Quare & ex solis his figuris ferimus: in solis enim his oppositi syllogismi: per mediam enim non erat affirmatiue. Amplius, & si plurius indigeat orationis, quæ per mediam figuram, veluti si non det A inesse B, eò quod C non sequitur ipsum: hoc enim per alias propositiones planum. non oportet autem instantiam ad alia euerti, sed statim manifestam habere alteram propositionem. Vnde & signum ex sola hac figura non est. Considerandum autem & de aliis instantiis, ut de iis quæ sunt ex contrario, & simili, & eo quod secundum

opin

opinionem:& si eam, quæ est in parte ex prima, aut priuatiuam ex media possibile capere.

De Verisimili, & Signo. Cap. XXXIII.

Verisimile vero & signum non est idem: sed verisimile quidem est propositio probabilis: quod enim cognoscunt vt in pluribus ita fieri aut non fieri, esse aut non esse, hoc est verisimile, vt odire inuidentes, aut beneuolentia prosequi amatos. Signum autem vult esse propositio demonstratiua, aut necessaria, aut probabilis. quo enim existente, est: aut quo facto prius, aut posterius facta est res, signum est, quod factum fuerit, aut sit.

De Enthymemate. Cap. XXXIII.

Enthymema igitur est syllogismus imperfectus, ex verisimilibus, aut signis. Accipitur autem signum trifariam, quot modis & medium in figuris. aut enim, vt in prima, aut vt in media, aut vt in tertia. Veluti monstrare prægnantem, eò quod lac habet. medium enim, lac habere. in quo A prægnantem esse: B, lac habere: mulier, in quo C. Quod autem sapientes studiosi: Pittacus enim studiosus, per vltimam: in quo A, studio sum: in quo B, sapientes: in quo C, Pittacus. verum igitur & A & B de C prædicare, præterquam quod hoc quidem non dicunt propter cognoscere, illud autem accipiunt. Prægnantem vero esse, quoniam pallida, per mediam figuram vult esse. quoniam enim sequitur pallidum prægnantes, sequitur autem & hanc, monstratum fuisse putant, quod est prægnans. pallidum, in quo A: prægnantem esse, in quo B: mulier, in quo C. Si igitur vna dicta fuerit propositio, signum fit solum: sin autem & altera assumpta fuerit syllogismus, vt quoniam Pittacus liberalis: nam ho

noris cupidi liberales : Pittacus vero honoris cupidus. Aut rursus , quòd sapientes boni: Pittacus enim bonus : sed & sapiens . Sic igitur fiunt syllogismi: præterquam quòd qui per primam figuram , insolubilis , si verus sit , vniuersalis enim est : qui vero per vltimam , solubilis , & si vera sit conclusio , eo quòd non est vniuersalis, neque ad rem syllogismus: non enim si Pittacus studiosus , propter hoc & alios necesse sapientes : qui vero per mediam figuram , semper & omnino solubilis . nunquam enim fit syllogismus ita se habentibus terminis , non enim si prægnans pallida : pallida autem & hæc necesse prægnantem esse hanc, verum igitur in omnibus erit figuris: differentias autem habent quæ dictæ sunt. Aut igitur sic diuidendum signum : horum vero medium vestigium sumendum: Vestigium nanque, quod scire facit , aiunt esse: tale autem maxime, quod medium: Aut quæ ex extremis, signum dicendum, quæ vero ex medio , vestigium. probabilissimum nanque & maxime verum , quod per primam figuram.

Decognoscenda Natura. Cap. XXXV.

Naturā vero cognoscere possibile est , si quis det simul mutari corpus & animam , quæcunque naturales passiones sunt. qui enim fortasse Musicam didicit , mutauit animam in aliquo, verum passio hæc non est ex iis, quæ natura à nobis insunt : sed quemadmodum iræ , & desideria , ex naturalibus motibus . Si igitur & hoc datum fuerit, & vnum vnius signum esse, & possumus accipere propriam vniuscuiusque generis passionem & signū , poterimus naturam cognoscere. Si enim seorsum est alicui generi indiuiduo inexistens passio , vt leonibus fortitudo, necesse

esse & signum esse aliquod : simul nanque inuicem pati suppositum est : & sit hoc , magnas extremitates habere , quod & aliis inesse generibus non totis contingit . signum enim ita proprium est , quoniam totius generis propria est passio , & non solum propria , quemadmodum consueuimus dicere . Inerit igitur & in alio genere hoc , & homo erit fortis , & aliud aliquod animal . habebit igitur signum : vnum enim vnus erat . Si igitur hæc sunt , & poterimus talia signa colligere in his animalibus , quæ solum vnā aliquam passionem habent propriam , vnaqueque autem habet signum , quoniam necesse vnum habere , poterimus naturam cognoscere . Quod si duo habet propria , totum genus , vt leo forte , & communicatum , quomodo cognoscemus vtrum vtrius signum , seorsum consequentium signorum ? An si & alij alicui non toti ambo , & in quibus non totis vtrunque : quando hoc quidem habeat , illud vero non . Si enim fortis quidem , liberalis vero non , habet autem ex duobus hoc : planum , quod & in leone hoc signum fortitudinis . Est itaque naturam cognoscere , in prima figura medium conuerti cum primo extremo , supergredi vero tertium , & non conuerti . vt fortitudo A : extremitates

*Instantia.**Solutio.*

magnæ in quo B : C autem , leo . cui
igitur C , B omni , sed & aliis : cui
vero B , A omni , & nō pluribus , sed cōuertitur . Quod
si non , non erit
vnum vnus si-
gnum.



ARISTOTELIS
STAGIRITAE,
PERIPATETICORVM
PRINCIPIS POSTE-
RIORVM RESOLV-
TORIORVM

LIBER PRIMVS:

Ioanne Frãcisco Burana Veronẽsi interprete,

SVMMMA LIBRI.

De demonstrationis essentia, conditionibusq; ad eam requisitis. De differentia demonstrationum quod sequitur, & propter quid. Qua figura aptior sit demonstrationi. De ignorantia speciebus, qua in sciẽtiis accidunt. Finitos esse demonstratiuarum propositionum terminos. De demonstrationum variis speciebus, ac earum inter se cõparatione. De variis demum theorematibus ad demonstratorem conferentibus.

Omnem doctrinam, omnẽque disciplinam intellectuam ex praeexistenti fieri cognitione. Quot sunt praecognitionum modi, quaq; ea, qua praecognoscuntur.

Dubitationum solutio circa hanc propositionem contingentium. Caput I.

Text. 1.
* Verbum hoc
διχοτομή-
νῃ, quod di-
scursiva in



MNIS doctrina, & omnis disciplina
* discursiva ex praeexistente fit cognitione. Manifestum autem hoc speculanti-
bus in omnibus. Mathematicae

namque

nanque scientiarum per hunc modum * acce-
 dunt, & aliarum vnaquæque artium. Consimili-
 ter autem & circa * rationes, & quæ per syllo-
 gismos, & quæ per inductionem, ambæ enim per
 ea quæ præcognoscuntur faciunt doctrinam: il-
 læ quidem accipientes, tanquam à cognoscenti-
 bus, istæ vero monstrantes vniuersale per id
 quod manifestum sit singulare. Itidem & Rheto-
 rica persuadent, aut enim per exempla, quod est
 inductio: aut per enthymemata, quod est syllo-
 gismus. Bifariam autem necessarium est præco-
 gnoscere. alia nanque quod sunt præsumere, ne-
 cessarium: alia vero quid est quod dicitur, in-
 telligere oportet: alia autem ambo. ut quod qui-
 dem omne aut asserere, aut negare, verum, quod
 est: triangulum vero, quod hoc significat: vni-
 tatem autem ambo, & quid significat, & quod
 est. non enim consimiliter horum vnumquod-
 que manifestum nobis est. Est autem cognosce-
 re, alia quidem prius cognoscentem, quorun-
 dam vero & simul accipiētem cognitionem: ut
 quæcunque sunt sub vniuersalibus, quorum ha-
 bet cognitionem. quod enim omne triangulum
 habet duobus rectis æquales, præsciuit: quod
 autem hoc, quod est in semicirculo, triangu-
 lum est, * simul inducens, cognouit. Quorun-
 dam enim in hūc modum disciplina est, & non
 per medium, extremum cognoscitur: quæcun-
 que iam singularia sunt, & non de subiecto ali-
 quo. Ante vero quàm inductum sit, aut acceptus
 fuerit syllogismus, modo quidem aliquo for-
 tasse dicendum est scire, modo autem alio non.
 quod enim non sciuit, si est simpliciter, hoc quo-
 modo sciuit, quod duos rectos habet simplici-
 ter? sed manifestum quod ita quidem scit, quo-

terpretatū
 est, alij præf-
 sus syllogi-
 stica, alij
 latius intel-
 lectualis, ra-
 tiocinatio
 cogitatio
 hic & alibi
 vertunt.
 * a. l. perfi-
 ciuntur.
 * λόγος,
 orationes
 aliqui ver-
 unt.?
 Text. 2.

* al. l. simul
 dicēs cogno-
 uit: Ita ut
 coniunctim
 hæc verba
 legantur.
 hoc modo le-
 git Io. grā.
 illo The. 8.
 Auer.

Text. 3.

Vide 1.
prior. c. 26.

niam vniuersaliter scit, simpliciter autem non scit. Si vero non, quæ in Menone, dubitatio continget. aut enim nihil addiscet, aut quæ nouit. Non enim iam, veluti quidam nituntur soluere, dicendum, an ne nosti omnem binarium, quod par est, aut non? asserente autem, attulerunt quendam binarium, quem non existimabat esse: quare neque parem. Soluunt enim, non dicentes omnem scire binarium parem esse, sed quem sciunt, quod binarius. Atqui sciunt quidem, cuius demonstrationem habent, & cuius acceperunt: acceperunt autem non de omni, de quo. utique noscant, quod triangulum, aut quod numerus, sed simpliciter de omni numero, atque triangulo. nulla enim propositio accipitur talis, quod quem tu nosti numerum, aut quam tu nosti rectilineam: sed de omni. Cæterum nihil, puto vetat, quod addiscit aliquis, est sic scire, est autem sic ignorare. absurdum enim, non si nouit quodammodo quod addiscit: sed si ita, ut in quantum addiscit, & sic.

Quid sit Scire, quid Demonstratio, & qua conditiones ad eius propositiones requirantur. Quid sit Propositio, Immediatum principium, ac eorum species. Propositiones magis quàm conclusionem credendas esse.

Caput II.

Text. 5.

Scire autem arbitramur vnumquodque simpliciter, sed non sophistico modo, qui est secundum accidens, cum causam existimamus cognoscere, propter quam res est, quod illius causa est, & non contingere hoc aliter se habere. Planum igitur, quod tale aliquid scire est. namque & non scientes, & scientes: illi quidem existimant

stimant * ipsi sic se habere , scientes vero & ha-
 bent. Quare cuius simpliciter est scientia, hoc
 impossibile aliter se habere. Si igitur & alter est
 sciendi modus , posterius dicemus. Dicimus au-
 tem & per demonstrationem cognoscere . de-
 monstrationem vero dico syllogismum scien-
 tialem. scientialem autem dico , secundū quem,
 eo quod ipsum habeamus , scimus.

Si itaque est ipsum scire , quale posuimus, ne-
 cesse & demonstratiuam scientiam ex veris que
 esse , & primis , & immediatis , & notioribus,
 & prioribus , & causis conclusionis. sic enim
 erunt & principia propria eius quod demonstra-
 tur . syllogismus enim erit & , sine his , demon-
 stratio autem non erit. non enim faciet scien-
 tiam. Vera quidem igitur oportet esse : quo-
 niam non est non ens scire , vt quod diameter
 commensurabilis . Ex primis autem indemon-
 strabilibus , quoniam non sciet non habens de-
 monstrationem ipsorum . scire enim , quorum
 demonstratio est , non secundum accidens, ha-
 bere demonstrationem est. Causas quoque , &
 notiora oportet esse , & priora . causas quidem
 quoniam tunc scimus , quando causam cogno-
 scimus : & priora , siquidem causæ & præcogni-
 ta , non solum altero modo , eo quod intelli-
 gantur, sed & eo quod cognoscantur quod sunt.

Priora vero sunt , & notiora bifariam . non
 enim idem prius natura & ad nos prius , neque
 notius & nobis notius. Dico autem ad nos qui-
 dem priora , & notiora , quæ sunt propinquo-
 ra sensui : simpliciter autem priora , & notiora,
 quæ longius. Sunt autem longissime quidem ipsa
 maxime vniuersalia, proxime vero ipsa singula-
 ria ; & opponuntur hæc sibi inuicem.

Ex primis autem est, quod ex principiis propriis: idem * enim dico primum & principium. ** a. l. idem* Principium autem est demonstrationis propositio immediata: Immediata vero, qua non est alia prior. Propositio autem est enunciationis altera particula, vnum de vno: Dialectica quidem, quæ similiter accipit vtramvis: Demonstratiua vero, quæ determinate alteram, quoniam veram. Enunciatio autem contradictionis vtriusque particula. Contradictio vero oppositio, cuius non est medium secundum seipsam. Particula autem contradictionis, quæ quidem aliquid de aliquo, affirmatio: quæ vero aliquid ab aliquo, negatio. Immediati vero principij syllogistici, positionem quidem dico, quam non est monstrare, neque necesse habere docendum quippiam: quam autem necesse est habere docendum quippiam, dignitatem: sunt enim quædam talia, * hoc enim maxime in talibus consueuimus nomen dicere. Positionis vero, quæ quidem accipit vtranlibet particularum enunciationis, vt dico esse aliquid, aut non esse aliquid, suppositio: quæ vero sine hoc definitio. definitio enim positio quidem est: ponit enim Arithmeticus vnitatem indiuisibile esse secundum quantum: suppositio autem non est: nam quid est vnitatis, & esse vnitatem, non idem.

** Aliqui enim quædam talia, * hoc enim maxime in talibus consueuimus nomen dicere. Positionis vero, quæ quidem accipit vtranlibet particularum enunciationis, vt dico esse aliquid, aut non esse aliquid, suppositio: quæ vero sine hoc definitio. definitio enim positio quidem est: ponit enim Arithmeticus vnitatem indiuisibile esse secundum quantum: suppositio autem non est: nam quid est vnitatis, & esse vnitatem, non idem.*

Quoniam autem oportet credere, & scire rem, eo quod talem habemus syllogismum, quem vocamus demonstrationem: est autem hic, eo quod hæc sunt, ex quibus est syllogismus: necesse est non solum præcognoscere prima, aut omnia, aut quædam sed magis semper enim

prop

propter quod est vnuinquodque, illud magis est. *Vide 2. Me
vt propter quod amamus, illud amicum magis. 14. tex. 4.*

Quare siquidem scimus per prima & credimus, & illa scimusque & credimus magis, quoniam per illa & posteriora. Fieri autem non potest vt credat, magis iis quæ scit, quæ non est, neque sciens, neque melius dispositus, quàm si esset sciens. Accideret autem hoc, nisi aliquis præcognoscet per demonstrationem * credentium. magis enim necesse est credere principiis, aut omnibus, aut quibusdam, quàm conclusioni. Habiturum autem scientiam, quæ est per demonstrationem, non solum oportet principia magis cognoscere, & magis ipsis credere, quàm ei quod monstratur: sed neque aliud ipsi credibilius esse, neque notius his quæ sunt opposita principiis, ex quibus erit syllogismus, qui est contrariæ deceptionis: siquidem oportet scientem simpliciter à credulitate impermutabilem esse.

* *Alexan.
exponit credentium, pro
creditorum.*

*Opinionum confutatio, & eorum qui omnino
demonstrationem tollunt, & eorum qui
omnium demonstrationem
esse ponunt.*

Caput.

III.

Nonnullis quidem igitur, eo quod oportet prima scire, non videtur scientia esse: quibusdam vero esse quidem, verum omnium demonstrationes esse. quorum neutrum, neque verum, neque necessarium. Qui quidem enim supponunt non esse omnino scire, hi in infinitum existimant reduci, tanquam non scientes posteriora per priora, quorum non sunt prima: recte dicentes: impossibile nanque infinita pertransire. Si vero stant, ac sunt principia, hæc esse
ignot

Text. 6.

ignora: cum demonstratio de ipsis non sit, quod dicunt esse scire solum. si vero non est prima scire, neque quæ ex his esse scire simpliciter, neque proprie, sed ex suppositione, si illa sunt. Alij autem ipsum quidem scire confitentur, per demonstrationem enim esse solum, sed omnium esse demonstrationem nihil prohibere. contingere enim circulo fieri demonstrationem, & ex iis quæ ad se inuicem. Nos vero dicimus, neque omnem scientiam demonstratiuam esse, sed eam, quæ immediatorum est, indemonstrabilem. Quodque hoc sit necessarium, manifestum, si enim necesse quidem scire priora, & ex quibus demonstratio, stant autem aliquando immediata, hæc indemonstrabilia necesse est esse. Hæc igitur ita dicimus, & non solum scientiam, sed & principium scientiæ esse quoddam dicimus, quo terminos cognoscimus. Circuloque quod impossibile demonstrare simpliciter, planum: siquidem ex prioribus oportet demonstrationem esse, & notioribus. impossibile enim est eadem eisdem simul priora, & posteriora esse. Nisi altero modo, ut alia quidem ad nos, alia vero simpliciter, quo modo inductio facit notum. Si vero sic, non esset utique simpliciter scire bene definitum, sed duplex: aut non simpliciter altera demonstratio, quæ sit ex nobis notioribus.

Accidit autem dicentibus circulo demonstrationem esse, non solum quod nunc dictum est, sed nihil aliud dicere, quam quod hoc est, si hoc est. sic autem omnia facile monstrare. Manifestum autem, quod hoc contingit tribus terminis positus, per multos nanque, aut paucos reflectere dicere, nihil differt: per paucos autem, aut duos. Quando enim A existente, ex necessi-

tate

tate sit B : hoc autem, ipsum C : A existente , erit C. si itaque A existente , necesse est B esse : hoc autem existente , ipsum A : hoc enim erat circulo. Ponatur A in quo C. dicere igitur , B existente , A esse , est ipsum C esse dicere , hoc autem, quoniam A existente, ipsum C est: C autem ipsi A idem. Quare contingit dicere circulo asserentes esse demonstrationem , nihil alterum, quam quod A existente, A est. sic autem facile est omnia monstrare. Verum neque hoc possibile , præterquam in iis , quæcunque se inuicem consequuntur:quemadmodum propria. Vno quidem igitur posito, quod nunquam necesse est aliquid esse alterum , monstratum est. dico autem vno, quod neque termino vno , neque positione vna posita : ex duabus autem positionibus primis & minimis contingit, siquidem & syllogizare. Si igitur & A sequatur ex ipso B, & C: & hæc ex se inuicem, & ex ipso A : sic quidem contingit ex se inuicem monstrare omnia petita in prima figura : quemadmodum monstratum fuit in iis quæ de syllogismo. monstratum autem est & quod in aliis figuris, aut non sit syllogismus, aut non de acceptis. Quæ vero non contrapredicantur , nullo modo est monstrare circulo. quare quoniam pauca talia in demonstrationibus, manifestum quod vanumque , & impossibile est dicere ex iis quæ ad se inuicem demonstrationem esse , & propter hoc omnium contingere esse demonstrationem.

Demonstrationis propositiones veras esse , veritate necessaria. Quid sit id, quod dicimus, De omni, quid per se, quid Vniuersale. Cap. IIII.

Quoniam autem impossibile aliter se habere, cuius est scientia simpliciter, necessarium

Text. 7.

rium vtique fuerit scibile , quod est secundum demonstratiuam scientiam : demonstratiua autem est , quam habemus , eo quòd habemus demonstrationem : ex necessariis igitur syllogismus est demonstratio. Accipiendum igitur ex quibus , & qualium demonstrationes sunt.

Tex .8.

Primum autem determinemus , quid dicimus de omni , & quid per se , & quid vniuersale. De omni quidem igitur hoc dico , quod sit vtique , non in aliquo quidem , in aliquo autem non : neque aliquando quidem , aliquando autem non. vt si de omni homine animal , si verum hunc dicere hominem , verum & animal : & si nunc alterum , & alterum . & si in omni linea punctum consimiliter. Signum autem etenim instantias ita ferimus , tanquam de omni interrogati , aut si in aliquo non , aut si aliquando non.

Text.9.

Per se autem , quæcunque & insunt in eo quod quid est : vt triangulo linea , & lineæ punctum. substantia nanque ipsorum ex his est , & in quacunque in existentium ipsis , ipsa sunt in oratione , quid est declarante : quemadmodum rectum inest lineæ & circulare , & impar & par numero , & primum & compositum , & æquilaterum & altera parte longius . & omnibus his insunt in oratione quid est dicente , ibi quidem linea , hic autem numerus. Consimiliter autem & in alijs , talia singulis per se dico. Quæcunque autem neutro modo insunt , accidentia : vt musicum , aut album animali. Amplius , quod non de subiecto dicitur alio aliquo . vt ambulans alterum quid existens , ambulans , est & album. substantia vero , & quæcunque hoc aliquid significant , non alterum quid existentia sunt , quod sunt.

* λόγῳ .

alijs lc. ratione , & sic etiam inferius.

sunt. quæ quidem igitur non de subiecto, per se dico: quæ autem de subiecto, accidentia.

Amplius autem alio modo, quod quidem propter ipsum inest unicuique, per se: quod vero non propter ipsum, accidens. quemadmodum si ambulante fulgurauit, accidens: non enim propter ambulare fulgurauit, sed contingit, dicimus, hoc. si autem propter ipsum, per se. vt si quid iugulatum interiit, & secundum iugulationem, quoniam propter iugulari, sed non accidit iugulatum interire. Quæ igitur dicuntur in simpliciter scibilibus per se sic, vt insint prædicatis, aut illa insint subiectis, & per ipsa sunt, & ex necessitate. non enim contingit non inesse, aut simpliciter, aut opposita. vt lineæ rectum aut curuum, & numero impar aut par. est enim contrarium, aut priuatio, aut contradictio in eodem genere, vt par, quod non impar in numeris, in quantum sequitur. quare si necesse asserere, aut negare, necesse & per se inesse. Quod igitur de omni, & per se, determinatum sit hunc in modum. Vniuersale autem dico, quod utique & de omni sit, & per se, & secundum quod ipsum. Manifestum igitur quod quæcunque vniuersalia, ex necessitate insunt rebus. Per se autem & secundum quod ipsum, idem. vt per se lineæ inest punctum, & rectum: etenim secundum quod lineæ. & triangulo secundum quod triangulum, duo recti: etenim per se triangulum duobus rectis æquale. Vniuersale autem est tunc, quando in quolibet, & primo monstretur. vt duos rectos haberem, neque figuræ est vniuersale, quamuis est monstrare de figura, quod duos rectos habet, sed non de qualibet figura, neque vtitur qualibet figura monstrans. quadrangulum enim
figura

Text. 10.

Text. 11.

figura quidem est, non habet autem duobus rectis æquales. æquicus vero habet quidem quodcunque duobus rectis æquales, sed non primo, sed triangulum prius. Quod igitur quoduis primum monstratur duos rectos habens, aut quodcunque aliud, huic primo inest vniuersale, & demonstratio per se de hoc vniuersaliter est, de aliis vero quodammodo non per se: neque de æquicrura non est vniuersaliter, sed in plus.

Text. 12.
Primus error.

Quot modis circa pradicatum Vniuersale Primum errare contingat: quoque modo ipsum vere cognoscatur.

Cap. V.

* Aliqui
co. le. singu-
lare, aut sin-
gularia, sed forte ea
verba, aut
singularia,
addita fue-
re.

Secundus
error.
Tertius error.

Exemplū
tertij erroris

* Aliqui
co. ad. pro-
prie.

Text. 13.

Exemplū
Primi erro-
ris.

Oportet autem non latere, quòd plerunque contingit peccare, & non esse, quod monstratur primum vniuersale, secundum quòd videtur monstrari vniuersale primum. Decipimur autem hac deceptione, quando vel nihil sit accipere superius præter * singulare. Vel sit quidem, sed innominatum sit in rebus specie differentibus. Vel contingat esse, ut in parte totum, in quo monstratur. iis enim quæ sunt in parte inerit quidem demonstratio, & erit de omni, sed tamen non erit huius primi vniuersaliter demonstratio dico autem huius primi, secundum quòd huius demonstrationem, quando sit primi vniuersaliter. Si quis igitur monstrauerit, quòd rectæ non coincidunt, videbitur utique huius esse demonstratio *, eo quòd in omnibus est rectis. non est autem: si quidem, nō quoniam sic æquales, sit hoc: sed secundum quòd quomodocunque æquales. Et si triangulum non esset aliud, quàm æquicus, secundum quòd æquicus videretur utiq

vtique inesse. Et proportionale, quod * & alter- *Exemplū*
 natim, secundum quòd numeri, & secundum *secundi er-*
 quòd lineæ, & secundum quòd solida, & secun- *rorū.*
 dum quòd tempora: quemadmodum & mon- * *Multi co-*
 strabatur aliquando seorsum, contingens vtique *di. non ha-*
 de omnibus vnica demonstratione monstrari. *bent illud*
 sed quia non sunt nominatum quiddam omnia &
 hæc vnum, numeri, longitudines, tempora, so-
 lida, & specie differunt à se inuicem, seorsum ac-
 cipiebatur. nunc autem vniuersaliter monstratur.
 non enim secundum quòd lineæ, aut secundum
 quòd numeri inerat: sed secundum quòd hoc,
 quod vniuersale supponunt esse. Propter hoc
 neque si aliquis monstrauerit singulum triangu-
 lum demonstratione, aut vna, aut altera, quòd
 duos rectos habet vnumquodque æquilaterum
 seorsum, & gradatum, & æquicus: nondum
 nouit triangulum, quòd duobus rectis, nisi so-
 phistico modo, neque vniuersaliter triangu-
 lum, neque si nullum est præter hæc triangulum
 alterum. non enim secundum quòd triangulum
 nouit, neque omne triangulum, nisi secundum
 numerum, secundum speciem autem non omne:
 & si nullum est, quod non nouit. Quando igitur *Text. 14.*
 tur non nouit vniuersaliter, & quando nouit sim- *Quo pacto*
 pliciter? Manifestum, quòd si idem esset trian- *cognosca-*
 gulo esse, & æquilatero, aut vnicuique, aut omni- *tur predi-*
 bus. si autem non idem, sed alterum, inest autem *catum uni-*
 secundum quòd triangulum, non nouit. *uersale.*

Vtrum autem secundum quod triangulum, aut
 secundum quòd æquicus inest, & quando se-
 cundum hoc inest primo, & vniuersaliter cuius
 est demonstratio? Planum, quòd quando ablatis
 inerit primo, quemadmodum æquicruri, & neo,
 triangulo inerunt duo recti. sed & quod sit

aheneum, ablato, & quòd æquicus. sed non figura, aut termino: sed non primis. Quo igitur primo? si quidem triangulo, secundum hoc inest & aliis, & huius vniuersaliter est demonstratio.

*Demonstrationem esse ex ijs, quæ sunt Per se,
ac Necessarijs. Cap. VI.*

Text 15.

SI igitur est demonstratiua scientia ex necessariis principiis: quod enim scitur, non potest aliter se habere: per se vero inexistencia necessaria sunt rebus: alia quidem enim in eo quod est quid insunt: aliis autem, quæ de ipsis prædicantur, ipsa insunt in eo quod est quid, quorum alterum oppositorum necesse est inesse: manifestum quòd ex talibus quibusdam, sit utique demonstratiuus syllogismus. omne enim aut sic inest, aut secundum accidens: accidentia vero non sunt necessaria. Aut igitur sic dicendum, aut principium ponendum, quòd demonstratio necessarium est: & si demonstratum est, non potest aliter se habere. Ex necessariis igitur oportet esse syllogismum. ex veris quidem enim est & non demonstrantem syllogizasse: ex necessariis vero non est, nisi demonstrantem. hoc enim iam proprium demonstrationis est. Signum autem, quòd demonstratio ex necessariis: quoniam & instantias ita ferimus ad eos, qui existimant demonstrare, quòd non necesse, si existimemus, aut omnino contingere aliter, aut sermonis utique gratia. Planum autem ex his,

Text. 16.

& quòd fatui sunt, qui se existimant recte principia accipere, si probabilis sit propositio, & vera: veluti Sophistæ, * quòd scire est scientiam habere. non enim * quod probabile, aut non, principium est: sed * primum ipsius generis, circa quod

monstr

* a. l. quoniam

* a. l. eo quod

* a. l. eo quod primum

monstratur. & verum non omne proprium.

Quòd autem ex necessariis oportet esse syllo- *Text. 17.*

gismum, manifestum & ex his. Si enim qui non habet rationem eius quod est propter quid, existente demonstratione non est sciens. esse autem posset, ut A de C ex necessitate esset: B vero medium, per quod demonstratum est, non ex necessitate: non sciuit propter quid. non enim est hoc propter medium. hoc enim contingit non esse, conclusio autem necessaria. Præterea, si ali-

quis non sciuit nunc, habens rationem, & saluus, ** al. co. ad. igitur*

salua re, non oblitus, neque ** al. l. sal. nus*

sciuerat. si vero non est corruptum, contingit, autem corrumpi, quod accidit, esset utique possibile & contingens. sed est impossibile ita se habentem scire. Quando quidem igitur conclusio ex necessitate sit, nihil prohibet medium non necessarium esse, propter quod monstratum est. est enim necessarium & non ex necessariis syllogizatum esse, quemadmodum & verum non ex veris. Quando autem medium ex necessitate, & conclusio ex necessitate: quemadmodum & ex veris verum semper. sit enim A de B ex necessitate: & hoc de C: necessarium igitur & A ipsi C inesse. Quando autem non necessaria sit conclusio, neque medium necessarium potest esse. si enim A ipsi C non ex necessitate inesse: ipsi autem B ex necessitate: & hoc ipsi C ex necessitate: & A igitur ipsi C ex necessitate inerit. sed non suppositum fuerat. Quoniam igitur *Text. 18.*

cessarium oportet habere demonstrationem. aut non sciet neque propter quid, neque quòd necesse est illud esse: sed vel existimabit nō sciens, si suspicetur tanquam necessarium, quod non necessarium: aut neque existimabit, similiter, & si quòd sciat per media, & si propter quid & per immediata. Accidentium vero non per se, quo modo determinata sunt per se, non est scientia demonstratiua. non enim ex necessitate monstrare conclusionem: accidens nanque contingit non inesse. de tali enim dico accidente. Atqui dubitare fortasse quispiam posset, cuius causa hæc oportet interrogare de his, si non necesse est conclusionem esse. nihil enim differt, si quis interrogatus quæcunque, postea dicat conclusionem. Oportet autem interrogare, non tanquam necessarium sit propter interrogata: sed quoniam dicere necessarium illa dicenti, & vere dicere, si vere sint inexistencia.

*Demonstrationem ex Proprijs constare oportere,
quia est ex ijs, & de ijs, quæ sunt per se:
neque licere ex alio genere Trans-
cendentem monstrare.*

Cap. VI.

Text. 19.

*Auer. in
media ex
positione in
explanatio
ne horum
textuum
usq; ad 66.
seriè Arist.
varias, q*

Quoniam autem ex necessitate insunt circa vnumquodque genus, quæcunque per se insunt, & secundum quòd vnumquodque, manifestum quòd de iis quæ per se sunt, sunt scientiales demonstrationes, & ex talibus sunt: accidentia enim non necessaria. Quare non necesse est conclusionem scire propter quid est, neque si semper esset, non per se autem: veluti per signa syllogismi. quod enim per se, non per se sciet, neque propter quid. propter quid autem scire

scire est per causam scire. Propter ipsum igitur oportet & medium tertio, & primum medio inesse. Non igitur est ex alio genere transcendente monstrare, ut geometricum arithmetica. Tria enim sunt, quæ sunt in demonstrationibus: vnum quidem, quæ demonstratur, ipsa conclusio: hoc autem est, quod inest generi alicui per se. vnum autem, dignitates: dignitates autem sunt ea, ex quibus. tertium, genus ipsum subiectum, cuius passionibus & per se accidentia declarat demonstratio. Ex quibus quidem igitur demonstratio, contingit eadem esse: quorum autem genus alterum, quemadmodum Arithmetica & Geometria, non est arithmetica demonstrationem coaptare ad accidentia magnitudinibus: nisi magnitudines numeri sint. Hoc autem ut contingit in quibusdam, posterius dicetur. Arithmetica vero demonstratio semper habet genus, circa quod demonstratio, & alia consimiliter. quare aut simpliciter necesse est idem esse genus, aut aliquo modo, si debet demonstratio transcendere: aliter vero, quod impossibile, manifestum, ex eodem enim genere necesse est extrema & media esse. namque si non per se, accidentia erunt. Propter hoc Geometria non licet monstrare, quod contrariorum vna est scientia, sed neque quod duo cubi cubus: neque alij scientia, quod alterius: nisi quæcunque ita se habent inter se, ut sit alterum sub altero: ut Perspectiva ad Geometriam, & Harmonica ad Arithmetica. Neque si quid inest lineis, non secundum quod linea, & secundum quod ex principiis propriis. ut si res pulcherrima linearum: aut si in contrarium se habet ipsi circumferentia. non enim secun-

*ansam pro
bet dubita
di.*

Text. 20.

*Vide text.
102.*

dum quodd proprium genus ipsorum est, sed secundum quodd commune aliquod.

Demonstrationis conclusionem Perpetuam esse: nec Caducorum esse demonstrationem. Cap. VII.

Text. 21.

Caput hoc
expōit The
mistius post
oetauū in
cap. suis. 18.
et 19. quod
nō nihil red
dit ambi-
guitati.

* al. le. uti-
liter

Text. 22.

* Ali. co.
ad. talis.

* Ali. co.
ad. proposi-
tione.

Manifestū autem, & si fuerint propositiones vniuersaliter, ex quibus est syllogismus, q̄ necesse & conclusionem perpetuam esse huiusce modi demonstrationis, & ut simpliciter dicam demonstrationis. Non est igitur demonstratio corruptibilium, neque scientia simpliciter, sed ita, sicut secundum accidens: quoniam non vniuersalis ipse est, sed aliquando, & quodāmodo.

Quando autem sit, * necesse est alteram non vniuersalem esse propositionem, & corruptibilem. corruptibilem quidem, quoniam & conclusio, existente: * nō vniuersalem autem, quoniam hoc quidē erit, illud vero nō erit, in quibus. quare non est syllogizare vniuersaliter, sed q̄ nunc. Consimiliter autem se habet & circa definitiones: quoniam definitio est, aut principium demonstrationis, aut demonstratio positione differens, aut conclusio quādam demonstrationis.

Eorum vero, quæ ita se fiunt, demonstrationes, & scientiæ, ut lunæ defectus, manifestū, quodd secundū q̄ quidē tales sunt, semper sunt: secundū q̄ vero non semper, secundum partem sunt. * quemadmodum autem defectus, consimiliter aliis.

Demonstrationem non constare ex Communibus. Cap. VIII.

Text. 23.

Quoniam autem manifestum, quodd vnumquodq; demonstrare non est, nisi ex vniuersaliusque principiis, si quodd monstratur insit secundum quodd illud, non est scire hoc.

Et si ex veris, & indemonstrabilibus monstratum sit,

fit, & immediatis. Est enim sic monstrare, quemadmodum Bryso quadraturam. secundum commune enim monstrant tales rationes, quod & alteri inerit. quocirca & in aliis coaptabuntur rationes non cognatis. Igitur non secundum quod illud scit, sed secundum accidens. neque enim coaptari posset demonstratio & in aliud genus.

Vnum quodque autem scimus non secundum accidens, quando secundum illud cognoscamus, secundum quod inest ex principiis illius, secundum quod illud. ut duobus rectis æquales habere, cui inest per se, quod dictum est, ex principiis huius.

Quare si per se & illud inest, cui inest, necesse est medium in eadē cognatione esse. si vero non, sed quemadmodum Harmonica per Arithmetica. Talia autem monstrantur quidem, similiter. differunt vero, ipsum enim quod, alterius scientiæ, subiectum namque genus alterum: ipsum vero propter quid, superioris, cuius per se passiones sunt. Quare & ex his manifestum, quod non est demonstrare vnumquodque simpliciter, nisi ex vniuscuiusque principiis.

Sed horum principia habent commune. Si vero manifestum est hoc, manifestum & quod non est vniuscuiusque propria principia demonstrare. erunt enim illa omnium principia, & scientia illorum domina omnium. & namque magis scit, qui ex superioribus causis scit: ex prioribus enim sciuit, cum ex non causatis sciat causas. quare si magis sciuit, & maxime: & si scientia illa esset, & magis, & maxime.

Demonstratio autem non coaptatur in aliud genus: nisi ut dictum est, geometricæ in perspectivæ, aut mechanicas, & arithmeticæ in harmonicas.

Difficile autem est cognoscere, si sciuit, aut non. difficile est enim cognoscere, si ex vniuscuiusque principiis scimus, aut non: quod est scire.

existimamus autē, si habeamus ex veris quibusdam syllogismum, & primis scire. hoc autem non est, sed oportet primis cognata esse.

Demonstratiuarum scientiarum Principia, nonnulla esse communia, nonnulla propria: quasq; ea sint, & quo pacto prae cognoscantur: pariter & reliqua demonstrationem ingredientia.

Cap.

I X.

Text. 24.

Dico autem principia in vnoquoque genere hæc, quæ q̄ sunt, non contingit monstrare. Quid igitur significat & prima, & quæ ex his, accipitur quod autē sunt, principia quidem necesse est accipere, alia vero monstrare. ut quid vnitās, aut quid rectū, aut triangulū. esse autem vnitatē accipere, & magnitudinē, altera vero mōstrare.

Sunt autem, quibus vtuntur in demonstratiuis scientiis alia quidem propria vniuscuiusque scientiæ, alia vero communia. communia autem secundum proportionem: quoniam vtile utique quantum in eo, quod sub scientiam est, genere. propria quidem, quemadmodum lineam esse talem, & rectum: communia vero, ut si ab æqualibus æqualia auferantur, quod æqualia sunt reliqua. sufficiens autem est vnumquodque horum, quantum est in genere. idem enim faciet, & si non de omnibus acceperit, sed in magnitudinibus solum, Arithmetico autem in numeris.

Sunt autem propria quidem, & quæ accipiuntur esse, circa quæ scientia speculatur inexistentia per se, veluti vnitates Arithmetica, Geometria vero puncta, & lineas: hæc enim accipiunt esse, & hoc esse. horum autem passionēs per se, quid quidem significat vnaquæque accipiunt: veluti Arithmetica quidem, quid impar aut par, aut quadrangulum, aut cubus: Geometria vero, quid

quid * irrationale, aut refrangi, aut concurrere. * a. l. *propor*
quòd autem sunt, monstrant & per communia, & *tionale.*
ex demonstratis. & Astrologia consimiliter.

Omnis enim demonstratiua sciētia circa tria *Text. 25.*
est, & quæcunque esse ponuntur. hæc autem sunt,
genus, cuius per se passionum est speculatiua : &
communis, quæ dicimus dignitates, ex quibus pri-
mo demonstrant: & tertium, passionum, quarum
quid significat: vnaquæque accipit. Nonnullas
tamen scientias nihil prohibet quædam horum
despicere, vt genus non supponere esse, si sit ma-
nifestum, quòd est: non enim similiter planum,
quòd numerus est, & quòd frigidum & calidum.
& passionum non accipere, quid significant, si sint
planæ: quemadmodum neque communia non ac-
cipit, quid significant: hoc, quòd est, æqualia ab
æqualibus demere, quoniam notum, sed nihil mi-
nus natura tria hæc sunt, circa quòd monstrat, &
quæ monstrat, & ex quibus.

*Qua sit inter Dignitates, Suppositiones, Pe-
titionesq; differentia, ac etiam Definitio-
nes. Non necesse etiam esse Formas dari
propter demonstrationem. Cap. X.*

Non est autem suppositio, neque petitio, quòd
necesse est esse propter ipsum, & videri ne-
cesse. non enim ad extrinsecam rationem demon-
stratio, sed ad eam, quæ in anima: quoniam neque
syllogismus. semper enim est instare ad extrinse-
cā rationē, sed ad intrinsecā rationē nō semper.

Quæcunque igitur monstrabilia existentia ac-
cipit ipse non monstrans, hæc quidem, si apparen-
tia discenti accipiat, supponit, & sunt non simpli-
citer suppositio, sed ad illum solum. si vero, aut
nulla inexistente opinione, aut & contraria ine-

xistente, accipiat idem, petit Et hoc differunt suppositio & petitio. est enim petitio, quod subcontrarium est addiscentis opinioni: aut quod aliquis demonstrabile existens accipiat, & utatur non monstrans.

Termini quidem igitur non sunt suppositiones, neque enim esse aut non esse dicunt, sed in propositionibus suppositiones. terminos autem solum intelligere oportet. hoc autem non est suppositio: nisi & ipsum audire suppositionem aliquis esse dicat. sed quibuscunque existentibus, eo quod illa sunt, fit conclusio.

Neque Geometra falsa supponit, quemadmodum quidam asseruere dicentes, quod non oportet falso uti: Geometram vero mentiri, dicentem pedalem non pedalem, aut rectam descriptam, non rectam existentem. Geometra vero nihil concludit, eo quod hæc est linea, quam ipse locutus est, sed quæ per hæc ostenduntur.

Præterea petitio & suppositio omnis, aut ut totum, aut ut in parte: definitiones vero neutrum horum. Formas quidem igitur esse, aut vnum aliquid præter multa, non necesse, si demonstratio erit. esse quidem igitur vnum de multis verum dicere, necesse est. non enim erit vniuersale, nisi hoc sit. si autem vniuersale non sit, medium non erit: quare neque demonstratio. oportet igitur aliquid vnum & idem in pluribus esse, non æquivoce.

Quo pacto utamur in scientiis, Contradictionis principio.

Cap.

XI.

Text. 26.

NON contingere autem simul asserere & negare, nulla accipit demonstratio, nisi oporteat monstrare & conclusionem sic. Monstratur autem

autem accipientibus primum de medio, quod verum, negare autem non verum. Medium autem nihil differt esse, & non esse accipere: consimiliter autem & tertium. si enim datum est, de quo hominem verum dicere, si & non hominem verum, sed si solum hominem animal esse, totum, non animal autem non. erit enim verum dicere calliam, si & non calliam, tamen animal, non animal autem non. Causa autem, quoniam primum non solum de medio dicitur, sed & de alio, eo quod est in pluribus. quare neque si medium & idem est, & non idem, ad conclusionem nihil differt. Omne autem asserere, aut negare demonstratio ad impossibile accipit: & hæc neque semper vniuersaliter, sed quantum sufficiens est, sufficiens autem est in genere. dico autem in genere, vt circa quod genus demonstrationes fert, quemadmodum dictum est & prius.

In communibus principiis communicare sibi inuicem scientias: & quo pacto Dialectica in hoc ab aliis differat. Quæ interrogationes scientiarum sint propriae, & quæ non sint scientiales. Mathematicarum scientiarum commendatio. & quo pacto syllogismus ampliari possit, assumendo & indirectum, & in latus. Cap. XII.

Communicant autem omnes scientiæ sibi inuicem secundum communia. communia autem dico, quibus vtuntur, tanquam ex his demonstrantes, sed non de quibus monstrant, neque quod monstrant. Et Dialectica omnibus, & si aliqua vniuersaliter tentet monstrare communia: vt quod omne asserere, aut negare: aut quod æqualia ab æqualibus: aut talium nonnulla.

Text. 27.

Diale

Dialectica vero non est ita determinatorum quorundam, neque generis alicuius unius. non enim interrogaret. demonstrantem enim non est interrogare, eo quod oppositis existentibus non monstravit idem. monstratum est autem hoc in iis, quæ de syllogismo. Si vero idem est interrogatio syllogistica, & propositio contradictionis: propositiones autem secundum unamquamque scientiam, ex quibus syllogismus secundum unamquamque scientiam: erit utique aliqua interrogatio scientialis, ex quibus, qui secundum unamquamque, proprius sit syllogismus.

Planum igitur, quod non omnis interrogatio geometrica fuerit, neque medicinalis: similiter autem & in aliis: sed ex quibus, aut monstratur aliquid, de quibus Geometria est: aut ex eisdem monstratur Geometriæ, quemadmodum Perspectiva. consimiliter autem & in aliis. & de his quidem & rationem subiiciendum ex geometricis principiis, & conclusionibus.

* alij leg.
ad omne.

Text. 28.

De principiis vero rationem non subiiciendum Geometriæ, in quantum Geometria. consimiliter autem & in aliis scientiis. Neque igitur omnem interrogationem unusquisque scientificus interrogare debet: neque * omne interrogatum respondere de unoquoque: sed quæ secundum scientiam determinata sunt. Si autem disputabit cum Geometria, in quantum Geometria, sic, manifestum quod bene, & si ex his aliquid monstrat: si autem non, non bene. Planum autem, quod neque redarguit Geometram, nisi secundum accidens. quare non erit in non geometricis de Geometria disputandum: latebit enim prave disputans, consimiliter autem & in aliis scientiis se habet. Quoniam autem sunt geometricæ
inter

interrogationes, * sunt ne igitur & non geometrica? & iuxta vnamquamque scientiam, quæ secundum ignorantiam * qualémnam geometrica sunt? Et vtrum secundum ignorantiam syllogismus, qui ex oppositis syllogismus, aut paralogismus? Secundum Geometriam vero, aut ex alia arte. vt musica est interrogatio non geometrica de Geometria. coalternas vero coincidere existimare, geometrica quodammodo, & non geometrica alio modo.

Duplex enim hoc, quemadmodum irrhythmicum: & alterum quidem non geometricum, eo quòd non habet, quemadmodum irrhythmicum: alterum vero, eo quòd male habet. & ignorantia hæc, & quæ ex talibus principiis contraria. In Mathematicis vero non est similiter paralogismus, quoniam medium est semper, quod duplex. de hoc enim omni, & hoc rursus de alio dicitur omni: quod autem prædicatur non dicitur omne. hæc autem sunt, ac si intellectu viderentur. In rationibus vero latet, nunquid omnis circulus figura? si vero descripserit, planum. quid autem, carmina circulus? manifestum, quod non sunt.

Non oportet autem instantiam in ipsum ferre, si sit propositio inductiua, quemadmodum enim neque propositio est, quæ non est in pluribus, non enim erit in omnibus: ex vniuersalibus autem syllogismus: planum quòd neque instantia. eadem enim propositiones, & instantiæ. quam enim fert instantiam, hæc fieri potest propositio, aut demonstratiua, aut dialectica. Contingit autem quosdam non syllogistice dicere, eo quòd ex vtrisque consequentia accipiunt: quemadmodum & Cæneus facit.

quòd.

* al. l. sunt
sane & nō
Geometri-
ca.

* al. l. ali-
quā Geo-
metrica
sunt.

τὸ ἀρρυθ-

μικρον, absque
rhythmo et
forma:

Text. 29.

Vide primo
Elenchorū
cap. 9.

Vide pro
hoc Ari. 2.
top. nō lōge
à principio:
ibi Am-
plius proble-
ma propo-
sitioni faciē-
tē sibi ipsi
instare.

quòd ignis in multiplicata proportione . etenim ignis celeriter gignitur , ut ait : & hæc est proportio . sic autem non est syllogismus , nisi celerissimam , proportio sequatur multiplex : & ignem celerrima in motu proportio . Aliquando quidem igitur non contingit syllogizare ex acceptis : nonnunquam vero contingit , sed non videtur . Si autem impossibile esset ex falso verum monstrare , facile utique esset resolvere : cōuerteretur enim ex necessitate . Sit enim A ens : hoc autem existente , hæc sunt , quæ noui , quòd sunt , ut B : ex his itaque monstrabo , quòd illud est . Conuertuntur autem magis quæ sunt in Mathematicis : quoniam nullum accidens accipiunt , (sed & hoc differunt ab iis , quæ sunt in disputationibus) sed definitiones . Augentur autem non per media , sed eo quòd assument . Ut A de B : hoc autem de C : rursus hoc de

*Cod. mul. D : & hoc in infinitum . Et in latus : * ut A , & leg. ut A de C , & de E . ut est numerus quantus , vel & de B , sed infinitus , hoc , in quo A : impar numerus quantus , in quo B : numerus impar , in quo C : est ideo 10. Gr. igitur A de C . & est par quantus numerus , in dicit legen quo D : par vero numerus , in quo E : est igitur A , de E .

A de B , &
de D .

De demonstrationum Quòd , & Propter
quid speciebus , ac differentiis .

Cap.

X I I I .

Text. 30.

Quod vero differt , & propter quid scire , primum quidem in eadem scientia , & in hac dupliciter . Vno quidem modo , si non per immediata efficiatur syllogismus : non enim accipitur prima causa : scientia vero ipsius propter quid secundum primam causam .

Alio

Alio autem, si per immediata quidem, sed non per causam, sed per notius eorum, quæ conuertuntur. nihil enim prohibet eorum, quæ conuersim prædicantur, notius aliquando esse, quod est non causa. quare erit per hoc demonstratio. vt quòd planetæ prope, per id, quòd non scintillant. Sit in quo C. planetæ: in quo B, non scintillare: in quo A, prope esse. verum itaque B de C dicere: planetæ enim non scintillant. sed & A de B: quod enim non scintillat prope est. hoc autem acceptum sit per inductionem, aut per sensum. necesse igitur A inesse ipsi C. quare demonstratum fuit, quòd planetæ prope sunt. Hic igitur syllogismus nō ipsius propter quid, sed ipsius q̄, est. non enim propter non scintillare, prope sunt, sed propterea quia prope sunt, non scintillant. Euenit autem & per alterum monstrari alterum: & erit ipsius propter quid demonstratio. Vt sic C, planetæ: in quo B, prope esse: A, non scintillare. inest itaque & B ipsi C: + quare & ipsi C A: & A ipsi B, non scintillare. & est syllogismus ipsius propter quid: accepta enim est prima causa. Rursus quemadmodum lunam monstrant, quòd sphærica, per augmenta. si enim quod ita augeatur est sphæricum: augetur autem luna: planum, quòd sphærica. sic igitur ipsius quòd factus fuit syllogismus. E conuerso autem posito medio ipsius propter quid. non enim propter augmenta est sphærica: sed quia est sphærica, accipit augmenta talia. Luna, in quo C: sphærica, in quo B: augmentum, in quo A. In quibus autem media non conuertuntur, & est notius, quod non est causa, ipsum quidem quòd monstratur, ipsum autem propter quid non.

* al. le. &
A ipsi B,
nō scintilla
re: quare et
ipsi C A.

Amplius in quibus medium extra ponitur.
et enim

etenim in his ipſius quòd , & non ipſius propter quid eſt demonſtratio . non enim dicitur cauſa . Vt propter quid non reſpirat paries : quoniam non animal . ſi enim hoc non reſpirandi cauſa eſt , oporteret animal eſſe cauſam reſpirandi . vt ſi negatio cauſa eſt ipſius non eſſe , affirmatio cauſa eſt ipſius eſſe . quemadmodum ſi hoc , quod eſt incommenſurabilia eſſe calida & frigida , eius , quod eſt non ſanum eſſe , hoc , quod eſt com-
 menſurabilia eſſe , eius , quod eſt ſanum eſſe . conſimiliter autem & ſi affirmatio ipſius eſſe , negatio ipſius non eſſe . In iis autem , quæ ſic assignata ſunt , non contingit , quod dictum eſt . non enim omne reſpirat animal . Syllogiſmus autem fit talis cauſæ in media figura . vt ſit A , animal : in quo B' , reſpirare : in quo C , paries . A igitur ineſt omni B' , omne enim reſpirans eſt animal : ipſi autem C nulli : quare neque BC nulli , non itaque reſpirat paries . Aſſimilantur autem tales cauſæ iis , quæ ſecundum exceſſum dicuntur . hoc autem eſt plus diſtans dicere medium . vt illud Anacharſidis , quòd in Scythiis non ſunt tibicines : neque enim vites . Secundum quidem igitur eandem ſcientiam , & ſecundum medi-
 orum poſitionem : iſtæ differentiæ ſunt eius , qui eſt ipſius quòd , ad eum , qui eſt ipſius propter quid , ſyllogiſmum . Alio autem modo diſfert ipſum propter quid ab ipſo q , eo quòd per aliam ſcientiam vtrunque ſpeculatur . talia autem ſunt , quæcunque ſic ſe habent inuicem , vt ſit alterum ſub altero : vt perſpectiua ad Geometriam , & mechanica ad Stereometriã , & harmoniaca ad Arithmeticam , & apparentia ad Aſtrologicam : Ferè autem vniuocæ ſunt nonnullæ iſtarum ſcientiarum , vt Aſtrologia , & quæ Mathematica , & quæ
 Nau

Nautica, atque Harmonica, & quæ mathematica, & quæ secundum auditum.

Hic enim ipsum quidem quod, sensitiuorum est scire, ipsum vero propter quid, Mathematicorum. hi nanque habent causarum demonstrationes, & plerumque non sciunt ipsum quod: quemadmodum qui vniuersale speculantur, multoties nonnulla singularium nesciunt, quia non aduertunt. Sunt autem hæc, quæcunque cum alterum quid sint secundum substantiam, vtuntur formis: disciplinæ nanque circa formas sunt: non enim de subiecto aliquo geometrica sunt. si enim de subiecto aliquo geometrica sunt, sed non in quantum geometrica, de subiecto. Se habet autem & ad Perspectiuam, vt hæc ad Geometriam, alia ad hanc, vt quod est de iride. ipsum enim quod, Naturalis est scire, ipsum vero propter quid, Perspectiuæ, aut simpliciter, aut secundum *mathema. Multæ autem & non sub.

*disciplinæ

Primam figuram maxime scientiæ esse accommodatam.

Cap. XIIII.

Figurarum autem maxime scientialis est prima. *Text. 31.*

Mathematicæ nanque scientiæ per hanc demonstrationes ferunt, vt Arithmetica, & Geometria, & Perspectiua, & ferè vt dixerim, quæcunque ipsius propter quid considerationem faciunt, aut enim omnino, aut vt plurimum, & in plurimis per hanc figuram ipsius propter quid sit syllogismus. quare & propter hoc erit vtique maxime scientialis. maxime nanque proprium ipsius scire est propter quid speculari. Postea & ipsius

Arist. Log.

x

quid est scientiam per solam hanc venari possibile. in media enim figura non fit prædicatiuus syllogismus, ipsius vero quid, est scientia affirmationis. in vltima autem fit quidem, sed non vniuersaliter: ipsum autem quid est, vniuersaliū est. non enim homo aliquo modo est animal bipes. Amplius hæc quidem illarum nihil indiget, illæ veto per hanc condensantur & augentur, quousque ad immediata venerint. Manifestum itaque, quòd ad sciendum maxime proprie est prima figura. Quemadmodum vero contingebat A inesse B indiuidue, ita & non inesse accidit. dico autem indiuidue inesse aut non inesse, eo quod non est ipsorum medium: sic enim non erit secundum aliud inesse aut non inesse. Quando igitur aut A aut B in toto aliquo fit, aut & ambo, non contingit A ipsi B primo nō inesse. sit enim A in toto C: si igitur B nō est in toto C (cōtingit enim ipsum quidē A esse in aliquo toto: ipsum vero B non esse in hoc) syllogismus erit, quòd A ipsi B non insit: si enim C, A quidem omni: ipsi vero B nulli: A nulli eorum, quæ B. Confimiliter autem & si B in toto aliquo est, vt in D, ipsum nanque D omni B inest: ipsi autem A nulli ipsum B: quare ipsum A nulli eorum, quæ B inerit per syllogismum, eodem pacto monstrabitur & si ambo in toto aliquo sint. Quòd autem contingit ipsum B non esse in quo toto est A, aut rursus A, in quo est B, manifestum ex coordinationibus, quæcunque non commutantur ad se inuicem. Si enim nullum eorum, quæ sunt in A C D coordinatione, de nullo prædicatur eorum, quæ sunt in B E F: ipsum vero A in toto est H. coordinato existenti: planum, quòd B non erit in H. commutarentur enim coordinationes

nationes . consimiliter autem & si B in toto aliquo est . Si vero neutrum sit in toto nullo : non insit autem A ipsi B : necesse est indiuidue non inesse . Si enim erit aliquod medium , necesse alterum ipsorum in toto aliquo esse . aut enim in prima figura , aut in media erit syllogismus , si quidem igitur in prima B , erit in toto aliquo : affirmatiuam nanque oportet , quæ ad hoc , propositionem fieri . sin autem in media vtrum contigerit . ad vtraque enim accepto priuatiuo , efficitur syllogismus . ambabus vero negatiuis existentibus , non erit . Planum itaque , quod contingit aliud alij non inesse indiuidue : & quando contingit , & quomodo diximus .

Quot , quibûsue modis syllogisticis tum in immediatis , tum in mediatis propositionibus Ignorantia dispositionis , & quomodo ignorantia negationis exoriatur .

Caput XV.

Ignorantia vero , quæ non secundum negationem , sed secundum dispositionem dicitur , est quidem deceptio , quæ per syllogismum fit . Hæc autem in primo quidem inexistentibus aut non inexistentibus contingit dupliciter . aut enim quando simpliciter existimet inesse , aut non inesse : aut quando per syllogismum accipiat suspicionem . Simplicis quidem igitur suspicionis simplex est deceptio , eius vero , quæ est per syllogismum , plures . Non insit enim A nulli eorum quæ B indiuidue . si igitur syllogizet A inesse ipsi B , medium accipiens C , deceptus erit per syllogismum . Contingit quidem igitur vtrasque

Text. 32.

propositiones esse falsas ; contingit autem alteram solum . Si enim neque A nulli eorum quæ C insit : neque C nulli eorum quæ B : assumpta vero fuerit vtræque è conuerso , ambæ falsæ erunt . Euenit autem ita se habere Cad A & B , vt neque sub A sit , neque vniuersaliter in B . impossibile nanque B esse in toto aliquo . dicebatur enim A primo ipsi non inesse : A vero non necesse omnibus entibus inesse vniuersaliter : quare ambæ falsæ . Sed & alteram contingit veram accipere , non tamen vtram volueris . sed A C . C B nanque propositio semper falsa erit : eo quod ipsum B in nullo sit : A C vero euenit . quemadmodum si A & ipsi C , & ipsi B insit indiuidue . quando enim idem primo prædicetur de pluribus , neutrum in neutro erit . Differt autem nihil , neque si non indiuidue insit . Deceptio quidem igitur inexistenti & per hæc , & ita fit solum : non enim erat in alia figura inexistenti syllogismus .

Quæ vero est non existendi & in prima fit , & in media figura . Primum itaque dicamus quot modis in prima fit , & quomodo se habentibus propositionibus . Contingit quidem igitur vtrisque falsis existentibus , quemadmodum si A & ipsi C , & ipsi B insit indiuidue . Si enim acceptum fuerit A quidem nulli C : C vero omni B : falsæ erunt propositiones .

Contingit autem & altera falsa existente , & hac vtravis . Euenit enim A C quidem veram esse , C B vero falsam : A C quidem veram : quoniam non omnibus entibus inest A . C B vero falsam : quoniam impossibile est C inesse ipsi B , cui nulli inest A . non enim amplius vera erit A C propositio . simul autem si & ambæ sunt veræ ,

&

& conclusio erit vera. Sed & C B contingit veram esse, altera existente falsa. quemadmodum si B & in C, & in A est. necesse enim alterum sub altero esse. quare si acceperit A nulli eorum, quæ C inesse, falsa erit propositio. Planum igitur, quod altera falsa existente, & utrisque, erit falsus syllogismus. In media autem figura, totas quidem esse propositiones ambas falsas, non contingit. quando enim A omni B insit, nihil erit accipere, quod alteri quidem omni, alteri vero nulli inerit. Oportet autem sic accipere propositiones, ut huic quidem insit, illi vero non insit: siquidem erit syllogismus. si igitur sic acceptæ falsæ, planum, quod è contrario è conuerso se habebunt. hoc autem impossibile. In aliquo vero utranque nihil prohibet falsam esse, quemadmodum si C & A, & B alicui insit. Si enim A quidem omni acceptum fuerit inesse: B vero nulli: falsæ quidem ambæ propositiones, non tamen totæ, sed in aliquo. Et è conuerso quoque posito priuatiuo, consimiliter. Alteram vero falsam esse, & utramuis, contingit. quod enim inest A omni, & B inest. Si igitur acceptum fuerit ipsum C inesse quidem toti A, toti vero B non inesse: C A quidem vera erit, B C autem falsa. Rursus quod B quidem nulli inest, neque A omni inerit. si enim ipsi A, & ipsi B: sed non inerat. Si igitur acceptum fuerit C A quidem toti inesse, B vero nulli: B C quidem propositio vera, altera autem falsa. Consimiliter vero & transposito priuatiuo. quod enim nulli inest A, neque B nulli inerit. Si igitur acceptum fuerit C A quidem toti non inesse: A C quidem propositio vera erit, altera autem falsa.

Et rursus quod omni B inest, accipere inesse nulli A, falsum. necesse enim, si B omni, & A alicui inesse. Si igitur acceptum fuerit, C inesse quidem omni B, nulli vero A: C B quidem vera erit, C A autem falsa. Planum igitur quod & ambabus existentibus falsis, & altera solum, erit syllogismus deceptorius in indiuiduis. In his vero, quæ insunt non indiuidue, aut non insunt, quando quidem per proprium medium efficiatur falsi syllogismus, non possunt ambæ falsæ esse propositiones, sed ea solum, quæ est ad maius extremum. Dico autem proprium medium, per quod fit contradictionis syllogismus.

Insit enim A ipsi B per medium C: quoniam igitur necesse est C B affirmatiuam accipi, cum fit syllogismus: planum, quod semper hæc erit vera, non enim conuertitur; A C vero falsa, hac enim conuersa contrarius fit syllogismus.

Consimiliter autem & si ex alia coordinatione acceptum fuerit medium, ut D licet in toto A sit, & de B omni prædicetur: necesse enim D B quidem propositionem manere, alteram vero conuerti. quare hæc quidem semper vera, illa autem semper falsa. & quasi talis deceptio eadem est ei, quæ est per proprium medium.

Si vero non per proprium medium efficiatur syllogismus: quando sub A quidem sit medium: ipsi vero B nulli insit: necesse est falsas esse ambas, accipiendæ nanque sunt è contrario, quàm se habent propositiones, si debet syllogismus fieri. sic autem acceptis, ambæ efficiuntur falsæ. quemadmodum si A quidem toti D inest: D vero nulli eorum, quæ B: his enim conuersis, syllogismus erit, & propositiones ambæ falsæ.

Quando

Quando vero medium non sit sub A, ut D, A D quidem vera erit, D B autem falsa. nam A D quidem vera, quoniam non erat in A ipsum D: D B autem falsa, quoniam si esset vera, & conclusio vera esset. sed erat falsa.

Sed cum per mediam figuram efficitur deceptio, ambas quidem non contingit falsas esse propositiones totas. Cum enim sit B sub A, nihil contingit, huic quidem omni, illi vero nulli inesse, quemadmodum dictum est & prius.

Alteram autem euenit, & utramlibet. Si enim C, & A & B insit: si acceptum fuerit, ipsi quidem A inesse, ipsi vero B non inesse: A C quidem vera erit, altera autem falsa.

Rursus, si acceptum fuerit C ipsi quidem B inesse, A vero nulli: B C quidem vera erit, altera autem falsa.

Si igitur priuatius sit deceptionis syllogismus, dictum est, quando, & per quæ erit deceptio. Sin autem affirmatiuus, quando quidem per proprium medium, impossibile ambas esse falsas. necesse est enim C B manere, si quidem erit syllogismus, quemadmodum dictum est & prius. quare C A semper erit falsa: hæc enim est, quæ conuertitur.

Consimiliter autem & si ex alia coordinatione accipiatur medium, quemadmodum dictum est & in priuatiua deceptione. necesse enim D B quidem manere, A D autem conuerti, & deceptio eadem est ei quæ prius.

Quando autem non per proprium: si D quidem sit sub A, hæc quidem erit vera, altera autem falsa: euenit enim A pluribus inesse, quæ non sunt sub se inuicem. si vero non sit D sub A, planum quidem, quod hæc semper erit fal-

fa, affirmatiua nanque accipitur, D B vero contingit & veram esse & falsam: nihil enim prohibet, A quidem nulli D inesse, D vero ipsi B omni: vt animal scientię, scientiam autem musicę. Neq; rursus si neq; A nulli eorū, quę D, neq; D nulli eorum, quę B. Manifestum igitur, quod non existente medio sub A, & ambas euenit falsas esse, & vtram volueris.

Quot igitur inodis, & per quę euenit fieri deceptiones, quę secundum syllogismum, & in immediatis, & in iis quę per demonstrationem, manifestum.

Text. 33.

Planum autem est, & quod si quis sensus defecerit, necesse & scientiam aliquam deficere, quam impossibile est accipere: si quidem addiscimus, aut inductione, aut demonstratione. Est autem demonstratio ex vniuersalibus, inductione vero ex iis, quę secundum partem: impossibile autem vniuersalia speculari nisi per inductionem, quoniam & quę ex abstractione dicuntur, erunt per inductionem nota si quis voluerit nota facere, quod insunt vnicuique generi nonnulla, & si non separabilia sunt, secundum quod tale * hoc vnumquodque: inducere autem non habentes sensum, impossibile. singularium nanque sensus est, non enim contingit accipere ipsorum scientiam: neque enim ex vniuersalibus sine inductione, neque per inductionem sine sensu.

* al. l. quale hoc

Syllogismus omnem ex tribus constare terminis, maiori, minori, ac medio: & hos in infinitum tam in propositionibus affirmatiuis, quam negatiuis abire non posse.

Cap.

Est autem omnis syllogismus per tres terminos, & qui quidem monstrare potest, quòd A inest ipsi C, eo quòd inest ipsi B, & hoc ipsi C: priuatius autem alteram quidem propositionem habens, quòd aliud quid alij inest, alteram vero, quòd non inest. Manifestum igitur quòd principia, & quæ dicuntur suppositiones hæc sunt: accipientem enim hæc ita necesse est monstrare, vt quòd A inest ipsi C per B. Rursus vero quòd A ipsi B per aliud medium, & quòd B ipsi C consimiliter.

Secundum opinionem igitur syllogizantibus & solum dialectice, planum quòd hoc solum considerandum, si ex quibus contingit probabilissimis fiat syllogismus. quare & si est aliquid in veritate eorum, quæ sunt A B, medium: videtur autem non esse, qui per hoc syllogizauit, syllogizatus est dialectice. Ad veritatem autem ex iis, quæ sunt, oportet considerare, se habet autem sic. Quoniam est quòd ipsum quidem de alia prædicatur non secundum accidens, dico autem secundum accidens, vt album aliquando illud dicimus esse hominem, non similiter dicentes & hominem album, hic quidem enim non alterum aliquid existens album est, album vero, quoniam accidit homini esse albo, sunt itaque nonnulla talia, vt per se prædicentur.

Sit igitur C tale, quod ipsum quidem non amplius insit alij, huic autem B primo, & non sit *Argirop. aliud intermedium, & rursus *E ipsi ipsum F con legit D ipsi similiter, & hoc ipsi B: an igitur hoc necesse est B, E ipsi stare, aut contingit in infinitum ire? Et rursus si D. & Fiti- de A quidem nihil prædicatur per se, A vero ipsi dem ipsi cō H inest primo, intermedio autem nulli priori, & petat E.

H ipsi G, & hoc ipsi B: an & hoc stare necesse est, aut & hoc contingit in infinitum ire? differt autem hoc à priori tantum, quoniam hoc quidem est, an contingit incipienti à tali, quod nulli inest alteri: sed aliud illi sursum in infinitum ire, alterum vero incipientem à tali, quod ipsum quidem de alio, de illo autem nihil prædicatur, deorsum considerare, si contingit in infinitum ire. Amplius media an contingit infinita esse determinatis extremis. dico autem veluti, si A ipsi C inest, medium vero ipsorum B, ipsius vero B & A altera: horum autem altera, an & hæc in infinitum contingit ire, aut impossibile? est autem hoc considerare idem, & si demonstrationes in infinitum vadunt: & si est demonstratio cuiusque, aut ad se inuicem terminantur.

Consimiliter autem dico & in priuatiuis syllogis ac propositionibus, vt A inest B nulli aut primo: aut erit aliquid medium, cui priori non inest, veluti si ipsi C quid B inest omni: & rursus alij adhuc priori hoc, vt si ipsi A, quod C omni inest: in his etenim aut infinita, quibus non inest prioribus, aut stant.

In iis vero, quæ conuertuntur, non similiter se habet: non est enim in iis, quæ retrouersum prædicantur, de quo primo prædicatur, aut ultimo: omnia enim ad omnia sic consimiliter se habent, siue sunt infinita, quæ de ipso prædicantur, siue vtraque sunt quæ dubitantur infinita, præterquam quòd si non similiter contingit conuerti: sed hoc quidem, vt accidens, illud vero vt prædicamentum.

Quòd igitur intermedia non contingit infinita esse, si deorsum & sursum stent prædicamenta, manifestum. dico autem sursum quòd in ma-

gis vniuersale, deorsum vero quod in id, quod secundum partem. si enim A prædicante de F, infinita sunt intermedia, in quibus est B: planum quòd contingere posset, vt & ab A in deorsum alterum de altero prædicaretur in infinitum: antequam enim in F deueniatur, infinita sunt intermedia: & ab F sursum infinita, antequam ad A deueniatur: quare si hæc impossibilia, & ipsius A & F impossibile infinita esse media. Neque enim si quis diceret, quòd alia quidem sunt ipsorum A B C inuicem, vt non sit medium, alia vero non est accipere, nihil differt: quodcunque enim accepero eorum, quæ B erit ad A. aut ad F, aut infinita media, aut non: quo autem sint, primum infinita, siue statim, siue non statim nihil differt: quæ enim sunt post hæc, infinita sunt.

Planum autem & in priuatiua demonstratione, quòd stabitur, si quidem in prædicatiua statitur ad vtraque. sit enim non contingens, neque sursum ab vltimo in infinitum ire. (dico autem vltimum, quod ipsum quidem alij nulli inest, illi vero aliud, vt F:) neque à primo in vltimum. (dico autem primum, quod ipsum quidem de alio, de illo vero nihil aliud) si utique hæc sunt, & in negatione stabitur. Tripliciter nanque monstratur non existens, aut enim cui quidem ipsum C B, inest omni, cui vero ipsum B, ipsum A nulli. Ipsius itaque B C, & semper alterius distantia, necesse est progredi ad immediata, prædicatiua nanque est hæc distantia: alterum vero manifestum, quòd si alij non inest priori, vt ipsi D, hoc oportebit ipsi B omni inesse: & si rursus alij priori ipso D non inest, illud oportebit ipsi D omni inesse: quare

* *al. l. quæ deorsum est via stat, & quæ sursum stabit* quare quoniam,* quæ sursum est, via stat, & quæ deorsum stabit, & erit aliquid primo, cui non inest. Rursus si B quidem omni A: ipsi vero C nulli: ipsi A eorum, quæ C, nulli inest. Rursus hoc si oportet monstrare, planum quòd aut per superiorem modum monstrabitur, aut per hunc, aut tertium. Primus igitur dictus fuit: secundus vero monstrabitur. Sic autem utique monstraret, ut quòd D ipsi quidem B omni inest, si vero C nulli, si necesse est inesse aliquid ipsi B. Et rursus, si hoc ipsi C non inest, aliud ipsi D inest, quod ipsi C non inest: igitur quoniam inesse semper superiori stat, stabit & non inesse.

Tertius vero modus fuerat, si A quidem B omni inest, ipsum vero C non inest, non omni inest C, cui A. Rursus verò hoc, aut per superius dicta, aut similiter monstrabitur. Illo quidem itaque modo statur. Sin autem sic, iterum accipietur B inesse ipsi E, cui ipsum C, non omni inest, & hoc rursus consimiliter. Quoniam autem suppositum est stari & deorsum, planum quòd stabit, & C non inexistens.

Manifestum autem quòd, & si non vna via monstretur, sed omnibus, aliquando quidem ex prima figura, aliquando autem ex secunda, aut tertia, quòd & sic stabitur: finitæ enim sunt viæ: finita autem finities, necesse est, finita esse omnia. Quòd igitur in priuatione si quidem & in eo quod est inesse, statur, manifestum.

Text. 35.

Quod autem in illis, logice quidem speculantibus ita manifestum. In iis quidem igitur quæ in eo, quòd quid est prædicantur, planum: si enim est definire, aut cognoscibile ipsum quod quid erat esse, infinita vero non est pertransire, necesse est terminata esse, quæ in eo, quòd

quòd quid est prædicantur. Vniuersaliter autem sic dicimus: est enim dicere vere, album ambulare, & magnum illud lignum esse, & rursum lignum magnum esse, & hominem ambulare: sed alterum est ita dicere, & illo modo. quando enim album esse dixerò lignum, tunc dico, quòd cui accidit vt sit album, lignum est, sed non tanquam subiectum ligno album est: neque etenim album existens, neque quod est album aliquid, factum fuit lignum: quare non est nisi secundum accidens: quando autem lignum album esse dixerò, non quòd alterum quid est album, illi vero contigit lignum esse. veluti quando musicum album esse dixerò: tunc enim quòd homo albus est, cui contigit esse musicum, dico: sed lignum est. subiectum, quod quidem & erat non alterum quid existens, quàm quod lignum, aut lignum quoddam. si itaque oportet nomina ponere, sit quidem ita dicere prædicare illo vero modo, aut nequaquam prædicare, aut prædicare quidem non simpliciter, secundum accidens autem prædicare: est autem, vt quidem album, quod prædicatur, vt vero lignum illud, de quo prædicatur. supponatur itaque prædicatum prædicari semper de quo prædicatur simpliciter, sed non secundum accidens: sic enim demonstrationes demonstrant. quare aut in eo quod quid est, aut quod quale, aut quantum, aut ad aliquid, aut faciens, aut patiens, aut vbi, aut quando, cum vnum de vno prædicatum fuerit. Amplius substantiam quidem significantia, quod illud, aut quod illud aliquid significant, de quo prædicantur. quæcunque vero non substantiam significant, sed de alio subiecto dicuntur, quod non est, neque quod

* Io. Grā.
inquit q
τρεῖς μὲν
τα vocan-
tur præcan-
tus cythare
dori quos
inarticula-
te canūt vt
experiat
dissonantiā
chordarū:
si secundum
conuenientē
melodie ra-
tionē exten-
se sunt. vel
alias pertre-
ctationes ci-
tharedori
inarticula-
ta experie-
tia gratia,
dissonantie
chordarū
facte.

* Argirop.
addit: aut
vt accidēs.

quod illud, neque quod illud aliquid, acciden-
tia. quemadmodum de homine album. nō enim
est homo, neque quod album, neque quod al-
bum quid, sed animal fortasse, quod quidem
enim animal est, homo est. Quæcunque vero
non substantiam significant, oportet de aliquo
subiecto prædicari, & non esse aliquid album,
quod non alterum quid existens album est. Spe-
cies enim valeant, nanque & * teretismata sunt,
& si sunt, nihil ad sermonem sunt, demonstra-
tiones enim de talibus sunt. Amplius si non est
hoc huius qualitas, & illud huius, neque qua-
litatis qualitas, impossibile est mutuo prædica-
ri sic, sed verum quidem dicere contingit, mu-
tuo autem prædicari vere non contingit.

Aut enim vt substantia * prædicabitur, veluti
si genus existens, aut differentia prædicati. Hæc
autem monstrata sunt, quod non erunt infinita,
neque deorsum, neque sursum, vt homo bipes,
hoc animal, hoc autem alterum, neque animal
de homine, hoc autem de Callia in eo quod est
quid, substantiam enim omnem est definire ta-
lem, infinita vero non est pertransire intelli-
gentem, quare neque sursum, neque deorsum
infinita. illam nanque non est definire, de qua
infinita prædicantur. sic itaque genera inter se
non retrouersum prædicabuntur, erit enim ipsum
quod ipsum aliquid est.

Neque utique qualis, aut aliorum nullum, si
non secundum accidens prædicatum fuerit: om-
nia enim hæc accidunt, & de substantiis præ-
dicantur: sed certe neque sursum infinita erunt,
de vnoquoque nanque prædicatur, quod utique
significat, aut quale quid, aut quantum quid,
aut de talibus, aut quæ in substantia: hæc au-
tem

tem determinata sunt, & genera prædicamentorum determinata sunt: aut enim quale, aut quantum, aut ad aliquid, aut faciens, aut patiens, aut ubi, aut quando. Suppositum autem fuit vnum de vno prædicari: ipsa vero de ipsis, quæcunque non quid sunt, non prædicari, accidentia nanque sunt omnia: sed hæc quidem per se, illa autem secundum alterum modum: hæc autem omnia de subiecto aliquo prædicari dicimus, accidens autem non esse subiectum aliquid, nihil enim talium ponimus esse, quod non alterum quid existens dicitur, sed ipsum aliis, & alia quædam de alio. Neque sursum itaque vnum de vno, neque deorsum inesse dicitur. de quibus enim dicuntur accidentia, quæcunque insunt in substantia vniuscuiusque, hæc infinita non sunt, sursum autem & ipsa quoque accidentia vtraque non infinita sunt. Necesse est igitur esse aliquid, de quo primum aliquid prædicatur, & de hoc aliud & hoc stare, & esse aliquid, quod non amplius neque de alio priori, neque de illo aliud prius prædicatur. Vnus igitur modus dicitur demonstrationis hic.

Amplius autem alius est, si de quibus priora aliqua prædicantur, est horum demonstratio, quorum autem est demonstratio neque melius euenit se habere ad ipsa, quam scire, neque scire sine demonstratione: si autem hoc per hæc notum, hæc autem non nouimus, neque melius nos habemus ad ipsa quàm scire, neque quod per hæc notum sciemus. Si igitur est aliquid scire per demonstrationem simpliciter & non ex quibusdam, neque ex suppositione, necesse est stare prædicationes intermedias: si enim non stant, sed est semper acceptio ad superius, omnium

omnium erit demonstratio : quare , si infinita non euenit pertransire , quorum est demonstratio , hæc non sciemus per demonstrationem. si igitur neque melius nos habemus ad ipsa , quàm scire , non erit aliquid scire per demonstrationem simpliciter , sed ex suppositione.

Tex. 36.

Logice igitur ex his quidem aliquis crederet de eo , quod dictum est : resolutorie vero per hæc manifestum breuius , quòd neque sursum , neque deorsum infinita prædicata contingit esse in demonstratiuis scientiis , de quibus consideratio est. demonstratio nanque eorum est , quæcunque per se insunt rebus. per se vero dupliciter sunt. quæcunque etenim in illis insunt in eo , quod quid est , & quibus ipsa in eo , quod quid est inexistentibus ipsis. vt in numero impar , quod inest quidem numero , inest autem ipsi numerus in ratione ipsius : & rursus multitudo , aut diuisibile in ratione numeri inest : horum autem neutra contingit infinita esse , neque vt impar numeri : iterum enim in impari aliud esset , cui inerat existenti , hoc autem si sit primum numerus inerit inexistentibus ipsi. Si igitur non contingit infinita talia esse in vno , neque sursum erunt infinita : sed necesse vtique omnia inesse ipsi primo , vt numero , & illis numerum : quare conuertentia erunt , sed non superpendentia . Neque etiam , quæcunque in eo , quod quid est insunt , neque hæc infinita sunt : neque enim esset vtique definire. Quare si prædicata quidem per se omnia dicuntur : hæc autem non infinita , starent vtique quæ sursum : quare & deorsum. si autem sic , & quæ in medio * duobus terminis semper inerunt finita : si vero hoc , planum iam , quòd necesse est demon

* al. l. duorum terminorum fuerint utique finita.

demonstrationum principia esse, & non omnium esse demonstrationem: quòd dicebamus quosdam dicere à principio. si enim sunt principia, neque omnia demonstrabilia, neque in infinitum iri potest: esse enim vtrumvis horum, nihil aliud est, quàm esse nullam distantiam immediatam, & induisibilem, sed omnes diuisibiles. intro nanque proiiciendo terminum, sed non assumendo demonstratur, quod demonstratur: quare si hoc in infinitum contingit ire, contingeret vtiq; duorum terminorum infinita in intermedio esse media: sed hoc impossibile, si stant prædicamenta sursum & deorsum. Quòd autem stant, monstratum fuit logice quidem prius, resolutorie vero nunc.

Quo pacto mediata propositiones ad immediatas deduci possint.

Caput

XVII.

Monstratis autem his, manifestum, quòd si Text. 37.
 aliquid idem duobus insit, vt A, & ipsi C
 & ipsi D: cum non prædicetur alterum de altero, aut nullo modo, aut non de omni, quòd non semper secundum commune aliquid inerit, vt æquicruri & gradato hoc, quod est duobus re-
 ctis æquales habere secundum commune ali-
 quod inest: secundum quòd enim figura quæ-
 dam inest, & non secundum quod alterum. hoc
 autem non semper ita se habet: sit enim B, se-
 cundum quod A ipsi C D inest, planum igitur
 erit, quòd & B ipsi C & D, secundum aliud com-
 mune, & illud secundum alterum: quare inter
 duos terminos infiniti vtiq; inciderent termi-
 ni: sed impossibile. secundum igitur commune
 Log. Arist. y

*al.l.imme-
diata.

*al.l.infi-
nita.

Text.38.

aliquid inesse non necessarium est semper idem pluribus, si quidem erunt * mediata interualla. In eodem tamē genere & ex iisdem indiuiduis necesse est terminos esse: siquidem ipsum commune erit ex iis, quæ per se insunt. non enim erat ex alio genere in aliud transcendere, quæ monstrantur. Manifestum autem, & quòd quando A insit B: siquidem est aliquid medium, est monstrare quòd A inest B, & elementa huius sunt hæc, & tot, quot media sunt: immediatæ nanque propositiones elementa sunt, aut omnes, aut vniuersales: si autem non est aliquod medium, non amplius est demonstratio: sed in principio via est hæc.

Consimiliter autem & si A ipsi B non inest, si quidem est aut medium, aut prius, cui non inest, est demonstratio: si autem non, non est: sed principia & elementa tot sunt, quot termini. Horum nanque propositiones principia demonstrationis sunt: & quemadmodum nonnulla principia sunt indemonstrabilia, quòd est istud hoc, & inest istud huic, ita & quod non est istud hoc, neque inest istud huic: quare hæc quidem esse aliquid, illa autem non esse aliquid, erunt principia.

Quando autem opus sit monstrare, accipiendum est, quod de B prædicatur primo, sit C, & de hoc consimiliter A, & ita semper procedenti nunquam extra ipsum propositio, neque existens accipitur in demonstrando, sed semper medium condensatur: quousque indiuisibilia fiant & vnum: est autem vnum, quando immediatum factum fuerit, & vna propositio simpliciter, quæ immediata. Et quemadmodum in aliis principium simplex, hoc autem non idem

ybiq

vbique: sed in pondere quidem mina, in cantu
 vero * dieſis, illud autem in alio: conſimiliter * dieſis. 2.
 in ſyllogiſmis ipſum vnum eſt propoſitio im- primus ſem
 mediata: in demonſtratione vero ac ſcientia ſibilis ſonus
 intellectus.

In monſtratiuis igitur ſyllogiſmis ipſius in-
 exiſtentis, nihil extra cadit: in priuatiuis vero,
 vbi quidem quod oportet ineſſe, nihil extra hoc
 cadit. vt, ſi A ipſi B per C non ineſt, ſi enim
 omni quidem B C ineſt, A vero ipſum C nulli.
 ruruſ ſi opus fuerit, quòd A C nulli ineſt, me-
 dium accipiendum eſt ipſius A & C, & ita ſem-
 per progredietur. Si autem oportuerit monſtra-
 re, quòd D ipſi E non ineſt eo quòd C D quidem
 omni ineſt, E vero nulli, aut non omni, nun-
 quam cadet extra E: hoc autem eſt, cui non
 oportet ineſſe. In tertio autem modo, neque à
 quo oportet, neque quod oportet priuare, nun-
 quam extra ibit.

*Demonſtrationem vniuerſalem particulari
 eſſe præſtantiorem.*

Caput

XVI I I.

CUm vero ſit demonſtratio, hæc quidem vni- *Text. 39.*
 uerſaliter, illa vero ſecundum partem, &
 hæc quidem prædicatiua, illa vero priuatiua,
 dubitatur vtra melior ſit: conſimiliter autem &
 de ea, quæ demonſtrare dicitur, & de ducente
 ad impoſſibile demonſtratione.

Primum igitur conſiderabimus de vniuerſali,
 & particulari: hoc autem cum declarauerimus,
 & de ea, quæ monſtrare dicitur, & ea, quæ ad
 impoſſibile, dicemus. Videretur igitur fortasſe

aliquibus ita considerantibus, eam secundum partem esse meliorem: si enim secundum quam magis scimus demonstrationem, melior est demonstratio (hæc enim est virtus demonstrationis:) magis autem scimus vnumquodque, cum ipsum sciamus secundum se, quam quando secundum aliud, vt musicum Coriscum, quando quod Coriscus musicus est, quam quando quod homo musicus est: similiter autem & in aliis. Vniuersalis autem, quod aliud non, quod ipsum contingit, monstrat: vt quod æquicrus, non quod æquicrus, sed quod triangulus, quæ vero secundum partem, quod ipsum, monstrat, si igitur melior quidem, quæ secundum ipsum, talis autem quæ secundum partem: vniuersali magis, & melior utique, quæ secundum partem est, demonstratio erit. Amplius, si vniuersale quidem non est aliquid præter singularia, demonstratio vero opinionem facit esse aliquid hoc, secundum quod demonstrat, & quandam naturam esse in entibus talem: vt trianguli præter quosdam, & figuræ præter quasdam, & numeri præter quosdam numeros: melior autem, quæ est de ente, quam quæ de non ente, & propter quam non decipietur, quam propter quam decipietur: vniuersalis autem est talis, (procedentes enim monstrant, quemadmodum de proportionato, vt quod utique fit aliquid tale, erit proportionatum,) quod neque linea, neque numerus, neque solidum, neque planum, sed præter hæc aliquid.

Si igitur vniuersalis quidem magis hæc, de ente autem minus, quam particularis, & facit opinionem falsam: peior utique esset vniuersalis, quam particularis. Et primum quidem nihil magis in vniuersali, quam in particulari altera ratio

ratio est : si enim quod duobus rectis inest, non inquantum æquicrus, sed inquantum triangulus, noscens, quod æquicrus, minus nouit inquantum ipsum, quam qui nouit, quod triangulus: & omnino si non quidem secundum quod sit triangulus postea monstrat, non erit utique demonstratio: si autē nouit vnumquodque, inquantum vnumquodque inest, magis nouit: si itaque triangulus in plus est, & eadem ratio, & non secundum æquiocationem triangulus, & inest omni triangulo hoc, quod est duos, non triangulus inquantum æquicrus; sed æquicrus inquantum triangulus habet tales angulos: quare qui vniuersaliter scit, magis nouit secundum quod inest, quam qui secundum partem: melior itaque vniuersalis, quam particularis.

Amplius siquidem esset aliqua ratio, & non æquiocatio, vniuersale utique nihil minus esset quibusdam particularibus: sed & magis, quanto incorruptibilia in illis sunt, quæ vero particularia corruptibilia magis. Præterea nulla necessitas est suspicari aliquid esse hoc præter hæc, quod vnum significat nihil magis, quam in aliis, quæcunque non aliquid significant, sed aut quale, aut ad aliquid, aut facere: si igitur est, non demonstratio causa, sed qui audit.

Amplius si demonstratio quidem est syllogismus monstratiuus causæ, & ipsius propter quid, vniuersale autem magis est causa: cui enim per se inest aliquid, hoc idem ipsi causa est, vniuersale autem primum, causa igitur vniuersale est. quare & demonstratio melior: magis enim causæ & ipsius propter quid, est.

Præterea vsque ad hoc quærimus propter quid; & tunc opinamur scire, quando non sit

aliquid aliud quàm hoc aut factum, aut existens: finis enim & terminus ipsum extremum iam sic est. Ut cuius gratia venit? ut accipiat argentum: hoc autem? ut reddat, cui debet: hoc autem? ne iniustitiam committat, & ita procedentes, quando non amplius est propter aliud neque alterius causa, propter hoc, sicut finem dicimus venisse, & esse, & fieri, & tunc cognoscere maxime propter quid venit, si autem similiter se habet in omnibus causis, & iis, quæ sunt propter quid, in iis vero, quæcunque sunt causæ sic, sicut, cuius causa, sic nouimus maxime & in aliis: igitur tunc maxime scimus, quando non amplius insit hoc, quoniam est aliud. quando igitur cognoscimus, quòd quatuor exteriores sunt æquales, quoniam æquicrus, adhuc deficit, propter quid æquicrus? quoniam triangulus: & hoc, quoniam figura rectilinea, si autem hoc, non amplius propter aliud erit, tunc maxime scimus, & vniuersale est tunc, vniuersalis igitur melior est. Amplius quæcunque magis particularia sunt, in infinita incidunt, vniuersalia vero in simplex & terminum: sunt autem in quantum infinita quidem non scibilia, in quantum autem finiuntur scibilia: in quantum igitur vniuersalia magis scibilia, quàm in quantum particularia. demonstrabilia igitur magis, quæ vniuersalia sunt, demonstrabilium vero magis, magis est demonstratio, simul enim magis quæ ad aliquid existunt: melior itaque est vniuersalis, quoniam & magis est demonstratio.

Amplius si eligibilior sit illa, secundum quam hoc & aliud, quàm illa, secundum quam hoc solum nouit: qui vero vniuersalem habet, nouit & quod secundum partem, hic autem vniuersa

uersale non nouit: quare & sic vtique eligibilior erit. Amplius autem sic: vniuersale enim magis scire est eo quòd monstratur per medium quod est proximus principio; valde autem proximum est immediatum, hoc vero principium. Si igitur quæ ex principio est ea, quæ non ex principio, aut quæ magis ex principio est ea, quæ minus certior est demonstratio, est autem talis, quæ vniuersalior, melior vtique esset vniuersalis: veluti si oporteret demonstrare A de D per media, in quibus B C: superius itaque B est. quare quæ per hoc vniuersalior est.

Sed ex iis, quæ dicta sunt, nonnulla logica sunt: maxime autem manifestum, quòd vniuersalis est potior: quoniam propositionum priorem quidem habentes, nouimus quodammodo & posteriorem & habemus potentia, vt si quis nouit, quod omnis triangulus habet tres duobus rectis æquales, nouit quodammodo & æquicrurem, quòd duobus rectis est potentia: & si non nouit æquicrurem, quòd triangulus sit: qui vero hanc habet propositionem, vniuersalem nullo modo nouit, neque potentia, neque actu. Et vniuersalis quidem intelligibilis est, sed particularis in sensum definit. Quòd igitur vniuersalis melior ea, quæ secundum partem, tot nobis dicta sint.

*Demonstrationem affirmatiuam negatiua
digniore esse: atque ad scientiam
magis idoneam.*

Cap.

X I X.

QUòd autem monstratiua sit dignior priua. Text. 40.
tiua hinc manifestum. sit enim hæc de.

* *al. l. B C.*

monstratio melior (aliis eisdem existentibus) quæ est ex paucioribus petitionibus, aut suppositionibus, aut propositionibus. si enim notæ similiter sunt, celerius cognoscere per has inerit: hoc autem eligibilius est. Ratio autem propositionis, quod melior, quæ ex minoribus, vniuersaliter hæc est: si enim consimiliter esset hoc, quod est, nota esse media, priora notiora essent. Sit demonstratio quidem per media *B C D*, quod *A* ipsi *E* inest: quæ vero per * *F G*, quod *A* ipsi *D*. Consimiliter itaque se habet, quod *A* ipsi *D* inest, & *A* ipsi *E*, quod *A* inest ipsi *D* prius & notius est, quàm quod *A* ipsi *E*, per hoc enim illud demonstratur: credibilius autem est id, quod est per quod. igitur demonstratio, quæ per pauciora, est melior aliis eisdem existentibus: ambæ igitur & per terminos tres & propositiones duas monstrant: sed hæc quidem esse aliquid accipit, illa vero & esse & non esse aliquid, per plura igitur, quare & peior est. Præterea quoniam monstratum fuit, quod impossibile est, ut utrisque existentibus priuatiuis propositionibus fiat syllogismus, sed hanc quidem oportet talem esse, illam vero, quod inest. Amplius ad hoc oportet hoc accipere, prædicatiuas enim (aucta demonstratione) necessarium est fieri plures, priuatiuas vero impossibile est plures esse vna in omni syllogismo. Sitenim nulli inexistens ipsum *A* in quot ipsum *B*, *C* vero omni inexistens ipsum *B*, si vero oporteat rursus augere utrasque propositiones, medium iniiciendum, ipsius quidem *A B* sit *D*, ipsius vero *B C*, *E*: *E* quidem igitur manifestum, quod est prædicatiuum, *D* vero de *B* quidem prædicatiuum, ad *A* ve-

ro ut priuatiuum ponitur: D enim de omni B, A autem nulli oportet eorum, quæ D inesse: fit igitur vna priuatiua propositio, quæ est A D. Idem vero modus & in aliis syllogismis, semper enim medium prædicatiuorum terminorum, prædicatiuum in vtraque, priuatiui autem in altera priuatiuum necessarium est esse: quare hæc vna talis fit propositio, aliæ vero prædicatiuæ. Si igitur notius per quod monstratur & credibilis: monstratur autem priuatiua quidem per prædicatiuam: hoc autem per illam non monstratur: prior igitur & notior existens & credibilior melior vtique erit. Amplius, si principium syllogismi est vniuersalis propositio immediata: est autem in monstratiua quidem affirmatiua, in priuatiua vero negatiua vniuersalis propositio, affirmatiua autem negatiua prior & notior, propter namque affirmationem negatio nota. Et prior affirmatio, quemadmodum & ipsum esse ipso non esse: quare melius principium monstratiuæ quàm priuatiuæ, quæ vero melioribus principiis vtitur, melior est. Amplius principalior, sine enim monstrante non est priuatiua.

*Demonstrationem ostensiuam illa,
quæ ducit ad incommodum,
potiorem esse.*

Cap.

X X.

Quoniam vero prædicatiua priuatiua melior est, planum quod & ad impossibile ducente. oportet autem scire, quæ est differentia ipsarum. sit itaque A Thexistens nulli B, ipsi vero C omni ipsum B: necesse vtique eorum,

Text. 41.

quæ C, nulli inesse ipsum A. Sic igitur acceptis, ostensiva utique priuatiua esset demonstratio, quòd A ipsi C non inest: quæ vero ad impossibile ita se habet, si oporteat monstrare, quòd A ipsi B non inest, accipiendum est A inesse ipsi B, & B ipsi C: quare contingit A ipsi C inesse. Hoc autem sit notum & confessum, quòd impossibile: non igitur potest A ipsi B inesse, si igitur B ipsi C confessum est inesse, A ipsi B impossibile est inesse: termini igitur consimiliter ordinantur. Differt autem utra sit notior propositio priuatiua, utrum quòd A ipsi B non inest, an quòd A ipsi C: cum igitur conclusio est notior, quòd non est quæ ad impossibile sit demonstratio, cum autem in syllogismo sit, demonstratiua est. natura autem prior est, quòd A ipsi B, quàm quòd A ipsi C inest: priora enim sunt conclusione, ex quibus est conclusio, est autem A ipsi C non inesse, conclusio, A vero ipsi B, ex quo est conclusio.

Non enim si contingit ablatum esse aliquid, hoc est conclusio, illa vero ex quibus sunt, sed hoc quidem est, ex quo syllogismus est, qui utique sic se habet, ut aut totius ad partem, aut partis ad totum habeat rationem: sed A C, & A B propositiones non se habent ita inter se. si igitur quæ ex notioribus & prioribus melior: sunt autem ambæ ex eo, quòd non sit aliquid, credibiles, sed hæc quidem ex priori, illa vero ex posteriori: melior simpliciter utique erit priuatiua demonstratio ea, quæ est ad impossibile, quare & quæ hac melior prædicatiua, est manifestum, quòd & ea, quæ ad impossibile est melior.

*Quæ scientia certior ac prior sit : quæ una,
quæne diuersa inter se scientiæ sint. Et
quòd eiusdem plures esse demon-
strationes possint.*

Cap.

X X I.

Scientia autem est certior & prior scientia, quæ Text. 42.
Sipius quòd, & propter quid est eadem, sed non
ea, quæ seorsum ipsius quòd ab ea, quæ propter
quid : & quæ non de subiecto est ea, quæ de sub-
iecto vt Arithmetica Harmonica: & quæ ex pau-
cioribus ea, quæ est ex appositione, vt Arithme-
tica Geometria. dico autem ex appositione, vt
vnitas est substantia sine positione, punctus vero
substantia cum positione, hoc autem ex apposi-
tione. Vna autem scientia est, quæ est vnus Text. 43.
generis, quæcunque ex primis componuntur, &
partes sunt, aut passionēs horum per se. Altera ve-
ro scientia est ab altera, quarumcunque princi-
pia, neque ex iisdem, neque alteræ ex alteris sunt.
huius autem signum, cum ad indemonstrabilia
venerit. oportet enim ipsa in eodem genere es-
se cum his, quæ demonstrantur : signum autem
& huius, cum ea, quæ monstrantur per ipsa, in
eodem genere sint, & cognata.

Plures autem demonstrationes esse eiusdem
euenit, non solum ex eadem coordinatione ac-
cipiendi non continuum medium, (vt eorum,
quæ A B, C & D & E) sed & ex altera, vt
sit A transmutari, in quo autem D moueri,
ipsum verò B latari, & rursus E quiescere.
Verum est igitur & D de B, & A de D præ-
dicari: nam quòd latatur mouetur, & quòd mo-
uetur transmutatur: rursus A de E, & E de B
verum prædicari: quare per altera media, & non

ex

ex eadem coordinatione syllogismus est, non tamen, ut neutrum de neutro dicatur mediorum: necesse est enim eidem alicui ambo inesse. Considerandum autem est & per alias figuras, quot modis contingit eiusdem fieri syllogismus.

Eorum quæ fortuna eueniunt, quæque in sensuum functione sunt, non esse scientiam. Cap. XXII.

Eius vero, quod à fortuna, non est scientia per demonstrationem: neque enim ut necessarium, neque tanquam ut plurimum est, quod est à fortuna, sed quod præter hæc fit. Demonstratio autem est alterius horum: omnis enim syllogismus, aut per necessarias, aut per eas, quæ ut plurimum propositiones conficitur: & si propositiones quidem sunt necessariae, & conclusio erit necessaria, si vero ut plurimum, & conclusio talis. Quare si id, quod est à fortuna, neque ut plurimum est, neque necessarium, non esset utique ipsius demonstratio. Neque per sensum est scire. si enim est sensus huius, & non huius cuiusdam, sed sentire necessarium est hoc aliquid & alicubi & nunc, vniuersale vero, quod est in omnibus, impossibile est sentire: non enim est hoc, neque nunc, neque enim esset utique vniuersale: quod enim semper & ubique vniuersale esse dicimus. Quoniam igitur demonstrationes quidem vniuersales sunt, hæc autem non est sentire, manifestum est, quod neque scire per sensum est. Sed planum quod & si esset sentire triangulum, quod duobus rectis æquales habet angulos, quaereremus utique demonstrationem, & non quemadmodum dicunt nonnulli, sciremus: sentire quidem enim necesse est singulare, scientia vero est in cognoscendo vni

vniuersale. Quare & si supra lunam essemus, & videremus obiectam terram, non vtique sciremus causam defectus, sentiremus enim nunc quòd deficit, & non propter quid omnino, non enim erat sensus ipsius vniuersalis, sed ex eo, quòd speculamur hoc plerunque contingere, vniuersale vtique venati demonstrationem habemus: ex singularibus enim pluribus vniuersale manifestum est.

Vniuersale autem honoratum est, quoniam significat causam. quare de talibus vniuersalis notitia honoratior est sensibus, & intellectione, quorumcunque altera est causa: sed de primis est alia ratio. Manifestum igitur est, quòd impossibile est, sentiendo aliquid scire demonstratiuorum, nisi quispiam sentire hoc dicat, scientiam habere per demonstrationem: sunt tamen nonnulla, quæ referuntur in sensus defectum in problematibus, quædam enim, si videremus, non vtique quæreremus, sed non tanquam scientes, eo quòd videmus, sed vt habentes vniuersale ex eo, quòd videmus: quemadmodum si vitrum perforatum videremus, & lumen permeans, planum vtique esset, & propter quid * comburit, & ex eo planè, quia videremus fieri seorsum in vnoquoque, intelligeremus simul, quod in omnibus sic est.

* al. l. illuminat.

Non omnium syllogismorum eadem esse principia posse. Cap. XXIII.

EAdem vero principia omnium esse syllogismorum impossibile, primum quidem logice considerantibus: hi quidem enim veri sunt syllogismorum, illi autem falsi: quanquàm enim liceat verum ex falsis syllogizare, sed semel hoc fit. veluti si A de C verum, medium autem B falsum

falsum: neque enim A ipsi B inest, neque B ipsi C: sed si harum media accepta fuerint propositionum falsę erunt propositiones, eo quod omnis conclusio falsa ex falsis est, vera autem ex veris, altera autem sunt falsa & vera.

Postea neque falsa ex eisdem sibi ipsis: est enim falsa adinuicem & contraria & impossibilia simul esse, veluti iustitiam esse iniustitiam, aut timorem, * & hominem equum, aut bouem, & æquale, aut maius, aut minus.

* al. l. addit
audaciam

Ex positis vero sic, neque enim verorum eadem principia omnium, altera enim multorum genere sunt principia, & neque convenientia, quemadmodum unitates punctis non conueniunt, illę enim non habent positionem, hæc autem habent. Necesse autem est, aut in media conuenire, aut sursum, aut deorsum, aut hos quidem intro habere, illos autem extra terminorum.

Sed neque communium principiorum possunt esse aliqua, ex quibus omnia monstrabuntur: (dico autem communia, veluti omne affirmare, aut negare) genera enim entium altera sunt, & hæc quidem quantitativis, illa vero qualitativis insunt solis, cum quibus monstrantur per communia. Amplius principia non multo pauciora sunt conclusionibus: principia enim propositiones sunt, propositiones vero aut ipsius assumpti termini, aut iniectiones sunt. Amplius conclusiones sunt infinitę, termini vero finiti. Amplius principia hæc quidem ex necessitate, illa vero contingentia. Sic igitur considerantibus impossibile eadem esse, aut finita, infinitis existentibus conclusionibus.

* al. l. numerorum.

Si vero aliter quodammodo dicat aliquis, ut quod hæc quidem geometrię, illa vero * ratio

tlociniorum, illa autem medicinæ: quid vtrique esset, quod dicitur aliud, præterquàm quòd sunt principia scientiarum? dicere autem eadem esse, ridiculum est, quoniam hæc sibi ipsis eadem essent: sic enim omnia fiunt eadem.

Sed neque ex omnibus monstrari quodlibet idem est quærere omnium esse eadem principia, valde enim fatuum est: neque enim in manifestis doctrinis hoc fit, neque in resolutione possibile est: immediatæ nanque propositiones principia sunt, altera autem conclusio assumpta fit propositione immediata.

Si vero quispiam diceret primas immediatas propositiones eadem esse principia, vna in vnoquoque genere est, si vero neque ex omnibus, tanquàm oporteat monstrari quodcunque, neque ita altero, tanquàm sit vnaquæque scientia, altera derelinquitur, quòd cognata sint principia omnium, sed ex his quidem hæc, ex illis autem illa. Manifestum autem & hoc est, quòd non contingit, monstratum nanque fuit, quòd alia principia genere sunt differentium genere. Principia enim duplicia sunt, ex quibus, & circa quod: quæ quidem igitur ex quibus, communia sunt, quæ autem circa quod, propria, vt numerus * magnitudine.

* al. l. magnitudo.

Quòd scientia, & scibile ab opinione, & opinabili discrepent: & quid sit Solertia.

Cap.

XXIII.

S Cibile autem & scientia differunt ab opinabili & opinione, quoniam scientia quidem vniuersalis & per necessaria: (necessarium vero non

Text. 44.

non contingit aliter se habere) sunt autem non-
nulla vera quidem , quæ contingunt aliter se
habere. planum igitur , quòd circa hæc quidem
scientia non est , essent enim impossibilia aliter
se habere,possibilia aliter se habere.

Verumenimvero neque intellectus (dico
enim intellectum principium scientiæ) neque
scientia indemonstrabilis : hoc autem est acce-
ptio immediatæ propositionis . Verus autem est
intellectus, & scientia, & opinio, & quod per hæc
dicitur. quare derelinquitur opinionem esse cir-
ca verum quidem , vt falsum , contingens au-
tem , & aliter se habere , hoc autem est acce-
ptio immediatæ propositionis, & non necessariæ.

Et confessum autem est sic apparentibus,
nanque & opinio incertum est, & natura talis. Ad
hæc autem nemo putat opinari , quando existi-
met impossibile aliter se habere , sed scire , sed
quando esse quidem sic, sed tamen & aliter. nihil
prohibet tunc opinari, tanquam quòd talis opi-
nio sit. *Necessarij vero scientia est, * quomo-
do igitur est idem opinari & scire? & propter
quid non erit opinio scientia, si quis ponet , omne,
quod nouit , contingere opinari? consequetur enim hic quidem sciens , ille vero opinans
per media, quousque ad immediata venerit. quare, si quidem ille nouit , & qui opinatur nouit,
quemadmodum enim & quòd opinari est , & propter quid, hoc autem ipsum medium.*

An siquidem ita suspicabitur non contin-
gentia aliter se habere , quemadmodum se ha-
bent definitiones , per quas sunt demonstratio-
nes , non opinabitur , sed sciet. si autem vera
quidem esse , non tamen hæc utique ipsis inesse
secundum substantiam , & secundum formam,
opina

* al. l. quo-
modo igi-
tur non est.

opinabitur, & non sciet vere ipsum quod, & ipsum propter quid, si quidem per immediata opinabitur, si autem non per immediata, ipsum quod solum opinabitur. Eiusdem vero opinio, & scientia non omnino est, sed quemadmodum & falsa & vera eiusdem quodammodo sunt, ita & scientia & opinio eiusdē: etenim opinionem veram, & falsam (vt nonnulli quidem dicunt) eiusdem esse; absurda contingit erigi, & alia, & non opinari, quod opinatur falso.

Quoniam vero idem pluribus modis dicitur, est quidem vt contingit, est autem vt non: commensurabilem nanque esse diametrum vere opinari absurdum est, sed quod diameter, circa quam opiniones, idem, ita eiusdem est: quod quid autem erat esse vtique secundum rationem non est idem, consimiliter autem & scientia & opinio est eiusdem, hæc quidem enim sic animalis, vt non contingat non esse animal, illa vero vt contingat, veluti si hæc quidem quod hominis est, illa vero hominis quidem, non autem quod hominis: idem enim est, quoniam homo, hoc autem sic non idem. Manifestum autem est ex his, quod neque opinari simul idem & scire contingit, simul enim habere posset suspensionem, quod aliter se habere, & non aliter, idem esset, quod non contingit, in alio quidem enim vtrunq; esse contingit eiusdem, vt dictum est, in eodem autem non sic possibile est. habebit enim suspensionem simul vt quod homo esset, secundum quod animal: hoc enim esset non contingere esse non animal, & non secundum quod animal, hoc enim esset sic contingere.

Reliqua vero quomodo oporteat distribuere & in discursu, & intellectu, & scientia, & arte,

* *Argy. l.*
si viso pau-
pere diuitē
adēte hoc
illum pro-
pterea fice-
re, q̄ mu-
tuo argētū
accipit, in-
tellegerit.

& prudentia, & sapientia, illa quidem natura-
lis, hæc autem moralis speculationis magis
sunt. Solertia vero est bona quædam conie-
ctatio in non perspecto tempore medij, veluti
si quispiam videns, quod luna splendorem sem-
per habet ad solem, celeriter excogitauit pro-
pter quid hoc, quoniam propter id, quod splen-
descit à sole, aut * disputantem cum diuite, no-
uit, quoniam fœneratur, aut propter quid ami-
ci sunt? quoniam inimici eiusdem. Omnes enim
causas medias videns summas cognouit. Splen-
didum esse ad solem sit in quo A, splendore à
sole, in quo B, luna, C: inest itaque, lunæ
quidem ipsi C ipsum B splendere à so-
le: ipsi autem B ipsum A ad hoc es-
se splendidum, à quo splen-
det: quare & ipsi C
inest ipsum A

per B.

*

ARIS.





ARISTOTELIS POSTERIORVM

RESOLVTORIO- RVM

LIBER SECVNDVS.

SVMMA LIBRI.

De quatuor medijs quasitis, si est, quid est, quod seu quia est, & propter quid. Quomodo quid est monstretur, ac ad demonstrationem se habeat. Definitionem esse per causam. De diuisione causarum, & quæ mutuo concurrant, & quæ non, & quomodo illarum possit esse demonstratio. De compositione definitionis ex suis partibus, & quando sunt ignota quo pacto veniuntur. Pariter quomodo causa veniuntur. Postremo de cognitione, ac differentia principiorum indemonstrabilium.

In disciplinis quatuor quæri solent, & hæc omnia medijs quasita sunt: Et quid sit huius libri propositum.

Caput

I.



Væ quærentur sunt æqualia numero iis, quæcunque scimus. quærimus autem quatuor, quod, propter quid, si est, quid est. cum enim vtrum hoc, aut hoc insit, quærimus in numerum ponentes: velut vtrum deficit Sol, aut non ipsum quod

Text. 1.

quærimus. Signum autem huius, cum enim inuenimus quòd deficit, cessauimus, & si à principio sciremus, quòd deficit, non quæreremus utrum. cum autem scimus ipsum quòd, tunc ipsum propter quid quærimus, ut scientes, quòd deficit, & quòd mouetur terra, propter quid deficit, aut propter quid mouetur, quærimus hæc quidem sic. Nonnulla vero alio modo quærimus, ut si est, aut non est centaurus, aut Deus. Si autem est aut non, simpliciter dico, sed non, si albus est, aut non. Cum vero cognouerimus quòd est, quid est quærimus, ut quid igitur est Deus, aut quid est homo? Quæ quidem igitur quærimus, & quæ cum inuenimus scimus, hæc & tot sunt. Quærimus autem, cum quærimus quòd, aut si est simpliciter, an est medium ipsius aut non est? quando autem cognoscentes, aut quòd, aut si est, aut quòd in parte, aut simpliciter, rursus ipsum propter quid quærimus, aut quid est, & tunc quærimus quid est medium.

Dico autem quòd, aut si est in parte, & simpliciter, in parte quidem, an deficit Luna, aut augetur? si enim est aliquid, aut non est aliquid in talibus quærimus, simpliciter vero si est, aut non est Luna, aut nox.

Contingit itaque in omnibus quæstionibus quærere aut si est medium, aut quid est medium, causa enim est medium: in omnibus nanque hoc quæritur, an ne deficit? an ne est aliqua causa, aut non? post hæc, cum cognouerimus, quæ est aliqua, quid igitur est hæc quærimus.

Causa enim est quòd sit non hoc, aut illud, sed simpliciter substantia, aut non simpliciter, sed aliquid eorum, quæ per se, aut secundum accedens sunt, medium est. dico autem simplici-
citer

citer quidem subiectum, ut Lunam, aut terram, aut Solem, aut triangulum, ipsum vero quid defectum, æqualitatem, inæqualitatem, si in medio, aut non: in omnibus nanque his manifestum est, quod idem est quid est, & propter quid est. Quid est defectus? priuatio luminis à Luna propter terræ obstructionem, propter quid est defectus? aut propter quid deficit Luna? eò quòd deficit lumen terra obstructa. Quid est consonantia? ratio numerorum in acuto & graui. propter quid consonat acutum graui? eo quòd rationem habent numerorum acutum & graue, nunquid est consonare acutum & graue? nunquid est in numeris ratio ipsorum? cum autem acceperimus, quòd est, quæ igitur est ratio, quærimus. Quòd autem est medij quæstio, significant, quorumcunque medium est sensibile: quærimus enim cum non sensimus, veluti de eclipsi si est, aut non: si vero essemus supra Lunam, non utique quæreremus neque si sit, neque propter quid, sed simul utique manifestum esset: ex eo enim quod sentitur, & vniuersale nobis factum est scire, sensus nanque est, quòd nunc obstruitur, manifestum enim est quòd nunc deficit: ex hoc autem factum utique fuit vniuersale. Quemadmodum igitur dicimus, quid est scire, idem est, & propter quid est, hoc vero simpliciter & non in existentium alicui, aut in existentium, ut quòd duo recti sunt, aut quòd maius, aut minus est. Quòd igitur omnia, quæ quærentur, est medij quæstio, planum. Quomodo autem quòd quid est monstratur, & quis modus reductionis, & quid est definitio, & quorum, dicamus, cum dubitauerimus primo de ipsis.

Disceptatio, quòd demonstratio, & definitio non sint eiusdem.

Caput

II.

Text. 2.

P Rincipium vero sit futurorum, quod est conuenientissimum habitis sermonibus. Dubitare enim quispiam posset, an' ne est idem & secundum idem definitione scire & demonstratione? An impossibile: definitio nanque ipsius quid est esse videtur, quid est autem omne, vniuersale & prædicatiuum: syllogismi vero sunt, hi quidem priuatiui, illi autem non vniuersales: veluti qui quidem in secunda figura, priuatiui omnes, qui vero in tertia, non vniuersales.

Postea neque prædicatiuorum omnium, qui sunt in prima figura, est definitio, vt quòd omnis triangulus duobus rectis æquales habet. Huius autem ratio, quoniam scire, est demonstratiue demonstrationem habere: quare, si in talibus est demonstratio, planum quòd non esset utique ipsorum & definitio: scire enim posset aliquis & secundum definitionem non habens demonstrationem, nihil enim prohibet non simul habere. Sufficiens autem est fides & ex inductione, nihil enim vnquam definientes nouimus, neque eorum, quæ per se insunt, neque accidentium. Amplius si definitio, substantiæ quædam cognitio est, talia manifestum quòd non sunt substantiæ. Quòd igitur non est definitio omnis, cuius & demonstratio, planum. Quid autem cuius est definitio, an' ne omnis est demonstratio, aut non? Vna quidem ratio, & de hoc eadem: vnius enim in quantum vnum, vna est scientia, quare si quidem scire demonstratiuum est demonstrationem habere, contin-

get

get aliquid impossibile, definitionem nanque habens sine demonstratione sciet. Amplius principia demonstrationum sunt definitiones, quorum non esse demonstrationes monstratum est prius, aut erunt principia demonstrabilia, & principiorum principia, & hoc in infinitū prodibit, aut primæ definitiones erunt indemonstrabiles. Sed an'ne non omnis eiusdem, sed alicuius eiusdem est definitio & demonstratio, an impossibile sit? non enim est demonstratio cuius definitio, definitio nanque ipsius quid est & substantiæ, definitiones vero apparent omnes supponentes & accipientes ipsum quid est, vt Mathematicæ, quid unitas & impar, & aliæ consimiliter. Amplius omnis demonstratio aliquid de aliquo monstrat, vt quod est, aut non est, in definitione vero nihil alterum de altero prædicatur. quemadmodum, neque animal de bipede, neque hoc de animali, neque vtique de plano figura, non enim est planum figura, neque figura planum. Amplius alterum est quid est, & quòd est monstrare, definitio nanque quid est significat, demonstratio autem, quòd aut est hoc de hoc, aut non est.

Alterius vero altera demonstratio, nisi tanquam pars sit aliqua totius (hoc autem dico, quoniam monstratum est, æquicrus duobus rectis æquales habere, si omnis triangulus monstratus fuit) pars enim hoc, illud vero totum est: hæc autem ad se inuicem non habent sic ipsum quod est, & quid est, non enim est alterius alterum pars.

Manifestum igitur quòd neque cuius definitio, huius omnis demonstratio: neque cuius demonstratio, huius omnis definitio: quare omni-

no eiusdem nullius contingit ambo habere. Manifestum igitur est, quòd neque definitio & demonstratio, neque idem esse possunt, neque alterum in altero, subiecta etenim consimiliter utrique se haberent. Hæc itaque hucusque dubitata sint.

Syllogismo duplicante, similiter & per diuisionem confecto, non demonstrari quid est, de eo cuius est.

Caput

III.

Text. 3.

Ipsi vero quid est, est ne syllogismus & demonstratio, aut non est, quemadmodum nunc ratio supposuit: syllogismus enim aliquid de aliquo moustrat per medium, ipsum vero quid est, & proprium est, & in eo quòd quid est prædicatur, hæc autem necesse est conuerti. Si enim A ipsi C proprium est, planum, quòd & ipsi B, & hoc ipsi C: quare omnia ad inuicem. veruenimvero & si A, in eo quòd quid est inest omni B, & yniuersaliter B de omni C in eo quòd quid est dicitur, necesse & A in eo quòd quid est de C dici. si vero non sic aliquis accipiet duplicans, non necesse erit A de C prædicari in eo quòd quid est: sed si A quidem de B in eo quod quid est, ipsum vero B non de quibuscunque in eo quòd quid est, ipsum autem quid est ambo eadem habebunt: erit igitur & B de C quòd quid est. si itaque ipsum quid est & ipsum quid erat esse ambo habent, in medio termino erit prius ipsum quid erat esse. Et omnino, si est monstare, quid est homo, sic C homo, A vero quid est, siue animal bipes, siue aliud quid: si itaque syllogiza

logizabitur, necesse est A de B omni prædicari, huius autem erit alia ratio media, quare & hoc erit, quid est homo: accipit igitur quod oportet monstrare, nanque & B est quid est homo. Oportet autem in duabus propositionibus, & primis & immediatis considerare, maxime enim manifestum, quod dicitur, fit: qui igitur monstrant per id, quod conuertitur, quid est anima, aut quid est homo, aut aliud quodcunque entium, quod ex principio est petunt. quemadmodum, si aliquis existimat & animam esse idem sibi ipsi causam viuendi, hoc autem numerum ipsum seipsum mouentem. necesse est enim petere animam, quod numerum esse ipsum seipsum mouentem sic, ut idem existere.

*Secundo
priorũ cap.
21.*

Non enim si A sequitur B, & hoc C, erit A quod quid erat esse ipsius C, sed verum erat dicere, erit * solum, neque si est A quod quid est, & de B prædicatur omni, hoc enim, quod est animali esse, prædicatur de eo, quod est homini esse: verum enim est omne homini esse animali esse, quemadmodum & omnem hominem animal esse, sed non sic ut vnum sit. Si igitur non sic acceperit, non syllogizabitur, quod A est ipsi C quod quid erat esse, & substantia: si vero ita acceperit, prius erit acceptum C quod quid erat esse ipsius B, quare non demonstratum fuit, hoc enim in principio accepit. Verum enim uero neque per diuisiones via syllogizat; quemadmodum in resolutione circa figuras dictum est: nusquam enim necessarium fit rem illam esse, cum hæc sint, sed quemadmodum neque inducens demonstrat, non enim oportet conclusionem interrogare, neque in eo quod datur esse, sed necesse est esse illis existen-

** Al. l. c. solum*

Text. 4.

demonstraretur diuisione, non tamen hæc definitio syllogismus efficitur.

Disceptatio. quòd ipsum quid est non monstretur definitione, neque definitione contrarij, neque alio quouis modo.

Cap.

I I I I.

SEd an ne est demonstrare ipsum quid est secundum substantiam? ex suppositione autem accipientem ipsum quidem quòd quid erat esse, hoc, quod est ex propriis in eo quòd quid est, hæc autem in eo quòd quid est sola, & proprium omne: hoc enim est esse illi. An rursus accipit quòd quid erat esse, & in hoc? necesse enim est per medium monstrare. Amplius quemadmodum neque in syllogismo accipitur quid est ipsum syllogizare, semper enim tota aut pars est propositio, ex quibus syllogismus, ita neque ipsum quod quid erat esse oportet inesse in syllogismo, sed seorsum hoc à positis esse, & ad dubitantem, si syllogizatum est, aut non hoc, occurrendum est quòd, hoc enim erat syllogismus, & ad illum, quòd, non ipsum quid erat esse syllogizatum est, quòd certe: hoc enim positum fuit nobis ipsum quòd quid erat esse: quare necesse est & sine quid est syllogismus, aut ipsius quòd quid erat esse syllogizatum fuisse aliquid. Et si ex suppositione monstret, veluti si malo inest diuisibile esse, contrario autem hoc, quod est contrarium inesse quibuscunque est aliquid contrarium: bonum autem malo est contrarium, & indiuisibile diuisibili: est igitur bono inesse indiuisibile esse.

Text. 5.

Text. 6.

Hinc etenim accipiens ipsum quid erat esse
mon

monstrat: accipit autem ad monstrandum ipsum quòd quid erat esse, alterum tamen sit: in demonstrationibus nanque quod est hoc de hoc, sed non ipsum; neque cuius eadem est ratio; & conuertitur. Ad virosque vero, & ad monstrantem secundum diuisionem, & ad sic syllogizantem, eadem est dubitatio, propter quid homo est animal bipes, pedestre, sed non animal & pedestre: ex iis enim, quæ accipiuntur, nulla necessitas est vnum fieri quod prædicatur, sed quemadmodum homo idem esset & musicus & grammaticus. Quomodo igitur definiens monstrabit substantiam, aut ipsum quid est? neque enim sicut demonstrans ex confessis esse manifestum faciet, quod necesse est illis existentibus alterum quid esse, demonstratio enim hoc est, neque sicut inducens per singularia cum manifesta sint, quòd omne sic est, eo quòd nihil aliter est: non enim quid est monstrat, sed quòd aut est, aut non est, quis igitur alius modus reliquus? non enim monstrabit utique sensu aut digito. Amplius quomodo monstrabit quòd quid est homo? necesse est enim scientem quòd quid est homo, aut aliud quodcunque, scire, & quod est. non ens enim nullus nouit quòd est, sed quid quidem significat oratio, aut nomen, cum dixerò hircocerus, quid autem est hircocerus impossibile est scire. Verum enim uero, si monstrabit quid est, & quod est, & quomodo eadem ratione monstrabit: definitio enim vnum quid significat, & demonstratio, quid autem est homo, & esse hominem, aliud est. Postea & per demonstrationem dicimus necessarium esse monstrari omne, quòd est, nisi substantia

tia sit, ipsum vero esse nulli est substantia. non enim genus est ipsum ens : demonstratio igitur erit quod est, quod & nunc faciunt scientiæ. Quid enim significat triangulum, accepit Geometra, quod autem est monstrat: quid igitur monstrabit definiens quid est, aut triangulum? sciens igitur aliquis definitione quid est, si est non sciet, sed impossibile est.

Manifestum autem & secundum modos definitionum, qui nunc sunt, quod non monstrant definiens, quod est: nam etsi est ex medio æquale, sed propter quid est ipsum definitum, & propter quid hoc est circulus quæritur. esset enim & definitione orichalci dicere esse ipsum. neque enim, quod possibile est esse quod dicitur, assignant definitiones, neque quod illud est, cuius dicunt esse definitionem, sed semper licet dicere propter quid.

Si igitur definiens monstrat aut quid est, aut quid significat nomen (si non est nullo modo ipsius quid est) esset utique definitio oratio idem quod nomen significans: sed absurdum. Primum quidem enim & non substantiarum esset utique & non entium, significare enim licet & non entia. Amplius omnes orationes definitiones utique essent: esset enim nomen ponere cuicumque orationi: quare definitiones utique disputaremus omnes, & Ilias definitio utique esset. Amplius nulla scientia demonstraret utique, quod hoc nomen quid significat, neque definitiones igitur hoc assignant. Ex his igitur neque definitio & syllogismus videtur idem ens, neque eiusdem syllogismus & definitio. Ad hæc autem, quod definitio nihil demon-

strat,

falsum: neque enim A ipsi B inest, neque B ipsi C: sed si harum media accepta fuerint propositionum falsę erunt propositiones, eo quod omnis conclusio falsa ex falsis est, vera autem ex veris, altera autem sunt falsa & vera.

Postea neque falsa ex eisdem sibiipsis: est enim falsa adinuicem & contraria & impossibilia simul esse, veluti iustitiam esse iniustitiam, aut timorem, * & hominem equum, aut bouem, & æquale, aut maius, aut minus.

* al. l. addit
audaciam

Expositis vero sic, neque enim verorum eadem principia omnium, altera enim multorum genere sunt principia, & neque conuenientia, quemadmodum vnitates punctis non conueniunt, illę enim non habent positionem, hæc autem habent. Necesse autem est, aut in media conuenire, aut sursum, aut deorsum, aut hos quidem intro habere, illos autem extra terminorum.

Sed neque communium principiorum possunt esse aliqua, ex quibus omnia monstrabuntur: (dico autem communia, veluti omne affirmare, aut negare) genera enim entium altera sunt, & hæc quidem quantitibus, illa vero qualitibus insunt solis, cum quibus monstrantur per communia. Amplius principia non multo pauciora⁹ sunt conclusionibus: principia enim propositiones sunt, propositiones vero aut ipsius assumpti termini, aut iniectiones sunt. Amplius conclusiones sunt infinitę, termini vero finiti. Amplius principia hæc quidem ex necessitate, illa vero contingentia. Sic igitur cōsiderantibus impossibile eadem esse, aut finita, infinitis existentibus conclusionibus.

* al. l. nu-
merorum.

Si vero aliter quodammodo dicat aliquis, ut quod hæc quidem geometrię, illa vero * ratio

tiociniorum, illa autem medicinæ: quid vtique esset, quod dicitur aliud, præterquàm quòd sunt principia scientiarum? dicere autem eadem esse, ridiculum est, quoniam hæc sibi ipsis eadem essent: sic enim omnia fiunt eadem.

Sed neque ex omnibus monstrari quodlibet idem est quærere omnium esse eadem principia, valde enim fatuum est: neque enim in manifestis doctrinis hoc fit, neque in resolutione possibile est: immediatæ nanque propositiones principia sunt, altera autem conclusio assumpta fit propositione immediata.

Si vero quispiam diceret primas immediatas propositiones eadem esse principia, vna in vnoquoque genere est, si vero neque ex omnibus, tanquàm oporteat monstrari quodcunque, neque ita altero, tanquàm sit vnaquæque scientia, altera derelinquitur, quòd cognata sint principia omnium, sed ex his quidem hæc, ex illis autem illa. Manifestum autem & hoc est, quòd non contingit, monstratum nanque fuit, quòd alia principia genere sunt differentium genere. Principia enim duplicia sunt, ex quibus, & circa quod: quæ quidem igitur ex quibus, communia sunt, quæ autem circa quod, propria, vt numerus
* magnitudine.

* al. l. magnitudo.

Quòd scientia, & scibile ab opinione, & opinabili discrepent: & quid sit Solertia.

Cap.

XXIII.

Scibile autem & scientia differunt ab opinabili & opinione, quoniam scientia quidem vniuersalis & per necessaria: (necessarium vero non

Text. 44.

non contingit aliter se habere) sunt autem nonnulla vera quidem , quæ contingunt aliter se habere. planum igitur , quòd circa hæc quidem scientia non est , essent enim impossibilia aliter se habere , possibilia aliter se habere.

Verumenimvero neque intellectus (dico enim intellectum principium scientiæ) neque scientia indemonstrabilis : hoc autem est acceptio immediatæ propositionis . Verus autem est intellectus , & scientia , & opinio , & quod per hæc dicitur . quare derelinquitur opinionem esse circa verum quidem , vt falsum , contingens autem , & aliter se habere , hoc autem est acceptio immediatæ propositionis , & non necessariæ .

Et confessum autem est sic apparentibus , nanque & opinio incertum est , & natura talis . Ad hæc autem nemo putat opinari , quando existimet impossibile aliter se habere , sed scire , sed quando esse quidem sic , se. l tamen & aliter . nihil prohibet tunc opinari , tanquam quòd talis opinio sit . ** al. l. quomodo igitur non est.* Necessarij vero scientia est , *** quomodo igitur est idem opinari & scire ? & propter quid non erit opinio scientia , si quis ponet , omne , quod nouit , contingere opinari ? consequetur enim hic quidem sciens , ille vero opinans per media , quousque ad immediata venerit . quare , si quidem ille nouit , & qui opinatur nouit , quemadmodum enim & quòd opinari est , & propter quid , hoc autem ipsum medium .

An siquidem ita suspicabitur non contingentia aliter se habere , quemadmodum se habent definitiones , per quas sunt demonstrationes , non opinabitur , sed sciens . si autem vera quidem esse , non tamen hæc vtique ipsis inesse secundum substantiam , & secundum formam ,
opina

opinabitur, & non sciet vere ipsum quod, & ipsum propter quid, si quidem per immediata opinabitur, si autem non per immediata, ipsum quod solum opinabitur. Eiusdem vero opinio, & scientia non omnino est, sed quemadmodum & falsa & vera eiusdem quodammodo sunt, ita & scientia & opinio eiusdem: etenim opinionem veram, & falsam (vt nonnulli quidem dicunt) eiusdem esse, absurda contingit erigi, & alia, & non opinari, quod opinatur falso.

Quoniam vero idem pluribus modis dicitur, est quidem vt contingit, est autem vt non: commensurabilem nanque esse diametrum vere opinari absurdum est, sed quod diameter, circa quam opiniones, idem, ita eiusdem est: quod quid autem erat esse utique secundum rationem non est idem, consimiliter autem & scientia & opinio est eiusdem, hæc quidem enim sic animalis, vt non contingat non esse animal, illa vero vt contingat, veluti si hæc quidem quod hominis est, illa vero hominis quidem, non autem quod hominis: idem enim est, quoniam homo, hoc autem sic non idem. Manifestum autem est ex his, quod neque opinari simul idem & scire contingit, simul enim habere posset suspensionem, quod aliter se habere; & non aliter, idem esset, quod non contingit, in alio quidem enim utrunque esse contingit eiusdem, vt dictum est, in eodem autem non sic possibile est. habebit enim suspensionem simul vt quod homo esset, secundum quod animal: hoc enim esset non contingere esse non animal, & non secundum quod animal, hoc enim esset sic contingere.

Reliqua vero quomodo oporteat distribuere & in discursu, & intellectu, & scientia, & arte,

* Argyr. l.
 si vis pau-
 pere diuitē
 adente hoc
 illum pro-
 pterea face-
 re, q̄ mu-
 tuo argētū
 accipit, in-
 tellexerit.

& prudentia, & sapientia, illa quidem natura-
 lis, hæc autem moralis speculationis magis
 sunt. Solertia vero est bona quædam conie-
 ctatio in non perspecto tempore medij, veluti
 si quispiam videns, quod luna splendorem sem-
 per habet ad Solem, celeriter excogitauit pro-
 pter quid hoc, quoniam propter id, quod splen-
 descit à sole, aut * disputantem cum diuite, no-
 uit, quoniam sceneratur, aut propter quid ami-
 ci sunt? quoniam inimici eiusdem. Omnes enim
 causas medias videns summas cognouit. Splen-
 didum esse ad solem sit in quo A, splendore à
 sole, in quo B, luna, C: inest itaque, lunæ
 quidem ipsi C ipsum B splendere à so-
 le: ipsi autem B ipsum A ad hoc ef-
 se splendidum, à quo splen-
 det: quare & ipsi C
 inest ipsum A
 per B.

ARIS.





ARISTOTELIS POSTERIORVM

RESOLVTORIO-
RVM

LIBER SECVNDVS.

SVMMA LIBRI.

De quatuor medijs quasitis, si est, quid est, quod seu quia est, & propter quid. Quomodo quid est monstratur, ac ad demonstrationem se habeat. Definitionem esse per causam. De diuisione causarum, & quæ mutuo concurrant, & quæ non, & quomodo illarum possit esse demonstratio. De compositione definitionis ex suis partibus, & quando sunt ignota quo pacto veniuntur. Pariter quomodo causa veniuntur. Postremo de cognitione, ac differentia principiorum indemonstrabilium.

In disciplinis quatuor quæri solent, & hæc omnia medijs quasita sunt: Et quid sit huius libri propositum.

Caput

I.



Væ quærentur sunt æqualia numero iis, quæcunque scimus. quærimus autem quatuor, quod, propter quid, si est, quid est. cum enim vtrum hoc, aut hoc insit, quærimus in numerum ponentes: velut vtrum deficit Sol, aut non ipsum quod

Text. 1.

quærimus. Signum autem huius, cum enim inuenimus quòd deficit, cessauimus, & si à principio sciremus, quòd deficit, non quæreremus verum. cum autem scimus ipsum quòd, tunc ipsum propter quid quærimus, vt scientes, quòd deficit, & quòd mouetur terra, propter quid deficit, aut propter quid mouetur, quærimus hæc quidem sic. Nonnulla vero alio modo quærimus, vt si est, aut non est centaurus, aut Deus. Si autem est aut non, simpliciter dico, sed non, si albus est, aut non. Cum vero cognouerimus quòd est, quid est quærimus, vt quid igitur est Deus, aut quid est homo? Quæ quidem igitur quærimus, & quæ cum inuenimus scimus, hæc & tot sunt. Quærimus autem, cum quærimus quòd, aut si est simpliciter, an est medium ipsius aut non est? quando autem cognoscentes, aut quòd, aut si est, aut quòd in parte, aut simpliciter, rursus ipsum propter quid quærimus, aut quid est, & tunc quærimus quid est medium.

Dico autem quòd, aut si est in parte, & simpliciter, in parte quidem, an deficit Luna, aut augetur? si enim est aliquid, aut non est aliquid in talibus quærimus, simpliciter vero si est, aut non est Luna, aut nox.

Contingit itaque in omnibus quæstionibus quærere aut si est medium, aut quid est medium, causa enim est medium: in omnibus nanque hoc quæritur, an ne deficit? an ne est aliqua causa, aut non? post hæc, cum cognouerimus, quod est aliqua, quid igitur est hæc quærimus.

Causa enim est quòd sit non hoc, aut illud, sed simpliciter substantia, aut non simpliciter, sed aliquid eorum, quæ per se, aut secundum accidens sunt, medium est, dico autem simpliciter

citer quidem subiectum, vt Lunam, aut terram, aut solem, aut triangulum, ipsum vero quid defectum, æqualitatem, inæqualitatem, si in medio, aut non: in omnibus nanque his manifestum est, quod idem est quid est, & propter quid est. Quid est defectus? priuatio luminis à Luna propter terræ obstructionem, propter quid est defectus? aut propter quid deficit Luna? eò quòd deficit lumen terra obstructa. Quid est consonantia? ratio numerorum in acuto & graui propter quid consonat acutum graui? eo quòd rationem habent numerorum acutum & graue, nunquid est consonare acutum & graue? nunquid est in numeris ratio ipsorum? cum autem acceperimus, quòd est, quæ igitur est ratio, querimus. Quòd autem est medij quæstio, significant, quorumcunque medium est sensibile: querimus enim cum non sensimus, veluti de eclipsi si est, aut non: si vero essemus supra Lunam, non vtique quæreremus neque si sit, neque propter quid, sed simul vtique manifestum esset: ex eo enim quod sentitur, & vniuersale nobis factum est scire, sensus nanque est, quòd nunc obstruitur, manifestum enim est quòd nunc deficit: ex hoc autem factum vtique fuit vniuersale. Quemadmodum igitur dicimus, quid est scire, idem est, & propter quid est, hoc vero simpliciter & non in existentium alicui, aut in existentium, vt quòd duo recti sunt, aut quòd maius, aut minus est. Quòd igitur omnia, quæ queruntur, est medij quæstio, planum. Quomodo autem quòd quid est monstratur, & quis modus reductionis, & quid est definitio, & quorum, dicamus, cum dubitauerimus primo de ipsis.

Disceptatio, quod demonstratio, & definitio non sint eiusdem.

Caput

II.

Text. 2.

P Rincipium vero sit futurorum, quod est conuenientissimum habitis sermonibus. Dubitare enim quispiam posset, an ne est idem & secundum ideam definitione scire & demonstratione? An impossibile: definitio nanque ipsius quid est esse videtur, quid est autem omne, vniuersale & predicatiuum: syllogismi vero sunt, hi quidem priuatiui, illi autem non vniuersales: velati qui quidem in secunda figura, priuatiui omnes, qui vero in tertia, non vniuersales.

Postea neque predicatiuorum omnium, qui sunt in prima figura, est definitio, vt quod omnis triangulus duobus rectis æquales habet. Huius autem ratio, quoniam scire, est demonstratiue demonstrationem habere: quare, si in talibus est demonstratio, planum quod non esset utique ipsorum & definitio: scire enim posset aliquis & secundum definitionem non habens demonstrationem, nihil enim prohibet non simul habere. Sufficiens autem est fides & ex inductione, nihil enim vnquam definientes nouimus, neque eorum, quæ per se insunt, neque accidentium. Amplius si definitio, substantiæ quædam cognitio est, talia manifestum quod non sunt substantiæ. Quod igitur non est definitio omnis, cuius & demonstratio, planum. Quid autem cuius est definitio, an ne omnis est demonstratio, aut non? Vna quidem ratio, & de hoc eadem: vnius enim in quantum vnum, vna est scientia, quare si quidem scire demonstratiuum est demonstrationem habere, contin-

get

get aliquid impossibile, definitionem nanque habens sine demonstratione sciet. Amplius principia demonstrationum sunt definitiones, quorum non esse demonstrationes monstratum est prius, aut erunt principia demonstrabilia, & principiorum principia; & hoc in infinitum prodibit, aut primæ definitiones erunt indemonstrabiles. Sed an'ne non omnis eiusdem, sed alicuius eiusdem est definitio & demonstratio, an impossibile sit? non enim est demonstratio cuius definitio, definitio nanque ipsius quid est & substantiæ, definitiones vero apparent omnes supponentes & accipientes ipsum quid est, ut Mathematicæ, quid unitas & impar, & aliæ consimiliter. Amplius omnis demonstratio aliquid de aliquo monstrat, ut quod est, aut non est, in definitione vero nihil alterum de altero prædicatur. quemadmodum, neque animal de bipede, neque hoc de animali, neque utique de plano figura, non enim est planum figura, neque figura planum. Amplius alterum est quid est, & quòd est monstrare, definitio nanque quid est significat, demonstratio autem, quòd aut est hoc de hoc, aut non est.

Alterius vero altera demonstratio, nisi tanquam pars sit aliqua totius (hoc autem dico, quoniam monstratum est, æquicrus duobus reëtis æquales habere, si omnis triangulus monstratus fuit) pars enim hoc, illud vero totum est: hæc autem ad se inuicem non habent sic ipsum quod est, & quid est, non enim est alterius alterum pars.

Manifestum igitur quòd neque cuius definitio, huius omnis demonstratio: neque cuius demonstratio, huius omnis definitio: quare omni-

logizabitur, necesse est A de B omni prædicari, huius autem erit alia ratio media, quare & hoc erit, quid est homo: accipit igitur quod oportet monstrare, nanque & B est quid est homo. Oportet autem in duabus propositionibus, & primis & immediatis considerare, maxime enim manifestum, quod dicitur, fit: qui igitur monstrant per id, quod conuertitur, quid est anima, aut quid est homo, aut aliud quodcunque entium, quod ex principio est petunt. quemadmodum, si aliquis existimat & animam esse idem sibiipsum causam viuendi, hoc autem numerum ipsum seipsum mouentem. necesse est enim petere animam, quod numerum esse ipsum seipsum mouentem sic, vt idem existere.

*Secundo
priorũ cap.
21.*

Non enim si A sequitur B, & hoc C, erit A quod quid erat esse ipsius C, sed verum erat dicere, erit * solum, neque si est A quod quid est, & de B prædicatur omni, hoc enim, quod est animali esse, prædicatur de eo, quod est homini esse: verum enim est omne homini esse animali esse, quemadmodum & omnem hominem animal esse, sed non sic vt vnum sit. Si igitur non sic acceperit, non syllogizabitur, quod A est ipsi C quod quid erat esse, & substantia: si vero ita acceperit, prius erit acceptum C quod quid erat esse ipsius B, quare non demonstratum fuit, hoc enim in principio accepit. Verum enim uero neque per diuisiones via syllogizat, quemadmodum in resolutione circa figuras dictum est: nusquam enim necessarium fit rem illam esse, cum hæc sint, sed quemadmodum neque inducens demonstrat, non enim oportet conclusionem interrogare, neque in eo quod datur esse, sed necesse est esse illis existen-

** Al. l. c. solum*

Text. 4.

demonstraretur diuisione, non tamen hæc definitio syllogismus efficitur.

Disceptatio. quòd ipsum quid est non monstratur definitione, neque definitione contrarij, neque alio quouis modo.

Cap.

IIII.

Sed an'ne est demonstrare ipsum quid est secundum substantiam? ex suppositione autem accipientem ipsum quidem quòd quid erat esse, hoc, quod est ex propriis in eo quòd quid est, hæc autem in eo quòd quid est sola, & proprium omne: hoc enim est esse illi. An rursus accipit quòd quid erat esse, & in hoc? necesse enim est per medium monstrare. Amplius quemadmodum neque in syllogismo accipitur quid est ipsum syllogizare, semper enim tota aut pars est propositio, ex quibus syllogismus, ita neque ipsum quod quid erat esse oportet inesse in syllogismo, sed seorsum hoc à positis esse, & ad dubitantem, si syllogizatum est, aut non hoc, occurrendum est quòd, hoc enim erat syllogismus, & ad illum, quòd, non ipsum quid erat esse syllogizatum est, quòd certe: hoc enim positum fuit nobis ipsum quòd quid erat esse: quare necesse est & sine quid est syllogismus, aut ipsius quòd quid erat esse syllogizatum fuisse aliquid. Et si ex suppositione monstret, veluti si malo inest diuisibile esse, contrario autem hoc, quod est contrarium inesse quibuscunque est aliquid contrarium: bonum autem malo est contrarium, & indiuisibile diuisibili: est igitur bono inesse indiuisibile esse.

Text. 5.

Text. 6.

Hinc etenim accipiens ipsum quid erat esse
mon

tia sit, ipsum vero esse nulli est substantia. non enim genus est ipsum ens : demonstratio igitur erit quod est, quod & nunc faciunt scientia. Quid enim significat triangulum, accepit Geometra, quod autem est monstrat: quid igitur monstrabit definiens quid est, aut triangulum? sciens igitur aliquis definitione quid est, si est non sciet, sed impossibile est.

Manifestum autem & secundum modos definitionum, qui nunc sunt, quod non monstrant definiens, quod est: nam etsi est ex medio æquale, sed propter quid est ipsum definitum, & propter quid hoc est circulus quæritur. esset enim & definitione orichalci dicere esse ipsum. neque enim, quod possibile est esse quod dicitur, assignant definitiones, neque quod illud est, cuius dicunt esse definitionem, sed semper licet dicere propter quid.

Si igitur definiens monstrat aut quid est, aut quid significat nomen (si non est nullo modo ipse quid est) esset utique definitio oratio idem quod nomen significans: sed absurdum. Primum quidem enim & non substantiarum esset utique & non entium, significare enim licet & non entia. Amplius omnes orationes definitiones utique essent: esset enim nomen ponere cuicumque orationi: quare definitiones utique disputaremus omnes, & Ilias definitio utique esset. Amplius nulla scientia demonstraret utique, quod hoc nomen quid significat, neque definitiones igitur hoc assignant. Ex his igitur neque definitio & syllogismus videtur idem ens, neque eiusdem syllogismus & definitio. Ad hæc autem, quod definitio nihil demon-

strat,

strat, neque monstrat, neque ipsum quid est, neque definitione, neque demonstratione est cognoscere.

Dissolutio disceptationis proposita, quòd ipsum quid est monstretur per aliud quid est, & quo pacto ipsius quid est sit demonstratio, & definitio.

Cap. V.

Text. 8.

Iterum autem considerandum quid horum dicitur bene, & quid non bene, & quid est definitio, & ipsius quid est nunquid quodam modo est demonstratio & definitio, aut nullo modo.

Quoniam autem est (ut diximus) idem scire quid est, & scire causam ipsius si est. Ratio autem huius, quòd est aliqua causa, & hæc aut eadem, aut alia, & si sit alia, aut demonstrabilis, aut indemonstrabilis: si igitur est alia & contingit demonstrare, necesse est medium esse causam, & in prima figura monstrari: vniuersale nanque est & prædicatiuum quod monstratur. Vnus igitur modus esset utique, qui nunc exquisitus est, per aliud ipsum quid est monstrari, ipsorum nanque quid est necesse est medium esse quid est, & propriorum proprium: quare hoc quidem monstrabit, illud vero non monstrabit ipsorum quid erat esse eidem rei.

Hic igitur modus, quòd non sit utique demonstratio, dictum est prius, sed est logicus syllogismus ipsius quid est. Quo autem modo contingit, dicamus aggredientes rursus à principio.

Quemadmodum enim propter quid querimus habentes, quòd nonnunquam vero & simul manifesta sunt, sed non prius utique propter quid possibile est cognoscere, quàm quòd,
mani

manifestum est, quòd consimiliter & ipsum quid erat esse non sine ipso quod est. impossibile est enim scire quid est ignorantes si est: ipsum vero si est, aliquando quidem secundum accidens habemus, aliquando autem habentes aliquid ipsius rei, vt tonitrum, quòd sonus est quidam nubium, & defectum, quod est priuatio quædam luminis, & hominem, quòd animal quoddam est, & animam, quòd est ipsum se ipsum mouens. quæcunque igitur secundum accidens nouimus quod sunt, necessarium est, nullo modo se habere ad ipsum quid est, neque enim quod est scimus: quærere autem quid est, non habentes quod est, nihil quærere est. De quibuscunq; autem habemus aliquid facilius: quare vt habemus, quod est, ita nos habemus & ad ipsum quid est. Quorum habemus aliquid ipsius quid est, sit primum quidem sic. defectus in quo A, Luna in quo C, obstructio terræ in quo B: vtrum igitur deficit, aut non? quærere est, an B sit, aut non? hoc autem nihil differt quærere, quam si est ratio ipsius, & si sit hoc, & illud dicimus esse. Aut vtrius contradictionis est ratio, vtrum habendi duos rectos, aut non habendi? quando autem inuenerimus simul ipsum quod, & ipsum propter quid nouimus, si per media sit: sit autem non, ipsum quod nouimus, propter quid vero non, sit igitur Luna C, defectus A in plenilunio vmbram non posse facere, nullo inter nos existente manifesto, in quo B. si igitur ipsi C inest B: quòd est, non posse vmbram facere cum nullus nostrum in medio sit, huic autem ipsum A quod est deficere, quod quidem deficit planum, propter quid autem, nondum, & quòd

* Al. l. ob-
stru&io lu-
minis.

quòd quidem defectus est, nouimus, quid vero est, non nouimus: cùm autem planum fuerit, quòd A ipsi C inest, sed propter quid inest, quærere ipsum B quidem est, vtrum obstructio, aut conuersio Lunæ, aut extinctio luminis: hoc autem est ratio alterius extremi, vt in his ipsis A, est enim defectus * obiectio terræ, quid est tonitrus? ignis extinctio in nube, propter quid tonat? eò quòd extinguitur ignis in nube, sit nubes C, tonitrus A, extinctio ignis B: ipsi vtique C nubi inest B, extinguitur enim in ipsa ignis, huic autem A sonus, & est B vtique ratio ipsius A primi extremi, si vero rursus huius aliud medium sit, ex reliquis erit rationibus.

Qualiter igitur accipitur ipsum quid est, & fit notum, dictum est. Quare syllogismus quidem ipsius quid est non fit, neque demonstratio: planum est tamen per syllogismum & per demonstrationem: quare neque sine demonstratione est cognoscere ipsum quid est, cuius est causa alia, neque est demonstratio ipsius, quemadmodum & in dubitationibus diximus.

Text. 9.

Est autem horum quidem altera quædam causa, illorum vero non est: quare planum, quòd & ipsorum quid est alia quidem immediata & principia sunt, quæ & esse & quid est supponi oportet, aut alio modo manifesta facere, quod Arithmeticus facit, etenim quid est vnitatem supponit, & quod est. Habentium autem medium, & quorum est aliqua altera causa substantiæ, est per demonstrationem, quemadmodum diximus, ostendere non ipsum quid est demonstrantes.

Definitio autem, quoniam est oratio ipsius quid est, manifestum est, quòd aliqua quidem erit

eritoratio quid significat nomen, aut oratio altera nominalis, ut quid significat quid est secundum quoddam triangulus, cuius habentes quod est, quaerimus propter quid est, difficile est autem ita accipere, quæ non nouimus quod sunt, causa vero dicta est prius difficultatis, quoniam neque si sunt, aut non, nouimus, nisi secundum accidens. Oratio autem vna dupliciter est, *Text. 10.* hæc quidem coniunctione, ut Ilias, illa vero vnum de vno significans non secundum accidens. Vna quidem definitio est definitionis, quæ dicta fuit. Alia autem est definitio oratio significans propter quid est: quare prior quidem significat quidem, monstrat autem non, posterior vero, manifestum est quod erit tanquam demonstratio ipsius quid est positione differens à demonstratione. differt enim dicere, propter quid tonat? & quid est tonitrus? dicet enim hic quidem, quoniam extinguitur ignis in nubibus. quid autem est tonitrus? sonus ignis qui extinguitur in nubibus: quare eadem oratio alio modo dicitur, & sic quidem demonstratio continua, sic autem definitio. Amplius definitio tonitrus est, sonus in nubibus, hoc autem est ipsius quid est demonstrationis conclusio, immediatum autem definitio positio est ipsius quid est indemonstrabilis. Est igitur definitio, vna quidem oratio ipsius quid est indemonstrabilis, vna vero syllogismus ipsius quid est, casu differens à demonstratione, tertia autem demonstrationis ipsius quid est conclusio. Manifestum igitur ex dictis, & quomodo est ipsius quid est demonstratio, & quomodo non est, & quorum est, & quorum non est. Amplius autem definitio quot modis dicitur, & quomodo

ipsum quid est monstratur, & quomodo non, & quorum est, & quorum non. Amplius autem ad demonstrationem quomodo se habet, & quomodo contingit eiusdem esse, & quomodo non contingit.

De causarum distinctione, & qua mutuo concurrant, & qua non. & quomodo illarum possit esse demonstratio.

Cap. VI.

Text. II.

Quoniam autem scire putamus, quando sciamus causam, causæ vero quatuor sunt, vna quidem, quod quid erat esse, vna autem, quibus existentibus necesse est hoc esse, altera vero quæ aliquid primum mouit, quarta autem, cuius causa, omnes istæ per medium monstrantur. & hoc enim quod cum sit hoc, necesse est esse, vna quidem accepta propositione; non est, duabus autem ad minimum, hoc vero est, quando vnum medium habeant: hoc igitur vno accepto, conclusionem necesse est esse. Manifestum autem & sic, propter quid est rectus in semicirculo? aut quo existente, rectus est? sit utique rectus, in quo A, dimidium duorum rectorum, in quo B, qui est in semicirculo, in quo C: quod igitur A rectus insit ipsi C ei, qui est in semicirculo, causa est ipsum B, hoc enim ipsi A æquale est, hoc autem C ipsi B, duorum nanque rectorum dimidium est: cum igitur B sit dimidium duorum rectorum, A ipsi C inest; hoc autem erat, in semicirculo rectum esse, hoc vero idem est ipsi quid erat esse, eo, quod hoc significat oratio, verumenimvero & ipsius quid erat esse, causa monstrata est media.

Propter quid autem Medorum bellum factum est

est Atheniensibus? quæ causa bellum inferendi Atheniensibus, quoniam in Sardes cum Eretrienſibus irruerunt, hoc enim primo mouit. ſit bellum, in quo A, priores irruiffe B, Athenienſes C. ineſt itaque B ipſi C, quod eſt prius irruiffe Athenienſibus: A vero ipſi B. bellum inferunt enim iis, qui prius iniuria affecere: ineſt igitur ipſi quidem B, A, quod eſt bellum inferre iis, qui prius incerpere, hoc autem ipſi C Athenienſibus, prius enim cœpere, medium igitur & hic cauſa eſt, quæ primo mouit. Quorumcunque autem cauſa ipſum gratia cuius, vt propter quid ambulat? vt ſanus fiat, propter quid domus eſt? vt conſeruetur ſupellex, illud quidem gratia conualeſcendi, hoc autem gratia conſeruandi, propter quid à prandio oportet deambulare, & gratia cuius nihil differt. deambulatio à prandio C, non ſupernatare cibaria, in quo B ſanari in quo A: inſit igitur à prandio deambulare ei, quod eſt facere non ſupernatare cibaria ad os ventris, & hoc ſalubre, videtur enim ineſſe ipſi deambulare, quod eſt C, ipſum B, quod eſt non ſupernatare cibaria: huic autem ineſt ipſum A ſalubre, quæ igitur eſt cauſa ipſi C, quòd ipſum A inſit quod eſt gratia cuius? B quod eſt non ſupernatare, hoc autem eſt veluti illius ratio: A enim ita aſſignabitur: propter quid autem B ipſi C ineſt, quoniam hoc eſt ſanari ita ſe habere.

Oportet autem tranſumere orationes, & ita *Text. 12.* magis ſingula apparebunt. Generationes vero è conuerſo hic, & in cauſis ſecundum motum: ibi enim medium oportet fieri primum, hic autem ipſum C extremum, vltimum vero ipſum cuius gratia. Conſtringit autem idem & cuius gratia

* οἷον
 proprie est
 sonare, ut
 in aqua
 candēs fer-
 rum extin-
 guitur.

esse & ex necessitate, ut per lucernam egredi lumen: ex necessitate etenim progreditur, quod minores habet partes, per maiores poros, siquidem lumen fit eo, quod pertransit, & gratia cuius, ut non offendamus. An ne ergo si esse contingit & fieri contingit? quemadmodum si tonat, cum extinguitur ignis, necesse est * stridere & strepere, ut Pythagorei dicunt, minarum gratia iis, qui sunt in tartaro, ut timeant. plurima vero talia sunt, & maxime in iis, quæ secundum naturam constituuntur & consistunt, hæc enim alicuius gratia facit ipsa natura, illa vero ex necessitate, necessitas autem duplex, hæc quidem enim secundum naturam & appetitum, illa autem vi, quæ præter appetitum est, quemadmodum lapis ex necessitate, & sursum & deorsum fertur sed non propter eandem necessitatem.

In iis vero, quæ à discursu, nonnulla quidem nunquam à casu sunt, ut domus, aut statua, neque ex necessitate, sed alicuius gratia, quædam vero & à fortuna, ut sanitas & salus: maxime autem in quibuscunque contingit & sic, & aliter, quando non à fortuna generatio fit: quare finis, quod est bonum, gratia alicuius fit aut natura, aut arte: à fortuna vero nihil gratia alicuius fit.

Quo pacto ipsum propter quid differat in his, quæ sunt simul, aut non simul, per circulum, aut non per circulum, semper, aut frequenter.

Cap. VII.

EAdem autem causa est iis, quæ sunt, & factis, & futuris, quæ est & iis quæ sunt: medium

dium enim est causa, præterquam quòd iis quidem quæ sunt, quæ est, iis vero, quæ fiunt, quæ fit, factis autem facta, & futuris futura, ut propter quid factus fuit defectus, quoniam facta fuit terra in medio, fit autem, quoniam fit, erit vero, quoniam erit in medio, est autem, quoniam est. Quid est crystallus? accipiatur utique, quòd est aqua congelata, aqua in quo C, congelatum in quo A, causa mediæ in quo B, defectus calidi omnino: inest itaque B ipsi C, huic autem congelatum esse, quod est in quo A, fit autem crystallus, cum fit B, factum est autem factò, erit autem futuro: sic igitur est causa, & cuius causa simul fiunt, quando fiunt, & sunt, quando sunt, & in eo quod factum fuit, & in futuro consimiliter. In iis vero, quæ non simul sunt, an ne sunt in continuo tempore? quemadmodum videtur nobis alias aliorum causas esse, ipsius quidem facti factam alteram, & futuri alteram futuram, & ipsius fieri, si quid prius factum fuit. Est utique à posterius factò syllogismus, principium autem & horum ipsa facta, quare & in iis, quæ fiunt consimiliter: à priori vero non est, ut quoniam hoc factum fuit, quia hoc posterius factum fuit, & in futurum consimiliter: neque enim indefiniti, neque definiti erit temporis, quare quoniam hoc verum est dicere factum fuisse, hoc autem est verum dicere factum fuisse posterius, in intermedio nanque falsum erit dicere hoc iam altero factò.

Eadem autem ratio & in futuro: neque quoniam hoc factum fuit, hoc erit: medium enim congenitum oportet esse, factorum factum, & futurorum futurum, eorum quæ fiunt quòd fit, entium ens: id vero, quod fuit, & id quod erit

Text. 11.

non contingit esse congenitum. Amplius neque indefinitum contingit esse tempus intermedium, neque definitum, falsum enim erit dicere in intermedio. Considerandum autem quid

Text. 14.

est ipsum continuum, ut post ipsum factum esse, ipsum fieri sit in rebus, an manifestum est, quod non est contiguum facto quod fit, neque enim factum facto: termini nanque sunt & individui. quemadmodum igitur neque puncta sunt sibi inuicem contigua, neque facta, ambo enim individua sunt, neque utique quod fit facto propter idem, nam quod fit, diuisibile est, factum autem indiuisibile: quemadmodum igitur linea ad punctum se habet, ita quod fit ad factum:

Quinto
Phisicorū
cap. de con-
tinuo &
cōtiguo, &
alibi.

insunt enim infinita facta in eo quod fit: magis autem manifeste in vniuersalibus de Motu oportet dici de his. De eo igitur quod est, quomodo, cum generatio consequenter sit, se habeat medium, quod est causa, in tantum acceptum sit: necesse est enim & in his medium & primum immediata esse. ut A factum fuit, quoniam C factum fuit, posterius autem C factum fuit: prius autem A, principium autem C, eo quod proximius ipsius nunc est, quod est principium temporis, C vero factum est, si D factum est: cum igitur D fit, necesse est A factum esse, causa autem est C, cum enim D factum est, necesse est C factum esse: C autem facto necesse est prius A factum fuisse. Ita vero accipienti medium, stabitur aliquibi in immediatum, an semper extra cadet propter infinitum? non enim est contiguum factum facto, quemadmodum dictum fuit, sed incipere tamen necesse est à medio & ab ipso nunc primo. Similiter autem & in ipso erit. si enim verum est dicere, quod erit D necesse prius ve-

rum

rum dicere, quòd A erit : huius autem causa ipsum C. si enim D erit, prius ipsum C erit, si vero C erit, prius ipsum A erit : similiter autem infinita est sectio & in his : non enim sunt futura contigua inter se. principium vero & in his immediatum accipiendum est.

Se habet autem sic in operibus, si facta est domus, necesse est incisos fuisse lapides, & factum fuisse hoc * propter quid : quoniam necesse est fundamentum factum fuisse, si quidem & domus facta fuit : si vero fundamentum est, prius lapides factos fuisse necesse est. Rursus, si erit domus, consimiliter prius erunt lapides (monstratur autem per medium similiter) erit enim fundamentum prius.

* nonnulli
codices non
habent illud
propter qd

Quoniam autem videmus in iis, quæ fiunt, circulo generationem quandam esse, contingit hoc esse, si quidem sequantur se inuicem medium & extrema : in his enim ipsum conuertere est : monstratum vero est hoc in primis, quòd conuertuntur conclusiones, quod autem circulo hoc est, in operibus autem apparet sic, madefacta terra, necesse est vaporem fieri, hoc autem facto nubem, hoc autem facto aquam, hoc autem facto, necesse est madefactam esse terram. hoc autem erat, quod à principio, quare circulo circuiuit, vno enim ipsorum quocunque existente, alterum est, & illo aliud, & hoc primum.

Text. 15.

Primo po.
steriorum
cap. 3.

Sunt autem nonnulla quidem, quæ fiunt vniuersaliter, nanque & semper & in omni, aut sic se habent, aut fiunt, alia vero semper quidem, non vt plurimum autem, vt non omnis homo nasculus barbam emittit, sed vt plurimum.

Text. 16.

Talium itaque necesse est & medium vt plurimum esse, si enim A de B vniuersaliter prædi-

catur, & hoc de C vniuersaliter, necesse est A de C semper & in omni prædicati; hoc enim est vniuersale & in omni & semper, sed supponebatur ut plurimum: necesse est igitur & medium ut plurimum esse, quod est, in quo B: erunt igitur & eorum, quæ ut plurimum, principia immediata, quæcunque ut plurimum ita sunt, aut fiunt.

De compositione definitionu ex suis partibus, & quando sunt ignota quo pacto veniuntur.

Cap.

V I I I.

Text. 17.

* A. l. trinitati.

Quomodo igitur ipsum quid est in definitiones assignatur, & quo modo demonstratio aut definitio est ipsius, aut non est, dictum est prius. Quomodo autem oportet venari, quæ in eo quod quid est prædicantur, nunc dicamus. Eorum igitur, quæ insunt semper unicuique, nonnulla extenduntur in plus, non tamen extra genus. dico autem in plus inesse, quæcunque insunt quidem unicuique vniuersaliter, at vero & alij, veluti est quiddam quod omni inest trinitati, sed & non trinitati, quemadmodum ens inest trinitati, sed & non * numero: sed & impar inest omni trinitati, & in plus inest, nam & quinario inest, sed non extra genus: quinario enim est numerus, nihil autem extra numerum, & impar.

Talia itaque accipienda sunt usque ad hoc, quousque tot accepta fuerint primum, quorum vnum quodque quidem in plus inerit, omnia vero non in plus sunt: hanc enim necesse est esse substantiam rei: ut trinitati inest omni numerus, impar, primus utroquo modo, & ut non mensuretur numero, & ut non componatur ex numeris: hoc igitur iam est trinitas, numerus impar, primus

mus, & ita primus : horum enim vnumquodque, alia quidē imparibus omnibus insunt, vltimum vero & dualitati, omnia autem * nulli.

* a. l. nulli
nistris

Quoniam vero declaratum est nobis in superioribus, quod necessaria quidem sunt, quæ in eo quod quid est prædicantur, vniuersalia vero necessaria sunt, trinitati autem, & cuilibet alij sic accipiuntur in eo quod quid est, quæ accipiuntur sic, ex necessitate quidem essent utique trinitas hæc. quod autem substantia sit, ex his planum est: necesse enim est, si non hoc esset trinitatis esse, ut genus aliquid esse, hoc aut nominatum aut innominatum: erit igitur in plus quam trinitati inexistens. supponatur enim tale esse genus, ut insit secundum potentiam, in plus. si igitur nulli inest alij quam indiuiduis trinitatibus, hoc utique esset trinitati esse, supponatur enim & hoc substantia vniuscuiusq; esse, quæ est in indiuiduis vltima talis prædicatio: quare cōsimiliter & alij cuicumque ita monstratorum eidem esse erit.

Text. 18.

Oportet autem, quando totum aliquid negotietur quispiam, diuidere genus in indiuidua specie prima, ut numerum in trinitatem & dualitatem: postea sic illorum definitiones tentare accipere, ut rectæ lineæ & circuli, & recti anguli. post hæc autem accipientem quid est genus, veluti vtrū quantorum, aut qualium proprias passiones speculari per communia prima: accidentia nanque iis, quæ componuntur ex indiuiduis ex definitionibus erunt plana, eo quod principium est omnium * definitionum ipsum simplex, & simplicibus solis per se insunt accidentia, aliis vero secundum illa.

* a. l. definitio & ipse simplex.

Diuisiones autem, quæ sunt secundum differentias, vtilis sunt ad ita pertranseundum, ut ta-

men monstrant, dictum est in præcedentibus: vtiles vero essent ita solum ad syllogizandum ipsum quid est. Atqui videretur vtique, nihil, sed statim accipere omnia, ac si quispiam à principio acciperet absque diuisione.

Differt autem aliquid primum & posterius eorum quæ prædicantur prædicari, vt dicere, animal mansuetum bipes, aut bipes animal mansuetum: si enim omni ex duobus est, & vnū quiddam est animal mansuetum, & rursus ex hoc & differentia, homo, aut quodcunq; est, quod vnum sit, necessarium est diuidentem petere.

Amplius vt nihil derelinquatur in eo quòd quid est, ita solum contingit, quando enim primum acceptum sit genus, si inferiorum quidem aliquam diuisionum accipiat, non incidet omne in hoc: vt non omne animal aut integris aut scissis pennis est, sed pennatum animal omne, huius enim differentia hæc, prima vero differentia est animalis, in quam omne animal incidit: similiter autem & aliorum vniuscuiusque & extrinsecorum generum, & eorum, quæ sub ipso, vt auis, in quam omnis auis, & piscis, in quam omnis piscis: ita igitur procedenti est scire, quoniam nihil derelictum fuit, aliter autem & derelinquere necessarium est, & nō scire.

Text. 20.

Nihil autem oportet definientem & diuidentem omnia scire entia, quamuis impossibile dicunt esse aliqui, differentias scire, quæ sunt ad vnumquodque non scientem vnumquodq;, sine autem differentiis non esse vnumquodque scire: à quo enim non differt, idem esse huic, à quo autem differt, alterum ab hoc. Primum quidem igitur hoc falsum est: non enim secundum omnem

nem differentiam alterum est: multæ enim differentiæ insunt eisdem specie, sed non secundum substantiam, neque per se. Postea, quando acceperit opposita & differentiam, & quod omne incidit hinc aut inde, & acceperit in altero quod quaeritur esse, & hoc cognoscat, nihil differt scire, aut non scire, in quibuscunque prædicantur aliis differentiæ: manifestum enim est, quoniam si ita procedens venerit in hæc, quorum non amplius est differentia, habebit rationem substantiæ, omne autem incidere in diuisionem, si sint opposita, quorum non est medium, non est petitio: necesse est enim omne in altero ipsorum esse, siquidem illius differentia erit.

Ad construendam vero definitionem per diuisiones, tria oportet coniectare, vt accipiantur, quæ prædicantur in eo quod quid est, & hæc ordinare quid primum, aut quid secundum est, & quod hæc omnia sint. Est autem horum vnum primum per id, quod possumus, quemadmodum ad accidens, syllogizare, quod inest, & per genus construere: ordinare autem, vt oportet, erit, si primum acceperit, hoc autem erit, cum acceptum fuerit, quod omnibus sequitur, illi autem non omnia, necesse est enim esse aliquid tale: hoc autem accepto, iam in inferioribus idem modus est, secundum nanque aliorum primum erit, & tertium consequentium, ablato enim superiori, quod consequitur aliorum primum erit: consimiliter vero & in aliis. Quod autem omnia hæc sint, manifestum est ex eo quod accepit, & primum secundum diuisionem, quoniam omne aut hoc, aut hoc animal est: inest autem hoc, & rursus huius totius differentiam, vltimi

VERO

Text. 12.

vero non amplius esse differentiam, aut & statim cum vltima differentia à toto non differre specie hoc: manifestum enim quòd neque plus adiacet, omnia enim in eo quòd quid est accepta sunt horum, neque deficit vllum: aut enim genus, aut differentia vtique esset, genus quidem igitur & primum, & hoc quod cum differentiis assumitur: differentia vero omnes habentur, non enim amplius sunt posteriora specie: namque differret vtique ipsum vltimum, hoc autem dictum est non differre. Quærere vero oportet insipientem ad similia & indifferentia: primum quid omne idem habent, postea rursus in alteris, quæ in eodem quidem genere sunt cum illis: sunt autem ipsis quidem eadem specie, ab illis autem altera: quando autem in his acceptum fuerit aliquid omnino idem, & in aliis consimiliter in acceptis omnino considerare, si idem, quousque ad vnam deuenierit rationem, hæc enim erit rei definitio: si vero non processerit in vnam, sed in duas, aut plures, planum quòd non esset vtique vnum aliquid quod quæritur, sed plura. Vt dico, si quid est magnanimitas quæreremus, considerandum in quibusdam magnanimis, quos scimus, quid habent vnum omnes in quantum tales, vt si Alcibiades magnanimus, aut Achilles, & Ajax, quid vnum omnes habent? non tolerare iniuria affecti, ille enim bellauit, iste autem iratus est, hic vero interemit seipsum. Rursus in alteris, vt Lysandro, aut Socrate, si vtique indifferentes sunt & bona & mala fortuna affecti: hæc duo capiens considero, quid idem habent, & non impossibilitas cir-

ca

ea fortunas, & non tolerantia cum iniuriantur, si vero nihil, duæ utique species essent magnanimitatis. Semper autem est omnis definitio vniuersalis: non enim alicui oculo dicit salubre Medicus, sed aut omni, aut specie determinans: facilius autem est singulare definire, quàm vniuersale. quapropter oportet à singularibus ad vniuersalia transire: æquiuationes etenim latent magis in vniuersalibus, quàm in indifferentibus. Quemadmodum autem in demonstrationibus oportet esse ipsum syllogizatum fuisse, ita & in definitionibus manifestum est: hoc autem erit, si per ea, quæ singulariter dicuntur, sit in vnoquoque genere definire seorsum, ut simile non omne, sed quod in coloribus & figuris, & acutum, quod in voce, & ita in commune progredi obseruantem, ne æquiuocatio incidat. Si vero neque disputare oportet translationibus, planum quòd neque definire, neque translationibus, neque quæcunque dicuntur translationibus: disputare enim necesse erit in translationibus.

Quo pacto problemata veniunt tum diuisione, tum etiam proportionibus.

Cap.

I X.

AD hoc autem quòd habeamus problemata, eligere oportet & decisiones & diuisiones, ita vero eligere supponentem genus commune omnium, ut si animalia essent, quæ speculata sunt, qualia omni animali insunt: his autem acceptis rursus reliquorum primo, qualia omne sequan

sequantur : ut si hoc est avis , qualia omnem sequantur avem , & ita semper proxima : planum enim quod habebimus iam dicere , propter quid insunt consequentia iis , quæ sunt sub communi , ut propter quid homini aut equo insunt . sit autem animal , in quo A : B vero consequentia omne animal : in quibus autem C D E aliqua animalia : planum igitur propter quid B inest ipsi D . nanque per A : consimiliter autem & aliis . Et semper in aliis eadem est ratio , nunc quidem igitur secundum tradita communia nomina dicimus . Oportet autem non solum in his considerare , sed & si aliud quid visum fuerit inexistens commune , excipientem , postea quæ hoc sequitur , & qualia hoc sequuntur , ut cornua habentia habere erinaceum , & non utrinque dentata esse : rursus cornua habere , quæ sequitur , planum enim propter quid illis inerit , quod dictum est , propter enim cornua habere inerit . Amplius autem alius modus est secundum proportionale eligere : unum enim accipere non est idem , quod oportet vocare sepeum , & spinam , & os , erunt autem consequentia & his , tanquam una quadam natura tali existente . Eadem vero problemata sunt , hæc quidem eo , quod idem medium habent , ut quoniam omnia * contra resistantia . horum autem quædam genere eadem sunt , quæcunque habent differentias eo quod aliorum , aut aliter sunt . ut propter quid resonat ? aut propter quid apparet ? & propter quid iris ? omnia enim hæc idem problemata sunt genere , omnia enim sunt refractionis , sed specie altera . Aliqua vero eo , quod medium sub altero medio est , differunt proble-

Text.23.

Text.24.

* ἀντιπε-
ριστασις
gracè dici-
tur, hoc est
cōtrarij stā-
tus.

problemata, vt propter quid Nilus decrescente mense magis fluit? quoniam hybernior decrescens est, & propter quid hybernior decrescens est? quoniam Luna deficit, hæc enim ita se habent inter se.

Quomodo causa & effectus se habeant inter se: & quo pacto causa veniatur: & an unius effectus plures sint causa.

Cap.

X.

DE causa vero & cuius causa dubitaret utique aliquis, an quando est causatum & causa est; quemadmodum si fluunt folia, aut deficit, & causa fluendi folia, aut deficiendi erit, veluti, si huius est lata folia habere, ipsius vero deficere, est terram in medio esse, si enim non est, alia quædam erit causa ipsorum, siue causa est simul & tantum, vt si in medio terra est, deficit, aut si latifolium est, fluunt folia. Si vero sic simul utique essent, & monstrarentur per se inuicem. sit enim folio fluere, in quo A: latifolium vero in quo B: vitis autem in quo C. si itaque ipsi B inest A, omne enim latifolium fluit folio; ipsi vero C inest B, omnis enim vitis est latifolia. ipsi C inest A; & omnis vitis fluit folio, causa vero B medium. sed & quoniam latifolia est vitis, est per folio fluere demonstrare. sit enim D quidem latifolium, E vero folio fluere, vitis autem in quo F: ipsi itaq; F inest E, folio fluit enim omnis vitis, ipsi autem E D, omne enim folio fluens est latifolium, omnis igitur vitis est latifolium: causa autem est folio fluere. Si vero non contingit causas esse sibi inuicem, causa enim prior

prior est eo, cuius est causa, & deficiendi quidem causa est in medio terram esse: quòd autem in medio terra sit, non est causa ipsum deficere: si igitur per causam quidem demonstratio est propter quid, quæ vero nō per causam ipsius quod, quòd quidem terra quidem in medio est, nouit, propter quid autem non: quoniam ipsum deficere non est causa, quòd sit in medio, sed hoc ipsius deficere, manifestum est in ratione nanque ipsius deficere inest esse in medio: quare planū quòd per hoc, illud cognoscitur, sed non hoc per illud.

An contingit vnus plures esse causas? si enim est idem de pluribus primum prædicari: sit A ipsi B primo inexistens, & ipsi C alij primo, & hæc ipsis D E, inerit igitur A ipsis D E, causa vero est ipsi quidem D B, ipsi vero E C: quare causa quidem existente, necesse est rem esse, re autem existente, non necesse est omne esse, quodcunque sit causa, sed causa quidem, non tamen omnis.

Aut si semper vniuersale problema est, & causa totum quiddam, & cuius causa vniuersale, vt folio fluere toto aliquo determinato, licet species ipsius sint, & his vniuersaliter, aut plantis, aut his plantis: quare & medium æquale oportet esse in his, & cuius causa, & conuerti. vt propter quid arbores folio fluunt, si itaque propter congelationem humidi, & si folio fluit arbor, oportet esse congelationem, & si congelatio inest non cui-cunque, sed arbori, est folio fluere. Vtrum autem contingit non eandem causam esse eiusdem omnibus, sed alteram, aut non? an si quidem per se demonstretur, & non per signum, aut accidens? non potest fieri: nanq; ratio extremi medium est, si vero non ita, contingit.

Est

Est autem & cuius causa, & cui considerare secundum accidens, non tamen videntur problemata esse. si vero non, similiter habebunt medium, siquidem sunt æquiuoca, æquiuocum medium est: si vero ut in genere, similiter habebunt, ut propter quid & permutatim proportionale? alia enim causa est in lineis, & numeris, & eadem utique, inquantum quidem lineæ, alia, inquantum vero habens augmentum tale, eadem, ita & in omnibus: huius autem similiter esse colorem colori, & figuram figuræ, aliam alij, æquiuocum enim est simile in his: hic quidem fortasse proportionabiliter habere latera, & æquales angulos, in coloribus vero sensum vnum esse, aut aliud aliquid tale: quæ verò secundum analogiam. eadem & medium habebunt secundum analogiam. Se habet autem sic consequi, causa sibi inuicem, & cuius causa, & cui causa: singulum quidem accipienti, cuius causa in plus est, ut extrinsecos æquales esse quatuor in plus est. quàm triangulum, aut quadrangulum, omnibus vero æqualiter: quæcunque enim quatuor rectis æquales esse extrinsecos, & medium similiter: est autem medium ratio primi extremi: quocirca omnes scientiæ per definitionem fiunt. ut folio fluere simul sequitur vitem & excedit, & ficum & excedit, sed non omnes, sed æquale est: si igitur acceperis primum medium, ratio folio fluendi est: erit enim primum quidem in altera medium, quoniam talia omnia sunt postea huius medium, quoniam succus congelatur, aut aliud aliquid tale. quid autem est folio fluere, congelari succum in contactu seminis. In figuris vero ita assignabit, quærentibus assecutionem causæ & cuius causa. sit

A inexistens B omni : B vero vnicuique eorum, quæ D, in plus autem : B vtique vniuersale esset iis, quæ sunt D, hoc enim dico vniuersale, quod non conuertitur : primum vero vniuersale, cum quo vnumquodq; quidem non conuertitur, omnia autem conuertuntur & non excedunt : ipsis itaque D causa est ipsius A ipsum B. oportet igitur A in plus-quàm B extendi : si vero non, quid magis causa erit hoc illius ? si itaque omnibus E inest ipsum A, erunt aliquid illa vnum omnia aliud à B : si enim non, quomodo erit dicere, quod cui inest E, ipsum A omni inest : cui vero A, non omni ipsum E ? propter quid enim non erit aliqua causa, vt insit omnibus D ? sed nunquid & quæ sunt E, erunt aliquid vnum ?

* Al. 1.
sed nūquid
et ipsis E,
si quidem
erunt ali-
quid vnū?
* al. l B.

* Arg. le.
veluti vt
A cōpetat
ipsi D, cau-
sa est ipsū
C: ut igitur
A cōpetat
ipsi D, cau-
sa est ipsū
C. vt autē
cōpetat ipsi
C, causa est
ipsum B.
Text. 26.

Considerare oportet hoc, & sit C : contingit itaque eiusdem plures causas esse, sed non iisdem specie, vt quod longæua sint, quadrupeda quidam, eo quia non habent bilem, volatilia vero eo, quod sicca sunt, aut alterum quid. Si vero ad indiuiduum non statim veniunt, non solum vnum est medium, sed & plura, & causarum plures : vtum vero causa mediorum, quod vniuersale primum, aut quod ad singulare, singularibus ? planum itaque ea esse quæ proxima sunt vnicuique, cui sunt causa, primum enim sub vniuersali esse, hæc est causa. * vt ipsi D inesse ipsum C : ipsum * A inesse, est causa : ipsi igitur D ipsum C, causa ipsius est A, ipsi vero C ipsum B, huic autem idem.

De syllogismo igitur ac demonstratione, & quid vtrumque est, & quomodo sit, manifestum est : simul vero & de scientia demonstratiua, idem enim est.

Quomodo

Quomodo Principia cognoscuntur : & quis principiorum sit habitus.

Cap. XI.

DE principiis vero & quomodo sunt nota, & quis cognoscens habitus, hinc est planum addubitantibus primum : quod quidem igitur non contingit scire per demonstrationem non cognosceti prima principia immediata, dictum est prius. Immediatorum vero cognitio vtrum eadem sit, aut non eadem dubitare posset aliquis : & vtrum scientia vtriusque, aut non, aut huius quidem scientia, illius vero alterum quid genus, & vtrum non inexistentes habitus innascantur, aut inexistentes latuere. Si itaque habemus ipsos, absurdum est : contingit enim certiores habentes cognitiones demonstratione latere : si vero accipimus, non habentes prius, quomodo vtrique cognosceremus, & disceremus ex non praeexistente cognitione : impossibile namque, quemadmodum & in demonstratione dicebamus. Manifestum igitur, quoniam neque habere possibile est, neque ignorantibus, & nullum habentibus habitum innasci. Necessse igitur habere quidem aliquam potentiam, non talem autem habere, quæ est his honorabilior secundum certitudinem. Apparet autem hoc vtrique omnibus inexistens animalibus : habent enim congenitam potentiam indicativam, quam vocant sensum : inexistente autem sensu, in aliis quidem animalium fit permassio sensati, in aliis vero non fit, in quocunque igitur non fit, aut omnino, aut circa quæ non fit, non est his cognitio extra ipsum sentire, in quibus vero, inest sentientibus, habere vnum quiddam in anima,

*Idē in proæ
mio meta-
phy.*

cū multa talia fiant, iam differentia quædam fit, vt his quidem fiat ratio ex talium permanfione, his vero non. Ex fenſu quidem igitur fit memoria, quemadmodū dicimus, ex memoria vero, quæ plerunque eiufdem fit, experientia, multa nanq. memoriæ numero experientia. vna eſt, experientia autem aut ex omni quieſcente vniuerſali in anima, aut vno præter multa, quod vtique in omnibus vnum fit illis idem, eſt artis principium & ſcientiæ: ſi circa generationem quidem, artis, ſi vero circa ens, ſcientiæ.

Neque itaque inſunt determinati habitus, neque ab aliis habitibus ſunt notioribus, ſed à ſenſu, vt in pugna verſione facta vno ſtante, alter ſtetit, poſtea alter, quouſque ad principium venit, anima vero eſt talis, vt poſſit pati hoc. Quod autem dictum quidem fuit pridem, non manifeſte vero dictum fuit, ruruſ dicamus.

Cum enim ſteterit indifferentium vnum, primum quidem in anima vniuerſale eſt, ſentitus etenim ſingulare, ſenſus vero ipſius vniuerſalis eſt, vt hominis, ſed non Calliæ hominis. Ruruſ in hiſ ſtatur, quouſque ad impartibilia ſteterint & vniuerſalia, vt tale hoc animal, quouſque animal, & in hoc conſimiliter: planum itaque, quodd nobis prima inductione cognoscere neceſſarium eſt, ſenſus etenim ſic vniuerſale facit. Quoniam vero habituum, qui circa diſcuſſum ſunt, quibus verificamus, aliqui ſemper verifunt, alij vero ſuſcipiunt falſum, vt opinio & ratiocinatio, vera autem ſemper ſunt ſcientia & intellectus, & nullum ſcientia genus aliud certius eſt, quam intellectus, principia vero demonſtrationum notiora ſunt, ſcientia autem omnis
cum

tum ratione est , principiorum quidem scientia
 utique non erit : quoniam vero nihil contingit
 esse verius scientia , quam intellectum , intelle-
 ctus utique erit principiorum , & ex his consi-
 derantibus , & quoniam demonstrationis prin-
 cipium non est demonstratio : quare neque scien-
 tiæ est scientia : si igitur nullū aliud præter scien-
 tiam genus habemus verum , intellectus
 utique erit scientiæ principium , &
 principium quidem principij
 utique erit : * si autem om-
 nis, consimiliter se
 habent ad om-
 nem rem,

Arg. leg.
sciētia aut
ad omnem
rem sese ha
bet simili-
ter.
Alia lit.
quæ autem
omnis.

Posteriorum resolutiorum

FINIS.

bb s





ARISTOTELIS
STAGIRITAE,
PERIPATETICORVM
PRINCIPIS TO-
PICORVM

LIBER PRIMVS.

SVMMA LIBRI.

*De Ratiocinandi speciebus, eiusque partibus,
ac eius instrumentis.*

Quid intendit, & quae ratiocinandi species.

Caput Primum.



PROPOSITVM quidem ne-
gotij, est methodum inuenire,
per quam poterimus syllogiza-
re de omni proposito problema-
te ex probabilibus, & ipsi dis-
putationem sustinentes, nihil
dicemus repugnans. Primum igitur dicendum,
quid est syllogismus, & quæ eius differentiæ, quo-
modo sumatur dialecticus syllogismus: hunc
enim

enim quærimus secundum propositum negotium. Est itaque syllogismus oratio in qua positis quibusdam, aliquid aliud à positis ex necessitate accidit, per ea quæ posita sunt. Demonstratio vero est, quando ex veris & primis syllogismus erit, aut ex talibus, quæ per aliqua prima & vera, eius quæ circa ipsa est, cognitionis principium sumpserunt. Dialecticus autem syllogismus est, qui ex probabilibus est collectus. Sunt autem vera & prima, quæ non per alia, sed per seipsa fidem habent. Non enim oportet in disciplinaribus principiis inquirere propter quid, sed secundum vnumquodque principiorum ipsam per se esse fidem. Probabilia autem sunt quæ videntur omnibus, aut plurimis, aut sapientibus: & his vel omnibus, vel plurimis, vel maxime familiaribus, & probatis. Litigiosus autem est syllogismus ex iis, quæ videntur probabilia, non sunt autem. Et qui ex probabilibus quidem, aut ex iis quæ videntur probabilia, est apparens. Non enim omne quod videtur probabile, est probabile: nihil enim eorum, quæ dicuntur probabilia in superficie, habet omnino phantasiam, vel circa litigiosarum disputationum principia accidit se habere: statim enim, sæpius etiam eis qui parua videre possunt, manifesta est in his falsitatis natura. Ergo prior quidem eorum, qui dicti sunt litigiosi syllogismi, etiam syllogismus dicitur: reliquus vero litigiosus quidem syllogismus: syllogismus autem non, eò quod videtur quidem ratiocinari, ratiocinatur autem minime. Amplius autem præter omnes, qui dicti sunt, syllogismos, ex iis, quæ sunt circa aliquas disciplinas peculiarioria fiunt paralogismi: quemadmodum in Geometria, & huic cognatis accidit se habere.

Videtur autem hic modus differre à dictis syllogismis : nam neque ex veris , & primis colligit falsigraphus , neque ex probabilibus : nam sub definitionem non cadit : neque enim quæ omnibus videntur sumit , neque quæ pluribus , neque sapientibus , & his , neque omnibus , neque plurimis , neque probatissimis , sed ex peculiaribus quidem disciplinæ sumptis , non veris autem syllogismum facit : nam eò quòd aut semicirculos describit non ut oportet , aut lineas aliquas ducit , non ut ducendæ sunt , paralogismum facit falso scribens. Species igitur syllogismorum , ut figuraliter sit completi , sint quæ dictæ sunt , summam autem dicendo de omnibus prædictis , & de his quæ postea sunt dicenda , intantum nobis determinatum sit : eò quòd de nullo eorum exactam rationem assignare deligimus , sed aliquantulum figuraliter de his volumus pertransire , omnino sufficiens arbitantes esse secundum propositam methodum , posse cognoscere quomodo vnumquodque illorum se habet.

Ad quot utilis Dialectica , differendique disciplina.

Caput I I.

Consequens autem est ex iis quæ dicta sunt , dicere ad quot , & quæ utile sit hoc negotium. Est autem ad tria. ad exercitationes , ad colloquia , ad eas , quæ secundum Philosophiam sunt , disciplinas. Quòd igitur ad exercitationem sit utile , ex his perspicuum est : methodum enim habentes , facile de proposito argumentari poterimus. Ad colloquia vero , eò quòd multorum annuerantes opiniones , non ex extraneis , sed ex propriis doctrinis sermocinabimur ad eos
transmut

transmutantes, quicquid non bene videntur nobis dicere . Ad secundum philosophiam autem disciplinas : quod potentes ad vtraque dubitare, facile in singulis intuebimur verum , & falsum: præterea autem ad prima eorum, quæ in vnaquaq; disciplina sunt principia. Nam ex propriis secundum propositam disciplinam principiis, impossibile est dicere aliquid de ipsis, eo quod prima principia sunt omnium : per ea verò, quæ sunt circa singula probabilia, necesse est de illis transigere. Id autem proprium, maximè peculiare Dialecticæ est . nam cum sit inquisitiua, ad omnem methodorum principia viam habet. habebimus autem perfectè methodum, quando perinde habebimus ac in Rhetorica, & Medicina, & huiusmodi facultatibus: hoc autem ex iis, quæ contingunt facere, quæ eligimus. Nam neque Rhetor omni ex modo persuadebit, neque Medicus sanabit: sed si ex iis, quæ contingunt nihil omiserit, sufficienter eum disciplinam habere dicemus.

Ex quibus, & quot, disceptatio dialectica constet.

Caput I I I.

Primum igitur considerandum ex quibus est methodus: si quidem sumpserimus ad quot, & quæ, & ex quibus orationes, & de quibus syllogismi, & quomodo his abundemus, habebimus sufficienter propositum. Sunt autem numero æqualia, & eadem ea, ex quibus orationes, & de quibus syllogismi: fiunt enim orationes ex propositionibus: de quibus autem syllogismi fiunt problemata sunt. Omnis autem propositio, & omne problema, aut proprium, aut genus, aut accidens indicat: etenim differentia, cum sit generalis, cum genere ordinanda est.

Quoniam autem proprium hoc quidem quid est esse significat, illud autem non significat, diuidatur proprium in vtrasque prædictas partes, & vocetur illud quod quid erat esse significat, terminus: reliquum vero secundum communem de ipsis assignatam nominationem nuncupetur proprium. Manifestum igitur ex iis, quæ dicta sunt, quod secundum præsentem diuisionem quatuor omnia accidit fieri, aut propriū, aut terminū, aut genus, aut accidens. Nemo autem nos opinetur dicere, quod vnumquodque horum secundum se dictum propositio, vel problema est, sed quod ex his & problemata, & propositiones fiūt. Differunt autem problema, & propositio modo: nam, cum sic dicitur, putāsne animal gressibile bipes, definitio est hominis, & putāsne animal genus est hominis? propositio fit. Si autem, vtrum animal gressibile bipes definitio est hominis, an non? problema fit. Similiter autem & in aliis. Quare merito æqualia numero problemata, & propositiones sunt; nam ab omni propositione problema efficies mutans modum.

De Termino, Proprio, Genere, & Accidente.

Caput

IIII.

Dicendum autem, quid Terminus, quid Proprium, quid Genus, quid Accidens. Est autem terminus quidem oratio quid erat esse significans. Assignatur autem aut oratio pro nomine, aut oratio pro oratione: possibile est enim & eorum, quæ sub oratione significantur, quædam definiri. Quicumque autem quolibet modo nomine assignationem faciunt, manifestum quoniam non assignant ij rei definitionem, eo quod omnis definitio oratio quædam est: accommodatum tamen termino, & huiusmodi ponendum

dum est : vt quod honestum est , decens . Similiter autem & vtrum idem sensus , & disciplina , an diuersum : etenim circa definitiones , vtrum idem , an diuersum , plurima fit immoratio . Simpliciter autem accommodata termino omnia dicantur , quæ sub eadem disciplina cum definitionibus continentur . Quod autem omnia quæ nunc dicta sunt , huiusmodi sunt manifestum ex his . Potentes enim quod idem , & quod diuersum disputare , eodem modo , & ad definitiones argumentari facile poterimus : nam ostendentes quod non idem est , interimentes erimus definitionem , nõ tamen conuertitur quod nunc dictum est : nõ enim sufficiens est ad astringendum definitionem ostendere idem esse : attamen ad destruendum , sufficiens est ostendere quod non idem est . Proprium autem est , quod non indicat quid est esse , soli autem inest , & conuersim prædicatur de re : vt proprium est hominis Grammatices esse susceptiuum . Nam si homo est , & Grammatices susceptibilis est : & si Grammatices susceptiuum est , & homo est . Nemo enim proprium dicit , quod contingit alij inesse , vt homini dormire , neque si forsitan per aliquod tempus inest soli . Si autem * forte dicatur aliquid talium proprium , non simpliciter : aliquando , vel ad aliquid dicitur : nam ex dextris quidem esse , aliquando proprium est . Bipes autem ad aliquid proprium est dictum : vt homini ad equum , & canem . Quod autem eorum quæ contingunt alij inesse , nullum conuersim prædicatur , manifestum est : non enim necessarium est si quid dormit , hominem esse . Genus autem est , quod de pluribus , & differentibus specie in eo quod quid est prædicatur . In eo quod quid prædicari

* alias , si enim .

ca dic

ea dicuntur, quæcunque conuenit eum, qui interrogatus est, reddere quid est, quod propositum est: quemadmodum de homine conuenit eum, qui interrogatus est, quid id est, quod propositum est, dicere quod animal. Generi autem accommodatum est utrum in eodem genere aliud alij, an in altero sit. Nam & huiusmodi sub eandem methodum cadit cum genere: disputantes enim quod animal genus hominis, simpliciter & bouis, disputantes erimus quoniam hæc in eodem sunt genere: si autem alterius quidem ostendamus quod genus est, alterius autem quod non est, disputantes erimus: quoniam non in eodem genere hæc sunt. Accidens autem est, quod nihil horum est, neque definitio, neque proprium, neque genus, inest autem rei. Et quod contingit inesse cuius vni, & eadem, & non inesse: ut sedere contingit inesse alicui eidem & non inesse, similiter autem & album: nam & idem nihil prohibet quandoque album, quandoque non album esse. Est autem accidentis definitionum secunda melior: nam cum dicitur prima, necessarium est si debet quis intelligere, præscire quid est terminus, & genus, & proprium: secunda autem perfecta est ad cognoscendum, quid est quod dicitur per se. Annotantur autem accidenti, & quæ ad se inuicem sunt comparationes quolibet modo ab accidente dictæ: ut utrum honestum, an quod confert, expetibilius: & utrum quæ est secundum virtutem, an quæ secundum voluptatem suauior vita: & si quid aliud similiter his est dictum: in omnibus enim talibus utri magis prædicatum accidit, quæstio fit. Manifestum est autem ex his, quoniam accidens nihil prohibet, & quando, &

ad aliquid proprium fieri, vt sedere cum sit accidens, quando quis solus sedet, tunc aliquando proprium erit: solo vero sedente, ad non sedentes proprium: quare & ad aliquid, & aliquando nihil prohibet accidens proprium fieri, simpliciter autem proprium non erit.

*Quòd cetera predicata aliquid claudant
eorum qua definitio continet.*

Cap. V.

NON lateat autem nos, quoniam quæ ad proprium, & genus, & accidens omnia dicuntur, & ad definitiones conueniet dici. Ostendentes enim quoniam non ei soli inest, quod est sub definitione (quemadmodum & in proprio) aut quoniam non genus quod assignatum est in definitione, aut quoniam non inest aliquid eorum quæ in definitione dicta sunt, quod quidem & in accidente dici potest, interimentes erimus definitionem. Quare secundum prius assignatam rationem omnia erunt quodammodo definitioni accommodanda, quæ numerata sunt. Sed non propter hoc vnâ in omnibus vniuersalem methodum quærendum, neque enim facile inuenire hanc est: & si inueniatur, omnino obscura, & insuauis plane fuerit ad propositum negotium. Propria vero in vnoquoque terminatorum generum assignata methodo, facile ex iis quæ circa vnumquodque propria sunt, decursus propositi fieri possit. Quare vniuersaliter figura quidem, quemadmodum dictum est prius, diuidendum est: reliquorum autem ea, quæ maxime sunt singulis peculiaria, annectendum, definitioni & generi accommodata ea nuncupantes: pendè autem adiuncta sunt, quæ dicta sunt ad singula.

Quor

*Quot modis Idem dicatur.**Caput V I.*

Primum autem omnium de eodem determinandum; quoties dicitur. Videbitur autem idem, ut figuratiter sit sumere, tripliciter diuidi. Numero enim, aut specie, aut genere idem solemus appellare. Numero quidem, quorum nomina plura, res autem una: ut indumentum, & vestis. Specie autem quæ cum sint plura, in-differentia sunt secundum speciem: ut homo homini, equus equo: nam huiusmodi specie dicuntur eadem, quæcunque sub eadem specie sunt. Similiter autem & genere eadem, quæcunque sub eodem genere sunt: ut equus homini. Videbitur autem ab eodem fonte aqua; quæ eadem dicitur, habere aliquam differentiam præter dictos modos: non tamen, sed & huiusmodi in eodem ordinetur iis quæ secundum vnam speciem quoquomodo dicta sunt: omnia enim talia cognata, & affinia sibi inuicem videntur esse: nam omnis aqua omni aquæ eadem specie dicitur, eo quod habeat quandam similitudinem: ab eodem autem fonte aqua quæ eadem dicitur, nullo alio differt, quam eo quod vehementior sit similitudo: quare non separamus idem ab iis quæ secundum vnam speciem quoquomodo dicuntur. Maxime autem indubitanter quod vnum est numero, idem ab omnibus videtur dici. Solet autem & hoc assignari multipliciter: propriissime autem, & primo, quando nomine, vel termino idem assignatum fuerit: ut vestis indumento, & animal gressibile bipes, homini. Secundum autem, quando proprio: ut disciplinæ susceptibile, homini, & quod natura sursum fertur, igni. Tertium vero, quando ab acciden-

cidente : vt sedens, vel musicum Socrati : omnia enim hæc vnū numero volunt significare. Quod autem verum sit quod nunc dictum est, ex transsummentibus nuncupationes maximè quis discat: sæpe enim præcipientes nomine vocare aliquem sedentium, transsumimus, quando fortè is non intelligit cui præceptum facimus, tanquam ab accidente ipso magis intelligente : & iubemus sedentem, vel disputantem vocare ad nos, manifestum quòd vt eundem opinantes, & secundum nomen, & secundum accidens significare. Ergo idem quemadmodum dictum est, tripliciter diuidatur.

Omniem disputationem dialecticam esse ex termino, proprio, genere, aut accidente, & ubi illa reperiuntur. Cap. VII.

Quoniam autem ex prius dictis sunt orationes, & per hæc, & ad hæc vna quidem fides est per inductionē. Si enim quis consideret vnāquamque propositionum, & problematum ; apparebit aut à termino, aut à proprio, aut à genere, aut ab accidente facta. Alia autem fides per syllogismum : necesse est enim omne quod de aliquo prædicatur, aut conuersim de re prædicari, aut non : & si conuersim prædicatur, terminus erit, vel proprium. Nam si significat quid est esse ; est terminus : si autem non significet, proprium : hoc enim erat proprium, quod conuersim prædicatur, non significans quid est esse. Si autem non conuersim prædicatur de re, aut ex iis quæ in definitione subiecti dicuntur, est, aut non : & si est ex iis, quæ in definitione dicuntur, genus, aut differentia erit, eo quòd definitio ex genere, & differentiis est : si vero ex iis non est, quæ in definitione dicuntur, palam est, quoniam

* al. l. disti
quatuor lo
ci:

niam accidens erit: nam accidens dicebatur, quod neque terminus, neque genus, neque proprium, inest autem rei. Post hæc autem oportet determinare genera prædicamentorum, in quibus sunt * dictæ quatuor differentiæ: sunt hæc autem numero decem: quid est, quantum, quale; ad aliquid, ubi, quando, situm esse, habere, facere, pati. Semper enim accidens, & genus, & proprium, & definitio in vno prædicamentorum horum erit: nam omnes ab his propositiones, aut quid est, aut quale est, aut quantum, aut aliorum aliquod prædicamentorum significant. Manifestum est autem ex eisdem, quoniam quod quid est significans quandoque quidem substantiam significat, quandoque autem quale, quandoque vero aliquod aliorum prædicamentorum: nam quando posito homine dixerit quod positum est hominem esse, vel animal: & quid est dicit, & significat substantiam: quando colore albo posito dixerit quod positum est album esse, vel colorem, quid est dicit, & quale significat. Similiter autem & si cubitali magnitudine posita dixerit quod positum est cubitalem esse magnitudinem, & quid est dicit, & quantum significat: similiter autem & in aliis. Vnumquodque enim tale siue idem de eodem dicatur, siue genus de hoc, quid est significat: quando autem de alio, non quid est significat, sed quantum, aut quale, aut aliquod aliorum prædicamentorum. Quare de quibus sunt disputationes, & ex quibus, hæc & tot sunt. Quomodo autem sumemus, & per quæ copiosi erimus, post hæc dicendum.

De Propositione Dialectica. Cap. VIII.

Primum igitur determinetur quid est propositio dialectica: & quid problema dialecticum.

cum. Non enim omnem propositionem, nec omne problema, dialecticum ponendum: nullus enim offeret, qui mentem habeat: quod nulli videtur. nec proponet quod omnibus est manifestum vel plurimis: nam hæc quidem non habent dubitationem: illa autem nemo ponet. Est autem propositio dialectica, interrogatio probabilis aut omnibus, aut plurimis, aut sapientibus, & his vel omnibus, vel plurimis, vel maxime familiaribus non inopinabilis. Ponet enim aliquis quod videtur sapientibus, nisi id contrarium sit multorum opinionibus. Sunt autem propositiones dialecticæ, & ea quæ probabilibus sunt similia, & contraria iis quæ videntur esse probabilia secundum contradictionem protensa, & quæcunque opiniones sunt secundum artes inuentas. Si enim probabile est eadem esse contrariorum disciplinam, & sensum eundem esse contrariorum probabile apparebit: & si vnam numero Grammaticam esse, & Tibicinariam vnam: si autem plures Grammaticas, & plures Tibicinarias: omnia enim similia & cognata hæc videntur esse. Similiter autem & ea quæ probabilibus sunt contraria secundum contradictionem protensa, probabilia videntur: si enim probabile est quod oportet amicis benefacere, & quod non oportet amicis malefacere, probabile est: est autem contrarium quidem, quod oportet malefacere amicis, secundum contradictionem autem, quod non oportet amicis malefacere. Similiter autem & si oportet amicis benefacere, inimicis non oportet: est autem & hoc secundum contradictionem contrarium: nam contrarium est quod oportet inimicis benefacere. Similiter autem & in aliis. Probabile autem

& in similitudine apparet etiam contrarium de contrario: ut si oportet amicis benefacere, & inimicis oportet male: apparebit & contrarium hoc quod est amicis benefacere, ei quod inimicis male. Vtrum autem secundum veritatem se habeat, an non, in iis quæ de contrario dicuntur, ostendetur. Palam autem quoniam & quæcunque opiniones secundum artes sunt dialecticæ propositiones sunt. Poner enim aliquis ea, quæ videntur iis, qui in eis probati sunt: ut de his quidem quæ in geometria, ut Geometer, de illis autem quæ in Medicina, ut Medicus.

De problemate dialectico, & positione dialectica.

Caput

I X.

Problema autem dialecticum est speculatio intendens vel ad electionem, & fugam, vel ad veritatem, & scientiam, aut per se, aut ut adminiculans ad aliquid aliud talium, de quo aut neutro modo opinantur, aut contrarie plerique sapientibus, aut sapientes plerisque, aut utrisque iidem eisdem. Quædam enim problematum utile est scire tantum ad eligendum, vel fugiendum, ut utrum voluptas sit eligenda, an non? Quædam autem ad sciendum tantum, ut utrum mundus æternus sit, an non? Quædam verò ipsa per se quidem ad neutrum horum, adminiculantia autem sunt ad aliqua talium. Pleraque enim ipsa quidem per se non volumus cognoscere, sed aliorum gratia, ut per illa aliud quippiam cognoscamus? Sunt autem problemata, & de quibus contrarij sunt syllogismi: dubitationem enim habent utrum sic se habent,

an non

an non sic, eò quòd de vtrisque sunt rationes suasibiles. Et de quibus rationem non habemus, cum sint magna, difficile arbitrandes esse propter quid assignare: ut vtrum mundus sit æternus, an non: nam huiusmodi quæret aliquis. Problemata ergo & propositiones (ut dictum est) determinata sint. Positio est opinio admirabilis alicuius familiarium secundum philosophiam: ut quòd non est contradicere, quemadmodum dixit Antisthenes: & quòd omnia mouentur secundum Heraclitum: aut quòd vnum est ens, quemadmodum Melissus dixit (nam de quouis contraria opinionibus proferente, curam habere stultum est) aut de quibus orationem habemus contrariam opinionibus: ut quoniam non omne quod est, vel factum est, vel æternum, quemadmodum sophistæ dicunt. Nam musicum, grammaticum esse, neque factum, neque esse æternum. Hoc enim & si alicui non videatur, videbitur utique, eo quòd rationem habeat suasibilem. Est igitur & positio quidem problema, non autem omne problema positio, eo quòd quædam problematum talia sunt, de quibus neutro modo opinamur. Quod autem est & positio problema, manifestum est: necesse est enim ex iis quæ dicta sunt, aut plures sapientibus circa positionem dubitare, aut utroslibet sibi met, eo quòd opinio quædam admiranda positio est. Penè autem nunc omnia dialectica problemata, positiones vocantur. Differat autem nihil quomodolibet dictum: non enim nomen effingere volentes diuisimus sic ea, sed ut non lateant nos, cum quædam eorum sunt differentia. Non oportet autem omne problema, nec omnem positionem considera-

re, sed quam dubitabit aliquis eorum, qui ratione egent, & non pœna, vel sensu. Nam qui dubitant vtrum oporteat deos honorare, & parentes diligere, an non, pœna indigent: qui vero vtrum nix alba, an non, sensu. Neque vero quorum propinqua est demonstratio, neque quorum valde longè: nam illa quidem non habent dubitationem, hæc autem magis quam secundum facultatem exercitatuam.

De speciebus Differendi, dialecticæq; Disputationis. Cap. X.

Determinatis autem his oportet diuidere, quod dialecticarum disputationum sunt species. Est autem inductio quidem hæc, illa autem syllogismus. Et syllogismus quidem quid est, dictum est prius. Inductio vero est à singularibus ad vniuersalia accessio: vt si est gubernator eruditus, optimus, & auriga: & omnis, qui est eruditus in vnoquoque, optimus. Est autem inductio verisimiliter, & clarior, & secundum sensum notior, & pluribus communis: syllogismus autem * valentior, & contradicentes efficacior. Ergo genera, de quibus disputationes, & ex quibus, quemadmodum ante dictum est, determinata sint.

* al. l. violentior.

De instrumentis, quibus syllogismorum copiam nobis ad differendum suppeditamus.

Caput XI.

* al. l. in syllogismo & inductionibus.

Instrumenta autem, per quæ abundemus * syllogismis, sunt quatuor. Vnum quidem, propositiones sumere. Secundum autem, quotupliciter vnumquodque dicitur, posse distinguere. Tertium, differentias inuenire. Quartum autem simil

similitudinis consideratio. Sunt autem & modo quodam tria horum propositiones. Est enim vnumquodque eorum propositionem facere, vt quod eligendum est honestum, vel delectabile, vel vtile: & quod differt sensus à disciplina, eo quod amittenti eam possibile est rursus sumere, illum autem impossibile. Et quoniam similiter se habet salubre ad sanitatem, & habile ad bonam habitudinem. Est autem prima propositio, ab iis, quæ multipliciter dicuntur, secunda à differentiis, tertia verò à similibus.

De Sumptione propositionum.

Cap. XII.

ERgo propositiones quidem eligendum quotquot modis determinatum est in propositione: aut omnium opiniones proponenti, aut plurimum, aut sapientum, & horum, vel omnium, vel plurimorum, vel notissimorum, aut etiam contrarias apparentibus, & quæcunque opiniones secundum artem sunt: at oportet protendere contrarias apparentibus probabilibus secundum contradictionem, quemadmodum dictum est prius. Vtile autem & facere eas in eligendo non solum quæ sunt probabiles, sed & similes eis, vt quod contrariorum idem est sensus: nam & scientia contrariorum est eadem. Et quod videmus suscipientes aliquid, non emittentes: nam & in aliis sensibus sic est, nam & audimus suscipientes aliquid, non emittentes, & olfacimus eodem modo, similiter autem & in aliis. Amplius, quæcunque in omnibus, vel plurimis videntur, sumendum vt principium, & apparentem positionem: nam ponunt qui non conspiciunt, in aliquo non sic. Eligere autem oportet & ex scri-

*Ca. huius
8. libri.*

ptis disceptationibus. Descriptiones autem facere in vnoquoque genere supponentes seorsum, vt de bono, aut de animali, & de bono omni, incipientem à quid est. Annotare autem & singulorum opiniones, vt quòd Empedocles quatuor dixit elementa corporum esse: ponet enim aliquis, quod ab aliquo probato dictum est. Sunt autem (vt figuraliter sit completi) propositionum, & problematum partes tres: nam aliæ sunt morales propositiones, aliæ naturales, aliæ rationales. Morales quidem huiusmodi, vt vtrum oporteat parentibus magis, an legibus obedire, si dissentiant. Rationales vero, vt vtrum contrariorum eadem disciplina, an non. Naturales autem, vt vtrum mundus sit æternus, nec ne. Similiter autem & problemata. At vero quales sint singulæ earum, quæ dictæ sunt, definitione quidem nō facile assignare est de ipsis. Est autem ea, quæ per inductionem est, assuetudine tentandum cognoscere vnamquaque earum, secundum prædicta exempla consideranti. Ad philosophiam igitur, secundum veritatem de his negotiandum, dialectico autem modo, ad opinionem. Sumendæ autem quàm maxime vniuersales propositiones omnes, & vna facienda multæ: vt quòd oppositorū eadem disciplina, deinde quòd ad aliquid. Eodem modo & ipse rursus diuidendæ, quousque cōtingere potest diuisio: vt quòd boni, & mali, & albi, & nigri, & frigidi, & calidi, similiter autem & in aliis. De propositionibus igitur sufficiat prædicta.

De Multiplici distinctione. Cap. XIII.

*Amodo cō
trariorum*

Ipsum autem quotupliciter negotiandum est, non solum quæcunque dicuntur secundum alium modum, sed & rationes eorum tentandum assigna-

assignare, ut non solum quòd bonum alio quidem modo dicitur iustitia, & fortitudo, habile autem, & salubre, sed quòd & illa quidem eo quòd ipsa qualia quadam sunt, hæc autem eo quòd effectiua alicuius, & non eo quòd qualia quadam sunt: similiter autem & in aliis. Vtrum autem multipliciter, aut vno modo specie dicitur, per hæc considerandum. Primum quidem in contrario perspiciendum, si multipliciter dicitur, siue specie, siue nomine dissonet. Quadam enim statim & nominibus alia sunt: ut acuto in voce contrarium est graue, in magnitudine autem obtusum: patet igitur, quòd contrarium acuto multipliciter dicitur: si autem hoc, & acutum. Nam secundum vtrunque horum aliud erat contrarium: non enim idem acutum erit obtuso, & graui contrarium, vtrique autem acutum contrarium. Rursum graui voce quidem contrarium acutum, magnitudine autem leue: quare multipliciter graue dicitur, eo quòd & contrarium. Similiter autem & pulchro, & quidem quod in animali turpe ei vero, quod est in domo, perniciosum: quare æquiuecum pulchrum. In quibusdam autem nominibus quidem nullo modo dissonat, specie autem manifesta in eis statim differentia est, ut in claro, & obscuro: vox enim clara, & obscura dicitur. Similiter autem & color. Ergo nominibus quidem nihil dissonant, specie autem manifesta in eis statim differentia est: non enim similiter & color clarus dicitur, & vox clara: manifestum autem id est, & per sensum: nam eorum, quæ eadem sunt specie, idem sensus: at clarum, quod est in voce, & in colore, non eodem sensu iudicamus, sed hoc quidem visu, illud autem auditu. Similiter autem & acu-

*Locus ab
q̃s, in qui-
bus reperi-
tur alterū
contrariū.*

*Locus à me
dijstertius*

*A priva-
tione & ha-
bitu.*

tum, & obtusum in humoribus, & in magnitudi-
nibus, sed hoc quidem tactu, illud autem gustu.
Nam neque hæc dissonant nominibus, neque
in seipsis, neque in contrariis: obtusum enim est
contrarium utrique. Amplius, si huic quidem
est aliquid contrarium, illi autem simpliciter ni-
hil: ut ei, quæ est à potu delectationi, ea, quæ est à
siti tristitia, contrarium, ei autem, quæ est ab eo
quod est considerare quod diameter est costæ in-
commensurabilis, nihil: quare multipliciter de-
lectatio dicitur. Et ei quidem quæ est secundum
mentem amare, odisse contrarium est: ei autem
quæ est secundum corporalem actum, nihil: ma-
nifestum ergo quoniam amare æquiucum. Præ-
terea in mediis. Si huic quidem est aliquid me-
dium, illi autem nihil. Aut si utrisque quidem
est, non idem autem: ut clari, & obscuri in colo-
ribus quidem aliquid est medium, fuscum, in vo-
ce autem nihil. Aut si forte raucum, quemadmo-
dum quidam dicunt raucam vocem, medium
esse: quare æquiucum clarum: similiter & ob-
scurum. Insuper si horum quidem plura media,
illorum autem vnū, ut in claro & obscuro. Nam
in coloribus plura media, in voce autem vnū,
raucum. Rursum in eo quod secundum contra-
dictionem opponitur considerandum: si multi-
pliciter dicitur. Nam si hoc multipliciter di-
citur, & quod huic opponitur multipliciter dice-
tur. Ut non videre multipliciter dicitur, vnum
quidem non habere visum, alterum autem non
operari visu. Si autem hoc multipliciter dicitur,
necessarium est & videre multipliciter dici, utri-
que enim non videre opponitur: ut ei quidem,
quod est non habere visum, habere: illi autem
quod non est operari visu, operari. Amplius, in
his

his quæ secundum priuationem, & habitum dicuntur, perspicendum. Si enim alterum multipliciter dicitur, & reliquum: vt si sensibile multipliciter dicitur, & secundum animam & corpus, & insensibile multipliciter dicetur, & secundum animam & corpus. Quod autem secundum priuationem & habitum opponuntur, quæ dicta sunt, manifestum: eo quod nata sint vtrunque sensum habere animalia, & secundum animum, & secundum corpus. Amplius autem in casibus considerandum. Nam si iuste multipliciter dicitur, & iustum multipliciter dicetur: secundum vtrunque enim iustorum est iustum: vt si iuste dicitur, & secundum sui cognitionem iudicare, & vt oportet: similiter & iustum. Eodem autem modo & si salubre multipliciter dicitur, & salubriter multipliciter dicetur. vt si salubre dicitur hoc quidem sanitatis effectuum, illud autem conseruatium, quoddam vero significatiuum: & salubriter vel effectiue, vel conseruatiue, vel significatiue dicetur. Similiter autem & in aliis; quando ipsum multipliciter dictum fuerit, & casus ab eo multipliciter dicetur: & si casus, & ipsum. Consideranda autem & genera secundum nomen prædicationum, si eadem sint nominibus. Nam si non eadem, manifestum est, quoniam æquiuocum est quod dicitur: vt bonum in cibis quidem effectuum est voluptatis, in medicina autem effectuum sanitatis, in anima vero qualem esse: vt castam vel fortem, vel iustam: similiter autem & in homine, aliquoties autem & quando, vt in tempore bonum (bonum enim dicitur in tempore) plerunque autem quantum in mediocri (dicitur enim & mediocre bonum) quare æquiuocum bonum. Simili-

A casibus.

*Apositio-
ne generis.*

ter autem & candidum: in corpore equidem color, in voce autem bene audibile. Similiter autem & acutum: non enim similiter idem in omnibus dicitur: nam vox acuta quidem velox (sicut dicunt, qui secundum numeros armonici sunt) angulus autem acutus, qui minor est recto: gladius vero, qui est anguli acuti. Consideranda etiam & genera eorum, quæ sunt sub eodem nomine, si diuersa, & non subalterna sunt: ut equus, hoc autem animal, & hoc vas: diuersa enim, quæ secundum nomen est horum ratio: nam hoc quidem animal, quid significat, illud vero vas, quale quid. Si autem subalterna sint genera, non necessarium diuersas esse rationes: ut corui animal, & auis genus est: quando autem eorum dicimus autem esse & animal, quid dicimus eundem esse: quare utraque genera de eodem prædicantur. Similiter autem & quando animal volatile bipes eorum dicimus, autem dicimus eandem esse: & sic ergo utraque genera de coruo prædicantur, & ratio eorum. In non subalternis generibus non accidit hoc: neque enim quando vas dicimus, animal dicimus: neque quando animal, vas. Considerandum autem non solum si in proposito diuersa sunt genera, & non subalterna: sed & in contrario. Si enim contrarium multipliciter dicitur, manifestum quoniam & propositum. Vtile autem ad definitionem inspicere, quæ de composito fit: ut candidi corporis, & candidæ vocis: nam sublato proprio, eandem rationem oportet relinqui. Hoc autem non accidit in æquivocis, ut in iis quæ nunc dicta sunt: nam hoc quidem erit corpus habens talem colorem, illud autem vox bene audibilis: sublato igitur corpore, & voce,
non

non idem in vtraque relinquitur: at oportet si
vniuocum esset candidum, quod in vtraque di-
citur esse idem. Sæpe autem & in ipsiſ definitioni-
bus laterallequens æquiuiocum: quapropter
& in definitione considerandum, vt si quis signi-
ficatiuum, vel effectiuium sanitatis, quod mode-
rate se habet ad sanitatem, dicat esse, non re-
futandum: sed inspiciendum quid moderate
quidem secundum vtrumque dixit: vt si hoc
quidem tale significat, vt facere sanitatem, il-
lud autem tale, vt significare qualis quidem sit
habitus. Adhuc si non comparabilia sunt secun-
dum magis, & minus, vel similiter: vt clara vox,
clara vestis: & acutus humor, & acuta vox: hæc
enim neque similiter dicuntur clara, vel acuta,
neque magis alterum: quare æquiuiocum cla-
rum, & acutum: nam vniuocum omne, compa-
rabile: aut enim similiter dicitur, aut magis
alterum. Quoniam autem diuersorum generum,
& non subalternatiui positorum diuersæ species
sunt, & differentiæ, vt animalis, & scientiæ (di-
uersæ enim horum differentiæ) considerandum,
si quæ sub eodem sunt nomine diuersorum gene-
rum, & non subalternorum diuersæ differentiæ
sint, vt acutum vocis, & magnitudinis: differt
enim vox à voce, eo quod acuta sit: similiter &
magnitudo à magnitudine: quare æquiuiocum
acutum: diuersorum enim generum, & non sub-
alternorum diuersæ differentiæ sunt. Rursum si
eorundem, quæ sunt sub eodem nomine, diuersæ
differentiæ sunt: vt coloris qui est in corporibus,
& in melodiis. Nam eius, qui est in corporibus,
congregatiuum, & disgregatiuum visus: eius ve-
ro, qui in melodiis, non eadem differentiæ: quare
æquiuiocum color: nam eorundem, eadem dif-
feren

*Locus à cō
paratione si
gnificatorū*

*Idē in ante
predicamē
tu cap. 4.*

*A differen
tia.*

Color ī me-
lodijs, qui
et chirome,
est cum te-
trachorda
procedunt
pro duo he-
mitonia, et
trihemito-
niū. Id au-
tē ex musi-
cū.

*Differētia-
rū inuētio.*

*Similiū cō
sideratio.*

A specie.

*Utilitates
considera-
tionis mul-
tiplicū.*

ferentia. Amplius, quoniam species nullius est differentia, inspicere oportet, si eorum, quæ sub eodem sunt nomine, hoc quidem species est, illud autem differentia: ut clarum, quod in corpore quidem, species coloris, quod autem in voce, differentia. Differt enim vox à voce, eo quod clara sit. De eo igitur, quod multipliciter dicitur, per hæc, & huiusmodi perspiciendum.

*De Differentiarum inuentione, Similium
consideratione, & utilitatibus In-
strumentorum.*

Cap.

XIIII.

Differētias autem in ipsis generibus ad se inuicem perspiciendum: ut quo differt iustitia à fortitudine, & prudentia à temperantia: hæc enim omnia ex eodem genere sunt, ex virtute. Et ex alio ad aliud, ut in iis quæ non nimium differunt: ut in quo differt sensus à scientia: nam in iis quæ multum differunt, manifestæ sunt omnino differentia. Similitudinem autem considerandum in iis quæ sunt in diuersis generibus: ut sicut alterum ad alterum quidem, sic aliud ad aliud: ut sicut scientia ad scibile, sic sensus ad sensibile: & ut alterum in altero aliquo, sic aliud in alio: ut quemadmodum visus in oculo, mens in anima, & ut tranquillitas in mari, serenitas in aere: utrunque enim quies. Maxime autem in iis, quæ multum distant exerceri oportet: facile enim in reliquis poterimus similia inspicere. Considerandum autem & ea, quæ sub eodem sunt genere, si quid inest omnibus idem: ut homini, & equo, & cani: nam si inest aliquid eis idem, in eo sunt similia. Utile autem ipsum quidem, quod quotupliciter dicitur, considerasse, ad diluciditatem: maxime autem quis sciet quid ponatur, manifesto facto quo

quotupliciter dicitur. Et ad fieri secundum rem eandem, & non ad nomen syllogismos: si enim immanifestum sit quotupliciter dicitur, cōtingit non ad idem etiam qui respondet, & qui interrogat, ferre intellectum: manifestum autem quotupliciter dicitur, & ad quid ferens ponat, ridiculus vi debetur interrogans esse, si non ad hoc sermonem faciat. Utile etiam, & ut non falsa ratione decipiamur, sed decipiamus potius: nam scientes quotupliciter dicitur, nō allucinabimur, sed sciemus si non ad idem sermonē faciat is, qui interrogat, & ipsi interrogantes poterimus apparenti ratiocinatione fallere, nisi is qui respondet agnoscat quotupliciter dicitur. Hoc non in omnibus semper possibile, sed quando fuerint eorum, quæ multipliciter dicuntur, alia quidem vera, alia autem falsa. Est autem proprie non conueniens modus hic dialecticæ: quare omnino vitanda dialecticis huiusmodi ad nomen disputatio, nisi quis aliter non possit de proposito differere. Differentias autem inuenire utile, & ad syllogismos de eodem, & diuerso, & ad cognoscendum quid est vnumquodque. Quod autem ad syllogismos de eodem, & diuerso utile, manifestum: inuenientes enim differentiam propositorum quālibet, ostendentes erimus, quoniam nō idem. Ad cognoscendum autem quid est vnumquodque, eo quod propriam substantiæ cuiusque rationem, iis, quæ circa vnumquodque sunt, accommodatis differentiis separare solemus. Similitudinis autem consideratio utilis est ad inductiuas rationes, & ad syllogismos ex suppositione, & ad assignationem definitionum. Ad inductiuas quidem rationes, eo quod circa singula in similibus inductione, vniuersale existimamus inducere: non enim facile

*Utilitates
inventionis
differentia-
rum.*

*Utilitates
considera-
tionis simili-
um.*

Hypothesis.

*A multū
distātib.*

facile est inducere ignorantes similia. Ad syllogismos ex suppositione, eo quod probabile est quemadmodum in vno similium se habet, sic & in reliquis. quare ad quodcunque eorum facultatem habebimus disputandi, profitebimur quemadmodum in his se habet, sic & in proposito habere. id enim ostendentes, & propositum ex suppositione ostendentes erimus: supponentes enim quomodo in his se habet, sic & in proposito se habere demonstrationem faciemus. Ad definitionum autem assignationem, eo quod potentes conspiciere quid in vnoquoque idem, non dubitabimus ad quid oporteat genus, cum definiemus propositum, collocare: nam communium quod maxime in eo quod quid prædicatum, genus erit. Similiter autem & in multum distantibus utilis ad definitiones similitudinis consideratio: ut quod idem tranquillitas in mari, & serenitas in aëre: utrunque enim quies: & quoniam punctum in linea, & unitas in numero: utrunque enim principium: quare commune in omnibus genus assignantes, arbitrabimur non extranee definire. Penè autem & definientes sic solent assignare: nam & unitatem principium numeri dicunt esse, & punctum principium lineæ: manifestum igitur quoniam ad commune utrorumque genus collocant. Instrumenta itaque, per quæ sunt syllogismi, hæc sunt: loci autem, ad quos utilia sunt prædicta, ij sunt qui dicendi sunt.

*Aristotelis Libri Primi
Topicorum,
Fini.*

*



ARISTOTELIS TOPICORVM

LIBER SECVNDVS.

SVMMA LIBRI.

De locis absolutis accidentis sine ad resellendum, destruendumque. sine ad asserendum, construendumque.

De problematibus vniuersalibus, & in quibus predicatus inesse, & esse conuertuntur.

Cap.

I.



VNT. autem problematum hæc quidem vniuersalia, illa vero particularia: vniuersalia quidem, vt omnis voluptas bonum est, & nulla voluptas bonum: particularia vero, vt aliqua voluptas bonum, & aliqua voluptas non bonum. Sunt autem ad vtraque genera problematum communia vniuersalia: & constructiua, & destructiua. Ostendentes enim quod omni inest, & quod alicui inest ostendentes, erimus: similiter autem & si quod nulli inest ostenderimus, & quod non omni inest ostendentes erimus. Primum ergo de vniuersalibus destructiuis dicendum, eo qd communia sint

sint huiusmodi ad vniuersalia, & particularia, & quia magis positiones afferant in eo quod inest, quàm non: disputantes autem destruant.

A conuer-
sione.

A defini-
tione.

A genere.

A proprio.

Est autem difficillimum conuerti ab accidente propriam nominationem; nam aliquo modo & non vniuersaliter in solis contingit accidentibus. à Definitione enim, & proprio, & genere necessarium est conuerti: vt si inest alicui animal gressibile bipes esse, conuertentem verum erit dicere, quoniam illud animal gressibile bipes est. Similiter autem à genere. nam si animal inest alicui, animal est. Eodem autem modo & in proprio est: si enim alicui inest grāmatics susceptium esse, grāmatics susceptium erit. Nam nihil horum contingit secundum quid inesse, vel non esse: sed simpliciter vel inesse, vel non inesse. In accidentibus autem nihil prohibet secundum quid inesse, vt albedinem, vel iustitiam. Quare non sufficit ostendere, quoniam inest albedo, vel iustitia, ad ostēdendū quod albus, vel iustus est: nam habet dubitationem, quoniam secundum quid albus, vel iustus est, quapropter non necessarium est in accidentibus conuerti. Determinare autem oportet & peccata, quæ sunt in problematibus: nam sunt duo, vel in eo quod falsum dicunt, vel in eo quod transgrediuntur positam locutionem. Falsum etenim dicentes, & qui quod non inest, inesse alicui dicunt, peccant: & qui extraneis nominibus res appellant (vt platanum hominem) transgrediuntur positā nominationem.

Loci problematum, quòd quicquam
insit, vel non insit.

Cap. II.

Primus lo-
cus.

Declaratio.

VNus autem locus est inspicere, si quid secundum aliquem alium modū inest, vt accidens assigna

assignauit. Peccatur autem maxime id circa genera. vt si quis albo dicat accidere colorem esse: non enim albo colorem esse accidit, sed genus eius color est. Contingit autem & secundum nominationem determinare eum qui ponit; vt quod accidit iustitiæ virtutem esse. Sæpe autem & cum non determinet, manifestum qd genus vt accidens assignauit: vt si quis albedinem colorari dixerit, vel ambulationem moueri: à nullo enim genere denominatiue prædictio de specie dicitur, sed omnia vniuoce genera de speciebus prædicantur: nam & nomen, & rationem generum suscipiunt species: qui igitur coloratum dixit album, neque genus assignauit, quoniam denominatiue dixit neque vt proprium, vel vt definitionem: nam definitio, & proprium nulli alij inest, sunt autem colorata, & pleraque aliorum, vt lignum, lapis, homo, equus: manifestum igitur quoniam, vt accidens assignauit. Alius locus est inspicere ea, quibus inesse aut omnibus, aut nulli dictum est: & considerare secundum species, & non in infinitis. Nam transitu magis, & in paucioribus consideratio: oportet autem considerare, & incipere à primis, deinde consequenter vsque ad indiuidua. vt si oppositorum eandem disciplinam quis dixerit esse, perspicendum si eorū quæ sunt ad aliquid, & contrariorum, & quæ secundum priuationem & habitum, & quæ secundum contradictionem dicuntur eadem sit disciplina: & si in his nondum manifestum est, rursum ea diuidendum vsque ad indiuidua: vt si iusti vel iniusti, vel dupli, vel dimidij: vel cæcitatibus, vel visus: vel esse, vel non esse. Nam si in aliquo ostendatur quod non eadem, interimentes. erimus pro-

Secundus locus.

*Declaratio
Hic locus
est constructionis & destructionis.*

Tertius locus.

*Declaratio
A definitione.*

blema : similiter autem & si nulli inest : iste autem locus conuertitur ad construendum & destruendum. Si enim in omnibus videatur cum diuisionem proferimus , vel in pluribus , postulandum est autem vniuersaliter ponere , aut instantiam ferre in aliquo non sic esse : nam si neutrum horum faciat , absurdus apparebit , qui non ponet. Alius est , definitiones facere accidentis , & eius cui accidit , aut vtriusque de utroque , aut alterius : deinde considerare si quid non verum in definitionibus , perinde ac verum sumptum sit . Vt si est Deum iniustitiam facere , quid iniustitiam facere : si enim nocere sponte , manifestum , quoniam non est Deum iniustitiam facere , non enim contingit nocere Deum : & si inuidus sit studiosus , quis inuidus , & quæ inuidia . Nam si inuidia est tristitia in apparenti prosperitate alicuius proborum , manifestum est , quod studiosus non est inuidus , prauus enim esset : & si indignans inuidus , quis vterque eorum : sic enim manifestum erit vtrum verum , an falsum sit quod dictum est . Vt si inuidus quidem sit qui tristatur in bonorum prosperitatibus , indignans autem , qui in malorum prosperitatibus tristatur , manifestum quod non erit inuidus indignans . Sumere autem & pro iis (quæ in definitionibus sunt) nominibus definitiones , & non desistere donec ad notum deuentum sit : nam sæpe cum tota quidem definitio assignata sit , non manifestum est quod quæritur : pro aliquo autem eorum , quæ in definitione sunt , nominū , definitione dicta manifestum sit . Amplius , problema propositionem sibi facientem instare . Nam instantia erit argumentum ad positionem . Est autem locus hic

Quartus locus.

*Declaratio
Ab instantia.*

pene

pene idem ei, quo considerare quibus inesse, vel omnibus, vel nullis dictum est, differt autem modo. Amplius, determinare quæ oportet dicere, ut plures, & quæ non. Utile enim & ad construendum, & ad destruendum: ut quod nominationibus quidem res nuncupandum ut plures: quæ autem sunt talia ne, an non talia, non amplius attendendum ad plures. ut salubre quidem dicendum effectuum sanitatis, ceu plures dicunt, utrum autem propositum effectuum sit sanitatis, an non, non amplius ut plures dicendum, sed ut Medicus. Amplius, si multipliciter dicatur, positum autem sit quoniam inest, aut quoniam non inest: alterum monstrare eorum quæ multipliciter dicuntur, si non utraque contingat. Utendum autem in iis quæ latent: nam si non lateat multipliciter dictum, instabit quoniam non monstratum est id quod ipse dubitabat, sed alterum. Hic autem locus conuertitur & ad construendum, & ad destruendum: nam construere volentes ostendemus quoniam alterum inest, si non ambo poterimus: destruentes autem quoniam non inest, alterum ostendemus, si ambo non poterimus: veruntamen destruenti quidem nihil oportet ex concessione disputare, neque si omni, neque si nulli dictum sit inesse: nam si ostenderimus quoniam non inest quodcunque id sit, interimentes erimus omni inesse: similiter autem & si vni ostenderimus inesse, interimemus nulli inesse. Construendis autem præconfitendum, quod cuius inest, omni inest, si verisimile sit postulatam. Non sufficit enim ad ostendendum quod omni inest, in vno disputasse: ut si hominis anima immortalis est, propter hoc, anima omnis immortalis: quare præ-

Quintus locus.

Declaratio.

Sextus locus.

Declaratio

A multi-

plici costru-

endi & de-

structioni aptus.

contitendum, quòd si quęcunque anima immortalis, omnis immortalis: hoc autem non semper faciendum, sed quando non facile possumus communem in omnibus vnā rationem dicere: quęam dmodum Geometer, quòd triāgulus duobus rectis æquos habet tres angulos. Si autem non lateat quòd multipliciter dicitur, diuisum quotupliciter dicitur, & interimendum, & construendum. Vt si decens est vtile, aut honestum, tentandum ambo construere, vel interimere de proposito: vt quod honestum, & quod vtile, vel quod neque honestum, neque vtile. Si autem non contingat vtręque, alterum ostendendum, annotato quòd hoc quidem est, illud autem non: eadem autem ratio, etiam si plura sint in quę diuiditur. Rursum quęcunque non secundum æquiuocationem dicuntur multipliciter, sed alio modo. Vt disciplina vna plurimum, vt finis, aut vt eius quod ad finem: vt medicina eius quod sanitatem facit, vt quod cibatur, aut vt amborum finium velut contrariorum eadem disciplina (nihil enim magis finis alterum altero:) aut vt eius quod per se est, & eius quod per accidens: Vt per se quidem quod triangulus duobus rectis æquales habet tres angulos, per accidens autem quòd æquilaterus: quoniam enim accidit triangulo æquilaterum triangulum esse, per hoc cognoscimus quòd duobus rectis æquales habet. Si ergo nullo modo contingit eadem esse plurimum disciplinam, manifestum quoniam omnino non contingit esse, aut si aliquo modo contingit, manifestum quod contingit. Diuidere autem quotupliciter, vtile: vt si voluerimus construere, talia præstatuenda sunt quęcunque contingunt, & diuidendum

*Septimus
locus.*

*Declaratio
A multiplicis diuisione.*

*Octauus,
declaratio.*

*A fine &
medio atq;
accidente.*

dum in ea tantum , quæcunque vtilia sunt ad
 construendum: si autem destruere, quæcunque non
 contingunt reliqua vero omittenda . Id autem
 faciendum in iis cùm latuerit quotupliciter di-
 cuntur : & esse hoc quidem huius , aut non es-
 se ex eisdem locis astruendum : vt disciplinam,
 huius quidem aut vt finis , * aut vt eorum quæ
 sunt ad finem , aut vt eorum quæ sunt secun-
 dum accidens, vel rursus non esse aliquid se-
 cundum aliquem dictorum modorum eadem
 autem ratio , & in desiderio , & quæcunque alia
 dicuntur plurium . Est enim desiderium huius
 aut vt finis , vt sanitatis : aut vt eorum quæ sunt
 ad finem , vt medicinæ conficiendæ , aut vt eo-
 rum quæ sunt secundum accidens, vt in vino
 amicum dulce, nō quia vinū, sed quia dulce est:
 nā per se dulce desiderat, vinum autem per acci-
 dens : si enim austerum fit , non amplius desi-
 derat : per accidens ergo desiderabat . Vtilis au-
 tem locus hic , & in iis quæ sunt ad aliquid: pe-
 ne enim talia ea , quæ ad aliquid sunt . Amplius
 transferre ad euidentius nomen . Vt pro exacto
 in opinione clarum , & pro curiositate cupidi-
 tas superfluarum rerum : euidentiori enim facto
 quod dictum est, bene argumentabilis est: positi-
 tio . Est autem hic locus ad vtrunque communis:
 ad construendum , & ad destruendum . Ad osten-
 dendum autem contraria circa idem inesse, con-
 siderandum in genere . Vt si volumus ostendere
 quod est circa sensum rectitudo , & peccatum:
 sentire quidem iudicare est , iudicare autem est
 recte , & non recte , & circa sensum erit re-
 ctitudo , & peccatum : nunc ergo ex genere cir-
 ca speciem demonstratio fit : nam iudicare est

* al. l. aut
 vt eorum,
 quæ sunt
 per se, aut
 vt eorum,
 quæ sunt se-
 cundū ac-
 cidens.

Nonus.
 declaratio.
 Ab eviden-
 tiore appel-
 latione.

Decimus.
 declaratio.
 A genere.

*Undecimus
declaratio.
A specie.*

genus sentire: qui nanque sentit, aliquo modo iudicat. Rursum, ex specie generi: quæcunque enim speciei insunt, & generi, Vt si disciplina praua est, & studiosa, & dispositio praua & studiosa: nam dispositio, disciplinæ genus. Primus autem locus falsus est ad construendum, secundus autem verus: non enim necessarium quæcunque generi insunt, & speciei inesse: nam animal est volatile, & quadrupes, homo autem non quæcunque vero speciei insunt necessario & generi: si enim homo studiosus, & animal studiosum est. Ad destruendum autem & primus quidem verus, secundus autem falsus: quæcunque enim generi non insunt, neque speciei: quæcunque vero speciei non insunt, non neces-

*Duodeci-
mus, decla-
ratio.*

se est generi non inesse. Quoniam autem necessarium de quibus genus prædicatur, & specierum aliquam prædicari: & quæcunque habent genus, vel denominatiue dicuntur à genere, & specierum aliquam habere necesse est, vel de-

*A genere
& a specie.*

nominatiue ab aliqua specierum dici. Vt si de aliquo disciplina prædicatur, & Grammatica, vel musica, vel aliqua disciplinarum aliarum prædicabitur: & si aliquis habet disciplinam, vel denominatiue à disciplina dicitur & grammaticam habebit, aut musicam, aut aliquam aliarum disciplinarum, vel denominatiue ab aliqua earum dicetur, vt grammaticus, vel musicus: si igitur aliquid dictum à genere quoquo modo, vt animam moueri, considerandum est si secundum aliquam specierum motus contingit animam moueri, vt augeri, vel minui, vel corrumpi, vel generari, aut quæcunque aliarum motus species sunt: nam si secundum nullam, manifestum est quod non mouetur. Hic autem

Iocus

locus communis ad utrumque, & ad construendum, & ad destruendum: si enim secundum aliquam speciem mouetur, perspicuum est quoniam mouetur: & si secundum nullam specierum mouetur, manifestum quod non mouetur.

Cum autem facultas non adsit argumentationis ad positionem, intendendum ex definitionibus aut quæ sunt propositæ rei vel quæ videantur, & si non ab vna, etiam à pluribus. Facile enim definientibus argumentari erit: nam ad definitiones facilis argumentatio.

*Decimus -
tertius. de-
claratio.*

Considerandum autem in proposito, quoniam existente necesse est positum esse, aut quid est ex

*14. declara-
tio.*

necessitate, si propositum est. Construere quidem volenti, quo existente propositum erit ex necessitate: nam si illud ostendatur esse & propositum ostensum erit: destruere autem volenti, quid est si propositum est: nam si ostenderimus consequens propositum non esse, interimentes erimus propositum. Amplius, ad tempus inspiciendum si alicubi dissonat. Vt si quod nutritur, dixerit quis ex necessitate augeri: nutriuntur enim semper animalia, augentur autem non semper.

*15. declara-
tio.*

Similiter autem & si scire dixerit quis reminisci: hoc enim præteriti temporis est, illud autem præsentis, & futuri: scire enim dicimur præsentia, & futura, ut quoniam erit Solis defectus reminisci autem non contingit aliud quam præteritum. Amplius sophisticus modus

ducere ad id, ad quod plurimam habemus argumentorum facultatem. Hoc autem erit quandoque quidem necessarium, quandoque autem apparens necessarium, quandoque autem neque apparens, neque necessarium: necessarium quidem, quando negante eo qui respondet ali-

*16. declara-
tio.*

*A faculta-
te copiosa
argumen-
torum.*

quid vtilium ad positionem, ad illud rationes facit: contingit autem id talium esse ad quæ copiosam argumentorum facultatem habemus, similiter autem & quando inductionem ad aliquid per positum faciens, interimere conatur: hoc enim interempto, & propositum interimitur. Apparens autem necessarium est, quando videtur quidem vtile, & accommodum positioni, non est autem ad id quod sunt disputationes, siue negante eo qui disputationem sustinet, siue ab inductione probabili, per positionem ad idem factam interimere conetur id ipsum: reliquum vero quando nec necessarium est nec apparens ad id ad quod sunt disputationes, & sine causa accidit redarguere respondentem. Oportet autem deuitare postremum dictorum modum: omnino enim semotus, & extraneus videtur esse à dialectica. Quare oportet & respondentem non grauitate ferre, sed ponendo quæ non vtilia sunt ad positionem significare quæcunque non videntur, ponit tamen: nam magis perplexos esse ut plurimum cōtingit eos, qui interrogant, quando omnia huiusmodi ab eis posita fuerint, si non concludunt. Amplius, omnis qui dixit vnumquoduis, quodam modo multa dixit: eo quod plura vnicuique ex necessitate consequentia sunt (ut qui hominem dixit esse, & quod animal est dixit, & quod animatum, & quod bipes, quodque mentis, & discipline susceptuum) quare quouis vno consequentium interempto, interimitur & quod in principio est: cauere autem oportet in huiusmodi, difficilius assumptionem facere. Nam quandoque facile est consequens interimere, quandoque id ipsum propositum. Quibuscunque autem
necesse

17. declaratio.

18. declaratio.

neceſſe eſt alterum tantum ineſſe, vel non ineſſe, vt homini ægritudinem, vel ſanitatẽ: ſi ad alterum facile poterimus diſputare quod ineſt, vel non ineſt, & ad reliquum facile poterimus. Hoc autem conuertitur ad vtrunque: oſtendentes enim quod ineſt alterum, quod non ineſt reliquum oſtendentes erimus: ſi autem quod non ineſt oſtendamus, reliquum ineſſe oſtendentes erimus: manifeſtũ igitur quod ad vtrunque vtilis hic locus eſt. Amplius argumentari transferendo nomen in orationem: cum longe magis conſentaneum viſum fuerit tranſumere quam vt ponitur nomen. Vt magnanimum non fortem (vt ponitur) ſed magnum animum habentem: quemadmodum fidentem, bona ſperantem. Similiter autem & ingenioum, cuius fuerit genius ſtudioſus. quemadmodum Xenocrates inquit, ingenioum eũ eſſe, qui animam ſortitus eſt ſtudioſam: ipſam enim vnicuique eſſe genium. Quoniam autem rerum aliæ quidem ſunt ex neceſſitate, aliæ autem vt in pluribus, aliæ vero vtrũlibet, ſi quod ex neceſſitate eſt, vt in pluribus ponatur, aut quod vt in pluribus, ex neceſſitate: aut ipſum, aut contrarium ei quod eſt in pluribus ſemper dat locum argumentationis. Nam, ſi quod ex neceſſitate eſt, vt in pluribus ponatur, manifeſtum quoniam non omni dicit ineſſe, cum inſit omni: quare peccauit: ſiue, quod vt in pluribus dicitur, ex neceſſitate dixit, omni dixit ineſſe, cum non inſit omni: ſimiliter autem & ſi contrarium ei quod in pluribus eſt, ex neceſſitate dixit, ſemper enim in paucioribus dicitur contrarium ei, quod eſt vt in pluribus. vt ſi vt in pluribus, prauũ homines, boni in paucioribus; quare multo magis peccauit,

19. declaratio.

20. declaratio.

Apoſitione
vnius pro
altero.

21. Decla-
ratio.

si bonos ex necessitate dixit esse: similiter autem & si quod vtrunlibet est, ex necessitate dixit, vel ut in pluribus: neque enim ex necessitate vtrunlibet, neque ut in pluribus: contingit autem & si non determinans dixerit vtrum ut in pluribus, an ex necessitate dixit: sit autem res ut in pluribus disputare, ut si ex necessitate is dixerit. Ut si prauos exheredandos dixit esse, non determinans, tanquam ex necessitate is dixerit, disputare. Amplius, & si idem sibi accidens posuerit ut alterum, eò quòd alterum sit nomen. Quemadmodum Prodicus diuidebat voluptates, in gaudium, & iucunditatem, & lætitiā: hæc enim omnia eiusdem (id est voluptatis) nomina sunt: si ergo aliquis gaudere, ei quod est lætari ponat accidere, idem utique sibiipsum dicet accidere.

De eisdem terminandis problematibus, loci alij.

Caput III.

22. declara-
tio.

QUoniam autem contraria cōnectuntur quidem sibiinuicem sex modis, contrarietatem autem faciūt quadrupliciter complexa: oportet accipere contraria quocunque modo vtile fuerit & destruenti & construenti. Quòd autem sex modis complectuntur, manifestum: nam vtrunque contrariorū vtrique contrariorum connectitur, hoc autem dupliciter, ut amicis benefacere, & inimicis male: vel ecòuerso, amicis male, & inimicis bene: aut quando vtraque de vno: dupliciter autem & hoc ut amicis benefacere, & amicis male, vel inimicis benefacere, & inimicis male: aut vnum de vtrisque, & hoc quoque dupliciter, ut amicis bene & inimicis bene: vel amicis male & inimi-
cis

cis male. Primæ autem duæ dictæ complexiones non faciunt contrarietatem: nam id, quod est amicis benefacere, ei quod est inimicis male facere, non est contrarium, vtrique enim eligenda sunt vel eiusdem moris: neque id quod est amicis male, ei quod est inimicis bene: nam & hæc vtrique fugienda, & eiusdem moris. Non videtur autem fugiendum fugiendo contrarium esse, nisi hoc quidem secundum superabundantiam, illud autem secundum defectum dictum sit. nam super abundantia fugiendorum videtur esse: similiter autem & defectus. Reliqua vero quatuor omnia faciunt contrarietatem: nam id, quod est amicis benefacere, ei quod est amicis male, contrarium: nam à contrario more sunt, & illud quidem eligendum, hoc autem spernendum. similiter autem & in aliis. Nam in vnaquaque coniugatione vnum eligendum, & alterum fugiendum: illud quidem boni moris, hoc autem pravi. Manifestum igitur ex iis quæ dicta sunt, quod eidem plura contraria accidunt fieri: nam ei, quod est amicis benefacere, id quod est inimicis benefacere, & id quod est amicis male, contrarium est. Similiter autem & aliorum singulis quibusque eodem modo considerantibus, duo contraria apparebunt: accipere igitur contrariorum quodcunque, erit ad positionem utile. Amplius si est aliquid contrarium accidēti, considerandum est, si inest ei, cui dictum est accidens inesse. Nam si hoc inest, illud non inerit: impossibile enim simul contraria eidem inesse. Aut si quid tale dictum est de aliquo, quod cum sit, necesse est contraria inesse: ut si ideas in nobis quis dixerit esse. Nam & moueri, & quiesce

23. declaratio,

24. declaratio.

*Motis no-
bis necesse
est omnia
moueri
qua in no-
bis sunt.
25. Locus.
declaratio.*

quiescere easdem accidet, & etiam sensibiles, & insensibiles esse. nam, videntur ideæ quiescere, & immobiles, & intelligibiles esse iis, qui ponunt ideas esse: attamen, cum sint in nobis, impossibile est immobiles esse. nam motis nobis, necessarium est & quæ in nobis sunt omnia simul moueri. manifestum autem quoniam & sensibiles, si in nobis sunt: nam per sensum, qui circa visum est, eam quæ in vnoquoque est formam cognoscimus. Rursum, si positum est accidēs, cui est aliquid contrarium, considerandum si & contrarij susceptium, quod accidētis est: nam idem contrariorū susceptium: vt si odium hærere iræ quis dixerit, erit odium in furoris specie, illic enim ira: inspiciendū igitur si & contrarium in furoris specie, an in concupiscentia: nam si non, sed in concupiscibili est, non cohæret odium iræ. Similiter autem & si concupiscibile ignorare dixerit: nam erit & disciplinæ susceptium, siquidem & ignorantia: quod quidem non videtur concupiscibile susceptium esse disciplinæ. Destruenti ergo, quemadmodum dictum est, vtendum: austruenti vero quod inest quidē accidens non utilis locus, quod autē contingit inesse utilis. Ostendentes enim quod non susceptium est contrarij, ostendentes erimus quod neque inest accidens, neque contingit inesse: si autem ostenderimus quod inest contrarium, aut quod susceptium est contrarij, nondum ostendentes erimus quod & accidens inest, sed quod contingit inesse in tantum solum ostensum erit. Quoniam autem oppositiones sunt quatuor, considerandum ex cōtradictionibus, econuerso ex consequentia, & interimenti, & construenti: sumere autem est inductione, vt si homo, animal, non

anim

animal, non homo: similiter autem & in aliis. Hic enim econuerso consequentia: nam hominem, animal sequitur, non hominem autem, non animal, nequaquam, sed econuerso, non animal, non homo. In omnibus igitur tale est existimandum, vt si bonum, suaue: & non suaue, non bonum, si autem non hoc, nec illud. similiter autem & si non suaue, non bonum: bonum, suaue. Manifestum igitur quod vtrunque conuertitur, quæ secundum contradictionem est consequentia econuerso facta. In contrariis autem considerandum si contrarium contrarium sequatur, an contra seipsa consequentia, an econuerso, & interimenti, & conſtruenti. Sumere autem & talia est ex inductione quantum vtile est, contra ipsum consequentia est, vt in fortitudine, & timiditate. nam illa quidem sequitur virtus, hanc autem vitium: & illam quidem sequitur eligendum, hanc autem fugiendum: igitur contra seipsa & horum consequentia: contrarium enim eligendum fugiendo: similiter autem & in aliis. Econuerso autem consequentia, vt bonam quidem habitudinem sanitas sequitur, malam autem habitudinem ægritudo nequaquam, sed ægritudinem mala habitudo: manifestum igitur quoniam econuerso in his consequentia fit. Raro autem econuerso accidit in contrariis, sed in pluribus in seipsa consequentia: si ergo neque contra seipsa contrarium sequitur cōtrarium, neque econuerso, manifestum quoniam neque eorum quæ dicta sunt alterum sequitur alterum: si autem in contrariis, & in iis quæ dicta sunt necesse alterum sequi alterum. Similiter autem contrariis, & in priuationibus, & habitibus respiciendum. Veruntamen nō est in priuationibus econuerso:

Bonū sequitur suaue.

27. Locus. declaratio. A cōtrario rum consequentia.

28. Locus. declaratio.

uerso: sed contra seipsa consequentiam necessarium est semper fieri: veluti visum sequi sensum, cæcitatem autem insensibilitatem: opponitur enim sensus insensibilitati, vt habitus & priuatio: nam illud horum quidem habitus, hoc autem priuatio est. Similiter autem habitui & priuationi, & in iis quæ sunt ad aliquid, vtendum: contra seipsa enim, & horum consequentia, vt si triplum, multipulum, & subtriplum submultipulum dicitur: dicitur enim triplum quidem ad subtriplum, multipulum autem ad submultipulum. Rursum, si scientia, opinio: & scibile opinabile: & si visus sensus, & visibile sensibile. Instantia, quod non necesse est in iis, quæ sunt ad aliquid, consequentiam fieri, quemadmodum dictum est: nam sensibile scibile est, sensus autem non est scientia. Non tamen vera instantia videtur esse: multi enim non dicunt sensibilem esse scientiam. Insuper autem ad contrarium non minus utile quod dictum est: vt quod sensibile non est scibile, neque enim sensus scientia. Rursus in
29. Locus. *declaratio.* coniugatis, & in casibus: & interimenti, & con-
A coniuga struenti. Dicuntur autem coniugata huiusmodi,
in & casibus. vt iusta, & iustus iustitiæ: & fortia, & fortis fortitudini. Similiter autem effectiua, & conseruatiua, coniugata illi cuius sunt effectiua, & conseruatiua, vt sanatiua sanitatis, habituatiua habitudinis: eodem autem modo & in aliis: coniugata igitur talia solent dici. Casus autem, vt iuste, & fortiter, & sanatiue, habituatiue, & quæcunque eodem modo dicuntur. Videntur autem & quæ sunt secundum casus, coniugata esse, vt iuste iustitiæ, & fortiter fortitudini. Coniugata autem dicuntur secundum eandem coniugationem omnia, vt iustitia, iustus, iustum, iuste: manifest

nifestum igitur quoniam vno quouis ostenso eorum, quæ secundum eandem coniugationem dicuntur, vt bono, vel laudabili: & reliqua omnia ostensa sunt: vt si iustitia est laudabilium, & iuste, iustus, iustum laudabilium: dicetur autem iuste & laudabiliter secundum eundem casum, nam à laudabili, quemadmodum iuste à iustitia. Considerandum autem non solum in eo quod dictum est, sed & in contrario contrarium. Vt quod bonum non ex necessitate suauē, neque enim malum triste: aut si hoc, & illud: & si iustitia scientia, & iniustitia ignorantia: & si quod iuste est, scienter & experienter est, quod iniuste est, ignoranter & inexperienter est: si autem hæc non, nec illa, velut in hoc quod nunc dictum, nam magis vtique apparebit quod iniuste experienter, quàm inexperienter. hic autem locus dictus est prius in contrariorum consequentiis, nihil enim aliud nunc ostendimus, quàm contrarium sequi contrarium. Amplius in generationibus, & corruptionibus, & effectiuis, & corruptiuis, & interimenti & astringenti. Quorum enim generationes bonæ sunt, & ipsa bona sunt: & si ipsa bona sunt, & generationes bonæ: si autem generationes malæ, & ipsa mala. in corruptionibus autē e contrario: nam, si corruptiones bonæ, ipsa mala, si autem corruptiones malæ, ipsa sunt bona. Eadem ratio & in effectiuis, & corruptiuis: quorum enim effectiua bona, & ipsa bona: quorum vero corruptiua bona, ipsa mala.

30. *Locus.
declaratio.*

31. *Locus.
declaratio.*

Ex Similibus, Appositione, Magis, Minus, Simpliciter, & secundum Quid, loci. Cap. IIII.

Rursum in similibus si similiter se habent. Vt si disciplina vna plurium, & opinio: & si visum

32. *Locus.
declaratio.*

33. *declara-
tio.*

34. *declara-
tio.*

35. *Locus*

36. *Locus*

37. *Locus*

38. *Locus
declaratio.*

sum habere est videre: & auditum habere est audire: similiter autem & in aliis, & in his quæ sunt, & in iis quæ videntur. Vtilis autem hic locus ad vtrunque: nam si in aliquo similitum sic se habet, & in aliis similibus: si autem in aliquo non, nec in aliis similibus. Considerandum autem & in vno, & in pluribus si similiter se habet. Aliquoties enim dissonat: ut si scire est cogitare, & multa scire est multa cogitare: hoc autem non verum, contingit enim plura scire, cogitare autem non: si autem non hoc, nec illud quod in vno, quod scire est cogitare: Amplius, ex minus & magis. Sunt autem eius, quod est magis, loci quatuor. Vnus quidem si magis sequitur magis: ut si voluptas bonum, & magis voluptas, magis bonum: & si iniuriam facere, malum, & magis iniuriam facere, magis malum. Vtilis autem ad vtrunque hic locus: nam si sequatur ad subiecti incrementum, accidentis incrementum, quemadmodum dictum est, manifestum quod accidit: si autem non sequatur, non accidit: hoc autem inductione sumendum. Alius, vno de duobus dicto, si cui magis videtur inesse non inest, nec cui minus: & si cui minus videtur inesse inest, & cui magis. Rursum, duobus de vno dictis: si quod magis videtur alij inesse non inest, neque quod minus, aut si quod minus videtur inesse inest, & quod magis. Amplius, duobus de duobus dictis, si quod alteri magis videtur inesse non inest, nec reliquum reliquo: aut si quod minus videtur alteri inesse inest, & reliquum reliquo. Amplius, ex eo quod similiter inest, vel videtur inesse, tripliciter: quemadmodum in eo quod magis: ut in posterioribus tribus dictis locis dicebatur. Siue enim vnum quoddam duobus

bus similiter inest, aut videtur inesse, si alteri non inest, nec alteri: si autem alteri inest, & reliquo. Siue duo eidem similiter, si alterum non inest, nec reliquum: si autem alterum, & reliquum. Eodem autem modo & si duobus duo similiter insunt: nam si alterum alteri non inest, nec reliquum reliquo: si autem inest alterum alteri, & reliquum reliquo: ex eo igitur quod est magis, & minus: & quod est similiter, tot modis contingit argumentari. Amplius autem *39. declaratio.* ex appositione, si alterum ad alterum appositum faciat bonum, vel album, cum non fuerit prius album, vel bonum, quod appositum est, erit album, vel bonum, quale re vera & totum facit. Amplius autem, si id, ad quod est appositum aliquid, facit magis tale, quale erat: & ipsum erit eiusmodi: similiter autem & in aliis. Vtilis autem non in omnibus hic locus, sed in quibus ipsius magis crementum accidit fieri. Iste vero locus non conuertitur ad destruendum: nam si non facit quod appositum est, bonum, nondum manifestum, si ipsum non bonum. Nam bonum malo appositum, non ex necessitate bonum totum facit, nec album nigro, nec dulce amaro. Rursum si quid magis & minus dicitur, & simpliciter inest. Quod enim bonum vel album non est, neque magis & minus bonum vel album dicitur: nam malum de nullo magis, vel minus bonum, sed magis malum vel minus dicitur. Non conuertitur autem hic locus ad destruendum: mula enim eorum quæ non dicuntur magis, simpliciter insunt: nam homo non dicitur magis & minus, sed non propter hoc non est homo. Eodem autem modo considerandum & in iis quæ secundum quid, & quando, & ubi.

*40. declaratio.**41. declaratio.**42. declaratio.*

Instantia.

Nam si secundum quid contingit, & simpliciter contingit: similiter autem & quando, & vbi: nam quod simpliciter est impossibile, neque secundum quid, neque secundum vbi, neque secundum quando contingit. Instantia: quoniam secundum quid quidem sunt natura studiosi, ut liberales, vel casti, simpliciter autem non sunt natura studiosi, nam nullus natura prudens. Similiter autem & quando cōtingit corruptibilium aliquid non corrumpi. simpliciter autem non contingit corrumpi. Eodem autem modo & vbi expedit quidem tali obseruantia victus vtri, ut in morbosis locis simpliciter autem non expedit. Adhuc autem, alicubi quidem vnum tantum possibile est esse, simpliciter autem non possibile vnum tantum esse. Eodem autem modo & alicubi bonum est quidem patrem sacrificare, ut in Tribalis, simpliciter autem non bonū. an in hoc quidem non vbi significat, sed quibusdam? nihil enim refert ubicunque sint: vbiq; enim erit eis bonum in Tribalis. Rursus quidem expedit medicari, ut quando ægrotat, simpliciter autē non. An neque hoc quādo significat, sed in eo quod afficitur aliquo modo? nihil enim refert quandocūque, dummodo sic affectus sit. Simpliciter autem est, quod nullo addito dicis quod bonum est, aut contrarium: ut patrem sacrificare non dicis bonum esse, sed quibusdam bonum esse: non ergo simpliciter bonum: sed Deos honorare bonum dicis nihil addens: simpliciter enim bonum est. Quare quod nullo addito videtur esse honestum, vel turpe, vel aliquid talium, simpliciter dicetur.

*Dilutio.**Aristotelis libri secundi Topicorum*

F I N I S.



ARISTOTELIS TOPICO.

R V M

LIBER TERTIVS.

SVMMA LIBRI.

De locis Comparationum, qui accidentibus adscribuntur: & de plerisque locis absolutis accidentis.

De Meliorum, Eligibiliorumque problematum locis. Caput Primum.



TRVM autem eligibilius, aut melius duorum, pluriumue ex his perspicendum. Primum autem determinetur quod considerationem facimus non de plurimum distantibus, & magnam adinui-
cem differentiam habentibus (nullus enim dubitat, vtrum felicitas, an diuicia expetibiliores) sed de iis quæ propinqua sunt, & de quibus dubitamus, vtrum oporteat apponere magis, eo quod nullam videmus alterius ad alterum præminentiam? Manifestum igitur in his quod ostensa vna præmentia, vel pluribus, constituetur intelligentia quod id eligibilius est, quod eorum est præmentens. Pri-
mum igitur quod diuturnius stabiliusue, eligibilius eo quod minus huiusmodi. Et quod magis

1. Locis.

2. Locis.

eligit prudēs, vel bonus vir, vel lex recta, vel studiosi circa singula delecti quatenus tales sunt, vel in vnoquoque genere periti, vel quæcunque plures, vel omnes, vt in medicina vel ædificatoria, quæ plures medicorum vel omnes vel quæcunque omnino plures, vel omnes, vel omnia, vt bonum, omnia enim bonū appetunt. Oportet autem ducere ad id quod fuerit vtile, quod dicendū est.

3. *Locus.*

4. *Locus.*
declaratio.

Est autē simpliciter quidē melius, ac eligibilius, quod secundū meliorem disciplinam: alicui autem, quod secundū propriam. Deinde quod id ipsum quod est (eo quod non) in genere est: vt iustitia iusto. Nam illa quidē in genere bono, hoc autem non, & illa id ipsum quod est, bonum est, hoc autem non. nam mihi dicitur id ipsum quod genus est, quod non est in genere. Vt albus homo non est id quod color. similiter autem & in alijs.

5. *Locus.*
declaratio.

Et quod propter se eligendum, eo eligendo quod propter aliud eligibilius. Vt sanum esse quàm exercitari: illud enim propter se eligendum, hoc autem propter aliud. Et quod per se, eo quod per accidens. Vt amicos iustos esse, eo quod inimicos: illud enim per se eligendum, hoc autem per accidens eligimus. Nam inimicos iustos esse secundū accidens eligimus, vt nihil nobis noceāt.

6. *Locus.*
declaratio.

Est autem hoc idem ei quod ante hoc, differt autem modo: nam amicos quidem iustos esse, propter se eligimus, & si nihil nobis debeat fore, quamuis apud Indos sint: inimicos autē propter alterum, vt nihil nobis noceant. Et quod causa boni per se, eo quod per accidens causa. Quemadmodum virtus, fortuna: nam illa quidem per se, hæc autem per accidens est causa bonorum, & si quid aliud huiusmodi. Similiter autem & in contrariis. Nam quod per se est causa mali, fugi-

7. *Locus.*
declaratio.

bilius

bilis est eo quod per accidens, ut vitium quam fortuna: nam illud quidem per se malum, fortuna autem per accidens. Et quod simpliciter bonum, eo quod alicui eligibilis. ut sanum fieri, quam incidi. nam hoc quidem simpliciter bonum, illud autem alicui indigentium incisione. & quod natura est, eo quod non natura. ut iustitia, iusto: illud enim natura, hoc autem acquisitionum. Et quod meliori, & honorabiliori inest, eligibilis: ut Deo, quam homini: animæ, quam corpori. Et quod melioris proprium, melius quam quod peioris. Ut quod Dei, quam quod hominis: nam secundum communia utriusque nihil differunt ab invicem, propriis autem alterum alteri differentiis supereminet. Et quod in melioribus, vel prioribus, vel honorabilioribus, est melius. Ut sanitas robore, & pulchritudine: nam illa quidem in humidis, & siccis, & (ut simpliciter dicatur) ex quibus prius constitutum est animal, hæc vero in posterioribus: nam robur in nervis, & ossibus: pulchritudo autem membrorum quædam commensuratio videtur esse. Et finis iis quæ sunt ad finem eligibilior videtur esse. Et duorum, quod propinquius est fini. Et omnino quod ad vitam finem, expetibilis, quam quod ad aliud aliquid: ut quod ad felicitatem contendit, quam quod ad prudentiam: nam quod ad felicitatem contendit, eligibilis. Et possibile impossibile. Amplius, cum duo sint effectiva, cuius finis melior, & ipsum melius. Cum autem sit effectivum, & finis: ex proportionem, quando pluri superat finem finem quam ille proprium effectivum. Ut felicitas pluri superat sanitatem, quam sanitas salubre: quare effectivum felicitatis melius sanitate: nam quantum felicitas superat sanitatem,

8. *Locus.*
declaratio.
9. *Locus.*
declaratio.
10. *Locus.*
declaratio.
11. *Locus.*
declaratio.
12. *Locus.*
declaratio.
13. *Locus.*
14. *Locus.*
15. *Locus.*
16. *Locus.*
17. *Locus.*
declaratio.
18. *Locus.*
19. *Locus.*
declaratio.

20. *Locus declaratio.* tantum & effectuum felicitatis, salubre superat: sanitas autem salubre minus superabat, quare plus superat effectuum felicitatis salubre, quam sanitas salubre quapropter effectuum felicitatis melius sanitate manifestum igitur, quod eligibilius effectuum felicitatis, quam sanitas: nam idem plus superat. Amplius, melius est quod propter se, & honorabilius, & laudabilius. Ut amicitia diuitiis, & iustitiae, & nobilitate, & robore: nam illa quidem propter se honorabilem, hæc vero non propter se, sed propter aliud: nullus enim honorat diuitias propter se, sed propter aliud: amicitiam vero propter se, & si nihil nobis debeat aliud ab ea esse.

Alij eiusdem problematis loci.

Cap.

I I.

21. *Locus declaratio.*

Amplius, quando duo aliqua fuerint valde similes, & non poterimus præminentiam aliquam conspiciere alterius ad alterum, videndum ex iis quæ sequuntur. Nam cum consequens est maius bonum, hoc eligibilius, si

22. *Locus declaratio.*

autem sint consequentia mala, cui consequens minus malum, hoc eligibilius. Nam, cum utraq; sint eligenda, nihil prohibet molestum aliquid sequi: dupliciter autem ab eo quod sequitur consideratio, nam & prius, & posterius sequitur: ut addiscentem ignorare prius, scire autem posterius: melius autem ut plurimum, quod posterius sequitur: sumendum igitur eorum quæ sequuntur

23. *locus.*

quodcumque fuerit utile. Amplius, plura bona paucioribus, vel simpliciter, vel quando altera alteris insunt, ut pauciora in pluribus. Instantia, si alicubi, alterum alterius gratia: nihil enim eligibilia utraque quam vnum: ut sanum fieri, & sanitas, quam sanitas, eo quod sanum fieri propter

pter sanitatem eligimus. Et nō bona, bonis nihil prohibet eligibilia esse, vt felicitatem: & aliud aliquid quod non est bonum, iustitia & fortitudine. Et eadem cum voluptate magis, quā sine voluptate: & eadem cum indolentia, quā cum tristitia. Et vnumquodque in quo tempore magis valet, in hoc etiam eligibilius. Vt carentia tristitiæ in senectute magis, quā in iuuentute: magis enim in senectute valet. Secundum hæc autem, & prudentia in senectute eligibilior: nemo enim iuuenes eligit duces, eo quod non constat eos prudentes esse. Fortitudo autem est contrario: in iuuentute enim magis necessaria secundum fortitudinem operatio: similiter autem & in temperantia, magis enim iuuenes quā senes concupiscētiis molestantur. Et quod in omni tempore, vel in pluribus vtilius. Vt iustitia, & temperantia, fortitudine: nam ille semper, hæc autem aliquando vtilis. Et quod, cum omnes haberemus, nihil altero indigeremus, quā quod cum haberemus, indigeremus reliquo. Vt in iustitia & fortitudine: nam non si omnes essent iusti, nihil vtilis fortitudo, si vero omnes essent fortes, vtilis iustitia. Amplius ex corruptionibus, & abiectiōibus, & generationibus, & sumptionibus, & contrariis. Quorum enim corruptiones malæ, ipsa eligibilia: similiter autem & in abiectiōibus, & in contrariis: nam si abiectio, vel contrarium fugibilis est, ipsum eligibilis: in generationibus autē, & sumptionibus est contrario. Quorum enim sumptiones, & generationes eligibiliores, ipsa quoque eligibilia. Alius autem locus est. Quod propinquius bono, melius, atque eligibilius. Et quod similis est bono, vt iustitia, iusto. Et quod melior eorum est similis, quemadmodum Aiace

24. Locus.

25. Locus.

26. Locus.

declaratio.

27. locus.

declaratio.

28. locus.

declaratio.

29. locus.

declaratio.

30. locus.

declaratio.

31. locus.

declaratio.

32. locus.

declaratio.

Vlyffe dicunt aliqui meliorem esse, eo quod similior est Achilli. Instantia huius est, quod non verum sit: nihil enim prohibet non qua ratione optimus est Achilles, eadem similiorem esse Aiacem, cum erit alter quidem bonus, non similiter autem. Considerandum autem si & in ridiculioribus sit simile: vt simia homini quàm equo, cum non sit similis: non enim est simia melior, similior tamen est homini. Rursum in duobus: si hoc quidem meliori, illud autem peiori est similius, erit melius quod meliori est similius. Habet autem & hoc instantiam: nihil enim prohibet hoc quidem meliori parum simile esse, illud autem peiori valde: vt sit Ajax quidem Achilli parum, Vlysses autem Nestori valde: vt si hoc quidem meliori in peioribus: illud autem peiori in melioribus: vt equus, asino, & similia homini. Et quod maxime insigne, eo quod minus tale. Et quod difficilius: magis enim amamus, cum habemus, quod non est facile adipisci. Et quod magis proprium, eo quod communius. Et quod malis incommunius: nam magis eligendum quod nulla molestia sequitur, quàm quod sequitur. Amplius, si hoc illo melius, & omnino optimum eorum, quæ in hoc, melius eo quod in altero optimum. Vt si melior est homo quàm equus, & optimus homo optimo equo melior. Et si optimum optimo melius, & simpliciter hoc illo melius: vt si optimus homo optimo equo melior, & simpliciter homo, simpliciter equo melior. Amplius, ea quæ volumus amicos participare, eligibilia, quàm quæ non. Et quæ ad amicum agere malumus, quàm quæ ad quemlibet, illa eligibilia. Vt iuste agere, & benefacere, magis quàm videri, nam amicis benefacere volumus magis quàm videri:

33. locus.

34. locus.

35. locus.

36. locus.

37. locus.

38. locus.

declaratio.

39. locus.

declaratio.

40. locus.

41. locus.

declaratio.

deri: quibuscumque autem è conuerso. Et quæ sunt
ex circumstantia necessariis meliora, aliquando
autem & eligibilia. Melius enim quàm viuere
bene viuere: bene autem viuere est ex circumstan-
tia ipsum autem viuere necessarium. Aliquando
autem meliora non etiam eligibilia: nõ enim
si meliora, necessario quòd eligibilia: philoso-
pharum siquidem melius quàm lucrari, sed non ma-
gis eligendum indigenti necessariis. Ex circun-
stantia autem est, quando existentibus necessa-
riis, alia quædam adiiciuntur bonorum. Fere au-
tem fortasse eligibilis quod necessarium est, me-
lius autem quod ex circumstantia. Et quod non
est ab alio exquirere, quàm quod est, & ab alio.
Quale sustinet iustitia ad fortitudinem. Et si hoc
quidem sine illo eligendum, illud autem sine hoc
non. Vt potestas sine prudentia non eligenda, pru-
dentia vero sine potestate eligenda. Et duorum, si
alterum negamus, vt reliquum videatur nobis
in esse: illud eligibilis, quod volumus nobis vi-
deri in esse. Vt laborem diligere nos negamus, vt
ingeniosi esse videamur. Amplius, pro cuius ab-
sentiamus increpandi sunt moleste ferentes,
hoc magis eligendum. Et pro cuius absentia non
moleste ferentem magis increpandum: id eligi-
bilis.

42. locus.

43. locus.

44. locus.
declaratio.

45. locus.
declaratio.

46. locus.

47. locus.

Alij Meliorum, Eligibiliorumque loci.

Cap.

III.

Amplius eorum, quæ sunt sub eadem specie,
quod habet propriam virtutem, eo quod non
habet, vtrisque autem habentibus, quod magis
habet, eligibilis. Amplius, si hoc quidem facit
bonum illud cui adest, illud autem non facit:
quod facit, eligibilis. Quemadmodum & cali-

48. locus.

49. locus.

90. locus.
declaratio.

dus quod calefacit, eo quod nō. Si autem vtrun-
que facit, quod magis facit, aut quod melius, &
principalius facit bonum: vt si hoc quidem ani-
mam, illud autem corpus. Amplius autem à casu-
bus, & vñibus, & actionibus, & operibus, & hæc
ac illis. Sequuntur enim sese inuicem: vt si quod
iuste est eligibilius quàm quod fortiter, & iusti-
tia fortitudine eligibilior: & si iustitia quàm for-
tudo eligibilior, & quod iuste, quàm quod for-
titer: similiter autem & in aliis. Amplius si aliquo

91. locus.

eodem hoc quidem maius bonum est, illud au-
tem minus: magis eligendum maius, aut si maio-
re maius fuerit alterum. Sed & si duo quædam

92. locus.

vno aliquo sint eligibilia: quod longe eligibi-
lius, eo quod minus est eligendum, eligibilius.

93. locus.

Amplius, cuius est superabundantia eligibilior,
& ipsum eligibilius. Vt amicitia pecuniis: nam
eligibilior superabundantia amicitie, quàm pe-
cuniarum. Et id cuius magis eligit quis vt ipse si-

94. locus.

bi causa sit, quàm cuius alter. Vt amicos pecuniis.
Amplius, ex appositione si eidem appositum ali-
quid, quod totum eligibilius facit. Cauere autem

95. locus.

oportet extendere ad ea, in quibus altero quidem
appositorum vtitur commune, vel alio quolibet
modo cooperatiuum est, reliquo autem non vti-
tur, neq; cooperatiuum est: vt ferra, & falce cum
arte fabrili: nam eligibilior ferra consociata, sim-
pliciter autem non eligibilior. Rursum, si minori
appositum aliquid, quod totum maius facit. Simi-

96. locus.

97. locus.

liter autem, & ex ablatione: quo enim ablato ab
eodem, quod restat est minus, illud maius erit
quod ablatum, reliquum minus facit. Et si hoc
quidem propter se, illud autem propter gloriam
eligendum. Vt sanitas pulchritudine: terminus au-
tem eius, quod est ad gloriā, quod nullo conscio,

98. locus.

non

non studeret inesse. Et si hoc quidem propter se, & propter gloriam eligendum: illud autem propter alterum tantum. Et utrunvis magis propter se honorandum, hoc & melius, & eligibilius. Honorabilius utrique fuerit secundum se, quod cum nihil aliud debeat esse, propter se eligimus magis. Amplius, diuidendum quoties quod eligendum est dicitur, & quorum gratia: utilis, vel honesti, vel delectabilis. Nam quod ad omnia, vel ad plura est utile, eligibilius fuerit eo, quod non sic. Si autem eadem utrisque insunt, utri magis insint considerandum. Ut utrum delectabile, an honestum, an utile magis. Rursum, quod propter melius eligibilius. Ut quod propter virtutem, quam quod propter delectationem. Similiter autem, & in fugiendis. Nam magis est fugiendum, quod magis impedit virtutes, ut ægritudo turpitudine: nam & voluptatis, & eius, quod est studiosum esse, prohibentior est ægritudo. Amplius ex similitudine monstrari potest fugiendum, & eligendum quod propositum est. Nam minus eligendum huiusmodi, quod æque & eligeret aliquis & fugeret: altero quod eligendum est tantum. ad se inuicem igitur comparationes (quemadmodum dictum est) faciendum.

59. locus.

60. locus.

61. locus.

62. locus.

63. locus.

64. locus.

De eligendis, & fugiendis documenta, & loci communes.

Cap.

I I I I.

Idem autem loci utiles, & ad demonstrandum, quoduis eligendum, & fugiendum. Nam auferre solum eam oportet (quæ ad alterum est) præ eminentiam: si enim quod honorabilius, eligibilius: & honorabile eligendum: & si quod utilius, eligibilius: & utile eligendum: similiter autem & in aliis quæcunque huiusmodi habent comparationem

Documentum primum.

*Vniuersa -
les loci.*

Primus.

6. Locus.

7. Locus.

8. Locus.

*9. Locus.
declaratio.
3. documentum.
declaratio.*

tionem. In aliquibus autem statim secundum eam, quæ ad alterum est comparisonem: & quod eligendum vtrunque, vel alterum dicimus. Vt quando hoc quidem natura bonum, illud autem non natura bonum dicimus: nam quod natura bonum, manifestum quoniam eligendum est. Sumendum autem quàm maxime vniuersales locos de eo, quod est magis & minus: nam sic sumpti, ad plura vtiliter erunt. Fieri autem potest, vt eorum, qui dicti sunt, quosdam vniuersales magis quis faciat parum transmutans secundum appellationem. Vt quod natura tale, eo quod non natura tale, magis tale. Et si hoc quidem facit, illud autem non facit quod habet tale cuiusque; insit: magis tale quod interdum facit tale quàm quod non facit. si autem vtrunque facit, quod magis facit tale. Amplius, si eodem aliquo, hoc quidem magis, illud autem minus tale. Et si hoc tali magis tale, illud vero non tali tale, manifestum quoniam primum magis tale. Amplius, ex additione: si eidem additum, aliquod totum magis tale facit. Aut si ei quod minus est tale additum, totum magis tale facit. Similiter autem & ex ablatione: nam quo ablato reliquis reliquum, minus tale, ipsum magis tale. Et quæ contrariis sunt impermixtiora, magis talia. Vt albius quidē nigro impermixtius. Amplius, præter ea quæ dicta sunt prius, quod magis suscipit propriam propositi rationem. Vt si albi est ratio color segregatius visus: albioris est, color magis segregatius visus. Si autem particulariter, & non vniuersaliter problema ponatur, primum quidem dicti vniuersaliter constructiui, vel destructiui loci omnes vtiliter. Vniuersaliter enim interimētes, vel cōstruētes, & particulariter monstramus: nam, si omni inest

ineſt, & alicui: & ſi nulli ineſt, nec alicui. Maxime autem opportuni, & communes loci, qui ſunt ex oppoſitis, & coniugatis, & caſibus. Nam ſimiliter probabile eſt exiſtimare, ſi omnis voluptas bonum, & triſtitiam omnem malum eſſe: & ſi aliqua voluptas bonū, & triſtitiam aliquā eſſe malum. Item, ſi aliquis ſenſus non eſt poteſtas, & inſenſibilitas quēdā non eſt impotentia, & ſi quoddam opinatum diſciplinatum, opinio quādam diſciplina: rurſum, ſi aliquod iniuſtorū bonum, & iuſtorum aliquod malum: & aliquod eorum, quæ iniuſtè, malum, & aliquod eorum, quæ iniuſte bonum: & ſi quoddam delectabile fugiendum, & delectatio quādam fugienda: ſecundum hæc autem & ſi aliquod delectabile vtile, delectatio quēdā utilis. Et in corruptiuis autē, & generationibus, & corruptionibus ſimiliter. Nam, ſi aliquod corruptivum delectationis vel diſciplinæ bonum eſt, erit quādam delectatio, vel diſciplina malorum: ſimiliter autem & ſi corruptio quādam diſciplinæ bonorū, vel generatio malorum, erit quādam diſciplina malorum. Vt ſi obliuiſci quæ quis turpia egit bonorum eſt, vel reminiſci malorum, erit ſcire quæ quis turpia egit, malorum, ſimiliter autem & in aliis: in omnibus enim ſimiliter probabile. Amplius, ex eo quod eſt magis & minus, & ſimiliter: ſi enim magis quidem eorum quæ ſunt ex alio genere aliquid tale, illorum autem nihil eſt, neque quod dictum eſt erit tale. Vt ſi magis quidem diſciplina quādam bonum, quā voluptas: nulla autem diſciplina bonum, nec voluptas: bonum erit: & ex eo quod eſt ſimiliter quidem & minus eodem modo. Nam erit & interimere, & conſtruere: verumtamen ex eo quod eſt ſimiliter, vtraque: ex minus autem, conſtru

4. documē-
tum.
declaratio.

5. documen-
tum.
declaratio.

6. documē-
tum.
declaratio.

7. documē-
tum.
declaratio.

8. documē-
tum.
declaratio.

9. documē-
tum.
declaratio.

construere solum, destruere autem non: si enim similiter potestas quædam bonum, & disciplina: est autem quædam potestas bonum, & disciplina: si autem nulla potestas bonum, nec disciplina: si autem minus quædam potestas bonum, quam disciplina: est autem quædam potestas bonum, & disciplina: at vero, si nulla potestas bonum, non necesse est & disciplinam nullam esse bonum: manifestum igitur, quoniam construere solum ex eo quod minus est. Non solum autem ex alio genere est destruere, verum & ex eodem: dum sumit quis quod maxime tale est. Ut si positum est disciplina quædam bonum, ostendatur autem quoniam prudentia non bonum, nec alia vlla erit, quia nec quæ maxime videtur. Amplius, ex suppositione similiter postulantē si vni, & omni inesse, vel non inesse. Ut si hominis anima immortalis, & alias: si autem hæc non, nec alias. Si igitur inesse alicui positum est, ostendendum quoniam alicui non inest, nam consequetur per hypothesein nulli inesse: si autem alicui non inesse positum est, ostendendum quoniam inest alicui: nam & sic consequetur omnibus inesse. Manifestum igitur est, quod qui hypothesei utitur, facit problema vniuersale, particulariter positum: nam particulariter consistentem vniuersaliter postulabit confiteri, eo quod vni, & omni similiter postulauerit inesse. Cum autem indefinitum est problema, vno modo destruere contingit. Ut si dixerit voluptatem bonum esse, vel non bonum, & nihil aliud quicquam determinauerit: nam, si aliquam voluptatem dixerit bonum esse, ostendendum vniuersaliter quod nulla, si debeat interimi propositum: similiter autem & si aliquam dixerit voluptatem non esse bonum, ostendendum vni.

versā

versaliter quòd omnis, aliter vero non contingit
 interimere : nam, si ostenderimus, quoniam est
 quædam voluptas bonum, vel non bonum, non-
 dum interimitur propositum. Manifestum igitur
 quoniam interimere quidem vno modo dicitur,
 construere autem dupliciter: siue enim vniuersa-
 liter ostenderimus, quòd omnis voluptas bonum,
 siue quod est quædam voluptas bonū, ostensum
 erit quod propositum est. Similiter autē & si opor-
 teat differere quòd est quædam voluptas non bo-
 num: si ostenderimus quòd nulla bonū, vel quòd
 quædam non bonum, ostendentes erimus vtrun-
 que & vniuersaliter, & particulariter, quòd est
 quædam voluptas non bonum. Cū autem de-
 terminata fuerit positio, dupliciter interimere
 erit. Vt si ponatur alicui quidem inesse voluptati
 bonum esse, alicui autem non inesse : nam siue
 omnis ostendatur voluptas bonum, siue nulla, in-
 teremptum erit propositum. Si autem vnam so-
 lam voluptatem posuerit bonum esse, tripliciter
 contingit interimere. Nam ostendentes quòd om-
 nis, vel nulla, vel quòd plures quàm vna bonum,
 interimentes erimus quod propositū est. In plu-
 ribus vero positione determinata (vt quòd pru-
 dentia sola est virtutum scientia) quadruplici-
 ter est interimere. Nam ostenso, quòd omnis vir-
 tus scientia, vel quòd nulla, vel quòd & alia ali-
 qua, vt iustitia, vel quòd eadem prudentia non
 scientia, interemptum erit propositum. Vtile au-
 tem & inspicere in singularibus, in quibus inef-
 se aliquid vel non, dictum est, quemadmodum in
 vniuersalibus problematibus. Amplius autem &
 in generibus inspicendum, diuidenti secundum
 species, vsq; ad individua, sicut prius dictum est.
 Nā si omni appareat inesse, siue nulli multa pro-
 ferenti

10. Docu-
mentum.
declaratio.

11. documē-
tum.
declaratio.

12. documē-
tum.
declaratio.

13. documē-
tum.
declaratio.

14. documē-
tum.
declaratio.

15. documē-
tum.
declaratio.

16. documē-
tum.
declaratio.

17. documē
tum.
declaratio.

ferenti, postulandum vniuersaliter confiteri, aut
ferre instantiam in aliquo non sic. Amplius, in
quibus possibile est aut specie, aut numero deter-
minare accidens, inspiciendum si nullum horum
inest. Vt quòd tempus non mouetur, nec est mo-
tus, annumeranti quot sunt species motus: nam, si
nulla earum inest tempori, manifestū quoniam
non mouetur, nec est motus: similiter autem &
quod anima non est numerus: diuidēti quoniam
omnis numerus aut impar, aut par: nam, si
anima neque impar, neque par,
manifestum quòd non est nu-
merus: ad accidens igi-
tur per talia, & hoc
modo argu-
mentan-
dum.

Aristotelis libri
Topicorum
Finis.

*





ARISTOTELIS TOPICORVM

LIBER QVARTVS.

SVMMA LIBRI.

De locis quibusque generis: simul atque de differentia locis perpaucis.

Problematum generis aliquot loci.

Caput

I.



OST hæc autem de iis, quæ ad genus, & proprium, inspiciendum. sunt autem hæc elementa eorum, quæ sunt ad terminos, & his ipsis raro considerationes sunt disputatibus. Si ergo ponatur genus alicuius existentium, primum quidem inspiciendum ad omnia, quæ cognata sunt ei, quod dicitur, si de alio non prædicatur: quemadmodum est in accidente. ut si voluptatis, bonum ponatur genus, si aliqua voluptas non bonum. Nam, si hoc manifestum est, quoniam non genus bonum voluptatis: nam genus de omnibus quæ sunt sub ipso speciebus prædicatur. Deinde si non in eo quod quid est prædicatur, sed ut accidens. Quemadmodum albu de niue, de ani-

*Primus locus.
declaratio.*

*Secundus locus.
declaratio.*

Log. Arist.

ff

ma, à seipso agitaturn. Neque enim nix idipsum quod est, album: quapropter non est genus album niuis: neque anima idipsum quod est, agitaturn: nam accidit ei moueri, quemadmodum & animali frequenter & ambulare, & ambulans esse. Amplius, agitaturn non quid est, sed quid faciens, vel patiens significare videtur: similiter autem & album: nō enim quid est nix, sed quale quid est indicat: quare neutrum horum in eo quod quid est prædicatur. Maxime autem in accidentis definitione inspiciendum, si aptatur ad dictum genus. Ut ad quæ nunc dicta sunt: contingit enim quippiam mouere seipsum, & non: similiter autem & album esse, & non: quare neutrum horum genus, sed accidens, eo quod accidens dicimus, quod contingit idem inesse alicui, & non. Amplius, si non in eadem diuisione est genus, & species, sed hæc quidem substantia, illud autem quale: aut hoc quidem ad aliquid, illud autem quale. Ut nix quidem, & cygnus substantia, album autem non substantia, sed quale: quare non est genus album niuis, neque cygni. Rursum disciplina quidem ad aliquid bonum autem, & pulchrum quale: quare non est genus pulchrum, vel bonum disciplinæ: nam genera eorum, quæ sunt ad aliquid, & ipsa ad aliquid oportet esse: ut in duplici. etenim multiplex est genus duplicis, & ipsum eorum, quæ sunt ad aliquid est. Ut vniuersaliter autem dicatur, in eadem diuisione oportet genus esse speciei: nam, si species substantia, & genus: & si quale quippiam species est, & genus quale quippiam: ut si album quale quippiam, & color. Similiter autem & in aliis. Rursum si necesse fuerit, vel si contigerit genus participare quod positum

3. locus.

declaratio.

4. locus.

declaratio.

5. Locus.

declaratio.

fitum est in genere. Terminus autem eius, quod est participare, est suscipere participati rationem. manifestum igitur, quoniam species quidem participant genera, genera autem species non. nam species suscipit generis rationem, genus autem speciei non: considerandum igitur si participat, vel contingit assignatum genus participare speciem: ut si quis entis, vel vnius, genus quippiam assignauerit, accidet enim genus participare speciem: nam de omnibus quę sunt, ens, & vnum prædicantur: quare & ratio eorum. Amplius, si de aliquo assignata species vera est, genus autem non. Ut si ens, aut scibile opinabilis genus ponatur: nam de non ente opinabile prædicabitur: multa enim non entia opinabilia sunt, at quod ens, vel scibile non prædicatur de non ente, manifestum: quare non est genus ens, neq; scibile, opinabilis: nā de quibus species prædicatur, & genus oportet prædicari. Rursum, si nullam specierum contingit participare quod positum est in genere. Nam impossibile est participare genus, quod nullam specierum participat, nisi aliqua secundum primam diuisionem specierum sit, illæ autem genus solum participant: si igitur motus genus voluptatis ponatur, considerandum si neque corruptio, neque alteratio voluptas, neque vllus reliquorum, qui assignari solent, motum. manifestum enim, quoniam nullam specierum participabit, quare neque genus, eo quod necessarium est quod genus participat, & specierum aliquam participare: quare non erit species motus voluptas, neque indiuiduorum, neque eorum quicquam, quę sub specie motus sunt: nam & indiuidua participant speciem, & genus: ut quidam homo, &

6. Locus.
declaratio.

7. Locus.
declaratio.

8. *Locus.* hominem participat, & animal. Amplius, si de
declaratio. pluribus dicitur quam genus, quod in genere pos-
 situm est. Ut opinabile, quam ens: nam & ens,
 & non ens, opinabile: quare non erit opinabile
 species entis: de pluribus enim semper genus,
 quam species prædicatur. Rursus, si de æquali-
 bus genus & species dicuntur. Ut si eorum, quæ
 omnia consequuntur, hoc quidem species, illud
 autem genus ponatur: quemadmodum ens, &
 vnum: omne enim ens, & vnum: quare neutrum
 neutrius genus, eo quod de æqualibus dicuntur.
 Similiter autem & si primum, & principium ad
 se inuicem ponantur: nam & principium, pri-
 mum, & primum, principium: quare aut utra-
 que quæ dicta sunt idem sunt, aut neutrum neu-
 trius genus. Elemētū autem est ad omnia huius-
 modi, quod de pluribus genus quam species, &
 differentia dicitur: de paucioribus enim etiam
 differentia dicitur quam genus. Videntur autem
 & si alicuius indifferentium specie non sit genus
 quod dictum est genus, vel non videatur. Con-
 struenti autem si est alicuius: idem enim omniū
 indifferentium specie genus: si igitur vnius mon-
 stretur, manifestum quoniam omnium: & si
 vnius non manifestum quoniam nullius: ut si
 quis insecabiles ponens lineas, indiuisibile ge-
 nus earum dicat esse: nam linearum habentium
 diuisionem non est quod dictum est, genus, cum
 sint indifferentes secundum speciem: indifferen-
 tes enim subinuicem secundum speciem, rectæ
 lineæ omnes.

De Genere loci alij.

Caput II.

11. *Locus.* **C**onsiderandum autem, & si quod aliud ge-
declaratio. nus est assignatæ speciei, quod neque con-
 tinet

tinet assignatum genus, neque sub illo est. Vt si quis iustitiæ scientiam ponat genus: est enim virtus genus, & neutrum generum reliquum continet: quare non erit scientia genus iustitiæ. Videtur enim, quando species vna sub duobus generibus est, alterum ab altero contineri. Habet autem dubitationem in quibusdam quod huiusmodi est: nam videtur quibusdam prudentia, & virtus, & scientia esse, & neutrum genus à neutro contineri: non tamen ab omnibus conceditur prudentiam scientiam esse. Si igitur quis admittat quod dictum est verum esse, attamen sub alterna, vel sub eodem ambo fieri quæ eiusdem sunt genera necessarium videbitur esse, quemadmodum & in virtute & in scientia accidit: vtraque enim sub eodem genere sunt: nam vtrunque eorum habitus, & dispositio est. Considerandum igitur, si neutrum est in assignato genere. si enim neque subalterna sunt genera, neque sub eodem ambo, non erit quod assignatum est genus. Considerandum autem & genus assignati generis, & sic semper superius genus, si omnia prædicantur de specie, & si in eo quod quid est prædicantur. Nam omne superius genus prædicari oportet de specie in eo quod quid est: si ergo alicubi dissonet, manifestum, quoniam non est genus quod assignatum est. Rursum, si genus participat speciem vel ipsum, vel aliquod superiorum generum. Nam nullum superiorum participat quod inferius est: destruente igitur quemadmodum dictum est utendum, astringenti autem si confiteatur quidem inesse speciei quod dictum est genus, at ut genus inest dubitetur, sufficit ostendere aliquid superiorum generum.

12. *Locus.
declaratio.*

13. *Locus.
declaratio.*

14. *Locus.
declaratio.*

in eo quod quid est, de specie prædicari. Vno enim in eo quod quid est prædicato, omnia & superiora illius, & inferiora si prædicantur de specie in eo quod quid est prædicabuntur: quare & assignatum genus in eo quod quid est prædicabitur: quod autem vno in eo quod quid est prædicato, omnia etiam reliqua (si prædicantur) in eo quod quid est prædicabuntur, per inductionem sumendum. Si autem simpliciter inesse dubitetur assignatum genus, nec sufficit ostendere aliquod superiorum generum in eo quod quid est de specie prædicari: ut si ambulationis genus quispiam assignauit lationem, non sufficit ostendere quod motus est ambulationis, ad ostendendum quod latio est, eo quod & alij motus sunt: sed ostendendum, quod nullum participat ambulationis eorum quæ sunt secundum eandem diuisionem, nisi lationem: nam necesse est quod genus participat, & specierum aliquam participare secundum primam diuisionem: si enim ambulationis neque augmentacionem, neque diminutionem, neque alios motus participet, manifestum quoniam lationem participabit: quare erit genus latio ambulationis. Rursum, de quibus species, quæ posita est ut genus prædicatur, considerandum si & assignatum genus in eo quod quid est de ipsis eisdem prædicatur de quibus & species: similiter autem & si omnia quæ supra genus sunt. Nam si aliquibi dissonat, manifestum, quoniam non est genus quod assignatum est: si enim esset genus, omnia & superiora illius, & ipsum, in eo quod quid est prædicarentur de iis, de quibus & species in eo quod quid est, prædicatur: destruendo

35. *Locus.
declaratio.*

ti igitur utile, si non prædicetur genus in eo quod quid est de quibus & species prædicatur: astringenti autem si prædicetur in eo quod quid est, utile: accidet enim genus & speciem de eodem in eo quod quid est prædicari: quare & idem sub duobus generibus fit: necesse est igitur sub alterna genera esse. Si igitur ostendatur quod volumus genus astringere non esse sub specie, manifestum quoniam species sub hoc erit: quare ostensum erit, quoniam genus hoc. Considerandæ autem & rationes generum, si aptantur ad assignatam speciem, & ad participantia speciem. Necesse est enim generum rationes prædicari de specie, & de iis, quæ participant speciem: si igitur in aliquo dissonet, dilucidum quoniam non est genus quod assignatum est.

16. *Locus.
declaratio.*

Rursus, si differentiam ut genus assignavit. Ut si immortale, genus Dei: nam differentia est animalis immortale, eo quod animalium alia mortalia, alia immortalia: manifestum igitur quoniam peccant, nullius enim differentia est genus. Quod autem hoc verum, manifestum: nulla enim differentia significat quid est, sed magis quale quid, ut gressibile, & bipes. Et si differentiam in genere posuit tanquam speciem. Ut imparem quidem numerum: differentia enim numeri impar, & non species est: neque videtur participare differentia genus: nam omne, quod participat genus, vel species, vel individuum est: differentia autem neque individuum, neque species: manifestum igitur quoniam non participat genus differentia, quare neque impar species erit, sed differentia, quoniam non participat genus. Amplius, si genus in specie po-

17. *Locus.
declaratio.*

18. *Locus.
declaratio.*

19. *Locus.
declaratio.*

fuit. Vt contiguitatem idipsum quod est continuitatem: aut mixturam idipsum, quod est temperamentum: aut (vt Plato definiuit) lationem: secundum locum mutationem: non enim necessarium contiguitatem continuitatem esse, sed è conuerso, continuitatem contiguitatem: non enim omne contiguum continuatur, sed quod continuatur, contiguum est: similiter autem & in aliis: nam neque mixtura omnis, temperamentum: nam siccorum mixtura non est temperamentum, neque secundum locum mutatio omnis, latio: nam ambulatio non videtur latio esse: penè enim in iis quæ inuoluntarie locum ex loco permutant, dicitur latio, quemadmodum inanimatis accidit: manifestum autem, quoniâ & de pluribus species dicitur quam genus in assignatis cum oporteat è contrario fieri. Rursum, si differentiam in specie posuit.

Latio quid

20. *Locus. declaratio.*

Vt immortale idipsum quod est Deum, nam accidit de æqualibus aut pluribus quam speciem dici: differentia autem semper de æqualibus, aut pluribus quam species dicitur. Amplius, si in

21. *Locus. declaratio.*

differentia genus posuit. Vt colorem idipsum quod est congregatiuum, aut numerum quod

22. *Locus. declaratio.*

impar. Et si genus vt differentiam dixit. Possibile est enim aliquem talem suscipere positionem, vt temperantiæ, mixturam differentiam: aut lationis, secundum locum mutationem: inspiciendum autem omnia quæ sunt huiusmodi, per eadem: communicant enim loci: de pluribus enim genus quam differentiam oportet dici, & non participare differentiam. Sic autem assignato, neutrum eorum, quæ dicta sunt, possibile est accidere: nam & de paucioribus dicitur, & participabit

ticipabit genus differentiam. Rursum, si nulla
 differentia generis prædicatur de assignata spe-
 cie, nec genus prædicabitur. Vt de anima neque
 impar, neque par prædicatur: quare nec nume-
 rus. Amplius, si prius est natura species, & simul
 interimit genus. Videtur enim contrarium.
 Amplius, si contingit relinquere dictum genus
 vel differentiam (vt animam, moueri, opinio-
 nem: verum, & falsum) neutrum erit dictorum
 genus, vel differentia. Videtur enim genus &
 differentia sequi quandiu fuerit species.

23. locus
declaratio.

24. locus
declaratio.

25. locus.
declaratio.

De genere loci alij.

Cap. III.

Inspiciendum autem & si quod in genere po-
 situm est, participat aliquid contrarium gene-
 ri, aut si contingit participare. nam idem con-
 traria simul participabit, eo quod ipsum, ge-
 nus quidem nunquam relinquit: participat au-
 tem & contrarium, aut contingit participare.

26. locus
declaratio.

Amplius, si quippiam communicat species,
 quod impossibile est omnino inesse iis, quæ sunt
 sub genere. Vt si anima vitæ communicat, nu-
 merorum autem nullum possibile est viuere, non
 erit species numerum anima. Considerandum au-
 tem & si æquiuoca sit species generi elementis
 vtenti, iis quæ dicta sunt ad æquiuocum. Vni-
 uocum enim genus, & species. Quoniam in-
 spiciendum autem omnis generis plures species,
 inspiciendum si non contingit alteram speciem
 esse dicti generis. Nam si non est, manifestum
 quoniam non erit genus omnino, quod dictum

27. locus
declaratio.

28. locus
declaratio.

29. locus
declaratio.

30. *locus declaratio.* est. Considerandum etiam est si quod translatitiè dictum est, ut genus assignavit. Ut temperantiam consonantiam. nam omne genus proprie de speciebus prædicatur: consonantia vero de temperantia non proprie, sed translatitiè: omnis enim consonantia in sonis. Amplius, si sit contrarium speciei aliquid, considerandum. Est autem multipliciter consideratio. Primum quidem si in eodem genere contrarium speciei, cum non sit contrarium generi: oportet enim contraria in eodem genere esse, si nihil sit contrarium generi. Cum autem est contrarium generi, considerandum si contrarium in contrario. Necesse est enim contrarium in contrario esse, si sit contrarium quidem generi: manifestum autem est vnumquodque eorum per inductionem. Rursum si omnino in nullo genere quod speciei est contrarium, sed idipsum genus. Ut bonum, nam ipsi hoc non in genere, nec contrarium huius in genere erit, sed ipsum genus, quemadmodum in bono & malo accidit: neutrum enim horum in genere, sed utrumque eorum genus. Deinde considerandum si contrarium est alicui & genus, & species: & horum quidem est aliquid medium, illorum autem non. Nam si generum est aliquid medium, & specierum: & si specierum & generum: ut in virtute, & vitio: & iustitia, & iniustitia: utrumque enim est aliquid medium. Instantia huius, quoniam sanitatis & ægritudinis nihil est medium: mali autem & boni aliquod medium.
- Amplius, si est quidem aliquid utrisque medium & speciebus, & generibus: non similiter autem, sed horum quidem secundum negationem
31. *locus declaratio.*
32. *locus declaratio.*
33. *locus declaratio.*
34. *locus declaratio.*
35. *locus declaratio.*

nem, illorum vero vt subiectum. probabile enim similiter & in vtrisque. Vt in virtute & in vitio, iustitia & iniustitia: vtrisque enim secundum negationem medium. Amplius, quando non est contrarium generi: considerandum non solum si contrarium in eodem genere, sed & medium. In quo enim extrema, & medium, vt in albo & nigro: nam color genus & horum, & mediorum colorum omnium. Instantia, quoniam defectus quidem & superabundantia in eodem genere (in malo enim ambo) mediocre autem, cum sit medium horum, non in malo, sed in bono est. Considerandum etiam, si genus quidem contrarium est alicui, species autem nulli. Nam si genus est contrarium alicui, & species: quemadmodum virtus & vitium, & iustitia & iniustitia: similiter autem & in aliis consideranti, manifestum videtur esse. Instantia, in sanitate & ægritudine: simpliciter enim sanitas ægritudini contraria: aliqua autem ægritudo, cum sit species ægritudinis: nulli contrarium: vt febris & ophthalmia, & vnumquodque aliorum. Interimenti igitur tot modis inspiciendum: si enim non insint quæ dicta sunt, manifestum autem non esse genus quod assignatum est. Construendi vero tripliciter: primum quidem si contrarium speciei sit in dicto genere, cum non sit contrarium generi. Nam si contrarium in hoc, manifestum, quoniam & quod propositum est. Amplius, si medium in dicto genere. Nam in quo medium, & extrema. Rursum, si sit & contrarium quidem generi, considerandum est, & si contrarium in contrario. Nam si sit; manifestum quod & propositum in proposito.

36. locus
declaratio.

37. locus
declaratio.

38. locus
declaratio.

39. locus
declaratio.

40. locus
declaratio.

De Genere loci alij. Cap. IIII.

41. locus
declaratio. Rursum in casibus, & coniugatis, si similiter
sequuntur: & interimenti, & construendi. Si-
mul enim vni, & omnibus insunt, vel non in-
sunt: ut si iustitia scientia quædam, & iuste scien-
ter, & iustus sciens: si autem horum aliquid non
inest, nec reliquorum vllum. Rursum, in iis quæ
42. locus
declaratio. similiter se habent ad inuicem. Ut delectabile si-
militer se habet ad voluptatem, & vtile ad bo-
num, vtrunque enim vtriusque effectiuum: si igitur
voluptas quiddam bonum, & delectabile
quiddam vtile erit: manifestum enim quoniam
boni erit effectiuum, eo quod voluptas bonum.
Similiter autem, & in generationibus, & corrup-
tionibus. Ut si ædificare est operari, ædificasse,
43. locus
declaratio. operatum esse: & si discere est reminisci, & di-
dicisse, recordatum esse: & si dissolui est cor-
rumpi, & dissolutum esse, corruptum esse, & dis-
44. locus
declaratio. solutio, corruptio quædam. Et in generatiuis ve-
ro, & in corruptiuis, similiter & in potentiis, &
vsiis, & omnino secundum quamlibet simili-
tudinem, & interimenti, & construendi inspi-
ciendum, quemadmodum in generatione, &
corruptione diximus. Nam si corruptiuum dis-
solutiuum, & corrumpi dissolui: & si generati-
uum est effectiuum, & generari fieri, & genera-
tio factio: similiter & in potentiis, & vsibus, &
omnino, si potentia dispositio, & posse, disponi,
& si alicuius vsus est actus, & uti agere, & vsum
esse, egisse. Si autem sit priuatio id, quod op-
ponitur speciei, duobus modis est interimere.
Primum quidem si in assignato genere est oppo-
situm. Aut enim simpliciter in nullo genere eo-
dem priuatio, aut non in vltimo: ut si visus in
vltimo genere est, sensu: cæcitas non erit sensus.

Secun

Secundo autem, si & generi, & speciei opponitur priuatio, non est autem oppositum in opposito: nec quod assignatum est, in assignato erit. Interimenti igitur, quemadmodum dictum est, utendum. Construendi autem vno modo: nam si oppositum in opposito, & propositum in proposito erit. Ut si cæcitas insensibilitas quædam, & visus sensus. Rursum, in negationibus considerandum è conuerso, quemadmodum in accidente dicebatur. Ut si delectabile quod bonum, quod non bonum non delectabile: nam si non ita se habet, erit contra, non bonum delectabile: at impossibile est, si bonum genus est delectabilis, esse quicquam non bonum delectabile: nam de quibus genus non prædicatur, nec specierum vlla. & construendi etiam similiter inspiciendum, nam si non bonum, non delectabile, delectabile bonum: quare genus bonum, delectabilis. Si autem sit ad aliquid species, considerandum si & genus ad aliquid. Nam si species ad aliquid, & genus, ut in duplici, & multiplici: vtrunque enim ad aliquid. Si autem genus ad aliquid, non necessario & species. Nam disciplina ad aliquid, grammatica autem non. An nec quod prius dictum est verum videbitur: nam virtus ipsum quod bonum, & ipsum quod honestum: & virtus quidem ad aliquid, bonum vero & honestum non ad aliquid, sed qualia. Rursum, si non ad idem dicitur species, & secundum se, & secundum genus. Ut si duplum dimidij dicitur duplum, & multipulum dimidij oportet dici: si autem non, non erit multipulum genus dupli. Amplius, si non ad idem & secundum genus dicitur, & secundum omnia genera.

46. locus
declaratio.

47. locus
declaratio.

48. locus
declaratio.

49. locus
declaratio.

50. locus
declaratio.

51. locus
declaratio.

Nam

52. locus
declaratio.

Nam si duplum dimidij multipulum est, & abundans dimidij dicitur, & simpliciter secundum omnia superiora genera ad dimidium dicitur. Instantia: quod non necesse est secundum se, & secundum genus ad idem dici: nam scientia scibilis dicitur: habitus autem & dispositio non scibilis, sed animæ. Rursum, si similiter dicitur genus, & species secundum casus. Vt si alicui, aut alicuius, aut quolibet modo aliter dicitur: nam ut species, & genus, velut in duplo, & in superioribus: alicuius enim & duplum, & multipulum: similiter autem & in scientia, alicuius enim & hæc, & genera: ut dispositio, & habitus. Instantia autem, quod aliquoties non sit: nam differens, & contrarium alicui, diuersum autem, cum sit genus horum, non alicui, sed ab aliquo: diuersum enim dicitur ab aliquo. Rursum, si similiter ad aliquid secundum casus dicta, non similiter conuertuntur. Quemadmodum in duplo, & multiplo: vtrunque enim horum alicuius: & idem etiam secundum conuersionem dicitur: alicuius enim & dimidium, & submultipulum. Similiter autem & in disciplina, & opinione: nam & hæc alicuius, & conuertitur: similiter & disciplinatum, & opinabile alicuius: si igitur in aliquo non similiter conuertitur, manifestum est non esse genus alterum alterius. Rursum, si non ad æqualia species, & genus dicitur. Similiter enim, & æqualiter vtrunque videtur dici, quemadmodum in dono & donatione: nam & donum alicuius alicui dicitur, & datio alicuius & alicui dicitur: est autem datio genus doni, nam donum, datio est irredibilis. In aliquibus autem non accidit ad æqualia

53. locus
declaratio.

54. locus
declaratio.

lia dici : nam duplum alicuius duplum , abundans autem & maius alicuius & aliquo : omne enim abundans, & maius aliquo abundat, & alicuius abundat : quare non sunt genera, quæ dicta sunt dupli, eo quòd non ad æqualia dicuntur specie, aut non vniuersaliter verum, ad æqualia speciem & genus dici. Videndum autem & si oppositi est oppositum genus. Vt si dupli multipulum, & dimidij submultipulum : oportet enim oppositum oppositi genus esse : si igitur ponat aliquis scientiam idipsum quod est, sensum, oportebit & scibile id quod est sensibile esse, sed non est : non enim omne scibile sensibile : nam intelligibilium quædam scibilia : quare non est genus sensibile scibilis : si autem hoc non, neque sensus scientiæ. Quoniam autem eorum, quæ ad aliquid dicuntur, alia quidem ex necessitate in eis, aut circa ea sunt, ad quæ dicuntur, vt dispositio, & habitus, & commensuratio (in alio enim nullo possibile est esse quæ dicta sunt, quàm in eis, ad quæ dicuntur :) alia autem non necesse est quidem in eis esse, ad quæ dicuntur, contingit autem, quemadmodum scibile est in anima (nihil enim prohibet sui scientiam habere animam, non necessarium autem : possibile est enim & in alio esse hanc eandem) alia vero simpliciter non contingit in eis esse, ad quæ dicuntur (vt contrarium in contratio : neque scientiam scibili, nisi sit scibile anima, vel homo :) considerare igitur oportet si quis in genere ponat quod tale est, in non tali. Vt si memoriam immanسیونem scientiæ dicat : nam omnis immanسیون in mente, & circa illud : quare & scientiæ immanسیون, in scientia : memoria igitur in scientia,

55. locus
declaratio.

56. locus
declaratio.

57. locus
declaratio.

tia, eo quòd immansio, scientiæ est: hoc autem non contingit: memoria enim omnis in anima. Est autem qui dictus est locus & accidens communis: nihil enim refert, memoriæ genus immansionem dicere, aut accidere dicere illi hoc: nam si quouis modo est memoria, immansio scientiæ, eadem aptabitur de ipsa ratio.

De re eadem loci alij.

Cap. V.

58. *Locus.
declaratio.*

Rursum, si habitum in actum posuit, aut actum in habitu, non est genus quod tale est. Ut si sensum, motum per corpus: nam sensus habitus, motus autem actus. Similiter autem, & si memoriam habitum contentium opinionis dixerit: nam nulla memoria habitus, sed magis actus. Peccant autem & qui habitum in conse-

59. *Locus.
declaratio.*

quentem potentiam ordinant. Ut mansuetudinem, continentiam iræ: & fortitudinem, & iustitiam, timorum, & lucrorum continentiam: nam fortis, & mansuetus, perturbatione vacans dicitur, continens autem, qui perturbatur, sed non ducitur: fortasse igitur talis potentia sequitur utrunque, ut si perturbetur, non ducatur: verum continere non hoc est, hunc quidem fortem, illum autem mansuetum esse: sed omnino perturbari ab huiusmodi nihil. Aliquoties autem & quod sequitur, quouis modo: ut genus

60. *Locus
declaratio.*

ponunt. Ut tristitiam, iræ: & opinionem, fidei: utraque enim prædicta sequuntur quidem quodam modo assignatas species, neutrum autem eorum genus est: nam qui irascitur, contristatur, priore in eo tristitia facta, non enim ira
tristit

tristitiæ, sed tristitia iræ causa est: quare simpliciter ira non est tristitia. Secundum autem hæc, neque fides opinio: contingit enim eandem opinionem etiam non credentem habere: non contingere autem hoc, si fides esset species opinionis: non enim contingit idem amplius permanere, si ex specie omnino permutatum sit: quemadmodum nec idem animal quandoque hominem esse, & quandoque non. Si quis autem dicat ex necessitate opinantem etiam fidem habere, de æqualibus opinio & fides dicitur: quare neque sic erit genus: de pluribus enim oportet dici genus. Videndum autem & si in aliquo eorum nata sint utraq; fieri. In quo enim species, & genus, ut in quo album, & color, & in quo Grammatica, & disciplina: si igitur verecundiam timorem dixit, aut iram tristitiam, non accidit in eodem speciem & genus esse: nam verecundia quidem in rationali, timor in irascibili, at tristitia in concupiscibili: nam in hoc, & voluptas, ira autem in irascibili: quare non sunt genera, quæ assignata sunt, eo quod non in eodem cum speciebus nata sunt fieri: similiter autem & si amicitia in concupiscibili, non erit voluntas quædam: omnis enim voluntas in rationali. Vtilis autem hic locus & ad accidens, & id cui accidit: in eodem enim accidens, & cui accidit: quare nisi in eodem videatur, manifestum quoniam non accidit. Rursum, si secundum quid species dictum genus participat: non enim videtur secundum quid participari genus. Nam non est homo secundum quid animal, neque grammatica, secundum quid disciplina: similiter autem & in aliis. considerandum igitur si in aliquibus secundum quid par-

61. Locus
declaratio.

62. Locus.
declaratio.

63. locus
declaratio.

64. locus
declaratio.

65. locus
declaratio.

66. locus
declaratio.

icipatur genus, ut si animal quod sensibile vel visibile dicitur. nam secundum quid sensibile, vel visibile animal, secundum corpus enim sensibile, & visibile, secundum animam autem non: quare non erit genus, corpus visibile, & sensibile animalis. Latent autem quandoque, & totum in parte ponentes. Ut animal, corpus animatum: nullo enim modo pars de toto prædicatur: quare non erit genus corpus animalis, eo quod pars est. Videndum autem si quid vituperandorum, aut fugiendorum in potestate, aut potente posuit. Ut Sophistam, vel calumniatorem, vel furem eum qui possit aliena latenter surripere: nemo enim prædictorum in eo quod possit, aliquid horum, talis dicitur: Potest enim & Deus, & studiosus, prava agere: non sunt autem huiusmodi: nam omnes pravi secundum electionem dicuntur. Amplius, omnes potestates eorum sunt, quæ sunt eligenda: nam pravorum potestates eligendæ, eo quod Deum & studiosum habere dicimus eas, potentes enim dicimus eos esse, prava agere: quare nullius vituperabilis erit genus potestas. Si autem non, accidet vituperandorum quiddam eligendum esse: nam, erit quædam potestas vituperabilis. Et si quid propter se honorabilem vel eligibilem, in potestate vel potente, vel effectivo posuit. Nam omnis potestas, & omne potens, aut effectivum, propter aliud eligendum. Aut si quid eorum, quæ sunt in duobus generibus vel pluribus in altero posuit. Quædam enim non est in vno genere ponere: ut fraudulentum, aut calumniatorem: neque enim qui eligit, impotens autem, neque qui potest, at non eligens, calumniator, aut fraudulentus: sed qui utraque

hæc

hæc habet, quare non ponenda sunt in vno genere, sed in utroque eorum quæ dicta sunt. Amplius, aliquoties è conuerso, genus quidem vt differentiam, differentiam autem vt genus assignant. Vt stuporem, superabundantiam admirationis, & fidem vehementiam opinionis: nam neque superabundantia, neque vehementia genus, sed differentia: videtur enim stupor, admiratio esse superabundans: & fides, opinio vehemens, quare genus admiratio, & opinio est: superabundantia autem, & vehementia differentia. Amplius, si quis superabundantiam, & vehementiam, vt genera assignet, inanimata fidem facient, & stupefacient: nam, cuiusque vehementia, & superabundantia illi adest, cuius est superabundantia, & vehementia: si ergo stupor superabundantia est admirationis, aderit admirationi: quare admiratio stupefaciet: similiter autem & fides aderit opinioni, si vehementia quidem opinionis est: quare opinio fidem faciet. Amplius, accidet sic assignanti vehementiam vehementem dicere, & superabundantiam superabundantem: est enim quædam fides vehemens: si ergo fides vehementia est, vehementia erit vehemens: similiter autem & stupor quidam & superabundans: si ergo stupor est superabundantia, superabundantia erit superabundans: videtur autem neutrum horum, quemadmodum nec disciplina disciplinatum, nec motus motum. Quandoque autem peccant, & passionem in genere eius quod passum est ponentes. Vt immortalitatem vitam sempiternam dicentes esse: passio enim vitæ & accedens immortalitas videtur esse: quòd autem verum sit quod dicitur, manifestum fit, si quis

67. *Locus declaratio.*

68. *locus declaratio.*

69. locus
 declaratio.

admittat aliquem ex mortali fieri immortalem: nullus enim dicit aliam vitam eum sumere, sed accidens aliquod, vel passionem huic eidem aduenire: quare non genus vita, immortalitatis. Rursum, si passionem cuius est passio, illius genus dicit esse. Ut spiritum aërem motum: magis enim motus aëris, spiritus: nam aër idem permanet, & quando mouetur, & quando stat, quare non est omnino aër spiritus: esset enim & non moto aëre spiritus, siquidem idem aër permanet, qui quidem erat spiritus: similiter autem, & in aliis huiusmodi. Si igitur, & in hoc oportet admittere quod aër motus, est spiritus, non tamen de omnibus huiusmodi est assignandum, de quibus non verificatur genus, sed de quibuscunque vere prædicatur assignatum genus: nam in quibusdam non videtur verificari, ut in luto, & niue: nam niuem dicunt esse aquam coagulatam, lutum autem terram humido temperatam: est autem neque nix aqua, neque lutum terra: quare neutrum assignatorum generum erit genus: oportet enim genus verificari semper de omnibus speciebus: similiter autem neque vinum est aqua putrefacta (sicut Empedocles dicit, in ligno putruit vnda) nam simpliciter non est aqua.

De Genere loci alij. Cap. VI.

70. locus
 declaratio.

71. locus
 declaratio.

Amplius, si omnino quod assignatum est, nullus est genus. Manifestum enim, quoniam neque eius, quod dictum est. Considerandum autem ex eo quod nihil eorum differt specie, quæ participant assignatum genus. Ut nihil alba differunt specie, ipsa à se inuicem: omnis autem

tem

tem generis sunt species differentes : quare nullius erit album genus. Rursum, si quod omnia sequitur, genus, vel differentiam dixit. Plura enim sunt, quæ omnia sequuntur: ut ens, & vnum eorum sunt, quæ omnia sequuntur : si igitur ens, genus assignauerimus, manifestum, quoniam omnium erit genus, eo quod prædicatur de eis: de nullo enim genus quàm de speciebus prædicatur : quare & vnum species erit entis : accidit ergo de omnibus, de quibus genus prædicatur, & speciem prædicari, eo quod ens, & vnum de omnibus simpliciter prædicantur: oportet autem de paucioribus speciem prædicari. Si autem quod omnia sequitur differentiam dixit, perspicuum quoniam de æqualibus, vel de pluribus differentia quàm genus dicitur. Nam, si & genus omnia sequitur, de æqualibus : si vero non omnia sequatur genus, de pluribus differentia dicitur quàm ipsum genus. Amplius, si in subiecta specie est, quod assignatum genus dicitur. Vt album in niue : quare manifestum quoniam non erit genus : de subiecta enim specie solum genus dicitur. Considerandum autem etiam est, si non vniuocum sit genus speciei. Nam de omnibus speciebus vniuoce genus prædicatur. Amplius, quando existente & speciei, & generi contrario, si quod melius contrariorum est, in peiori genere ponit. Nam accidet reliquum in reliquo esse, eo quod contraria in contrariis generibus : quare quod deterius est, in meliori erit : at videtur melioris, & genus melius esse. Et si eodem similiter ad utraque se habente, in peiore, & non in meliore genere ponit. Vt animam ipsum quod est agitationem, aut agitatum: nam pari modo eadem statua, & agitatiua esse

72. locus
declaratio.

73. locus
declaratio.

74. locus
declaratio.

75. locus
declaratio.

76. locus
declaratio.

77. locus
declaratio.

78. locus
declaratio.

videtur : quare si melius statio , in hoc oportet genere ponere. Amplius , ex magis , & minus. Destruenti quidem , si genus suscipit magis , species autem non suscipit , neque ipsa , neque quod ab ipsa dicitur : ut si virtus suscipit magis , & iustitia , & iustus : dicitur enim iustus magis alter altero : si igitur assignatum quidem genus magis suscipit , species autem non suscipit , neque ipsa , neque quod ab ipsa dicitur , non erit quidem assignatum genus. Rursum , quod magis videtur , vel similiter non est genus : manifestum , quoniam nec quod assignatum est. Vtilis autem hic locus in talibus maxime , in quibus plura videntur de specie in eo quod quid est prædicata , cum non determinatum est , neque promptum nobis est dicere , quod nam eorum genus : ut de ira , tristitia , & opinio paruipenditiæ , in eo quod quid est prædicari videtur : contristatur enim iratus , & opinatur paruipendij. Eadem autem consideratio , & in specie ad aliud aliquid comparanti. Nam , si quod magis , aut similiter videtur esse in assignato genere , non est in genere , manifestum , quod neque assignata omnino species erit in genere : interimenti igitur quemadmodum dictum est , utendum. Altruenti vero si quidem suscipit magis quod assignatum est genus , & species , non utilis locus : nihil enim prohibet utrorumque suscipientium non esse alterum alterius genus : nam bonum & album suscipit magis , & neutrum neutrius genus. Generum autem , & specierum ad se invicem comparatio , utilis : ut si similiter hoc , & hoc genus : si alterum genus , & alterum : similiter autem & si quod minus , & quod magis :

gis: vt si continentia, magis potestas, quàm virtus genus, virtus autem genus, & potestas. Eadem autem & de specie conuenit dici: nam si similiter hoc, & hoc propositi species: si alterum species, & reliquum: & si quod minus videtur, species est, & quod magis. Amplius, ad construendum: perspicuum si de quibus assignatum est genus, in eo quod quid est prædicatur: cùm non sit vna assignata species, sed plures, & differentes. Nam manifestum quoniam erit genus. Si autem in assignato species est, considerandum, & si de aliis speciebus genus in eo quod quid est prædicatur. Nam, rursus accidet de pluribus & differentibus idem prædicari. Quoniam autem videtur in quibusdam, & differentia in eo quod quid est de speciebus prædicari, separandum est genus & differentia, vtenti iis quæ dicentur elementis. Primum quidè, quoniam genus de pluribus dicitur quàm differentia. Deinde, quoniam secundum eius (quod quid est) assignationem, magis conuenit genus, quàm differentiam dicere. Nam, qui animal dicit hominem, magis indicat quid est homo, quàm qui gressibile. Et quoniam differentia quidem qualitatem generis semper significat genus autem, differentia non. Nam qui dicit gressibile, quiddam animal dicit: qui vero animal dicit, nō dicit quale quiddam gressibile: differentia igitur à genere sic separanda. Quoniam autem videtur Musicum, quia Musicum est, sciens esse: & Musica scientia quædam est, & si ambulans eo quod ambulat mouetur, ambulatio motus quidem est: considerandum in quo genere vult quippiā construere secundum dictum modum: vt si scientiam ipsum quod est fidem: si sciens quatenus scit, fides manifestum enim quoniā scientia fides quæ-

79. locus
declaratio.

80. locus
declaratio.

81. locus
declaratio.

82. locus
declaratio.


83. locus.
declaratio.


dam erit: eodem autem modo, & in aliis huiusmodi. Amplius, quoniam quod sequitur aliquid semper, & non conuertitur, difficile est separare, quòd non sit genus, si hoc quidem illud sequitur omne, illud vero hoc non omne. Vt tranquillitatem quies, & numerum diuisibile, è conuerso autem non: nam diuisibile non omne, numerus, neque quies omnis, tranquillitas: ipso quidem est vtendum, vt genere quod est semper consequens, cum non conuertatur alterum: cum autem alterum se extendit non in omnibus, obsequendum. Instantia autem huius: quoniã non ens sequitur omne quod fit (nam quod fit, non est) non conuertitur (non enim omne quod non est, fit) at-
 tamen non est genus non ens eius quod fit: simpliciter enim non sunt non entis species. De genere igitur quemadmodum dictum est, transeundum.

17

*Aristotelis libri
 quarti Topicorum
 Finis.*

::





ARISTOTELIS TOPICORVM

LIBER QVINTVS.

SVMMA LIBRI.

De modis, & locis Proprij: necnon de nonnullis locis communibus omnibus quasitu, qua ab Oppositu, aut à Simili, aut ab eo, quod est Magis, & Minus, & equale, aut à Casibus, & Coniugatu, aut à generatione, & corruptione sumuntur.

De modis Proprij. Cap. I.



TRVM autem proprium, an non proprium est quod dictum est, per hæc considerandum. Assignatur autem proprium aut per se, & semper, aut ad aliud, aut aliquando. Per se quidem, vt hominis, animal mansuetum natura: ad aliud autem, vt animæ ad corpus: quoniam illa quidem imperare nata, hoc autem parere: semper autem, vt Dei, animal immortale: aliquando vero, vt alicuius hominis ambulare in gymnasio. Sunt autem proprij, quod ad alterum assignatum est, aut duo problemata, aut quatuor. Nam si de hoc quidem assignatum quippiam fuerit, de illo vero negatum idipsum, duo duntaxat problemata fiunt: quemadmodum hominis ad equum proprium est

Primus locus.

declaratio.

Secundus locus.

declaratio.

3. locus
declaratio.

4. locus.
declaratio.

quod bipes est: nam & quod homo non bipes est, argumentabitur quispiam, & quod equus bipes: vtrunque autem remouetur proprium. Si autem de vtroque vtrunq; assignatum fuerit, & de vtroque negatum: quatuor problemata erunt: vt hominis proprium ad equum, quod ille quidem bipes, hic autem quadrupes est: nam, & quod homo non bipes est, & quod esse quadrupes natus est, argumētari est, & quod equus bipes, & quod non quadrupes, possibile est argumētari: quolibet igitur modo ostenso, interimitur quod propositum est. Est autem per se quidem proprium, quod ad omnia assignatur, & ab omni separat (quemadmodum hominis animal mortale disciplinæ susceptium) ad aliquod autem, quod non ab omni, sed ab aliquo statuto determinat (vt virtutis ad disciplinam: quoniam illa quidem in pluribus, hæc in rationali solo, & in habentibus rationem rata est fieri) semper autem, quod secundum omne tempus verificatur, & nunquàm relinquitur (quemadmodum animalis ex anima & corpore compositum esse) aliquando vero, quod secundum aliquod tempus verificatur, & non ex necessitate semper consequitur: vt alicuius hominis, ambulare in foro. Est autem ad alterum proprium assignare: differentiam dicere, aut in omnibus, & semper, aut vt multum, & in plurimis. Et in omnibus quidem & semper, quemadmodum hominis proprium ad equum quoniam bipes: nam homo quidem & omnis, & semper est bipes: equus autem nullus est bipes, & nunquàm: vt multum autem & in plurimis, quemadmodum rationalis proprium principare ad concupiscibile, & irascibile, eo quod illud quidem imperat, hæc autem parent: nam neque rationale semper

per imperat sed quādoq; illi imperatur: neq; concupiscibili, & irascibili semper imperatur, sed imperant quandoq; cū fuerit hominis anima flagitiosa. Propriorū autē ea maxime logica sunt, quæ per se, & semper, & quæ ad aliud. Nam eius quod ad aliud est proprium, plura problema nata sunt: quemadmodum diximus & prius: nam aut duo, aut quatuor ex necessitate fiunt problemata, plures autem orationes fiunt ad hæc: quod autem per se est, & semper, ad multa est argumentari, & ad plura tempora obseruare: quod per se quidem ad multa: nam ad vnumquodque eorum quæ sunt, vtpote cui oportet inesse proprium: quare si non ab omni separat, non erit bene assignatum proprium: quod autem semper, ad plura tempora est obseruare, & siue non inest, siue non infuerit, siue non inerit, non erit proprium. Quod vero aliquando, ad illud (quod nunc dicitur) tempus, consideramus: non igitur sunt rationes ad ipsum plures. Logicum autem est problema, ad quod rationes sunt & crebræ quidem, & bonæ. Ad aliud igitur proprium dictum, ex iis quæ sunt de accidente locis inspiciendum, si huic quidem accidit, illi vero non. De iis autem, quæ semper, & quæ per se, per hæc considerandum.

5. locus
declaratio.

De locis Proprii.

Cap. I I.

Primum quidem an non bene assignatum est proprium, an bene. Eius autem, quod est non bene, aut bene, est vnum quidem, si non per notiora, aut per notiora positum est proprium: destruenti quidem, si non per notiora: at construenti, si per notiora. Eius autem quod non per notiora est, hoc quidem si omnino ignotius positum est propriū, quod assignauit, illo cuius proprium dixit.

6. locus
declaratio.

7. locus
declaratio.

dixit. Non enim erit bene positum proprium: nam propter notitiam proprium facimus: discendi enim causa, & proprium, & definitiones facimus: per notiora igitur accipiendum: sic enim magis erit sufficienter cognoscere: ut puta qui ponit ignis proprium esse simillimum animæ, ignotiore quàm ignis utitur anima: magis enim scimus quid est ignis, quàm quid anima: non igitur erit bene positum proprium ignis, simillimum animæ. Aliud autem, si non notius est hoc huic inesse. Oportet enim non solum notius esse re, sed & huic inesse, notius esse: nam qui non scit si huic inest, neque si illi soli notius inest cognoscit: quare cum quoduis horum acciderit, obscurum fit proprium: ut quia qui ponit ignis proprium, in quo primo anima nata est esse, ignotiore utitur quàm sit ignis, eo quòd ignotius est, si in hoc est anima, & si in hoc primo est: non erit itaque bene positum proprium ignis, in quo primo anima nata est esse. Construente autem, si per notiora positum est proprium, & si per notiora secundum utrumque modum. Erit enim bene secundum hoc positum proprium: nam constructiuorum locorum eius quod bene, alij quidem secundum hoc solum, alij autem simpliciter monstrabunt quod bene: ut quia qui dixit animalis proprium sensum habere per notiora, & notius, assignauit proprium secundum utrumque modum: quare erit bene assignatum secundum hoc animalis proprium, sensum habere. Deinde destruente quidem, si quod nominum quæ in proprio sunt assignata multipliciter dicitur, vel etiam tota oratio plura significat. Non enim erit bene positum proprium, ut quoniam sentire multa significat, vnum qui-

8. locus
declaratio.

9. locus
declaratio.

10. locus
declaratio.

dem

dem sensum habere, alterum autem sensu uti: non erit animalis proprium bene positum quod natum est sentire: quapropter non utendum est, neque nomine, quod multipliciter dicitur, neque oratione, quæ plura significet: quia quod multipliciter dicitur, obscurum facit quod dictum est, dubitante eo qui debet argumentari, quodnam dicit eorum quæ multipliciter dicuntur: nam proprium discendi gratia assignatur. Amplius autem ad hoc necessarium est redargutionem aliquam fieri cum sic assignant proprium: quando in dissidente quispiam conficiet syllogismum, de eo quod multipliciter dicitur. Construenti autem, si non plura significat, neque nominum quippiam, neque tot oratio. Erit enim secundum hoc bene positum proprium: ut quia neque corpus plura significat, neque mobilissimum in superiorem locum: neque totum quod ex his compositum est: erit bene positum secundum hoc ignis proprium corpus mobilissimum in superiorem locum. Deinde destruenti quidem si multipliciter dicitur illud, cuius proprium assignatur: non determinatur autem cuius eorum ponatur proprium. Non enim bene erit assignatum proprium: ob quas autem causas non immanifestum est ex iis quæ prius dicta sunt: nam eadem accidere necessarium est, ut quia scire hoc plura significat: unum enim scientiam habere hoc, alterum autem scientia uti hoc, aliud vero scientiam esse huius, aliud autem scientia uti huius, non erit eius quod est scire hoc, bene assignatum proprium nullum, non determinato, cuius horum ponitur proprium. Construenti vero, si non dicitur multipliciter hoc
cuius

11. locus
declaratio.

12. locus.
declaratio.

13. locus
declaratio.

14. locus.
declaratio.

cuius proprium ponitur, sed est vnum, & simplex. Erit enim bene positum secundū hoc proprium: vt quia homo simpliciter dicitur erit bene positum secundum hoc hominis proprium, animal mansuetum natura. Deinde destruenti quidem, si frequēter dictum est idem in proprio (sæpe enim latent hoc facientes & in propriis, quemadmodum & in terminis) non erit bene positum quod hoc sustinet, proprium. Conturbat enim audientem, quod frequenter dicitur: obscurum igitur necessarium est fieri, & præter id nugari videntur. Eueniet autem frequenter idem dicere duobus modis: vno quidem, quando nominauerit frequenter idem: vt si quis proprium assignet ignis, corpus tenuissimum corporum: hic enim frequenter dixit corpus. Secundo autem, si quis assumat orationes pro nominibus: vt si quis reddat terræ proprium, substantiam, quæ maxime corporum secundum naturam fertur in inferiorem locum: deinde assumat pro corporibus, huiusmodi substantias: vnum enim & idem est corpus, & huiusmodi substantia: erit ergo hoc modo substantia frequenter dicta, quare neutrum erit bene positum proprium. Construenti vero, si nullo vtitur frequenter nomine eodem. Erit enim secundum hoc bene assignatum proprium, vt quia qui dixit hominis proprium, animal disciplinæ susceptium, non vsus est frequenter eodem nomine: erit vtique secundum hoc bene assignatum hominis proprium. Deinde destruenti quidem, si tale aliquid assignauit in proprio nomen, quod omnibus inest. Inutile enim erit, quod non separat ab aliquo: quod autem in propriis dicitur, separare oportet:

15. locus.
declaratio.

16. locus.
declaratio.

tet: quemadmodum & quæ in terminis: non
 igitur erit bene positum proprium: ut quia qui
 posuit scientiæ proprium opinionem indissuasi-
 bilem à ratione, vnum existens tali aliquo vsus
 est proprio (vno inquam) quod omnibus inest: nõ
 erit vtique bene positum scientiæ proprium. Astru-
 enti autem, si nullo vsus est communi, sed quod
 ab aliquo separat, erit bene positum secundum
 hoc proprium. Ut quia qui dixit animalis pro-
 prium animam habere, nullo vsus est commu-
 ni: erit secundum hoc bene positum proprium
 animalis, animam habere. Deinde destruenti
 quidem si plura propria assignat eiusdem, non
 determinans quod plura ponit. Non enim erit be-
 ne positum proprium: nam quemadmodum nec
 in terminis oportet præter eam, quæ indicat sub-
 stantiam, orationem, adiungere quippiã pluscu-
 lum, sic nec in propriis præter eam, quæ facit
 proprium quod dictum est, orationem, quic-
 quam coassignandum: inutile enim fit eiusmodi.
 ut quia qui dixit proprium ignis, tenuissimum, &
 leuissimum, plura assignauit propria (vtrunque
 enim de solo igne verum est dicere) non erit be-
 ne positum proprium ignis, corpus subtilissimum,
 & leuissimum. Astruente vero si non plura eius-
 dem propria assignauit, sed vnum: erit enim se-
 cundum hoc bene positum proprium, ut quia qui
 dixit humidi proprium, corpus quod in omnem
 figuram diducitur, vnum assignauit proprium, &
 non plura, erit secundum hoc bene positum hu-
 mido proprium. Deinde destruente quidem, si
 eodem vsus est cuius proprium assignauit aut
 eorum quæ sunt illius aliquo. Non enim erit
 bene positum proprium: nam discendi gratia
 assigna

17. locus.
 declaratio.

18. locus.
 declaratio.

19. locus.
 declaratio.

20. locus.
 declaratio.

21. locus.
declaratio.

assignatur proprium: idem autem eidem similiter ignotum est: id autem quod aliquid eorum est quæ sunt eius, posterius: non igitur est notius: quare non fit ut per hoc quisquam magis quippiam discat: ut quia qui dixit animalis proprium, substantiam, cuius species est homo, aliquo usus est eorum quæ sunt animalis, non erit bene positum proprium. Construenti autem si neque eodem, neque eorum quæ sunt ipsius aliquo utitur. Erit enim bene secundum hoc positum proprium: ut quia qui posuit animalis proprium ex anima & corpore compositum esse, neque eorum quæ sunt ipsius aliquo usus est, erit utique bene secundum hoc assignatum animalis proprium. Eodem autem modo & in aliis considerandum est, quæ nam non faciunt, aut faciunt notius. Destruenti quidem si aliquo usus est, aut

22. locus
declaratio.

opposito, aut omnino simul natura, aut posteriore aliquo. Non enim erit bene positum proprium: nam oppositum simul natura, quod autem simul natura, & posterius, non efficit notius: ut quia qui dixit boni proprium, quod malo maxime opponitur, opposito est usus boni: non erit profecto bene assignatum boni proprium. Construenti autem, si nullo usus est neque opposito, neque omnino simul natura, neque posteriore. Erit enim secundum hoc bene assignatum proprium. ut quia qui posuit disciplinæ proprium, opinionem maxime facientem fidem, nullo usus est neque opposito, neque omnino simul natura, neque posteriore: erit secundum hoc bene positum disciplinæ proprium. Deinde destruenti quidem, si non quod semper sequitur proprium assignavit, sed id quod fit quâdoque non proprium.

23. locus
declaratio.

24. Locus.
declaratio.

Non

Non enim erit bene pronunciatum proprium: nam neque in quo deprehendimus inesse ipsum, de hoc & nomen ex necessitate verificatur, neque in quo deprehenditur non inesse, de hoc ex necessitate non dicetur nomen: quare non erit bene positum proprium. Amplius autem ad hæc neque quando quisquam assignauerit proprium, erit manifestum si inest: siquidē tale est, ut quod ipsum relinquere possit: non igitur erit clarum esse proprium. ut quia qui posuit animalis proprium moueri quandoque, vel stare tale, assignauerit propriū quod sit quandoque non proprium, nequaquam erit bene positum proprium.

Astruente vero, si quod ex necessitate semper est proprium assignauerit. Erit enim bene positum secundum hoc proprium. ut quia qui posuit virtus proprium quod habentem facit studiosum, quod semper sequitur, proprium assignauit: erit utique secundum hoc bene assignatum virtutis proprium. Deinde destruente quidem si quod nūc propriū est assignans: non determinauerit quod nō proprium assignat. Non enim erit bene positum proprium: primum quidem quia quod præter consuetudinem sit omne semper determinatione indiget: solent autem ut plurimum omnes, quod semper sequitur proprium assignare. Secundo autem, quia immanifestus est qui non determinauerit, si quod nunc est proprium voluerit ponere: non igitur danda est ob-
iurgationis occasio: ut quia qui posuit alicuius hominis proprium sedere cum aliquo homine, quod nunc proprium est posuit, non bene proprium assignabit, si non determinans dixerit quod nunc. Cōstruente autem, si nunc proprium assignans determinando posuit, quod nunc pro-

25. locus
declaratio.

26. locus
declaratio.

27. locus.
declaratio.

Log. Arist,

h h

28. locus.
declaratio.

prium posuerit: erit enim bene positum secundum hoc proprium: ut quia qui dixit cuiusdam hominis proprium ambulare nunc alicubi, distinguens posuit hoc, bene erit positum proprium. Deinde destruenti quidem si tale assignauit proprium, quod manifestum non est aliter inesse quàm sensu, non enim erit bene positum proprium: nam omne sensibile extra sensum factum, manifestum est: latens enim est si adhuc inest, eo quod sensu solum cognoscitur. Erit autem verum hoc in iis, quæ non ex necessitate semper consequuntur. ut quia qui posuit Solis proprium, astrum quod fertur super terram lucidissimum: talis usus est in proprio (super terram inquam ferri) quod sensu cognoscitur: non utique erit bene Solis assignatum proprium. immanifestum enim erit cum occidet Sol, si adhuc feratur super terram, eò quod nos tunc deseruimus sensum. Construenti vero si tale assignauit proprium, quod non sensu est manifestum: aut cum sit sensibile, ex necessitate inesse manifestum est. erit enim secundum hoc bene positum proprium. Ut quia qui posuit superficiiei proprium quod primum coloratum est, sensibili quidem aliquo usus est (coloratum esse inquam) tali quidem quod manifestum est inesse semper: erit secundum hoc bene assignatum superficiiei proprium. Deinde destruenti quidem, si terminum ut proprium assignauit.

29. locus.
declaratio.

Non enim erit bene positum proprium: nam non oportet indicare quod quid est esse, proprium: ut quia qui dixit hominis proprium animal gressibile bipes, quod quid esse significans assignauit hominis proprium, non utique erit hoc

30. locus.
declaratio.

hoc

hoc hominis proprium bene assignatum. Construendi autem, si quod conuersim quidem prædicatur assignauit proprium: non autem quod quid est esse indicans. erit enim secundum hoc bene assignatum proprium: ut quia qui posuit hominis proprium, animal mansuetum natura, quod conuersim quidem prædicatur, assignauit proprium, non quod quid est quidem indicans: erit secundum hoc bene assignatum proprium hominis. Deinde destruendi quidem, si non quippiam in quid est ponens, assignauit proprium. Oportet enim in propriis, quemadmodum in terminis, primum assignari genus, deinde sic iam addere reliqua, & separare: quare quod non hoc modo positum est proprium, non erit bene assignatum: ut quia qui dixit animalis proprium animam habere, non posuit quicquam in quo ut in quid, est animal: non erit bene positum animalis proprium.

31. locus.
declaratio.

32. locus.
declaratio.

Construendi vero si quis quippiam, quod in quid est ponens eius cuius proprium assignauit, reliqua adiungit. Erit enim secundum hoc bene assignatum proprium: ut quia qui posuit hominis proprium animal disciplinæ susceptible, quippiam quod in quid est ponens, assignauit proprium: erit secundum hoc bene positum proprium hominis. Vtrum igitur bene, an non bene assignetur proprium, per hæc inspicendum. Vtrum vero proprium est omnino quod dictum est, an non proprium ex iis considerandum. Nam simpliciter construentes proprium quod bene positum est, loci iidem erunt iis qui proprium omnino faciunt: in illis igitur dicentur. Primum ergo destruendi quidem

33. locus.
declaratio.

34. locus.
declaratio.

inspiciendum ad vnumquodque eorum cuius proprium assignauit. Vt si nulli inest, aut si non de hoc quidem verificatur, aut si non est proprium cuiusque eorum secundum illud cuius proprium assignauit, non enim erit proprium, quod positum est esse proprium: vt quia de Geometra non verificatur indeceptibilem esse ab oratione (nam decipitur Geometer cum pseudographiam facit) non erit hoc scientis proprium, non decipi ab oratione. Construenti autem si de omni verificatur, & qua de hoc verificatur, erit enim proprium, quod positum est esse proprium. vt quia animal disciplinæ susceptuum de omni homine verificatur & qua homo, erit hominis proprium animal disciplinæ susceptuum. Est autem locus hic destruenti quidem, si non de quo nomen & oratio verificatur, & si non de quo oratio & nomen verificatur.

35. locus.
declaratio.

36. locus.
declaratio.

Construenti autem, si de quo nomen, & oratio, & si de quo oratio, & nomen prædicatur. Deinde destruenti quidem, si non de quo oratio, & nomen verificatur: & si non de quo nomen, & oratio verificatur. non enim erit proprium, quod positum est esse proprium: vt quia animal quidem disciplinæ susceptuum verificatur de Deo: homo autem non prædicatur, non erit hominis proprium, animal disciplinæ susceptuum. Construenti autem si de quo oratio, & nomen prædicatur: & si de quo nomen, & oratio prædicatur. erit enim proprium quod positum est esse proprium, vt quia de quo animam habere verificatur animal, & de quo animam habere: erit animam habere animalis proprium. Deinde destruenti quidem, si

37. locus.
declaratio.

38. locus.
declaratio.

subie

subiectum, proprium assignauit eius, quod in subiecto esse dicitur. Non enim erit proprium, quod positum est esse proprium, vt quia qui posuit proprium subtilissimi corporis, ignem, subiectum assignauit prædicati proprium, non erit ignis corporis subtilissimi proprium: propter hoc autem non erit subiectum eius, quod in subiecto esse dicitur proprium, eò quòd idem esset plurimum & differentium specie proprium: nam eidem plura quædam discrepantia specie insunt, de solo dicta: quorum erit omnium proprium quod subiectum est, si quis hunc in modum ponat proprium. Construenti vero, si quod in subiecto est assignauit proprium subiecti. erit enim proprium quod positum est non esse proprium: siquidem de solo prædicatur (vt dictum est) proprium, vt quia qui dixit terræ proprium corpus grauissimum specie, subiecti assignauit proprium, quòd de sola dicitur re, & vt proprium prædicatur, erit terræ proprium recte positum.

39. locus.
declaratio.

40. locus.
declaratio.

Deinde destruenti quidem, si secundum participationem assignauit proprium. Non enim erit proprium, quod positum est esse proprium: nam quod secundum participationem inest, ad quod quid est esse conducit: erit autem huiusmodi differentia quædam de aliqua specie dicta: vt quia qui dixit hominis proprium gressibile bipes, secundum participationem assignauit proprium: non erit utique proprium hominis gressibile bipes. Construenti autem, si non secundum participationem assignauit proprium, nec quod quid est esse indicans, conuersim prædicata re. Erit enim proprium quod positum est esse proprium, vt quia qui posuit animalis proprium quod natum est sentire, neque secundum

41. locus.
declaratio.

42. locus.
declaratio.

43. locus.
declaratio.

participationem assignauit proprium, neque quod quid esse indicans conuersum re prædicata, erit utique quod sentire natum est, animalis proprium. Deinde destruenti quidem, si non contingit simul inesse proprium, sed vel posterius, vel prius quàm id ipsum nomen. Non enim erit proprium quod positum est esse proprium, aut nunquam, aut non semper: ut quoniam contingit alicui prius fore, & posterius ambulare per forum quàm quòd homo, non erit ambulare per forum hominis proprium, aut nunquam, aut non semper. Construenti autem, si simul ex necessitate semper inest, cum neque terminus, neque differentia sit. Erit enim proprium, quod positum est forsitan non esse proprium: ut quia animal disciplinæ susceptiuum: simul ex necessitate semper est, & id quod est homo, cum neque differentia sit, nec terminus, erit animal disciplinæ susceptiuum hominis proprium.

44. locus.
declaratio.

Deinde destruenti quidem, si eorundem quæ eadem sunt, non est idem proprium. Non enim erit proprium, quod positum est esse proprium, ut quia non est proprium prosequendi, apparere quibusdam bonum, neque eligendi fuerit utique proprium apparere quibusdam bonum. idem enim est prosequendum & eligendum.

45. locus.
declaratio.

Construenti si eiusdem quatenus idem proprium. Erit enim proprium quod positum est non esse proprium. Ut quoniam hominis, quia homo dicitur proprium tripartitam animam habere & terrigenæ quatenus terrigena est, erit proprium tripartitam animam habere. Vtilis autem locus hic & in accidente: nam iisdem in eo

46. locus.
declaratio.

quòd eadem sunt eadem oportet inesse, vel non inesse. Deinde destruenti quidem, si eorum quæ sunt

sunt eadem specie: non idem semper specie proprium est. Neque enim eius quod dictum erit proprium, quod positum est esse proprium: ut quia idem est specie homo & equus: non semper autem equi est proprium stare à se, nec hominis erit proprium moueri à se. Idem enim est specie moueri, & stare à se quatenus vtrique eorum ut animal est accidit. Construenti vero, si eorum quę sunt eadem specie, idem semper specie sit proprium. Erit enim proprium quod positum est non esse proprium: ut quia hominis est proprium, esse gressibile bipes, & auis erit proprium, esse volatile bipes: vtrunque enim horum est idem quatenus illa quidem sub eodem sunt genere species, cum sint sub animali, hæc autem ut generis differentię animalis. Hic autem locus falsus est: quando alterum quidem eorum quę dicuntur vni alicui soli inest speciei, alterum vero inest pluribus, quemadmodum gressibile quadrupes. Quoniam autem idem & diuersum multipliciter dicitur, labor est sophistice assumenti vnus assignare, & solius alicuius proprium: nam quod inest alicui cui accidit aliquid, & accidenti inerit sumpto cum eo cui accidit: ut quod inest homini, & albo homini inerit, si fuerit albus homo, & quod albo homini inest, inerit & homini. Calumniabitur autem aliquis multa priorum, quod subiectum id aliud est quod secundum se facit, aliud autem cum accidente: ut aliud quidem hominem esse dicet, aliud vero album hominem. Amplius autem diuersum faciens habitum, & quod secundum habitum dicitur: nam quod habitui inest, & ei quod secundum habitum dicitur inerit, & quod ei (quod secundum habitum dicitur) inest,

48. locus.
declaratio.

& habitui inerit : vt quoniam sciens secundum scientiam dicitur affici , non inerit scientiæ proprium indissuasibile à ratione : nam & sciens indissuasibilis erit à ratione. Construenti autem dicendum quoniam non est diuersum simpliciter id cui accidit , & accidens cum eo cui accidit sumptum , sed aliud dicitur , eo quod diuersum sit ipsius esse : non enim idem est homini esse , quòd sit homo , & albo homini esse ; quòd sit albus homo. Præterea autem considerandum est ad casus dicenti , quod neque sciens est indissuasibile à ratione , sed indissuasibilis à ratione , neque scientia indissuasibile , sed indissuasibilis à ratione : nam ei qui omnino instat , omnino est aduersandum. Deinde destruenti quidem , si quod natura inest volens assignare : hoc modo ponit secundum locutionem , vt quod semper inest significet. Videbitur enim moueri posse quod positum est proprium esse . vt quia qui dixit hominis proprium bipes , vult quidem quod natura inest , assignare : significat autem locutionem quod semper inest , non erit hominis proprium bipes : non enim omnis homo est duos pedes habens. Cōstruenti autem , si vult quod natura inest proprium assignare , & locutione hoc modo significat . Non enim mouebitur secundum hoc proprium : vt quia qui hominis proprium assignauit , animal disciplinæ susceptuum & vult , & dictione significat quòd natura inest proprium , non mouebitur , secundum hoc quòd non sit proprium hominis , animal disciplinæ susceptuum. Amplius , quæcunque dicuntur secundum aliud aliquod primum , aut vt primum ipsum , labor est assignare talium proprium. Nani si eius quod est secundum aliud aliquid proprium assignauit ,

50. locus.
declaratio.

51. locus.
declaratio.

52. locus.
declaratio.

&

& de primo verificabitur : si autem primi posuerit, & de eo quod est secundum aliud prædicabitur: ut si quis assignet superficiei proprium coloratum esse : & de corpore verificatur coloratum esse : si autem corporis, & de superficie prædicabitur : quare non de quo oratio , & nomen verificabitur. Accidit autem in quibusdam propriis plerumque fieri aliquod peccatum, propter hoc quod non determinetur quomodo, & quorum ponit quis proprium: omnes enim conantur assignare proprium, aut quod natura inest, ut hominis bipes, aut quod nunc inest, ut hominis alicuius quatuor digitos habere, aut specie, ut ignis subtilissimum, aut simpliciter, ut animalis vivere, aut secundum aliud, ut animæ prudens : aut ut primum, quemadmodum rationalis prudens, aut in eo quod habet, ut scientis indissuasibile à ratione (nihil enim aliud quam habendo aliquid erit indissuasibile à ratione) aut in eo quod habeatur, ut scientiæ indissuasibile à ratione, aut in eo quod participatur, ut animalis sentire (sentit enim & aliud quid ut homo, sed participans iam hoc, sentit) aut in eo quod participat, ut alicuius animalis vivere: qui non addit igitur natura, peccat, eo quod contingit quod naturæ inest, non esse illi cui natura inest, ut homini duos pedes habere : qui vero non determinat quoniam quod inest assignat, quod non erit tale quale nunc inest id, ceu quatuor digitos habere hominem, non indicans quoque quod ut primum, aut ut secundum aliud ponit, quod non de quo oratio & nomen verificabitur, ut coloratum esse siue superficiei, siue corporis assignauerit proprium, non prædicens etiam quod aut in eo quod est habere, aut in eo quod

53. locus.
declaratio.

haberi proprium assignauit, ideo non erit proprium quod assignatum est: nam inerit (si in eo quod habetur assignauit proprium) etiam habenti: si autem habenti, & ei quod habetur, ut in dissuasibile à ratione, scientiæ vel scientis positum proprium, non præsignificans etiã in eo quod participat, vel participatur, eo quod & in aliis quibusdam inerit proprium. Si enim in eo quidem quod participatur, assignauit, participantibus inerit, si vero in eo quod participat, iis quæ participantur, ut si alicuius animalis posuerit vivere proprium, non diuidens etiam specie quod vni soli, inerit eorum, quæ sub eo sunt, cuius proprium ponit: nam quod est secundum superabundantiam, vni soli inest: ut igni leuissimum. Aliquoties autem & species addēs peccat. Nam oportebit vnã speciem esse eorum quæ dicuntur, quando specie addiderit: hoc autem in quibusdam non acciderit, ut nec in igne, non enim est vna species ignis, nam diuersum est carbo & flamma, & lux specie; cum vnumquodq; horum sit ignis: propter hoc autem non oportet quando specie additur, diuersam esse speciem eius quod dicitur, quoniam his quidem magis, illis autem minus inerit quod dictum est proprium, ut in igne subtilissimum: subtilior enim est lux carbone, & flamma. Hoc autem non oportet fieri quando non, & nomen magis prædicatur, de quo oratio magis verificatur. Si autem non, non erit de quo oratio magis, & nomen magis. Amplius autem ad hæc idem esse accidit proprium eius quod simpliciter, & eius quod maxime in simpliciter tali: ut in igne se habet subtilissimum: nam & simpliciter & ignis, & lucis erit hoc ipsum proprium, subtilissima enim lux: cum igitur alius sic assignat

54. locus.
declaratio.

55. locus.
declaratio.

assignat proprium, argumentandum: sibi autem
 non danda hæc instantia, sed statim cum ponit
 proprium, determinandum est quomodo ponit
 proprium. Deinde destruenti quidem, si idem *56. locus.*
 eiusdem proprium posuit. Non enim erit pro- *declaratio.*
 prium, quod positum est esse proprium: nam
 idem eidem omne, quid est esse indicat: quod au-
 tem esse indicat, non proprium, sed terminus est,
 ut quia qui dixit honesti proprium decens esse,
 idem eiusdem proprium assignavit (idem enim
 est honestum & decens) non utique erit decens
 honesti proprium. Construenti autem, si non *57. locus.*
 eiusdem propriū assignavit, cum conuersim præ- *declaratio.*
 dicatum posuit. Nam erit proprium quod posi-
 tum est non esse proprium: ut quia qui posuit ani-
 malis proprium id quod substantia animata,
 non idem quidem eiusdem proprium posuit, &
 conuersim prædicatum assignavit, erit animalis
 proprium substantia animata. Deinde etiam in *58. locus.*
 iis, quæ similium partium sunt, considerandum *declaratio.*
 est: destruenti quidem si quod totius est pro-
 prium, non verificatur de parte: aut quod partis,
 non dicitur de toto. Non enim erit proprium,
 quod positum est esse proprium: accidit autem
 in aliquibus hoc fieri. assignabit enim aliquis in
 iis, quæ similium partium sunt proprium aliquo-
 ties quidem in toto respiciens, aliquoties autem
 in eo quod secundū partem dicitur ipse se ipsum
 intelligens: at erit neutrum recte assignatum, ut
 in toto quidem, quia qui dixit maris proprium:
 plurima aqua salia, alicuius similium partium
 posuit proprium, & tale assignavit quod non ve-
 rificatur de parte (non enim erit quiddam ma-
 ris plurima aqua salia) non utique erit maris
 proprium, plurima aqua salia. In parte autem,
 ut

vt quia qui posuit aëris proprium, respirabile. similitum quidem partium alicuius dixit proprium, tale autem assignauit quod de quo aëre verum est, de toto autem non dicitur (non enim erit vniuersus aër respirabilis) non erit vtique
 59. locus. aëris proprium respirabile. Astruenti autem, si
 declaratio. verificatur de vnaquaque similitum partium quod est proprium earum secundum totum. Erit enim proprium, quod positum est non esse proprium: vt quia verificatur de omni terra deorsum ferri secundum naturam: est autem & non proprium alicuius terræ secundum totum (nam secundum terram, & id quod est terram esse) erit terræ proprium deorsum ferri secundum naturam.

De locis communibus omnibus quaesitis. quæ sumuntur ab Oppositis, aut à Simili, aut ab eo, quod est Magis, & minus & aequale, aut à casibus, & coniugatis, aut à generatione, & corruptione.

Cap. I I I.

60. locus. **D**Einde ex oppositis considerandum est, pri-
 declaratio. mum quidem ex contrariis: destruenti quidem, si contrarij non est contrarium. Neque enim contrarij erit contrarium proprium: vt quia contrarium est iustitiæ quidem iniustitia, optimo autem pessimum: non est autem iustitiæ proprium, optimum, non erit iniustitiæ proprium pessimum. Construente autem, si contrarij contrarium proprium est, & contrarij contrarium proprium erit. Vt quia contrarium est bono quidem malum, eligendo autem fugiendum: est autem boni proprium eligendum: erit mali proprium fugiendum. Secundum autem, ex iis quæ ad aliquid sunt: destruente quidem, si hoc quod ad aliquid est, eius quod est ad aliquid
 non

non est proprium. Neque enim hoc quod ad aliquid est, eius quod ad aliquid est, erit proprium: ut quia dicitur duplum quidem ad dimidium, superans autem ad superatum: non est autem dupli proprium superans, non erit dimidij proprium superatum. Construente autem, si eius quod est aliquid, hoc quod ad aliquid est proprium: & eius quod est aliquid, id quod est ad aliquid erit proprium. Ut quia dicitur duplum quidem ad dimidium id esse, quod duo ad unum: est autem dupli proprium ut duo ad unum: erit dimidij proprium, ut unum ad duo. Tertium autem, destruente quidem, si habitus, id quod secundum habitum dicitur non est proprium, neque perfectio privationis, id quod secundum privationem dicitur, erit proprium: & si privationis, id quod secundum privationem dicitur non est proprium. neque habitus, id quod secundum habitum dicitur erit proprium. Ut quia non dicitur surditatis proprium insensibilitatem esse, neque auditus erit proprium sensum esse. Construente vero, si quod secundum habitum dicitur, est habitus proprium: & privationis, id quod secundum privationem dicitur erit proprium: & si privationis, id quod secundum privationem dicitur, est proprium, & habitus quod secundum habitum dicitur erit proprium. Ut quia visus est proprium videre, secundum quod habemus visum: erit cecitatis proprium non videre, secundum quod non habemus visum, nati habere. Deinde ex affirmationibus, & negationibus primum quidem ex ipsis quæ prædicantur. Est autem locus hic utilis destruente tantum: ut si affirmatio, vel quod secundum affirmationem dicitur, eius est proprium,

63. locus.
declaratio.

64. locus.
declaratio.

65. locus.
declaratio.

66. locus.
declaratio.

prium, non erit profecto eius negatio, neque quod secundum negationem dicitur proprium: si autem sit negatio, aut quod secundum negationem dicitur proprium, eiusdem non erit affirmatio. neque quod secundum affirmationem dicitur proprium: ut quia proprium animalis est animatum, non erit animalis proprium, non

67. locus.
declaratio.

animatum. Secundum autem ex prædicatis, vel etiam non prædicatis, & de quibus prædicatur, vel non prædicatur: destruenti quidem, si affirmationis affirmatio non est proprium. neque enim negatio negationis erit proprium: & si negatio negationis non est proprium, neque affirmationis affirmatio erit proprium: ut quia non est proprium hominis animal, neque non hominis non animal: si autem non hominis non videtur proprium non animal, neque ho-

68. locus.
declaratio.

minis erit proprium animal. Construente autem, si affirmationis affirmatio est proprium. Nam & negatio negationis erit proprium: si autem negationis negatio est proprium, & affirmatio affirmationis erit proprium: ut quia non animalis est proprium non vivere, erit animalis proprium vivere: & si animalis proprium videtur vivere, & non animalis proprium videbi-

69. locus.
declaratio.

tur non vivere. Tertium autem ex ipsis subiectis, destruente quidem, si quod assignatum est proprium, affirmationis est proprium. Non erit enim idem & negationis proprium: si autem negationis est proprium quod assignatum est, non erit affirmationis proprium: ut quia animalis proprium est animatum, non animalis

70. locus.
declaratio.

non erit proprium animatum. Construente vero, si assignatum proprium non est affirmationis proprium, erit negationis. At hic locus deficit:

nam

nam affirmatio negationis, & negatio affirmationis non est proprium, quanquidem affirmatio negationi omnino non inest: negatio autem affirmationi inest quidem, at non ut proprium inest. Deinde ex iis quæ ex opposito diuiduntur: destruenti quidem si eorum quæ ex opposito diuiduntur, nullum ullius reliquorum ex opposito diuersorum est proprium. Neque enim quod oppositum est, erit proprium eius cuius positum est proprium: ut quia animal sensibile nullius aliorum mortalium animalium est proprium, non erit animal intelligibile Dei proprium.

71. locus.

Construenti autem, si cæterorum quæ ex opposito diuiduntur quoduis est proprium talium quorumcunque eorum quæ ex opposito diuiduntur.

72. locus.
declaratio.

Nam reliquum erit eius proprium, cuius positum est non esse proprium: ut quia prudentiæ est proprium, per se natum esse rationalis virtutem esse, & aliarum virtutum sic vniuscuiusque sumptæ: erit temperantiæ proprium per se natum esse concupiscibilis virtutem esse. Deinde ex casibus: destruenti quidem, si casus non est casus proprium. Neque enim casus erit proprium casus: ut quia non est eius quod est iuste proprium id quod bene, neque iusti proprium erit bonum. Construenti autem, si casus est proprium casus. Nam & casus erit casus proprium, ut quia hominis est proprium gressibile bipes, & homini erit proprium gressibili bipedi dici.

73. locus.
declaratio.

Non solum autem in eo quod dictum est secundum casus est considerandum, sed & in oppositis, quemadmodum & in prioribus locis dictum est. destruenti quidem, si oppositi casus non est proprium oppositi casus. Neque enim oppositi casus erit proprium oppositi casus: ut quia non est

74. locus.
declaratio.75. locus.
declaratio.

est

- est eius quod est iuste proprium quod bene, neque iniuste erit proprium quod male. *Con-*
 76. *locus.* *declaratio.* struenti vero, si oppositi casus est proprium op-
 positi casus. Nam & oppositi casus, erit pro-
 prium oppositi casus: ut quia honesti est pro-
 prium optimum, & inhonesti erit proprium pes-
 77. *locus.* *declaratio.* simum. Deinde ex iis quæ similiter se habent,
 destruenti quidem, si quod similiter se habet,
 eius quod similiter se habet, non est proprium.
 78. *locus.* *declaratio.* Neque enim quod similiter se habet, eius quod
 similiter se habet erit proprium, ut quia simili-
 ter se habet ad extruendum ædificium ædifica-
 tor, & medicus ad efficiendum sanitatem: non
 est autem proprium medici efficere sanitatem,
 neque ædificatoris erit proprium, *extruere ædi-*
 79. *locus.* *declaratio.* *fici*um. Construenti autem, si quod similiter se
 habet erit proprium eius quod similiter se ha-
 bet. Nam & quod similiter se habet, eius quod si-
 militer se habet erit proprium: ut quoniam simi-
 liter se habet medicus ad id quod est esse effecti-
 uum sanitatis, & ludi magister ad id quod est
 esse effectuum bonæ habitudinis: est autem pro-
 prium magistri ludi, esse effectuum bonæ habi-
 tudinis, erit proprium & medici effectuum esse
 sanitatis. Deinde ex iis quæ sic se habent: de-
 80. *locus.* *declaratio.* struenti quidem, si quod sic se habet, eius quod
 sic se habet non est proprium. Neque enim quod
 sic se habet, eius quod sic se habet, erit pro-
 prium. Si autem eius quod sic se habet, id quod
 sic se habet est proprium, eius non erit pro-
 prium, cuius positum est esse proprium. Ut quia
 sic se habet prudentia ad honestum & turpe, eo
 quod disciplina utriusque eorum est: non est au-
 tem prudentiæ proprium disciplinam esse hone-
 sti, non utique erit proprium prudentiæ discipli-
 nam

nam esse turpis : si vero est proprium prudentiæ disciplinam esse honesti, non erit proprium eiusdem disciplinam esse turpis : impossibile est enim eiusdem plura esse propria. Construenti vero nihil locus iste utilis : nam quod sic se habet, vnum ad plura comparantur. Deinde destruenti quidem, si quod secundum esse dicitur, non est eius quod secundum esse dicitur proprium. Nam neque corrumpi eius quod est secundum corrumpi, neque generari eius quod secundum generari dicitur, erit proprium. Vt quia est hominis proprium esse animal, neque eius quod est hominem generari, erit proprium generari animal, neque eius quod est hominem corrumpi erit proprium corrumpi animal. Eodem autem modo accipiendum est & ex generari ad esse & corrumpi, & ex corrumpi ad esse & generari, quemadmodum dictum est nunc ex esse ad generari, & corrumpi. Construenti autem, si eius quod est secundum esse ordinatum est. Est autem per se, ordinatum proprium : nam & eius, quod secundum generari dicitur, erit hoc quod secundum generari dicitur proprium, & eius quod secundum corrumpi, hoc quod secundum corrumpi est assignatum : ut quia hominis est proprium esse mortalem, & eius quod est generari hominem, erit proprium generari mortalem, & eius, quod est corrumpi hominem, corrumpi mortalem. Eodem autem modo accipiendum est & ex generari, & corrumpi, & ad esse, & ad ipsa ex ipsis fieri : quemadmodum & in destruenti dictum est. Deinde inspiciendum ad idem suppositi : destruenti quidem, si ideæ non inest, aut si non quia id dicitur, cuius est proprium assignatum. Non enim erit proprium quod positum est esse pro-

81. locus.
declaratio.

82. locus.
declaratio.

83. locus.
declaratio.

84. locus.
declaratio.

prium: ut quoniam ipsi homini non inest quiescere qua homo est, sed qua idea, non erit hominis proprium quiescere. Construenti autem, si ideæ inest, & secundum hoc inest qua dicitur de illo ipso, cuius positum est non esse proprium. Erít enim proprium quod positum est non inesse

85. locus.
declaratio.

proprium: ut quoniam inest ipsi animali ex anima & corpore compositum esse, & qua animal est, ipsi inest id, erit proprium animalis ex corpore & anima compositum esse. Deinde ex magis & minus. Primum quidem destruenti, si quod magis est, eius quod magis non est proprium. Neque enim quod minus est, eius quod minus erit proprium: neque quod minime eius quod minime: neque quod maxime eius quod maxime: neque quod simpliciter eius quod simpliciter: ut quia non est magis colorari magis corporis proprium: neque minus colorari minus corporis proprium erit, neque colorari corporis omnino. Construenti autem, si quod magis est,

86. locus.
declaratio.

eius quod magis est, est proprium. Nam quod minus est, eius quod minus est erit proprium: & quod minime, eius quod minime, & quod maxime, eius quod maxime: & quod simpliciter, eius quod simpliciter: ut quia magis viventis magis sentire est proprium: & minus viventis minus sentire, erit proprium: & eius quod maxime id quod maxime, & eius quod minime, id quod minime, & eius quod simpliciter, id quoque quod simpliciter. Et ex eo autem quod simpliciter, ad eadem considerandum: destruenti quidem, si

87. locus.
declaratio.

88. locus.
declaratio.

quod simpliciter non est proprium. Neque enim quod magis est, eius quod magis, neque quod minus, eius quod minus, neque quod maxime, eius quod maxime, neque quod minime eius quod

mini

minime erit proprium : vt quia non est hominis proprium studiosum, neque magis hominis, magis studiosum erit proprium. Construenti autem, si quod simpliciter est, eius quod simpliciter est proprium. Nam & hoc quod magis eius quod magis, & quod minus eius quod minus, & quod minime eius quod minime, & quod maxime eius quod maxime erit proprium: vt quia est ignis proprium sursum ferri secundum naturam, & magis ignis erit magis proprium sursum ferri secundum naturam: eodem modo considerandum est & ex aliis huiusmodi. Secundum autem, destruendi quidem, si quod magis est, non est eius quod magis est proprium. Neque enim quod minus est eius quod minus erit proprium: vt quoniam magis est proprium animalis sentire quam hominis scire, non est autem animalis proprium sentire, quare non erit hominis proprium scire. Construenti autem, si quod minus, eius quod minus est proprium. Nam & quod magis, eius quod magis erit proprium: vt quia minus est proprium hominis mansuetum natura quam animalis viuere: est autem hominis proprium mansuetum natura, erit proprium animalis viuere. Tertium vero, destruendi quidem, si cuius magis est, proprium non est. Neque enim cuius est minus proprium, erit eius proprium: si autem illius est proprium, non erit huius proprium: vt quia colorari magis superficiei quam corporis est proprium, non est autem superficiei proprium, non erit corporis proprium colorari: si vero est superficiei proprium, non erit corporis proprium. Construenti autem hic locus non est utilis: nam impossibile est idem plurium proprium esse. Quartum destruendi quidem, si quod maius est eius

89. locus.
declaratio.

90. locus.
declaratio.

91. locus.
declaratio.

92. locus.
declaratio.

- proprium, non est propriū, neque profecto quod minus est eius proprium, erit proprium. Vt quia magis est proprium animalis sensibile quàm partibile, non est autem animalis sensibile proprium: quare non erit animalis partibile proprium.
93. locus. *declaratio.* Construenti autem, si quod minus est eius proprium, est proprium. Nam & quod magis est eius proprium, erit proprium: ut quoniam minus est proprium animalis sentire quàm vivere: est autem animalis proprium sentire, erit animalis proprium vivere. Deinde ex his, quæ similiter insunt, primum quidem destruenti, si quod similiter est proprium, non est proprium eius, cui similiter est propriū. Neque enim quod similiter est proprium, erit proprium eius cuius similiter est proprium: ut quia similiter est proprium concupiscibilis concupiscere, & rationalis ratiocinari: non est autem proprium concupiscibilis concupiscere, non erit rationalis proprium ratiocinari.
95. locus. *declaratio.* Construenti vero, si quod similiter est proprium, eius est proprium, cuius est similiter proprium. Nam & quod similiter est proprium, erit eius proprium cuius similiter est proprium: ut quia similiter est rationalis proprium primum prudens, & concupiscibilis proprium primum temperans: est autem rationalis primum prudens: erit igitur concupiscibilis proprium primum temperans.
96. locus. *declaratio.* Secundum autem, destruenti quidem, si quod similiter est proprium non est proprium eius. Nam neque quod similiter est proprium, erit proprium eius: ut quia similiter est proprium hominis videre, & audire, non est hominis proprium videre, non utique hominis proprium audire.
97. locus. *declaratio.* Construenti vero, si quod similiter est eius proprium, est proprium,

prium. Nam quod similiter est eius proprium,
 proprium erit: vt quia similiter est proprium
 animæ, aliquid partium eius primo esse concu-
 piscibile, & rationale primo: est autē proprium
 animæ, quid partium eius esse concupiscibile
 primo, erit vtique proprium animæ, quidpiam
 partium eius esse rationale primo. Tertium ve-
 ro, destruenti quidem, si cuius similiter est pro-
 prium, non est proprium. Neque enim cuius si-
 militer proprium erit proprium: si autem illius
 est proprium, non erit alterius proprium: vt quia
 vrere similiter est proprium flammæ, & carbo-
 nis, non est autem flammæ proprium vrere, non
 erit carbonis proprium vrere: si autem est flam-
 mæ proprium, non erit carbonis proprium vre-
 re. Construenti autem hic locus non est utilis:
 differt autem quod est ex similiter se habentibus,
 ab eo quod ex iis est, quæ similiter insunt: quo-
 niam illud quidem secundum proportionem su-
 mitur, non in eo quod inest aliquid compara-
 tum: hoc autem ex eo quod inest, alicui compa-
 ratur. Deinde destruenti quidem, si potentia pro-
 prium assignans, & non ad ens assignauit pro-
 prium potentia, cum non contingat ei potentia
 inesse cum ens non est. Non enim erit proprium
 quod positum est esse proprium: vt quia qui di-
 xit aëris proprium respirabile, potentia qui-
 dem assignauit proprium (nam tale proprium
 vt respirari possit, respirabile est:) assignauit
 autem & ad non esse proprium: nam & cum
 non est animal quod spirare natum ex aëre,
 contingit aërem esse, non tamen cum non est
 animal, possibile est spirare: quare neque aëris
 erit proprium huiusmodi possibile respirari
 tunc, quia animal non erit quod tale est vt respi-

98. locus.
 declaratio.

99. Locus.
 declaratio.

100. locus.
declaratio.

101. locus.
declaratio.

rare possit: non ergo erit aëris proprium respira-
bile. Construenti autem, si potentia assignans
proprium, tam ad ens assignauit proprium, quam
ad non ens, cum contingat potentia non enti ines-
se. Erit enim proprium quod positum est non esse
proprium: ut quia qui assignauit proprium, entis
possibile pati, aut facere potentia assignans pro-
prium, ad ens assignauit proprium (nam cum ens
est, & possibile pati quid, aut facere erit) quare
proprium erit entis possibile pati quid, aut face-
re. Deinde destruenti quidem, si per superabun-
dantiam posuit proprium. Non erit enim pro-
prium quod positum est esse proprium: accidit
enim sic assignantibus proprium, non de quo
orationem, & nomen verificari: nam corrupta
re, nihil minus erit oratio: nam eorum, quæ sunt,
alicui maxime inest: ut si quis assignet ignis pro-
prium, corpus leuissimum: corrupto enim igne,
erit aliquod corporum quod leuissimum erit:
quare non erit ignis proprium, corpus leuissi-
mum. Construenti autem, si non per superabun-
dantiam posuit proprium. Erit enim secundum
hoc bene positum proprium: ut quia qui posuit
hominis proprium animal mansuetum na-
tura, non superabundantia assigna-
uit proprium: erit utique se-
cundum hoc bene po-
situm pro-
prium.

*

Aristotelis libri

Quinti

Finis.



ARISTOTELIS TOPICORVM

LIBER SEXTVS.

SVMMA LIBRI.

*De locis Definitionis: de locis ex differentiis
desumptis: de locis definitionum rerum,
quæ composite sunt: Postremo de locis
definitionum, quæ omnibus predica-
mentis communes sunt.*

De locis Definitionis, & primum Generis.

Caput Primum.

E I V S autem, quod est circa ter- 1. locus.
minos negotij, partes sunt quin- declarati.
que. Nam, aut quod omnino non
verum est dicere, de quo nomen
& orationem (oportet enim ho-
minis definitionem de omni ho-
mine verificari:) aut quod, cum sit genus, non po-
suit in genere, vel non in accommodato genere
posuit (oportet enim eum qui definit in genere po-
nentem differentias adiungere: nam maxime co-
rū, quæ sunt in definitione, genus videtur definiti
substantiam significare:) aut quod non propria
est definitio (oportet enim definitionē propriam
esse, quemadmodum prius dictum est:) aut si om-
nia quæ dicta sunt is qui fecit, non definiuit, neq,

2. locus.
declaratio.

dixit quid est esse rei definitæ. Reliquum autem præter ea, quæ dicta sunt, si definiuit quidem, ac non bene definiuit. Si igitur non verificatur, de quo nomen & oratio, ex iis quæ dicta sunt in accidente locis, considerandū. Nam, & illic vtrum verum, vel non verum, omnis consideratio fit: quando enim quod inest accidens disputamus, quod verum est dicimus: quando autem quod non est, quod non verum. si vero non in accommodato genere posuit, aut si non propria est assignata oratio, ex iis qui sunt ad genus, & proprium dictis locis, prospiciendum. Reliquum vero si non definiuit, aut si non bene definiuit,

4. locus.
declaratio.

aliquo modo aggrediendum dicere. Primum igitur inspiciendum si non bene definiuit. Nam facilius est quodlibet fecisse, quàm bene fecisse: manifestum igitur, quoniam peccatum circa hoc plusculum, eo quod laboriosius: quare argumentatio facilior quæ circa hoc, quàm quæ circa illud fit. Sunt autem eius quod non est bene, partes duæ. vna quidem, obscura interpretatione vti. Oportet enim definientem, vt contingit, quàm clarissima interpretatione vti: eo quod cognoscendi gratia assignatur definitio. secunda autem, si amplius dixit in definitione, quàm par sit: nam omne quod superad-

6. locus.
declaratio.

iectum est in definitione, superfluum est. Rursum autem vtrumque quod dictum est, in plures partes diuiditur: vnus autem locus eius, quod obscure est, si sit æquiucum alicui, quod dictum est. Vt quod generatio est ductio ad substantiam, & quod sanitas commensuratio calidiorum & frigidiorum: nam æquiuca est ductio, & commensuratio: immanifestum igitur, vtrum vult dicere eorum, quæ significantur ab

eo, quod multipliciter dicitur. Similiter autem, & si cū definitum multipliciter dicitur, diuidens non dixit: nam inmanifestum vtrius definitionem assignauit, contingitque calumniari, velut non conueniente oratione ad omnia, quorum definitionem assignauit: maxime autem contingit tale quippiam facere, cum latet æquiuocatio. Contingit etiam, & eum, qui diuidit, quoties dicitur id, quod in definitione assignatum est, syllogismum facere: nam, si secundum nullum modorum sufficienter dictum est, manifestum quod non definierit illo modo. Alius si secundum metaphoram dixit. Vt scientiam indeciduam, terram autem nutricem, aut temperantiam consonantiam: nam omne obscurum, quod secundum metaphoram dicitur, contingit, & etiam metaphora loquentem calumniari, tanquam non proprie dicentem: non enim congruet dicta definitio, vt in temperantia, nam omnis consonantia in sonis. Amplius, si est genus consonantia temperantiæ, in duobus generibus erit idem, non continentibus se inuicem: nam neque consonantia virtutem, neque virtus continet consonantiam. Amplius, si non positus nominibus vtitur. Vt Plato ciliumbra oculum, aut araneum putrimordax, aut medullam ossigenium dixit: nam omne obscurum, quod insuetum est. Quædam autem neque secundum æquiuocationem, neque secundum metaphoram, neque proprie dicuntur. Vt lex, mensura, vel imago eorum, quæ natura iusta sunt: sunt autem huiusmodi deteriora, metaphora: nam metaphora facit quodammodo notum quod designatum est per, similitudinem (omnes enim metaphora

7. locus.
declaratio.

8. locus.
declaratio.

9. locus.
declaratio.

10. locus.
declaratio.

11. locus.
declaratio.

12. locus.
declaratio.

13. locus.
declaratio.

uentes, secundum aliquam similitudinem ea
vtuntur :) at quod tale est non facit notum: nam
neque similitudo est secundum quam mensura,
vel imago lex est, neque dici solet proprie: qua-
propter, si proprie mensuram, vel imaginem le-
gem dicit esse, veritatis est expers: nam imago
id est, cuius generatio per imitationem est: hoc
autem non inest legi: si autem non proprie, ma-
nifestum quod obscure dixit, atque deterius
quolibet eorum, quæ secundum metaphoram di-
cuntur. Amplius, si non manifesta est contra-
rij oratio ex hoc quod dicitur. Nam, quæ bene as-
signantur, contrarias commanifestant. Aut si per
se dicta non sit manifestum cuius est definitio:
sed quemadmodum ea, quæ sunt antiquorum
scriptorum, nisi quis superscripisset, non cogno-
scebatur quid vnumquodque: si igitur non cla-
re, ex huiusmodi est inspiciendum. Si igitur su-
perfluum in termino dixit, primum quidem con-
siderandum, si aliquo vsus est, quod omnibus
insit, vel simpliciter iis quæ sunt, vel iis quæ
sub eodem genere sunt definitorum. Nam su-
perfluum dici necessarium id est: oportet enim
genus ab aliis separare, differentiam autem ab
aliquo eorum, quæ sunt in eodem genere: atqui
quod omnibus quidem inest simpliciter, à nullo
separat, quod autem omnibus, quæ sub eodem
sunt genere inest, non separat ab iis quæ sunt in
eodem genere: quare superuacaneum huiusmodi
appositum. Aut si est quidem proprium quod ap-
positum est, ablato autem illo, & reliqua defini-
tio propria est, & indicat substantiam. Vt in ho-
minis oratione scientiæ susceptium appositum,
superfluum: nam & eo ablato, reliqua oratio
propria

propria est, & indicat substantiam: simpliciter autem dicendo, omne superfluum, quo ablato, reliquum manifestum facit id quod definitur. Talis autem est & animæ terminus, si est numerus ipse seipsum mouens: nam quod seipsum mouet est anima, ceu Plato definiuit, an proprium quidem quod dicitur, non indicat autem substantiam interempto numero. vtrouis igitur modo se habeat, difficile est vt explicet. Utendum ergo in omnibus talibus ad id quod expedit: vt est phlegmatis terminus, humidum primum à cibo indigestum: vnum enim primum non multa: quare superfluum, indigestum appositum: nam hoc ablato, reliqua erit propria definitio: non enim contingit à cibo & aliud quiddam primum esse. An non simpliciter à cibo phlegma, sed indigestorum primum? quare addendum est indigestum: nam illo quidem modo dicta non vera erit definitio, si quidem non omnium primum est. Amplius, si quippiam eorum, quæ sunt in oratione, non omnibus inest, quæ sunt sub eadem specie. Nam talis peius definiuit, quàm qui vsi sunt eo quod inest omnibus quæ sunt: nam illic, si reliqua propria definitio, & tota propria erit: simpliciter enim ad proprium quolibet addito vero, tota oratio propria fit: at vero si aliquid eorum quæ sunt in oratione, non omnibus inest, quæ sunt sub eadem specie, impossibile est totam orationem propriam esse: non enim conuersim prædicabitur de re, vt animal gressibile bipes quadrucubitale: nam huiusmodi oratio non conuersim prædicabitur de re, eo quod non omnibus inest (quæ sub eadem specie sunt) quadrucubitale.

14. locus.
declaratio.

Rursum

15. locus.
declaratio.

Rursum si idem frequenter dixit. Vt qui concupiscentiam appetitum delectationis dixit: nam omnis concupiscentia, delectationis est: quare & eidem concupiscentiæ delectationis erit: fit igitur terminus concupiscentiæ appetitus delectationis (nihil enim differt concupiscentiam dicere, aut appetitum delectationis) quare vtrunque eorum delectationis erit. An hoc quidem nihil absurdum? nam & homo bipes est. Quare & idem homini, bipes erit. est autem idem homini, animal gressibile bipes: quare animal gressibile bipes, bipes est: sed non propter hoc absurdum aliquid accipit. non enim de animali solum gressibile bis bipes prædicatur, sic enim de eodem bis bipes prædicatur, si de animali bipede gressibile bipes dicitur, quare semel tantum bipes prædicatur. Similiter autem & in concupiscentia: non enim de appetitu id quod est delectationis esse prædicatur, sed de toto: quare semel & hic prædicatio fit. Non est autem bis dicere idem nomen, aliquid absurdum: sed frequenter de aliquo idem prædicari, sicut Xenocrates prudentiam definitiuam, & contemplatiuam eorum quæ sunt, dicite esse: nam definitiua, contemplatiua quædam est, quare bis idem dicit, addens rursum & contemplatiuam. Similiter autem & quicumque refrigerationem, priuationem eius quidem caloris, qui secundum naturam est, dicunt esse: nam omnis priuatio eius est, quod secundum naturam est: quare superfluum est addere secundum naturam, sed sufficit fortasse dicere, priuationem caloris, eo quod ipsa priuatio notum facit quod eius sit, quod secundum naturam dicitur. Rursum si
vniuer

16. locus.
declaratio.

vniversali dicto addidit & particulare. Vt si clementiam imminutionem, expeditiam & iustorum: nam iustum expediens quippiam est, quare continetur in expediente: superfluum igitur, iustum: nam qui dixit vniversale, addidit & particulare, & si medicinam disciplinam sanatiuorum animali & homini; aut legem imaginem eorum quæ natura sunt bona & iusta: nam iustum bonum quippiam: quare frequenter idem dicit, vtrum igitur bene an non bene definiuit, per hæc & huiusmodi perspicendum. Vtrum vero definiuit, & dixit quid est esse, an non, ex his. Primum ergo si non, per priora & notiora confecit definitionem. Nam terminus assignatur eius cognoscendi gratia quod dicitur. cognoscimus autem non ex quibullibet, sed ex prioribus, notioribusque, quemadmodum in demonstrationibus: sic enim omnis doctrina & omnis disciplina se habet: manifestum igitur, quod qui non per huiusmodi definiuit, non definiuit: si enim definiuit, plures erunt eiusdem definitiones. Nam manifestum, quod & qui per priora, ac notiora, iterum melius definiuit: quare vtræque erunt definitiones eiusdem: tale autem non videtur: nam vnicuique eorum quæ sunt, vnum est esse idipsum quod est: quare si plures erunt eiusdem definitiones, idem erit definitio, esse quod quidem secundum vtranque definitionem significatur: hæc autem non eadem sunt, eo quod definitiones diuersæ: manifestum igitur quoniam non definiuit, qui non per priora, atque notiora definiuit. Igitur per non notiora quidem terminum dici, dupliciter est accipere, aut

17. locus.
declaratio.

18. locus.
declaratio.

aut enim si simpliciter ex ignotioribus, aut si nobis ignotioribus, contingit enim utroque modo: simpliciter igitur notius quod prius est, posteriore: ut punctum linea, & linea superficie, & superficies solido, quemadmodum & vnitas numero: prius enim & principium omnis numeri: similiter autem & elementum syllaba. Nobis autem econuerso quandoque accidit: nam maxime solidum magis sub sensu cadit, quam superficies: superficies autem magis quam linea, linea autem signo magis: quare multitudo magis huiusmodi cognoscit: nam illa quidem quomodo libet, hæc autem subtili, & fecundo intellectu comprehendere oportet: simpliciter igitur melius per priora, posteriora tentare cognoscere, nam magis scientificum tale est. Verum ad eos, qui impotentes sunt cognoscere per talia, necessarium forte per ea, quæ illis cognita sunt, facere orationem: sunt autem talium definitiones quæ & puncti, & lineæ, & superficiei. omnes enim per posteriora, priora indicant: nam illud quidem lineæ, istam autem superficiei, hanc vero solidi fines dicunt esse. Non oportet autem latere quoniam sic definientes non contingit quod quid est esse definitio, indicare: nisi contingat idem nobis notius esse, & simpliciter notius: siquidem oportet per genus & differentias definire eum, qui bene definit, hæc autem simpliciter notiora, & priora sunt specie: interimit enim genus & differentia speciem, quare priora hæc specie. Sunt autem notiora, nam specie quidem nota necesse est genus & differentias cognosci: qui hominem enim cognoscit, & animal gressibile cognoscit: ac
gene

genere & differentia notis, non necesse est & speciem cognosci: quare ignotior species. Amplius, illis (qui secundum veritatem huiusmodi definitiones dicunt esse quæ sunt ex iis quæ unicuique sunt nota) plures: eiusdem accidit dicere definitiones esse, nam alia aliis, & non omnibus eadem contingit notiora esse: quare ad vnumquenque erit definitio assignanda, si quidem ex iis, quæ singulis quibusque sunt notiora, definitionem oportet facere. Amplius, eisdem alia interdum alia magis nota: nam à principio quidem sensibilia, instructioribus autem factis. contra: quare neque ad eundem semper ad eadem definitio assignanda, iis qui per ea quæ singulis quibusque sunt notiora definitionem fatentur assignandam esse: manifestum igitur, quod non definiendum per ea, quæ huiusmodi sunt, sed per simpliciter notiora: nam solo modo sic una & eadem definitio semper fiet. Fortasse autem & quod simpliciter notum, non est id quod omnibus notum, sed quod bene dispositis intellectu. quemadmodum & simpliciter salubre iis, qui bene affectum habent corpus: oportet ergo vnumquodque talium diligenter peruestigare, ut autem disputantes ad id quod expedit. Maxime autem sine dissensione interimere contingit definitionem, si neque ex simpliciter notioribus, neque ex iis quæ nobis, contingit definitionem fieri. Vnus igitur locus est eius quod non per notiora, quod per posteriora, priora indicat: quemadmodum prius diximus. Alius autem, si eius, quod est in quiete, & definitione, per indefinitum, & quod
in

19. *locus.* in motu est assignata est oratio nobis . Prius
declaratio. enim est & notius quod manens est , & definitum , eo quod indefinitum & in motu est . Eius
20. *locus.* autem , quod est non ex prioribus , tres sunt loci.
declaratio. Primus quidem , si per oppositum , oppositum definiuit . vt si per malum , bonum . simul enim natura opposita , & nonnullis etiam eadem disciplina vtrorunque videtur esse : quare non notius alterum altero . Oportet autem non latere quædam fortasse aliter definiri non posse , vt duplum sine dimidio , & quæcunque per se ad aliquid dicuntur , nam omnibus huiusmodi est idem esse , ei quod est ad aliquid quodammodo se habere : quare non est possibile sine altero alterum cognoscere , eo quod necessarium est alterius oratione coassumi & alterum . Ergo cognoscere quidem oportet huiusmodi omnia , vñ
21. *locus.* autem eis in his vt videbitur expedire . Alius ,
declaratio. si eodem vsus est ei quod definitur . Latet autem , cùm non eodem definiti nomine vitur : vt si Solem stellam in die apparentem definiuit : nam qui die vitur , Sole vitur : & par est ad deprehendenda talia sumere pro nomine orationem : vt quod dies est , solis latio super terram : nam tunc manifestum , quod qui Solis lationem super terram dixit , solem dixit , quare vitur sole , qui die vitur . Rursum , si eo quod è diuerso diuiditur , id quod è diuerso diuiditur definiuit . Vt impar est , qui vnitate maior est pare : simul enim natura , quæ ex eodem genere è diuerso diuiduntur : impar autem & par è diuerso diuiduntur : nam ambo , numeri differentiz . Similiter autem , & si per inferiora , superiora definiuit . Vt partem numerum , qui
22. *locus.*
declaratio.
23. *locus.*
declaratio.
- bipar

bipartite secatur: aut bonum, habitum virtutis: nam & bipartite sumptum est à duobus, quæ paria sunt: & virtus, bonum quoddam est: quare inferiora hæc quàm illa sunt: est autem necesse eum, qui inferioribus utitur, & illis uti: nam, & qui virtute utitur, bono utitur, eo quòd bonum quoddam virtus: similiter autem, & qui bipartite utitur, & parte utitur, eo quòd in duo secari significat bipartite secari: duo autem paria sunt. Vniuersaliter igitur dicendo, vnus est locus non per priora, & notiora fecisse orationem, partes autem eius, ea quæ dicta sunt. Secundus autem, si res cùm sit, non ponitur in genere. Nam in omnibus huiusmodi peccatum est, in quibus non prius ponitur in oratione, quid est: vt corporis definitio, quod habet tres dimensiones: aut si quis hominem definiuit, quod est sciens numerare: non enim dictum est, quid est, habere tres dimensiones: vel quid est, scit numerare: genus autem vult quid est significare: & primum apponitur eorum, quæ in definitione dicuntur. Amplius, si ad plura cum dicatur id, quod definitur, non ad omnia assignauit. Vt si Grammaticem, scientiam scribendi quod profertur: nam indiget, & quod legendi: nihilo enim magis scribendi, quàm legendi assignat qui definit: quare non alius, sed qui vtraque hæc dicit, eo quòd plures non contingit eiusdem definitiones esse. In quibusdam profecto secundum veritatem se habet, vt dictum est, in quibusdam autem non, vt in quibuscunque non per se dicitur ad vtrumque: vt medicinam, scientiam, sanitatem, & ægritudinem efficiendi: nam de illa quidem per se dicitur, de hac autem per accidens: simpliciter enim alienum à medicina,

24. locus
declaratio

25. locus
declaratio

26. locus.
declaratio.

ægritudinem efficere. Quare nihil magis definiuit, qui ad utrumque assignauit, quam qui ad alterum, verum fortasse & deterius, eo quod & reliquorum quilibet potest ægritudinem efficere.

27. locus.
de aratio.

Amplius, si non ad melius, sed ad peius assignauit, cum sint plura, ad quæ dicitur quod definitur. Nam omnis disciplina, & potestas, optimi videtur esse. Rursum, si non positum est in proprio genere quod dictum est, considerandum ex iis, quæ ad genera sunt, elementis: quemadmodum est dictum prius. Rursum, si transiliens dicit genera. Ut qui iustitiam æqualitatis habitum effectiuum, vel distributiuum æqui: nam transilit, qui sic definit virtutem: relinquens igitur iustitiæ genus non dicit quid est esse (nam substantia unicuique est in genere) est autem hoc idem ei, quod est non in proximo genere ponere. Nam qui in proximo posuit, omnia superiora dixit, eo quod omnia superiora genera de inferioribus prædicantur. Quare aut in proximo genere ponendum, aut omnes differentias superiori generi addendum, per quas definitur proximum genus: sic enim erit nihil prætermisum, sed pro nomine, in oratione dictum erit inferius genus: qui vero ipsum superius genus dicit, non dicit & inferius genus: nam qui plantam dicit, non dicit arborem.

De locis, quæ sumuntur à differentiis definitionem constituentibus.

Caput

II.

28. locus.
declaratio.

Rursum in differentiis similiter considerandum, si & differentias dixit generis. Nam, si rei non specialibus definiuit differentiis, aut si etiam omnino aliquid huiusmodi dixit, quod nullius contingit differentiam esse (ut animal, aut

aut substantiam) manifestum, quoniam non definiuit: nullius enim differentia, quæ dicta sunt. Videndum autem & si est aliquid quod è diuerso diuiditur dictæ differentia. Nam, si non est, perspicuum, quoniam non erit quæ dicta est generis differentia: nam omne genus iis, quæ ediuerso diuiduntur, differentiis diuiditur: vt animal gressibili, & volatili, & aquatili, & bipedi.

29. locus.
declaratio.

Aut si est quidem ediuerso diuifa differentia, non verificatur autem de genere. Nam si non, manifestum quoniam neutra erit generis differentia: omnes enim quæ è diuerso diuiduntur differentia, verificantur de proprio genere. Similiter autem, & si verificatur quidem, at non facit apposita generi speciem. Nam manifestum quod non erit hæc specifica differentia generis, nam omnis specifica differentia cum genere speciem facit: si autem hæc non est differentia, nec quæ dicta est: quia hæc è diuerso diuiditur. Amplius, si negatione diuidat genus. Vt qui lineam definiunt, longitudinem sine latitudine esse: nam nihil aliud significat, sine latitudine, quam quod non habet latitudinem: accidet igitur genus participare speciem. nam omnis longitudo sine latitudine, aut latitudinem habens est: quia de omni affirmatio, vel negatio vera sit: quare genus linear, cum longitudo sit, sine latitudine, aut latitudinem habens erit: at longitudo sine latitudine speciei est ratio: similiter autem & longitudo latitudinem habens: nam sine latitudine, & latitudinem habens, differentia sunt: ex differentia autem & genere est speciei oratio: quare genus suscipiet speciei orationem, similiter autem & differentia, eo quod altera dictarum differentiarum ex necessitate predicatur de ge-

30. locus.
declaratio.

31 locus.
declaratio.

32. locus.
declaratio.

nere. Est autem dictus locus utilis ad eos, qui ponunt ideas esse: nam si non est ipsa longitudo, quodam modo prædicabitur de genere quod latitudinem habet, aut sine latitudine est: oportet enim de omni longitudine alterum eorum verificari, siquidem de genere verificari debeat: hoc autem non accidit. sunt autem & sine latitudine & latitudinem habentes longitudes, quare ad illos solos utilis hic locus, quicunque genus vnum numero dicunt esse. hoc autem faciunt qui ideas ponunt. nam ipsam longitudinem, & ipsum animal, genus dicunt esse. Fortasse autem in quibusdam etiam necessarium est negatione uti definientem, ut in priuationibus: nam cæcum est, quod non habet visum, quando natum est habere. Differt autem nihil negatione diuidere genus, aut huiusmodi affirmatione, quam negationem necesse est è diuerso diuidi, ut si longitudinem habens latitudinem definiuit, eam habente latitudinem è diuerso diuiditur, non habens latitudinem, neque aliud quicquam: quare negatione rursus diuiditur genus. Rursus, si speciem, ut differentiam assignauit. Ut qui conuiuium, iniuriam cum irrisione definiuit: nam irrisio iniuria quædam est, quare non differentia, sed species est irrisio. Amplius, si genus ut differentiam dixit. Ut virtutem habitum bonum, vel studiisum: nam bonum est genus virtutis. An non genus est bonum, sed differentia? siquidem verum est quòd non contingat idem in duobus generibus esse non continentibus se inuicem (nam neque bonum continet habitum, neque habitus bonum: nō enim omnis habitus bonus, neque omne bonum habitus) non erunt profecto genera ambo. si igitur habitus genus est virtutis,

33. locus.
declaratio.

34. locus.
declaratio.

tis, perspicuum bonum non est genus, sed ma-
 gis differentiam esse. Amplius, habitus quidem
 quid est virtus significat: bonum autem non
 quid est, sed quale quid est: videtur autem diffe-
 rentia quale quid significare. Videndum autem,
 & si non quale quid, sed ipsum quid significat
 assignata differentia. nam videtur quale quid
 omnis differentia significare. Considerandum
 autem, & si secundum accidens inest definito dif-
 ferentia. Nam nulla differentia est eorum, quæ
 secundum accidens insunt, sicut neque genus:
 non enim contingit differentiam inesse alicui,
 & non inesse. Amplius, si prædicatur de gene-
 re differentia, vel species, aut inferiorum ali-
 quod speciei, non erit definiens. Nam nullum
 eorum, quæ dicta sunt, contingit de genere præ-
 dicari, eo quod genus de quâ plurimis omnium
 dicitur. Rursum, si prædicatur genus de differen-
 tia. nam non de differentia, sed de quibus diffe-
 rentia, genus videtur prædicari: ut animal de
 homine, & boue, & de aliis gressibilibus anima-
 libus, non autem de ea differentia, quæ de spe-
 cie dicitur: nam si de vnaquaque differentiarum
 animal prædicabitur, multa animalia de specie
 prædicabuntur: nam differentia de specie præ-
 dicantur. Amplius, differentia omnes, aut spe-
 cies, aut individua erunt, si quidem sunt anima-
 lia: nam vnumquodque animalium aut species,
 aut individuum est. Similiter autem inspicien-
 dum, & si species, aut inferiorum speciei ali-
 quod, de differentia prædicatur. Impossibile enim
 eo quod de pluribus differentia, quam species
 dicitur. Item accidet differentiam speciem esse,
 siquidem prædicabitur de ea aliqua specierum:
 nam, si de differentia prædicatur homo, manife-

35. locus.
declaratio.

36. locus.
declaratio.

37. locus.
declaratio.

38. locus.
declaratio.

39. locus.
declaratio.

- stum quoniam differentia est homo. Rursum, si
 40. *locus.* non prior est differentia specie. nā genere quidē
declaratio. posterior est, specie autē priorem differentia esse
 oportet. Considerandū autem, & si alterius gene-
 ris est dicta differentia, neq; cōtēti, neq; cōtinen-
 41. *locus.* tis. Nam non videtur eadem differentia duorum
declaratio. generum esse non continentium se inuicē: si au-
 tem non, accidet & speciem eandem in duobus
 generibus esse non continentibus se inuicem: in-
 fert enim vnaquæque differentiarum proprium
 genus, vt gressibile, & bipes animal coinferunt:
 quare, si de quo differentia & generum vtrun-
 que, manifestum utiq; quoniam species in duo-
 bus erat generibus non continentibus se inui-
 cem. An non impossibile eandem differentiam
 duorum generum esse non continentium se in-
 uicem, sed addendum neque utroque sub eo-
 dem existente. nam gressibile animal, & vola-
 tile animal, genera sunt non continentia se in-
 uicem, & utriusque eorum bipes differentia: qua-
 re addendum est, neque sub eodem, utroque exi-
 stente: nam hæc ambo sub animali sunt: mani-
 festum etiā quoniam non necesse est differen-
 tiam omnem, proprium genus inferre; eo quod
 contingit eandem duorum generum esse non
 continentium se inuicem: sed alterum tantum
 necesse est inferre, & superiora omnia: vt bipes,
 42. *locus.* gressibile, vel volatile inferat animal. Viden-
declaratio. dum autem & si in aliquo differentiam assigna-
 uis substantiæ. Nam videtur differre substantia
 à substantia in eo quod alicubi est, quare &
 eos, qui gressibili, & aquatili diuidunt animal,
 interpretant, tanquam gressibile & aquatile ali-
 cubi significet. An in iis quidem non recte in-
 terpretant? non enim in aliquo, neque alicubi si-
 gnifi-

gnificat aquatile, & terrestre, sed quale quid:
nam & si in sicco sit, similiter aquatile, simili-
ter autem & terrestre, & si in humido sit, simi-
liter terrestre, sed non aquatile erit: attamen si
quandoque significat in aliquo differentia, ma-
nifestum quoniam peccabit. Rursum, si asse-
ctum, differentiam assignauit. Nam omnis as-
fectus cum magis sit, detrahit à substantia: dif-
ferentia autem non huiusmodi est: nam magis
videtur saluare differentia id, cuius est diffe-
rentia: & simpliciter impossibile est singulum
quodque esse sine propria differentia: nam, cum
non est gressibile, non erit homo: & (vt sim-
pliciter dicamus) secundum quæcunque altera-
tur habes, nihil eorum differentia illius est. nam
omnia huiusmodi cum magis fiunt, detrahunt
à substantia: quare si aliquam huiusmodi diffe-
rentiam quispiam assignauit, peccauit: simpli-
citer enim non alteramur secundum differen-
tias. Et si alicuius eorum, quæ sunt ad aliquid,
non aliud quid differentiam assignauit. Nam
eorum, quæ sunt ad aliquid, & differentia ad
aliquid: vt & in disciplina, contemplatiua enim.
& actiua, & effectiua dicitur: vnumquodque
autem horum ad aliquid significat: contempla-
tiua enim alicuius, & actiua alicuius, & effe-
ctiua alicuius. Considerandum autem & si ad
quod natum est vnumquodque eorum quæ sunt
ad aliquid, assignauit definiens. Nam in qui-
busdam quidem ad quod, natum est singulum
quodque eorum, quæ sunt ad aliquid, solum est
vti, ad aliud autem nihil, vt visu ad videndum
solum: quibusdam autem & ad aliquid aliud vt
dolio sanè hauriat aliquis, attamen si quis defi-
niuit dolium, instrumentum ad hauriendum,

43. locus.
declaratio.

44. locus.
declaratio.

45. locus.
declaratio.

46. locus.
declaratio.

47. locus.
declaratio.

peccauit, non enim ad hoc natum est: terminus autem est, ad quod natum est, ad quod sanè vtitur prudens qua prudens, & quæ circa singulum quodque propria disciplina. Amplius, si non primum assignauit, quando contingit ad plura dictum esse. Vt prudentiam virtutem hominis, aut animæ: & non rationalis: primum enim rationalis virtus prudentia: nam secundū hoc & anima & homo dicitur prudens. Amplius, si non susceptiuum est eius cuius dicitur affectus, vel dispositio, vel quoduis aliud, peccauit. Nam omnis dispositio, vel affectus in illo natus est fieri, cuius est dispositio, vel affectus: vt & scientia in anima, dispositio existens animæ. Aliquando autem peccant in talibus, vt quicunq; dicunt quodd somnus est impotentia sensus, & dubitatio equalitas contrariarum ratiocinationum, & dolor separatio naturalium partium cum violentia: nam neque somnus inest sensui, oporteret autem inesse, si impotentia sensus est. Similiter autem neque dubitatio contrariis ratiocinationibus inest, neque dolor naturalibus partibus: dolebunt enim inanimata, si dolor eis inest. Talis autem & sanitatis definitio. siquidem commensuratio calidorum, & frigidorum est, necesse est enim sana esse, calida & frigida: nam cuiusque commensuratio illis inest, quorum est commensuratio: quare sanitas inerit utique ipsis. Item id quod fit, ineffectiuum, aut è conuerso accidit ponere, sic definientibus: non enim est dolor separatio naturalium partium, sed effectiuum doloris, nec somnus impotentia sensus, sed effectiuum alterum alterius: aut enim propter impotentiam dormimus, aut propter somnum impotentes sumus. Similiter autem & dubitationis videbitur effectiuum

Alium esse, contrariarum æqualitas ratiocinationum: quodcumque enim ad utraque ratiocinantibus nobis similiter videntur omnia secundum utrumque fieri, dubitabimus utrum agamus. Amplius, secundum tempora omnia, considerandum sicubi dissonet: ut si immortale definiuit, animal nunc incorruptibile esse. Nam nunc incorruptibile animal, nunc immortale erit. An in hoc quidem non accidit? nam anceps secundum amphibologiam est nunc incorruptibile esse: aut enim quoniam non corrumpitur nunc, significat, aut quoniam non possibile corrumpi nunc, aut quoniam huiusmodi est nunc, ut nunquam possit corrumpi: quando igitur dicimus, quod incorruptibile nunc animal, non habet, dicimus, quod nunc tale est animal, sed ut nunquam possit corrumpi: hoc autem immortali idem erat, quare non accidit, nunc idem immortale esse. Sed tamen sicubi accidit quod secundum definitionem quidem assignatum est inesse nunc vel prius, quod vero secundum nomen non inest, non erit idem: utendum ergo hoc loco, quemadmodum dictum est.

Inspiciendum autem & si secundum aliud quippiam magis dicitur: quod definitur, quam secundum assignatam orationem. Ut si iustitia potestas æqui distributiva est: iustus enim magis est qui eligit æquum distribuere, eo, qui potest: quare non erit iustitia potestas æqui distributiva: nam & iustus esset maxime, qui posset æquum distribuere. Amplius, si res quidem suscipit magis, quod autem secundum orationem assignatur non suscipit, aut contra, quod secundum orationem ei assignatur suscipit, res autem non. Oportet enim aut utraque suscipere, aut

48. locus
declaratio

49. locus
declaratio

Dubitatio.

50. locus.
declaratio.

§1. locus.
declaratio.

neutrum: siquidem est res quod secundum orationem assignatur. Amplius, si suscipiunt vtraque quidem magis, non simul autem vtraque augmentum sumunt. Ut si amor concupiscentia conventionis est: nam magis concupiscit conventionem: quare non simul vtraque suscipiunt magis: at oporteret, si idem essent. Amplius, si duobus quibusdam propositis, de quo res magis dicitur, id quod est secundum orationem minus dicitur. Ut si ignis est corpus subtilissimum, ignis enim magis flamma quam lux, corpus autem subtilissimum minus flamma quam lux: oportet autem vtraque magis inesse eidem, siquidem eadem sint. Rursum, si hoc quidem similiter vtrisque inest propositis, aliud autem non similiter vtrisque, sed alteri magis. Amplius, si ad duo definitionem assignauerit secundum vtrumque.

§2. locus.
declaratio.

Ut bonum, quod per visum, aut per auditum delectabile, & ens, quod possibile est, pati, aut facere: simul enim idem & bonum, & non bonum est: similiter autem & ens, & non ens: nam per auditum delectabile, idem bono erit: quare quod non delectabile est per auditum, non bono idem: nam eisdem & opposita eadem erunt: opponitur autem bono quidem non bonum, per auditum autem delectabili, per auditum non delectabile: manifestum igitur, quoniam idem non delectabile per auditum, non bono: si igitur aliquid est per visum quidem delectabile, per auditum autem non, & bonum, & non bonum erit: similiter autem ostendemus quoniam idem ens, & non ens est. Amplius, & generibus, & differentiis, & aliis omnibus, quae in definitionibus sunt assignatis, eis, qui orationes pro nominibus faciunt, considerandum, si quicquam dissonet. Si autem sit

§3. locus.
declaratio.

§4. locus
declaratio.

§5. locus.
declaratio.

§6. locus.
declaratio.

ad

ad aliquid quod definitur, aut per se, aut secundum genus: considerandum si non dictum est in definitione ad quod dicitur, aut secundum ipsum; aut secundum genus. Vt si scientiam definiuit opinionem indissuasibilem, aut etiam voluntatem, appetitum sine tristitia: omnis enim eius, quod est ad aliquid, substantia ad alterum, eo quod idem sit vnicuique eorum quæ sunt ad aliquid esse, id ipsum quod est ad aliquid quodammodo se habere: oportebat igitur scientiam dicere opinionem scibilis, & voluntatem appetitum boni. Similiter autem & si grammaticen definiuit scientiam literarum: oportebat enim aut ad quod ipsum dicitur, aut ad quod forte genus dicitur in definitione assignari. Aut si cū quippiam ad aliquid dicitur, non assignauit ad finem. Finis autem in vnoquoque est quod optimum est, aut cuius gratia alia sunt: dicendum igitur aut optimum aut vltimū, vt concupiscentiam non delectabilis, sed delectationis: nam propter hanc, & delectabile eligimus. Considerandum & si generatio est: ad quod assignauit, vel actus. Nihil enim talium finis: nam magis quod est egisse, & generasse finis, quam fieri. & agere. An non in omnibus verum huiusmodi? pene enim plurimū delectari magis volunt: quam destitisse delectari: quare agere magis finem quis statuatur, quam egisse. Rursum, in quibusdam si non determinauit quanti, vel qualis, vel vbi, vel secundum alias differentias. Vt ambitiosus, & qualis: & quanti appetens est honoris: nam omnes appetunt honorem: quare non sufficit ambitiosum dicere, qui appetet honorem, sed addere oportet dictas differentias. Similiter autem & avarus quantas appetit pecunias,

57. locus.
declaratio.

58. locus.
declaratio.

Dubitatio.

59. locus.
declaratio.

nias, aut intemperans, circa quales voluptates: non enim qui à qualibet voluptate tenetur, intemperans dicitur, sed qui ab aliqua. Aut rursum qui definiuit noctem, umbram terræ, aut succussionem, motum terræ, aut nubem, densitatem aëris, aut ventum, motum aëris: addendum enim quanti, & qualis, ubi, & à quo. Similiter autem & in cæteris huiusmodi: nam omit- tens differentiam quamlibet, non dicit quid est esse: oportet autem semper ad id quo indiget, argumentari: non enim quolibet modo terra mota, neque quantacunque successio erit: simili- ter autem neque aëre quolibet modo, neque quantocunque modo, ventus erit. Amplius, in appetitibus, si non apponitur quod apparet, & in quibuslibet aliis congruit. Vt quoniam voluntas appetitus boni, concupiscentia autem appetitus delectationis, sed non apparentis boni, vel delectationis: plerunque enim latet appetentes, quoniam bonum, aut delectabile est, quare non necessarium bonum, vel delectabile esse, sed appa-rens solum: oportebat ergo sic & assignationem facere. Si autem & assignauit quod dictum est, in ipsas species ducendum eum, qui ponit ideas esse. Non enim est idea illius apparentis, ipsa autem species ad ipsam speciem videtur dici, ut ipsa concupiscentia ipsius delectationis, & ipsa voluntas ipsius boni. Apparentis igitur boni non erit ipsa voluntas, neque apparentis delectationis ipsa concupiscentia: absurdum enim est esse ipsum apparens bonum, vel delectabile. Amplius, si sit quidem habitus definitio, considera- dum in habente, si quidem habentis, in habitu: similiter autem, & in cæteris talibus. Vt si delectatio est iuuantia, & delectabile iuuabile.

Vniuer

60. locus.
declaratio.

61. locus.
declaratio.

62. locus.
declaratio.

Yniuersaliter autem dicendo in huiusmodi definitionibus quodammodo, vno plura accidit eum qui definit definire. Nam qui scientiam definiuit, quodammodo & ignorantiam definiuit: similiter autem, & scium & inscium, & scire & ignorare: nam, primo dilucido facto, & reliqua quodammodo dilucida fiunt. Inspiciendum igitur in omnibus talibus, ne quicquam dissonet, vtendo elementis ex contrariis, & coniugatis. Amplius, in his, quæ ad aliquid sunt, considerandum si ad quod genus assignatur, & species ad illud quoddam assignatur. Vt si opinio ad opinatum, & quædam opinio ad quoddam opinatum: & si multiplex ad submultiplex, & quoddam multiplex ad quoddam submultiplex: si autem non sic assignatur, manifestum, quoniam peccatur. Videndum autem, & si oppositio opposita definitio. Vt si dimidij ea sit, quæ opposita est ei, quæ est duplicis: nam, si duplex est quod in æquali superat dimidium, & dimidium, quod in æquali superatur. In contrariis autem similiter. Nam contraria contrarij oratio erit, secundum vnam quandam complexionem contrariorum: vt si adiutium quidem effectuum boni est, nocium effectuum mali, aut corruptiuum boni: alterum enim horum necessarium est contrarium esse ei, quod ex principio dictum est: si igitur neutrum contrarium est ei, quod ex principio dictum est, manifestum quoniam neutra erit earum (quæ posterius assignata) contrarij oratio, quare neque quæ ex principio assignata est definitio recte assignata est. Quoniam autem quædam contrariorum priuatione alterius dicuntur: vt inæqualitas priuatio æqualitatis videtur esse: inæqualia enim quæ non æqualia

63. locus.
declaratio.

64. locus.
declaratio.

65. Locus.
declaratio.

66. Locus.
declaratio.

- lia sunt dicuntur: perspicuum, quoniam quod secundum priuationem quidem dicitur contrarium, necessarium est definire per alterum: reliquum vero non iam oportet, per id quod secundum priuationem dicitur. non enim accidit alterutrum per alterutrum cognosci. considerandum igitur in contrariis huiusmodi peccatum. Ut si quis definiuit æqualitatem contrarium in æqualitatem: nam per hoc, quod secundum priuationem dicitur, definiuit. Amplius, sic definiens tem necesse est eo, quod definitur uti. Patet autem hoc, si accipiat pro nomine oratio: nam, quia, nil refert dicere in æqualitate priuationem æqualitatis, erit æqualitas contrarium priuationi æqualitatis, quare eodem erit usus. Si autem neutrum contrariorum secundum priuationem dicatur, assignetur autem oratio similiter, ut bonum contrarium malo, manifestum, quoniam malum contrarium bono erit: nam sic contrariorum similiter oratio assignanda: quare rursum eo quod definitur accidit uti: inest enim in mali oratione bonum, quocirca quoniam bonum est malo contrarium: malum autem nihil differt, vel quod est bono contrarium, erit bonum contrarium, boni contrarium: perspicuum igitur quoniam eodem usus est. Amplius, si quod secundum priuationem dicitur assignans non assignauit cuius est priuatio. Ut habitus, aut contrarij, aut cuiuscunque est priuatio. Et si non in quo natum est fieri addidit, vel simpliciter, vel in quod primo natum est fieri. Ut si ignorantiam dicens priuationem, non scientiæ priuationem dixit, aut si non addidit in quo natum est fieri, aut addens non in quo primo assignauit, ut quod non in rationali, sed in homine, vel in anima: nam, si quodlibet

libet horum omittat, peccauit. Similiter autem, & si cæcitatem non visus priuationem in oculo dixit: oportet autem bene assignantem quid est, & cuius est priuatio assignare, & quidnam est quod priuatum est. Videndum autem, & si non secundum priuationem dictum, priuatione definiuit. Vt & in ignorantia videbitur esse huiusmodi peccatum iis, qui non secundum negationem ignorantiam dicunt: nam quod non habet scientiam, non videtur ignorare, sed magis quod deceptum est, propter quod neque inanimata, neque pueros dicimus ignorare: quare, non secundum priuationem scientiæ ignorantia dicitur. Amplius, si similibus nominis casibus similes orationis casus captantur. Vt si adiutium est effectiuium sanitatis, adiutiuum est sanitatis effectiuium, & adiuuans efficiens sanitatem. Considerandum & in idea, si aptabitur dictus terminus. Nam in quibusdam non accidit: ut quemadmodum Plato definiuit, mortale addens in animalium definitionibus, idea enim non erit mortalis, ut ipse homo: quare non aptabitur ad ideam definitio. Simpliciter autem in quibus apponitur effectiuium, aut passiuum, necesse est dissonare in idea terminum: nam impossibiles, & immobiles videntur esse ideæ iis, qui dicunt ideam esse: aduersum hos autem, & tales orationes utiles sunt. Amplius, si eorum, quæ secundum æquiocationem dicuntur, vnam definitionem omnium communem assignauit. Vniuoca enim, quorum vna est secundum nomen oratio: quare nullius eorum, quæ sub nomine sunt, assignatus est terminus, eo quod similiter ad omne æquiuocum adaptatur. Passus autem hoc est & Dionysij vitæ terminus: siquidem

71. *Locus.
declaratio.*

72. *Locus.
declaratio.*

73. *Locus.
declaratio.*

dem ea motus est generi nutriendi naturaliter inferuiens: nihil enim hoc magis animalibus quàm plantis inest: vita autem non secundum vnā speciem videtur dici, sed altera quidem animalibus, altera plantis inest: contingit igitur & secundum electionem sic assignare terminum, ac si vniuoca & secundum vnā speciem omnis vita diceretur. Nihil autem prohibet & eum, qui conspicit æquiocationem, & alterius vult definitionem assignare: latere non propriam, sed communem vtriusque orationem assignare. sed nihil minus si vtriusque modo fecerit, peccauit. Postquàm autem quædam la-

74. *Locus.*
Declaratio

tent æquiocorum, interroganti quidem vt vniuocis vtendum. Nam non adaptabitur alterius terminus ad alterum: quare videbitur non distinguendum hoc pacto, oportet enim in omne, vniuocum adaptari: eidem autem respondent, distinguendum est. Quoniam autem quidam respondentium vniuocum quidem dicunt esse æquiocum, quando non accommodatur ad omne assignata oratio: æquiocum autem vniuocum, etiam si ad vtrunque accommodatur: præ confessione vtendum pro talibus, aut præcolligendum, quòd æquiocum, vel vniuocum, aut vtrunque fuerit. Magis enim concedunt non præuidentes, quod futurum est vt accidat. Si autem non facta confessione dixerit aliquis vniuocum æquiocum esse, eo quòd non accommodatur, & in hoc assignata oratio: considerandum si huius oratio accommodatur & ad reliqua. Nam manifestum, quoniam vniuocum erit reliquis: si autem non, plures erunt definitiones reliquis: nam quæ secundum nomen orationes accommodabuntur ad ean-

76. *locus.*
declaratio.

dem

dem, quæ prior assignata est, & quæ posterior. Rursum, si quis definiens aliquid eorum quæ multipliciter dicuntur, & oratio non accommodatur ad omnia, & quia æquivocum esse non concedat, nomen etiam dicat non ad omnia accommodari, quoniam nec oratio, dicendum ad eiusmodi, quod nominatione quidem oportet uti quæ tradita est, & quæ sequitur, & non dimovere quæ talia sunt, tametsi nonnulla dicenda non sint similiter multitudini.

77. *Locus declaratio.*

De locis definitionum ipsorum compositorum.

Caput I I I.

SI autem alicuius complexorum assignetur terminus, considerandum est auferendo alterius eorum quo complectuntur orationem, si est & reliqua reliqui. Nam si non, manifestum, quoniam neque tota totius: ut si quispiam definiuit lineam finalem rectam, finem plani habentis fines, cuius medium superadditur finibus: si finalis lineæ oratio est, finis plani habentis fines, rectæ oportet esse reliquum, cuius medium superadditur finibus: sed infinita neque medium, neque fines habet, recta autem est, quare non est reliqua reliqui oratio. Amplius, si cum sit compositum quod definitur, æquimembris oratio assignetur definitio. Æquimembris autem dicitur oratio esse, quando quot fuerint composita, tot & in oratione nomina, & verba fuerint: necesse est enim in talibus ipsorum nominum commutationem fieri aut omnium, aut aliquorum, eo quod nihil plura nunc, quam prius nomina dicta sunt: verum oportet eum, qui definit, orationem pro nominibus assignare, maxime quidem omnibus: quod si non, at

78. *Locus declaratio.*

79. *Locus declaratio.*

Log. Arist.

I I

- saltem in plurimis: sic enim & in simplicibus qui nomen commutat, non definiturus est. Vt pro tunica, vestem. Amplius autem maius peccatum, si & per ignotiora nomina commutationem fecerit. Vt pro homine albo, terrigenam candentem: neque enim definiuit, cum minus sit clarum quod sic dicitur. Considerandum autem & si per commutationem nominum, non idem iam significat. Vt qui contemplatiuam scientiam opinionem contemplatiuam dixit: nam opinio, scientiæ non idem: at oportet, si debet, & totum idem esse: nam contemplatiuum quidem commune in vtriusque orationibus est, reliquum vero differens. Amplius, si alterius nominum commutationem faciens, non differentie, sed generis commutationem fecit. Vt in eo quod nuper dictum est: ignotius enim contemplatiua quam scientia: nam hoc quidem genus, illud autem differentia, omnibus autem notius genus, nam communis: quare non generis, sed differentie oportebat commutationem fieri, eo quod ignotior est. An hæc quidem ridicula reprehensio? *Dubitatio.* nihil enim prohibet differentiam quidem notissimo nomine dici, genus autem non: sic autem rebus se habentibus, manifestum quoniam generis, & non differentie secundum nomen commutatio facienda: si autem non nomen pro nomine, sed orationem pro nomine commutat, manifestum quoniam differentie magis quam generis definitio assignanda est, eo quod cognoscendi gratia definitio assignatur: nam minus differentia quam genus nota. Si autem differentie terminum assignauit, considerandum si & alicuius alius communis est assignatus terminus. Vt cum imparem numerum, numerum medium habentem dixer

dixerit, determinandum est quo pacto medium habentem: nam numerus quidem communis in utrisque orationibus est. Imparis autem consumpta est oratio: habent autem, & linea, & corpus, medium, cum non sint imparia: quare non utique erit definitio hæc imparis: si autem multipliciter dicitur medium habens, determinandum quomodo medium habens, alioqui reprehensio erit aut syllogismus, quod non definiuit. Rursum, si id, cuius quidem orationem assignauit est eorum quæ sunt, quod autem sub oratione, non eorum quæ sunt. Vt si album, quispiam definiuit colorem igni permixtū. impossibile enim incorporeum corpori permisceri: quare non erit color igni permixtus, attamen album est. Amplius, quicunque non diuidunt in iis quæ sunt ad aliquid ad quod dicitur, sed in pluribus comprehendentes dicunt: aut omnino, aut in aliquo falsum dicunt. Vt si quis medicinam disciplinam entis dixit: nam si nullius entium medicina est disciplina, manifestum quoniam tota oratio mendax est: si autem alicuius quidem, alicuius autem non, in aliquo mendax: nam oportet de omni; si quidem per se, & non secundum accidens entis esse dicitur, quemadmodum in aliis se habet ea quæ ad aliquid sunt: nam omne disciplinatum ad disciplinam dicitur. Similiter autem & in aliis, eo quod conuertuntur omnia ad aliquid: omne enim disciplinatum ad aliquid. Cæterum si is, qui non per se, sed secundum accidens assignationem fecit, recte assignauit, non ad vnum, sed ad plura vnumquodque eorum quæ ad aliquid dicuntur, assignauit: nihil enim prohibet idem, & ens, & album, & bonum esse: quare qui ad quodlibet horum assignauit, recte assignauit.

83. locus.
declaratio.

84. locus.
declaratio.

gnauit, si quidem is, qui secundum accidens assignauit, recte assignauit. Præterea autem impossibile est huiusmodi orationem propriam assignati esse: nam non solum medicina, sed plures aliarum disciplinarum ad ens dicuntur, quare unaquæque entis disciplina erit: manifestum igitur, quoniam talis nullius est disciplinæ definitio, propriam enim & non communem oportet definitionem esse. Quandoque autem definiunt non rem, sed rem bene se habentem, aut perfectam.

85. locus.
declaratio.

Talis autem & rhetoris & furis terminus, si sic rhetor quidem, qui potest quod in unoquoque est verisimile considerare, & nihil prætermittere: fur autem, qui clam sumit: perspicuum enim quoniam, cum talis uterque, hic quidem bonus rhetor, ille autem bonus fur erit: non enim qui clam

86. locus.
declaratio.

sumit, sed qui vult clam sumere, fur est. Rursum, si quod propter se eligendum est, ut actiuum vel effectiuum, vel quolibet modo propter aliud eligendum assignauit. Ut qui iustitiam, legum conseruatiuam dicit: aut sapientiam, effectiuam felicitatis: nam conseruatium & effectiuum eorum sunt, quæ propter aliud eliguntur. An nihil quidem prohibet quod propter se eligendum est, & propter aliud esse eligendum? attamen nihil minus peccauit, qui sic definiuit quod propter se est eligendum: nam unicuique optimum, in substantia maximè: melius autem quod propter se eligendum, quàm quod propter aliud: quare id & definitionem oportebit magis significare.

87. locus.
declaratio.

Considerandum autem est & si is, qui alicuius definitionem assignauit, aut hæc, aut quod est ex his, aut hoc cum illo definiuit. Nam si hæc quidem, accidet utrisque & neutri inesse: ut si iustitiam, temperantiam, & fortitudinem definiuerit:

niuerit:

niuerit: nam sint duo, vterq; autem alterum habeat, vtrique iusti erunt, & nenter, eo quòd vtrique quidem habent iustitiam, vterque autem non habet. Si autem nondum quod dictum est admodum absurdum videtur, eo quòd & in aliis accidat huiusmodi (nihil enim prohibet vtroque habere vnam, cum neuter habeat) attamen contraria inesse eidem, omnino absurdum videbitur esse: accidet autem hoc, si hic quidem ipsorum temperantiam & timiditatem habet, ille autem fortitudinem, & prodigalitatem: nam vtriq; & iustitiam, & iniustitiam habent: nam si iustitia, temperantia & fortitudo est, & iniustitia, timiditas & prodigalitas erit: & omnino quæcunque ad argumentandum idonea quòd non idem sunt & partes & totum, omnia vtilia ad id quod dictum est, videtur autem qui sic definit partes, toti easdem dicere esse. Maxime autem accommodatæ sunt orationes, in quibuscunque manifesta partium est compositio, quemadmodum in domo, & in cæteris talibus: manifestum enim quoniam cum sint partes, nihil prohibet totum non esse: quare non idem partes toti. Si autem non hæc, sed quod ex his est dixit id esse quod definitur, primum quidem considerandum, si non natum est quippiam vnum fieri ex iis quæ dicta sunt. Quædam enim sic se habent adinuicem, vt nihil ex eis vnum quippiam fiat: vt linea & numerus. Amplius, si definitum quidem in vno aliquo natum est primo fieri, ex quibus autem dixit ipsum esse, non in vno primo nata sunt fieri, sed vtrunque in vtroque. Nam manifestum quoniam non erit ex iis illud: in quibus enim partes, & totum necesse est inesse, quare non in vno to-

88. locus.
declaratio.

89. locus.
declaratio.

90. locus.
declaratio.

91. locus. *declaratio.* tum primo esse, sed in pluribus. Si autem & partes, & totum in vno aliquo primo, considerandum si non in eodem, sed in altero totum, & in altero partes. nam in quo totum, in illo & partes esse videntur. Rursum, si cum toto corrumpuntur partes. Econuerso enim oportet accidere, partibus corruptis totum corrumpi, toto vero corrupto, non necesse est & partes corrumpi. Aut si totum quidem bonum, vel malum, partes autem neutrae, aut econuerso, partes quidem bonae, vel malae, totum autem neutrum. Nam neque ex neutris possibile bonum quippiam, vel malum fieri, neque ex bonis vel malis neutrum. Aut si magis quidem alterum bonum quam alterum malum: quod autem ex his, non magis bonum quam malum: Vt si imprudentia ex fortitudine & falsa opinione, magis enim bonum fortitudo, quam malum falsa opinio: oportet ergo & quod ex his est, sequi illud, quod magis est, & esse vel simpliciter bonum, vel magis bonum quam malum. An hoc quidem non necessarium: nisi vtrumque sit per se bonum vel malum? multa enim effectiuorum per se quidem non sunt bona, mixta autem quibusdam, sunt bona: aut econuerso vtrumque quidem bonum, mixta autem, malum, vel neutrum: maxime autem manifestum quod nunc dictum est in salubribus & morbificis. nam quaedam medicamentorum sic se habent, ut vtrumque quidem sit bonum: si autem vtraque dentur mixta, malum. Rursum, si quod ex meliore & peiore est, non est totum peiore quidem melius, meliore autem peius. An neque hoc necessarium, nisi per se sint ex quibus componitur, bona? nam in iis, quae non per se sunt bona, nihil prohibet totum non fieri bonum: ut in iis, quae modo dicta sunt.

Amplius

Amplius, si cognomine est totum alteri: non oportet enim, ut neque in syllabis nulli enim elementorum ex quibus componitur, syllaba cognominis est. Amplius, si non dixit modum compositionis. Non enim sufficiens est ad cognoscendum quod dicat, ex his: nam non quod ex his, sed quod sic ex his, est cuiusque compositorum substantia, ut in domo: non enim sic quolibet modo componantur hæc, domus est. Si autem hoc cum illo assignauit, primum quidem dicendum quod hoc cum illo, aut hoc & illud dicitur, aut quod ex illis. Nam qui dicit mel cum aqua, vel mel & aquam dicit, vel quod ex melle & aqua: quare si cuilibet eorum quæ dicta sunt idem conhibetur esse hoc cum illo, eadem conueniet dicere, quæ quidem ad utrumque horum prius dicta sunt. Amplius, diuidenti quoties dicitur alterum cum altero, considerandum si nullo modo hoc cum illo. Ut si dicitur alterum cum altero, aut ut in aliquo eodem susceptiuo, ut iustitia & fortitudo in anima, aut in loco eodem, aut in tempore eodem: nullo autem modo verum sit, quod dictum est in his, manifestum est, quoniam nullius erit assignata definitio, eo quod nullo modo, hoc cum illo est. Si autem diuisio quoties dicitur alterum cum altero, verum erit in eodem tempore utrumque esse, considerandum si contingit non ad eundem utrumque dici finem. Ut si fortitudinem definiuit audaciam cum recta intelligentia: contingit enim audaciam quidem habere spoliandi, rectam autem intelligentiam circa salubria; sed nondum fortis qui in eodem tempore cum illo hoc habet. Amplius, si & ad idem ambobus dicuntur ut ad medicatiua. Nihil enim prohibet & audaciā quandam, & rectam intelligentiam habere ad medica

95. *Locus.*
declaratio.

96. *Locus.*
declaratio.

97. *locus.*
declaratio.

98. *Locus.*
declaratio.

99. *locus.*
Declaratio.

100. *locus.*
declaratio.

præiua: nam similiter & ignorantia est susceptiva.

Oportet autem si non ad totam habeat aliquis argumentari definitionem, eo quod non nota sit tota, ad aliquam partium argumentari si sit nota, & non bene assignata appareat: nam parte interempta, & tota definitio interimitur. Quæcunque autem obscuræ sunt definitionum emendanti, & confirmanti ad manifestandum aliquid, & habendum argumentum, sic considerandum. Necesse est enim respondentem aut suspicere quod sumptum est ab interrogante, aut eundem declarare, quid temere est ostensum à definitione. Amplius, quemadmodum in congregationibus solent legem inducere, & si sit melior quæ inducitur, interimit anteriorem, sic & in definitionibus faciendum, & definitio alia ferenda. Nam si apparet melior, & magis manifestum quod definitur, perspicuum, quoniam interempta erit quæ posita est, eo quod non sunt eiusdem plures definitiones. Ad omnes autem definitiones non minimum elementum ad seipsum, solerter definire propositum, aut apte dictum terminum assumere. Necesse est enim veluti ad exemplar consideran-

104. *Locus declaratio.*

105. *Locus declaratio.*

106. *locus declaratio.*

107. *locus declaratio.*

tem, & quod minus est iis quæ oportet habere definitionem, & quod appositum est superflue, inspicere, ut magis argumentis abundemus: quæ igitur circa definitiones sunt intantum dicta sint.

*Aristotelis libri Sexti
Fini.*



ARISTOTELIS TOPICORVM

LIBER SEPTIMVS.

SVMMA LIBRI.

De locis Eiusdem, & Diuersi, de qua
locus constructionis, & destru-
ctionis predica-
torum.

De Eadem & Diuerso, loci.

Caput Primum.

1. locus.
declaratio.



TRVM autem idem an diuer-
sum secundum propriissimum eo-
rum, qui dicti sunt de eodem, mo-
dorum, dicendum: dicebatur au-
tem propriissime idem, quod nu-
mero vnum considerandum au-

2. locus
declaratio.

tem ex casibus, & coniugatis, & oppositis. Nam
si iustitia idem est fortitudini, & iustus forti, & iu-
ste fortiter. Similiter autem & in oppositis. Nam
si hæc eadem, & opposita his, eadem secundum
quamlibet dictarum oppositionum. Nihil enim
differt hoc vel hoc modo oppositum sumere, eo
quod idem est. Rursum, ex effectiuis, & corrupti-
uis, & generationibus, & corruptionibus, & om-
nino

3. locus.
declaratio.

nino ex iis quæ similiter se habent alterum ad alterum. Nam quæcunque simpliciter eadem, etiam generationes eorum & corruptiones eadem, & effectiua, & corruptiua. Considerandum autem & quorū alterum, maxime dicitur quoduis esse, si & alterum ipforum secundum idem maxime dicitur. Sicut Xenocrates beatam vitam, & studiosam assignauit eandem, eo quod omnium vitarum, maxime eligenda studiosa, & beata: vnum enim maxime eligendum, & maximum. Similiter & in aliis huiusmodi. Oportet autē vtrūque vnum numero esse, quod dicitur maximum, & maxime eligendū: si autem non, non erit ostensum quod idem. Non necessarium enim si fortissimi Græcorum sunt Peloponnesij, & Lacedæmonij, eosdem esse Peloponnesios Lacedæmoniis, eo quod non vnus numero Peloponnesius, & Lacedæmonius, sed contineri quidem alterum ab altero necessarium, vt Lacedæmonij à Peloponnesiis: si autem non, accidet seipsis inuicem esse meliores, si non continentur alteri ab alteris: necesse est enim Peloponnesios meliores esse quàm Lacedæmonios, si non continentur alteri ab alteris, nam omnibus reliquis sunt meliores. Similiter autem & Lacedæmonios necesse est meliores esse Peloponnesiis, nam & isti omnibus cæteris sunt meliores, quare se inuicem meliores sunt. Manifestum ergo, quoniam vnum numero esse oportet quod optimum & maximum dicitur, si debeat quod idem sint ostendi. propter quod Xenocrates non idem assignauit: non enim vna numero beata, & studiosa vita: quapropter non necessarium eandem esse, eo quod ambæ maxime eligendæ, sed altera sub altera. Rursum, considerandum si cui alterum idem, & alterum.

4. locus.

declaratio.

5. locus.

declaratio.

nam.

plus erit, quare supposito aliquo siue vero, siue falso (nihil enim refert) si alterum interimitur, alterum autem non profecto non idem sunt. Vniuersaliter autem dicendo ex iis, quæ quouis modo de utroque prædicatur, & de quibus hæc prædicantur, considerandum si alicubi dissonent. Nam quæcunque de altero prædicantur, & de altero prædicari oportet, & de quibus alterum prædicatur, & alterum prædicari oportet. Amplius, quia multipliciter idem dicitur, considerandum si secundum alium aliquem modum eadem sunt. Nam specie, vel genere eadem, non necesse est numero eadem esse. Consideramus autem utrum sic eadem, an non sic. Amplius, si potest alterum sine altero esse: non erit enim idem ad idem: igitur loci tot dicuntur. Palam autem ex iis, quæ dicta sunt, quoniam omnes qui ad idem sunt destituti loci, & ad terminum utiles sunt: quemadmodum prius dictum est. Nam, si non idem indicet & nomen, & oratio, manifestum, quoniam non erit definitio assignata oratio. Constructiuorum autem locorum nullus utilis ad terminum. Non enim sufficit ostendere idem quod sub oratione, & nomine est ad construendum, quoniam definitio, sed & alia oportet omnia habere, quæ præcepta sunt, definitione: interimere igitur definitionem sic, & per hæc semper tentandum. Si autem construere volumus, primum quidem scire oportet, quoniam nullus, vel pauci disputantium, terminum syllogismo colligunt, sed omnes principium, quod tale est accipiunt. Ut qui circa geometriam, & numeros, & alias huiusmodi disciplinas. Deinde quoniam exacte quidem alterius est negotij assignare, & quid est terminus, & quomodo definire oportet, nunc autem quan-

13. locus.
declaratio.

14. locus.
declaratio.

15. locus.
declaratio.

16. locus.
declaratio.

17. locus
declaratio.

18. locus.
declaratio.

19. locus.
declaratio.

tum

rum sufficit ad præsentem utilitatem, tantum solum dicendum, quoniam possibile fieri definitionis, & eius quod quid est, esse syllogismum. Nam si terminus est oratio, quæ quid est esse rei indicat: & oportet ea quæ in termino ponuntur, in eo quod quid est de re sola prædicari: prædicantur autem sola in eo quod quid est, genera, & differentia, manifestum, quoniam si quis sumat ea, quæ solum de re in eo quod quid est prædicari oportet, quod hæc habens oratio, terminus ex necessitate erit: non enim contingit aliud esse terminum, eo quod nihil aliud in eo quod quid est de re prædicatur, quod igitur possibile est ex termino syllogismum fieri, manifestum. Ex quibus autem oportet construere, determinatum est quidem in aliis diligentius, ad propositam autem methodum iidem loci utiles. Inspiciendum enim in contrariis, & in aliis oppositis & totas orationes, & secundum partem consideranti. Nam si opposita opposita, & eam, quæ dicta est propositi necesse est esse. Quoniam autem contrariorum plures complexiones, sumendum est ex contrariis qualiscunque maxime apparebit contraria definitio: totas igitur definitiones, quemadmodum dictum est, considerandum. Secundum partem autem hoc pacto, primum quidem quoniam assignatum genus recte assignatum est. Nam si contrarium in contrario, propositum autem non est in eodem, manifestum, quoniam in contrario erit, eo quod necesse est contraria in eodem genere, vel in contrariis generibus esse. Et differentias quidem contrarias de contrariis arbitramur prædicari. Ut de albo & nigro, nam ille quidem disgregativum, hoc autem con-

grega

20. locus.
declaratio.

21. locus.
declaratio.

22. locus.
declaratio.

23. locus.
declaratio.

gregatium visus: quare, si de contrario contrariæ prædicantur, de proposito quæ assignatæ sunt prædicabuntur: quapropter, quia & genus, & differentia recte assignatæ sunt, manifestum, quoniam definitio erit, quæ assignata est. An non necessarium est de contrariis differentias prædicari, nisi in eodem genere sint contraria: quorum autem genera sunt contraria, nihil prohibet eandem differentiam de utrisque dici, vt de iustitia, & iniustitia: nam illa quidem virtus, hæc autem vitium animæ. quare id, quod est animæ, differentia de utrisque dicitur, eo quod & corporis est virtus & vitium: sed hoc verum, quod contrariorum, aut contrariæ, aut eadem differentia sunt: si ergo de contrario contraria prædicantur, de hoc autem non, manifestum, quoniam quæ dicta est, de hoc prædicabitur. Vniuersaliter autem dicendo, si definitio est ex genere, & differentiis, si contrarij definitio manifesta, & quæ proprii definitio, manifesta erit. Nam, quoniam contrarium in eodem genere, vel in contrario, similiter autem & differentia, aut contraria de contrariis, aut eadem prædicantur, lucidum, quoniam de proposito, aut idem genus prædicabitur quod de contrario, differentia autem contraria, vel omnes, vel aliquæ, aliquæ autem eadem, aut contra, differentia eadem eadem, genera vero contraria, aut ambo contraria, & genera & differentia: nam eadem esse ambo non contingit, si autem secus, definitio eadem contrariorum erit. Amplius, in casibus, & coniugatis. Necesse est enim consequi genera generibus, & terminos terminis: vt si obliuio est scientiæ amissio, & obliuisci

*Dubitatio.*24. locus.
*declaratio.*25. locus.
declaratio.

uisci, amittere scientiam erit, & oblitum esse,
 amisisse scientiam: vno igitur quolibet eorum
 quæ dicta sunt confesso, necesse est & reliqua
 confiteri. Similiter autem & si corruptio, dissolu-
 tio substantiæ, & corrumpere, dissoluere substan-
 tiam, & corruptiue, dissolutiue: si corruptiuum
 dissolutiuum substantiæ, & corruptio, substantiæ
 dissolutio. similiter autem & in aliis. Quare vno
 quouis sumpto, & reliqua omnia cōfiteatur oportet.
 Et ex similiter se habentibus adinuicē. Nam
 si salubre est effectiuum sanitatis, & habile effe-
 ctiuum bonæ habitudinis erit, & adiutiuum effe-
 ctiuum boni: nam similiter vnumquodq; eorum,
 quæ dicta sunt, ad suum finem se habet: quare
 si vnius eorum definitio est effectiuum esse fi-
 nis, & reliquorum cuiusque sic erit definitio.
 Amplius, ex eo quod est magis & similiter, quod
 est similiter, quoties contingit construere duas
 ad duo comparantem. Vt si magis hæc huius
 quàm ista istius definitio, ista autem, quæ minus
 definitio est, & hæc quæ magis: & similiter
 hæc huius, & ista istius: si altera alterius, & re-
 liqua reliquæ. Vna autem definitio ad duo com-
 parata, aut duabus definitionibus ad vnum, neu-
 tiquam utilis ea, quæ ex magis est considera-
 tio. Nam neque vnam duorum, neque duas
 eiusdem definitiones possibile est esse. Sunt au-
 tem oportunissimi locorum, & qui nunc dicti
 sunt, & qui ex casibus, & qui ex coniugatis, quo-
 circa & oportet maxime detinere & promptos
 habere hos: vtilissimi enim ad plurima. Alio-
 rum autem ij qui maxime sunt communes.
 Nam illi maxime reliquorum efficacissimi: vt
 inspicere in singularibus, & in speciebus con-
 siderare, si conueniat definitio, eo quod vni-

26. locus.
 declaratio.

27. locus.
 declaratio.

28. locus.
 declaratio.

29. locus.
 declaratio.

uoca species est: est autē utilis hic locus ad eos, qui ponunt ideas esse quemadmodum prius dictum est. Amplius, si per metaphoram dixit nomen, vel idem de eodem prædicauit ut diuersum: & si quis alius communius & efficax locorum, illo utendum.

30. locus.
declaratio.

De constructione, & destructione predicatorū loci.

Caput

I I.

Quoniam autem difficilius est construere, quam destruere terminum, ex iis, quæ postea dicentur, manifestum. Nam nosse ipsum, & sumere ab interrogantibus huiusmodi propositiones non facile, ut quod eorum, quæ sunt in assignata oratione hoc quidem genus illud autem differentia, & quod in eo quod quid est, genus & differentia prædicantur. Sine his vero impossibile est definitionis syllogismum fieri: nam, si quædam, & alia in eo quod quid est de re prædicantur, incertum utrum ne quæ dicta est, an alia eius definitio est, eo quod definitio est oratio quod est indicans. Manifestum autem & etiam ex his, nam facilius vnum concludere, quam multa: interimenti quidem sufficit ad vnum differere: vnum enim quodcunque sit, destruentes, interempturi sumus terminum: at construenti omnia necesse est construere quod insint, quæ in termino sunt. Amplius, construenti quidem vniuersaliter statuendū syllogismum, (nam oportet de omni, de quo non prædicari, & terminum, & etiam adhuc conuerti, de quo orationem, & nomen, si debeat proprius esse assignatus terminus:) destruenti vero non necesse ostendere vniuersaliter: sufficit enim ostendere, quod de quopiam eorum, quæ sub nomine sunt oratio non verificatur, & tamen vniuersa-

31. locus.
declaratio.

Log Arist.

mm

32. locus.
declaratio.

le oporteat destruere, non tamen conuerti necessarium, & in destruendo. nam, sufficit destruendi vniuersale, ostendere, quod de aliquo eorum, de quibus nomen prædicatur, oratio non prædicatur: at è conuerso non necessarium, vt ostendatur, quod de quibus oratio non prædicatur, neque nomen prædicetur. Amplius etiam, si omni ei inest, quod sub nomine est, at non soli, interempta est definitio. Similiter autem & circa proprium, & genus se habet. In vtrisque enim destruere quàm construere facilius est: de proprio quidem manifestum, ex iis quæ dicta sunt: nam, vt plurimum in complexione proprium assignatur, quare destruere quidem est, vnum interimenti, construendi autem, omnia ratiocinatione colligere necesse est: penè autem, & reliqua omnia quæcunque ad definitionem, & ad proprium conueniet dici: nam, & omni oportet quod sub nomine est, construendi monstrare, quoniam inest: destruendi autem sufficit ostendere vni non inesse: si vero & omni inest, at non soli, etiam si destructum sit: perinde, ac & in definitione dicebatur. De genere autem, quoniam construere quidem necesse est vno modo, qui omni ostendit inesse, destruendi autem dupliciter: nam siue nulli, siue alicui ostensum sit non inesse, interemptum est quod in principio. Item construendi quidem non sufficit, quoniam inest ostendere, sed & quoniam, vt genus inest ostendendum: destruendi autem sufficit ostendere non inesse, vel alicui, vel nulli: videtur autem, quemadmodum in aliis, corrumpere quàm facere facilius, sic & in his, destruere quàm construere. In accedente vero vniuersale quidem facilius destruere, quàm construere. Nam construendi quidem ostenden

33. locus.
declaratio.

ostendendum, quoniam omni, destruendi autem
sufficit ostendere vni non inesse. Particulare ve-
ro è conuerso, nam facilius construere, quàm
destruere. Construendi enim sat est ostendere ali-
cui inesse: destruendi autem ostendendum, quo-
niam nulli inest. Manifestum autem, quæ de cau-
sa omnium facillimum est terminum destruere.
Plura enim sunt in ipso data multorum dicto-
rum, ex pluribus autem citius fit syllogismus:
nam verisimile in multis, magis quàm in pau-
cis peccatum fieri. Amplius, ad terminum qui-
dem contingit, & per alia argumētari, siue enim
non propria sit definitio, siue non genus quod
assignatur, siue non inest aliquod eorū quæ sunt
in definitione, interempta sit definitio: ad alia
autem neque ea, quæ ex terminis, neque alia
contingit omnia argumentari. sola enim ea quæ
ad accidens, communia sunt omnibus prædictis:
inesse enim oportet vnumquodque eorum, quæ
dicta sunt: si autem non, vt proprium inest ge-
nus, nondum interemptum est genus: similiter
autem & proprium nõ necessarium, vt genus in-
esse, neque accidens, vt genus, aut proprium, sed
inesse tantum, quare nõ possibile ex aliis ad alia
argumentari, nisi in definitione solum. Mani-
festum igitur, quoniam facillimum omnium est,
terminum interimere, construere autem difficil-
limum: nam, & illa oportet omnia ratiocinatio-
ne colligere, & quod insunt quæ dicta sunt, &
quod genus, quod assignatum est, quodque pro-
pria definitio: & adhuc præter hæc quod indi-
cat quid est esse oratio: & hæc probe oportet fe-
cisse. Aliorum autem proprium maxime huius-
modi. Nam interimere quidem facilius, eo quod
ex pluribus plerunque fit. Construere autem dif-

34. locus.
declaratio.

35. locus.
declaratio.

36. locus.
declaratio.

37. locus.
declaratio.

38. locus.
declaratio.

facillimum, quoniam multa oportet astringere, & adhuc quoniam soli inest, & quoniam conuersim prædicatur de re. Facillimum autem omnium construere accidens. Nam in aliis quidem non solum inesse, sed, & quoniam sic inest ostendendum: in accidente vero, quoniam inest duntaxat, sufficit ostendere. Destruere autem difficillimum est accidens: quia, quàm paucissima in eo data sunt: non enim consignificat in accidente quomodo inest. Quare in aliis quidem dupliciter interimere contingit, vel ostendendo quòd non inest, vel quòd non sic inest: in accidente vero non contingit interimere nisi ostendendo quòd non inest. Loci, per quos copiosi erimus ad singula quæque problematum argumentari, fere sufficienter annumerati sunt.

*

Aristotelis libri septimi

FINIS.





ARISTOTELIS
TOPICORVM
LIBER OCTAVVS.

SVMMA LIBRI.

De Locis aptis ad instruendum Interrogantem, & de locis pro Respondente, ac denique de Locis communibus interrogantis, & respondentis.

Loci ad instruendum Interrogantem.

Caput Primum.

POST hæc autem de ordine, & quonam pacto oportet interrogare, dicendum. Oportet autem primum quidem, eum, qui interrogare debet, locum inuenire, unde sit argumentandū: secundum autem interrogare, & ordinare singula apud seipsum: reliquum vero & tertium dicere iam eadem ad alterum. Quod autem inueniat locum, similiter Philosophi, & Dialectici consideratio: subinde vero illa ordinare, & interrogare, proprium Dialectici, ad alterum enim omne quod tale est, Philosopho autem, & quærenti per se ipsum, nihil curæ est si vera quidem sint, & no.

1. locus
declaratio.

2. locus.
declaratio.
Differētia
Dialectici
& Philo-
sophi.

ta, per quæ syllogismus, & non ponat ea qui respondet, eo quòd propinqua sint illis, quæ sunt ex principio, & præuideat quod subsequutum est, sed fortasse & studiose aget, quoniam maxime notæ, & propinquæ sunt dignitates: ex illis enim scientifici syllogismi. loci igitur vnde oporteat sumere, dicti sunt prius, de ordine autem, & interrogatione dicendum. diuidendæ propositiones quæcunque sumendæ sunt ad necessarias, necessariæ autem dicuntur, per quas syllogismus fit. Quæ autem ad has sumuntur, quatuor sunt.

3. locus.

declaratio.

Aut enim gratia inductionis, vt detur vniuersale, aut ad magnitudinem orationis, aut ad occultationem conclusionis, aut vt dilucidior sit oratio: præter has autem nulla est assumenda propositio, sed per has augere, & interrogare tentandum. (Sunt autem quæ ad occultationem, certaminis gratia, sed quia omne, quod huiusmodi est, negotium ad alterum est, necesse est, & illis uti.)

4. locus.

declaratio.

Necessarias igitur, per quas fit syllogismus, non statim præordinandum, sed abeundum ad suprema. Vt non postulet quis contrariorum eandem disciplinam, si hoc voluerit sumere, sed oppositorum: posito enim hoc, & quoniã contrariorum eadem disciplina syllogismo colliget, eo quòd ex oppositis, sunt contraria. Si vero illam non ponat, per inductionem sumendum

5. locus.

declaratio.

proponenti in particularibus cōtrariis. Nam aut per syllogismum, aut per inductionem necessarias sumendum, aut has quidem inductione, illas autẽ syllogismo. Quæcunq; autẽ valde manifestæ sunt, illas quoque oportet præponere: nam immanifestius est semper in abscessu, & inductione, quod secuturum est, & simul ipsas neces-

6. locus.

declaratio.

sarias proponere, & qui non pōtest illo modo, sumere

mere esse paratum, quæ vero ad has sumptæ sunt, accipiendæ quidem illarum gratia. Vnaquaque autem earum hoc modo vtendum inducentem quidem à singularibus ad vniuersalia, & à notis ad ignota: nota autem magis quæ secundum sensum, vel simpliciter, vel multipliciter, vel multitudini. Occultantem vero, ratiocinatione præcolligere oportet ea, per quæ syllogismus eius quod ex principio est debet fieri: & hæc, vt plurimum. Erit autem hoc, si quis non solum necessarias, sed & earum, quæ ad illas sunt vtilis, aliquam syllogizauerit. Amplius, conclusiones non dicere, sed postea ratiocinatione colligere, subitarias. Sic enim longissime abscedet ab ea, quæ ex principio, positione: vniuersaliter autem dicendo, sic oportet enim interrogare qui occulte interrogat, vt interrogata omni oratione, & eo dicente conclusionem, quæ ratur propter quid id autem erit maxime per antedictum modum: nam sola vltima dicta conclusione, immanifestum quomodo accidit, eo quod non præiudicat respondens ex quibus accidit, non per membra digestis prioribus syllogismis: minime autem per membra digeritur syllogismus conclusione, cum non eius sumptiones ponuntur, sed cum illa sumuntur à quibus syllogismus fit. Vtile autem & non continua postulata sumere, ex quibus syllogismi, sed vicissim ad aliam, & aliam conclusionem. Nam positis couenientibus iuxta se inuicem, magis quod accidit, ex ipsis manifestum. Oportet autem & definitione sumere, in quibus possibile est, vniuersalem propositionem, non in ipsis, sed in coniugatis. Nam decipiunt falsa ratiocinatione seipsos, quando in coniugato sumitur definitio, si non vniuersale concedunt. vt

7. locus.
declaratio.

8. locus.
declaratio.

9. locus.
declaratio.

10. locus.
declaratio.

si oportet sumere, quod qui irascitur appetit pœnam, sumatur autem, ira appetitus esse pœnæ propter apparentem paruipensionem: manifestum autem, quoniam hoc sumpto, habebimus vniuersale quod prælegimus: at eis, qui in ipsis proponunt, sæpe accidit, vt abnuat respondens eo quòd magis se habeat in ea re instantia. vt quòd non omnis qui irascitur appetit pœnam: nam parentibus irascimur quidem, non autem pœnam appetimus. Fortasse autem non vera instantia est: nam à quibusdam sufficiens pœna est tristiari, solum, & facere pœnitere: verumtamen habet aliquid verisimile, vt non videatur irrationabiliter negare propositum: in iræ auté definitione, nō similiter facile est instantiā inuenire. Præterea proponere par est, non vt propter id ipsum, sed alterius gratia eum qui proponit: nam deuitant ea, quæ ad positionem sunt utilia. Simpliciter autem dicendo, quàm maxime facere dubium, vtrum quod proponitur, an oppositum sumere vult. Nam dubio existente quidnam ad positionem est utile, magis quod sibi videtur ponunt. Amplius, per similitudinem interrogare. Nam & verisimile, & latet magis vniuersale, vt quemadmodum scientia & ignorantia contrariorum eadem, sic & sensus contrariorum idem: aut è conuerso. postquam sensus idem contrariorum, & scientia: hoc autem est simile inductioni, non tamen idem: nam ille quidem à singularibus vniuersale sumitur, in similibus autem non est quod sumitur vniuersale, sub quo omnia similia sunt. Oportet auté & ipsum sibi met quandoq; instantiam ferre. Nam insuspecte se habent respondentes ad eos, qui videntur iuste argumentari.

Vtile

11. locus.
declaratio.

12. locus.
declaratio.

13. locus.
declaratio.

14. locus.
declaratio.

Vtile autem dicere quod consuetum, & quod dicitur tale. Nam pigrescunt quod solitum est dimouere, instantiam non habentes: simul autem, & quia vtuntur & ipsi talibus, cauent ea dimouere. Amplius, non sedule agere, & si omnino vtile sit, nam aduersus sedule agentes, magis renituntur. Et vt in similitudine proponere, quod propter aliud aliquid proponitur, & non propter seipsum, vtile ponent magis. Amplius, non id proponere quod oportet sumere, sed cui consequens, id est ex necessitate. Nam, & magis concedunt, eo quod non similiter ex hoc manifestum sit, quod consecuturum est, & sumpto hoc, sumptum est & illud. Et id ultimo interrogare, quod maxime vult sumere. Nam maxime prima renunt, eo quod pluri mi interrogantium prima interrogant, circa quæ vel maxime student. Ad quosdam autem prima quæ vtilia sunt proponere. Nam proterui maxime prima admittunt, nisi omnino manifestum sit quod secuturum est, in fine autem proteruiunt: similiter autem & quicumque arbitrantur acuti esse in respondendo, ponentes enim prima, in fine recantant, tanquam nihil acciderit ex iis quæ posita sunt: ponunt autem prompte, confidentes habitui, & arbitantes nihil se esse passuros. Amplius, prolongare, & interponere quæ nihil sunt vsui ad orationem, quemadmodum pseudographia vtentes. Nam cum sint plura, immanifestum in quo falsum sit, quare & occultant quandoque interrogantes, in absconso proponentes ea quæ per se proposita, non ponerentur: ad occultationem igitur, dictis est vtendum.

15. locus.
declaratio.

16. locus.
declaratio.

17. locus.
declaratio.

18. locus.
declaratio.

19. locus.
declaratio.

21. locus.
declaratio.

21. locus.
declaratio.

22. locus.
declaratio.

23. locus.
declaratio.

24. locus.
declaratio.

ADornatum vero, inductione, & conclusio-
ne eorum quæ affinia sunt. Inductio igitur
quale quid est, manifestum: diuidere autem hu-
iusmodi, vt scientiam scientia esse meliorem,
aut eo quodd exactior est, aut quod meliorum:
& quodd scientiarum alia quidem sunt contem-
platiua, alia autem actiua, alia porro effectiua:
nam vnumquodq; talium coornat quidem ora-
tionem, at non necessarium est, vt dicatur ad
conclusionem. Ad dilucidationem autem exem-
pla & similitudines afferendum. Exempla autem
accommodata, & ex quibus scimus qualia Ho-
merus, non qualia Cherilus: sic enim clarius
erit quod proponitur. Vtendum autem in disse-
rendo, syllogismo quidem ad dialecticos ma-
gis, quam ad multitudinem: inductione vero
contra, ad multitudinem magis. dictum est autem
& de his & prius. Est autem in aliquilibus qui-
dem inducenti possibile interrogare vniuersale,
in aliquibus vero non facile, eo quodd non posi-
tum sit similitudinibus nomen omnibus commu-
ne, sed quando oportet vniuersale sumere, sic
in omnibus talibus esse dicunt. Id autem deter-
minare difficillimum est, qualia sunt ea, quæ
proferuntur huiusmodi, & qualia non, & pro-
pter hoc sæpenumero dissident in disputatio-
nibus, alij quidem dicentes, similia esse quæ
non sunt similia: alij vero dubitantes quæ sunt
similia, non esse similia. Quare tentandum in
omnibus talibus, ipsum nomina effingere, vt
neque respondenti liceat dubitare, quodd non si-
militer quod infertur dicitur, neque interrogan-

ti calumniari, vt similiter dicto eo quòd plura eorum, quæ non similiter dicuntur, similiter videntur dici. Quando autem inducenti in pluribus non dederit vniuersale, tunc iustum est efflagitare instantiam, non dicente autem ipso in aliquibus sic, non iustum est efflagitare, in aliquibus non sic. Oportet enim inducentem prius sic instantiam efflagitare. Efflagitandum autem instantias non in eo quod proponitur ferre, nisi vnum tantum sit huiusmodi, vt dualitas partium numerorum solus primus. Nam oportet, & eum, qui instat in altero instantiam ferre, aut dicere quod hoc solum tale est. Ad eos autem, qui instant vniuersali, non in eodem autem instantiam ferunt, sed in æquiuioco, (vt quod habeat aliquis non suum colorem, vel pedem, vel manum, habebit enim pictor non suum colorem, & cocus pedem non suum,) diuidendo reuera in talibus interrogandum est. Nam latente æquiuiocatione, bene viderentur instare propositioni. Si autem non in æquiuioco, sed in eodem instans præpediat interrogationem, oportet auferentem id, in quo instantia est, proponere reliquum, vniuersale faciendo, donec sumat quod vtile est. Vt in obliuione, & in oblitum esse, non enim concedunt eum qui amisit disciplinam, oblitum esse, eo quòd transeunte re amisit quidem disciplinam, oblitus autem non est. dicendum autem auferenti id, in quo instantiam est, reliquum, vt si permanente re amisit disciplinam, iccirco oblitum esse. Similiter autem, & contra instantes, quoniam maiori bono, maius opponitur malum: proferunt enim quoniam sanitati minori bono: quam bona habitudo, maius malum opponitur:

25. locus.
declaratio.

26. locus.
declaratio.

27. locus.
declaratio.

28. locus.
declaratio.

nam

- nam ægitudinem maius esse malum mala habitudine, auferendum igitur, & in hoc, in quo instantia est: nam ablato, magis ponet, ut quoniam maiori bono maius malum opponitur, nisi conferat alterum ad alterum: quemadmodum bona habitudo ad sanitatem. Non solum autem eo instante hoc faciendum, sed & si sine instantia negat, eo quod prævideat aliquid talium. Nam ablato eo, in quo instantia est; compelletur ponere, eo quod non prævideat in reliquo, in aliquo non sic esse. Si autem non ponat, efflagitatus instantiam, non habebit assignare. Sunt autem huiusmodi propositionum, quæ in aliquo falsæ sunt, in aliquo autem veræ, in his enim par est auferre, reliquum autem verum relinquere. Si autem in multis proponenti non ferat instantiam, postulandum est ponere. Nam dialectica est propositio, ad quam sic in pluribus se habentem, non est instantia. Quando autem contingit idem, & sine impossibili, & per impossibile syllogizare, demonstranti quidem & non differenti, nihil refert vel sic, vel illo modo syllogismo colligere: differenti autem non est utendum per impossibile syllogismo. nam, si sine impossibili quidem syllogismo colligat, minime fiet, ut dubitent: at, quando per impossibile syllogizant, (nisi valde manifestum sit falsum esse,) non impossibile dicunt esse, quare non fit interrogantibus, quod volunt.
32. locus. Oportet autem proponere quæcunque in pluribus quidem sic se habent. Instantia autem, aut omnino non est, aut non in superficie est conspiciere: nam qui non possunt conspiciere in quibus non sic, tanquam verum quidem sit, ponunt. Non
 33. locus. oportet autem conclusionem interrogationem
 declaratio. facere.

facere. Alioquin autem, eo renuente non videtur fieri syllogismus: nam, & sæpe cum non interrogat, sed vt sequens infert, negant: & hoc facientes non videntur redargui iis, qui non conspiciunt quod accidit ex iis quæ posita sunt: quando igitur non dicens quidem accidere, interrogabit, ille autem negabit, omnino non videtur fieri syllogismus. Non videtur autem *34. locus. declaratio.* omne vniuersale dialectica propositio esse, vt quid est homo? aut quot modis dicitur bonum? est enim dialectica propositio, ad quam est respondere, sic, vel non: ad dictas autem non est, quare non sunt dialecticæ huiusmodi interrogationes, nisi ipse determinans, vel diuidens dicat: vt putas ne bonum sic, vel non sic dicitur? nam ad talia facilis responsio, vel affirmando, vel negando: quapropter tentandum sic proponere huiusmodi propositiones. Simul autem, *35. locus. declaratio.* & iustum fortasse ab illo interrogare, quot modis dicitur bonum, quando hoc diuidente, & proponente, nullo modo concesserit. Quisquis *36. locus. declaratio.* autem vnâ orationem multo tempore interrogat, male interrogat. Nam, si respondeat quidem ei interrogatus quod interrogatur, manifestum quod multas interrogationes interrogat, aut frequenter easdem, quare aut nugatur, aut non habet syllogismum: nam ex paucis omnis syllogismus: si vero non respondeat quid, aut non increpat, aut discedit? Est autem argu- *37. locus. declaratio.* mentari difficile, & sustinere facile ipsas suppositiones. Sunt autem talia, & quæ natura sunt prima, & quæ postrema. Nam prima quidem termino egent, postrema vero per multa terminantur volenti continuum sumere à primis, aut sophisticæ videntur argumentationes: impossi-
bile

38. *locus.*
declaratio.

39. *locus.*
declaratio.

40. *Locus.*
declaratio.

bile enim demonstrare quidpiā est eum, qui non incipit à propriis principiis, & connectit vsque ad vltima: definire autem nihil ducunt respondentes, neque si interrogans definierit, aduertunt, atqui non factō manifesto quidnam est quod propositum est, non facile est argumentari: maxime autem quod tale est, circa principia accidit: nam alia quidem per hęc monstrantur, ipsa vero non contingit per alia, sed necesse est definitione talium, vnumquodque cognoscere. Sunt autem difficile argumentabilia, & quę valde propinqua sunt principio. Non enim contingit plures ad hęc rationes inuenire, cū sint pauca media, horūque & principiorum, per quę necesse est monstrare ea quę post illa sunt. Terminorum autem difficile argumentabiles ij omnium maxime sunt, quicunque vtuntur talibus nominibus, quę primum quidem immanifesta sunt, simpliciterne dicantur, an multipliciter: adhuc autem quę neque nota vtrum proprie, an secundum metaphoram de definito dicantur. Nam, quia obscura sunt, non habent argumenta, quia verò ignorantur si absque metaphora dicitur quod tale est, non habet quod increpet. Omnino autem omne problema quando difficile argumentabile, vel termino indigere arbitrandum est, vel est eorum quę multipliciter, vel eorum quę secundum metaphoram de definito esse dicantur, vel non longe à principiis, vel quia non manifestum est primum nobis hoc idem, secundum quem dictorum modorum est, quod dubitationem præstat. Nam, cū est manifestus modus, manifestum, quoniam, aut definire oportebit, aut diuidere, aut medias propositiones inuenire.

Nam

Nam per hæc monstrantur vltima. In multis autem positionibus (non bene assignata definitione) non facile disputare, ac argumentari. Vt vtrum vni contrarium, an plura: definitis autem contrariis aliquo modo, facile est ostendere vtrum contingit plura eidem esse contraria, an non, eodem autem modo, & in aliis definitione indigentibus: videntur autem, & in disciplinis quedam ob definitionis defectum non facile describi, vt & quoniam quæ ad latus secat planum lineam similiter diuidit & lineam, & locum: definitione autem dicta statim manifestum est quod dicitur. Nam eandem ablationem habent loca, & linea: est autem definitio eius orationis hæc. Simpliciter autem prima elementorum, positis quidem definitionibus, vt quid linea, vel quid circulus, facillimum ostendere, verum non multis ad vnumquodque eorum est argumentari, eo quod non sunt multa media: si autem non ponantur principiorum definitiones, difficile: fortasse autem omnino impossibile. Similiter autem his, & in iis quæ sunt circa orationes se habet, non igitur latere oportet, quando difficile argumentabilis est positio, quod passa est aliquid eorum quæ dicta sunt, quando autem erit ad dignitatem, & propositionem, maior labor disputare quam ad positionem. Dubitare autem possit quispiam, vtrum ponenda sint talia, an non: nam, si non ponat, sed poscat, & ad illa disputare, maius præcipiet, quam quod in principio positum est: si vero ponat, credet ex minus credibilis: si igitur oportet non difficilius problema facere ponendum, si autem per notiora syllogizare, non ponendum. An discenti quidem non ponendum, nisi notius sit: exercitato vero ponend

41. locus.
declaratio.

42. locus.
declaratio.

43. locus.
declaratio.

Dubitatio.

nendum, si verum solum videatur? quare manifestum, quoniam non similiter, & interroganti, & docenti existimandum esse ponendum. Quo pacto igitur interrogare, & ordinare oportet, pene sufficiunt quæ dicta sunt.

Loci pro respondente. Cap. III.

44. *Locus.
declaratio.*

DE responsione autem primum quidem determinandum, quod nam est opus bene respondentis, quemadmodum bene interrogantis. Est autem interrogantis quidem sic deducere orationem, ut faciat respondentem dicere inopinabilia, quàm ea, quæ propter positionem sunt necessaria: respondentis vero non propter se apparere, accidere impossibile, aut quod præter opinionem est, sed propter positionem: nam alterum fortasse peccatum, ponere primum quod non oportet, & positum non servare aliquo modo.

45. *locus.
declaratio.*

Quia autem sunt indeterminata iis, qui propter exercitationem, & experientiam orationes faciunt (nam non eadem considerationes, & discipulis, & docentibus, & concertantibus, neque his, & iis qui exercent se invicem inspectionis gratia: nam discipuli quidem ponenda sunt semper ea, quæ videntur, neque enim conatur falsum vultus docere, concertantium vero interrogantem quidem videri aliquid facere oportet omnino, respondentem autem nihil videri pati) & in Dialecticis congressionibus, quæ non concertationis gratia, sed experimenti, & inspectionis orationes faciunt, nondum enucleatum est quo pacto oporteat coniectare respondentem, & qualia dare, & qualia non, ad bene, aut non, servandam positionem: quoniam (inquam) nihil habemus traditum ab aliis, ipsi aliquid dicere tentemus. Necessesse

46. *locus.
declaratio.*

est

est autem respondentem sustinere orationem, ponendo aut probabilem, aut improbabilem positionem, aut neutram, & aut simpliciter probabilem, aut improbabilem, aut indeterminate, ut huic alicui, vel alij. Nihil autem refert quomodo-
 cunque dum ea probabilis, aut improbabilis sit: nam idem modus erit bene respondendi, vel dandi, vel non dandi quod interrogatum est: nam, cum improbabilis est positio, necesse est, & conclusionem probabilem fieri: cum vero probabilis, improbabilem: nam oppositum semper positionis interrogans concludet: si autem neque probabile, neque improbabile quod positum est, & conclusio erit talis. Quoniam autem bene syllogizans, ex probabilioribus, & notioribus propositum demonstrat, manifestum est, quod quando simpliciter est improbabile quod proponitur, non dandum est respondenti, nec quod non videtur simpliciter, nec quod videtur quidem, minus autem conclusione videtur. Nam, cum improbabilis est positio, probabilis est conclusio, quare oportet quæ sumuntur, probabilia esse omnia, & magis probabilia quam quod proponitur, si debet per notiora quod minus notum est concludi: quare si neque tale est quippiam eorum, quæ interrogantur, non ponendum est respondenti. Simpliciter autem si est probabilis positio, dilucidum est, quoniam conclusio simpliciter improbabilis: ponendum igitur, & quæ videntur omnia, & eorum quæ non videntur, quæcumque minus sunt improbabilia conclusione: nam sufficienter sic videbitur disceptatum esse. Similiter autem erit, & si neque improbabilis, neque probabilis est positio. Nam sic & quæ videntur omnia dandum, & eorum quæ non videntur, quæ-

47. locus.
declaratio.

48. locus.
declaratio.

49. locus.
declaratio.

- cunque minus sunt improbabilia cōclusionē: sic enim probabiliore accidit orationes fieri. Si igitur simpliciter quidem probabile, vel improbabile quod ponitur, ad ea quæ videntur simpliciter, comparatio facienda. Si autem non simpliciter probabile, vel improbabile sit, quod ponitur, sed respondentī, ad seipsum quod videtur, & quod nō videtur iudicando, ponendum, vel non ponendum. Si vero alterius opinionem tutetur respondens, manifestum, quoniam ad illius intelligentiam aspiciendo, ponere singula debet, & negare, quare & qui curant extraneas opiniones. (ut bonum & malum esse idem, quemadmodum Heraclitus inquit) non dant non adesse simul contraria eidem, non quia non videntur eis hæc, sed quia secundum Heraclitum sic dicendum. Faciunt hoc autem & qui suscipiunt abinvicem positiones, coniectant enim ac si is dicat, qui ponit, manifestum igitur, quæ coniectandum respondentī, siue simpliciter probabile, siue alicui positum est. Quoniam autē est necesse omne quod interrogatur, aut probabile, aut improbabile esse, aut neutrum, & ad orationem, aut non ad orationem attinere quod interrogatur, si sit quidem quod videtur. Non enim interimitur,posito eo, quod in principio: si vero non videtur, & non ad orationem, dandum quidem, & consignificandum quod non videtur, ad deuitationem absurditatis. Si vero sit ad orationem, & videatur, dicendum, quoniam videtur quidem, sed valde propinquum ei quod in principio est, & interimitur eo posito quod propositum est. Si autē ad orationem quidem, valde autem probabile postulatum, dicendum quod accidit hoc posito, at valde absurdum esse quod proponitur. Si vero
- neque

neque probabile, neque improbabile, si nihil *declaratio.*
quidem ad orationem, dandum nihil determi-
nando. Si autem ad orationem, consignifican- *57. Locus.*
dum quod interimitur (posito eo) quod in prin- *declaratio.*
cipio est. Nam, sic & qui respondet nihil vide-
bitur propter hoc pati: siquidem præuidens sin-
gula posuerit, & qui interrogat, assequetur syl-
logismum positus ab eo omnibus probabiliori-
bus conclusione. Quicunque vero non ex pro- *58. locus.*
babilioribus conclusione conantur syllogiza- *Declaratio*
re, perspicuum, quoniam non bene syllogizant,
quare cum sic interrogant, non ponendum. Si- *59. locus.*
militer autem & in iis, quæ obscure, & multi *Declaratio*
pliciter dicuntur, occurrendum est. Nam, quia
datum est respondenti non discenti, dicere non
disco, & multipliciter dictum non ex neces-
sitate confiteri, vel negare, manifestum, quoniam
primum quidem nisi planum sit quod dicitur,
non cunctandum ut dicat haud intelligo: nam
sæpe ex eo quod non clare interrogantibus dant,
occurrit aliquid difficile. Si autem notum qui-
dem sit, multipliciter autem dictum, si in om- *60. Locus.*
nibus quidem verum vel falsum sit quod dici- *declaratio.*
tur, dandum simpliciter quod dicitur, vel ne-
gandum: si vero in aliquo quidem sit verum,
in aliquo autem falsum, significandum est quod
multipliciter dicitur, & quia hoc quidem fal-
sum, illud autem verum. Nam, cum posterius
distinguitur, immanifestum si & in principio
ambiguum animaduernerit. Si autem non præ- *61. Locus.*
uiderit dubium, sed in alterum aspiciens po- *declaratio.*
suerit, dicendum ad eum, qui in alterum ducit,
quoniam non ad id aspiciens dedi, sed ad alte-
rum eorum. Nam pluribus existentibus, quæ sub
eodem nomine, vel eadem oratione sunt, faci-

- lis est ambiguitas. Si vero & dilucidum sit, & simplex quod interrogatur, aut sic, aut non, respondendum. Quoniam autem omnis propositio syllogistica, aut earum aliqua est, ex quibus syllogismus, aut propter aliquam illarum, manifestum, quod quandoque alterius gratia sumetur, ex eo quod plura similia interrogant. Nam, aut per inductionem, aut per similitudinem, plerumque vniuersale sumunt: singularia igitur omnia ponendum, si sint vera & probabilia. Ad vniuersale autem tentandum instantiam ferre. Nam sine instantia vel quæ sit, vel quæ videatur, prohibere orationem, proteruire est: si igitur multis apparentibus, non dederit vniuersale qui non habet instantiam, manifestum est, quoniam proteruit. Amplius, si neque contra argumentari habeat quod non verum, multo magis videbitur proteruire. quamuis nec hoc sufficiat: nam complures orationes opinionibus contrarias habemus, quas difficile est soluere, velut Zenonis, quod non contingit moueri, neque stadium pertransire: sed non propter id, quæ sunt opposita his, non ponendum, si igitur qui neque contra argumentari habet, neque instare non ponit, dilucidum, quoniam proteruit: est enim in disputationibus proteruia, responsio præter dictos modos, syllogismi destructiua. Sustinere autem & positionem, & definitionem, ipsum sibi ipsi oportet præargumentando. Nam ex quibus interimunt interrogantes quod proponitur, manifestum, quoniam iis aduersandum. Inopinabilem vero suppositionem cauendum sustinere. Erit autem inopinabilis multipliciter: nam, & ea ex qua absone contingit dicere: ut si omnia dicat aliquis moueri, aut nihil, & quæcunque peioris moris esse eligenda, & quæ
- conr

contraria consiliis, vt quod voluptas bonum, & iniuriam facere melius quàm iniuriam pati: nam non vt orationis gratia sustinentem, sed, vt ea quæ videantur dicentem oderunt. Quæcunque vero orationum falsum syllogizant, soluendum *67. locus. declaratio.* interimendo id propter quod fit falsum. Nam non is qui quoduis interimit soluit, ne quidem si falsum est quod interimitur: habere enim potest plura falsa oratio, vt si quis sumat sedentem scribere, Socratem vero sedere: accidit enim ex his, Socratem scribere, interempto igitur Socratem sedere, nihil magis soluta est oratio, quamuis falsum sit postulatium, sed non propter id oratio falsa: nam si quis sit sedens, non scribens autem, non amplius in tali, apte accommodabitur eadem solutio, quare non id interimendum, sed sedentem scribere: non enim omnis qui sedet, scribit. Soluit igitur omnino, qui interimit id, propter quod fit falsum: nouit autem solutione, qui scit quod propter id falsa oratio: quemadmodum in iis quæ falso describuntur. non enim sufficit instare, ne quidem si falsum sit quod interimitur, sed & id propter quod falsum assignandum: sic enim erit manifestum vtrum præuidens aliquid, an non, facit instantiam.

Loci communes pro interrogante, & respondente.

Caput IIII.

Est autem orationem prohibere concludi, *68. locus. declaratio.* quadrupliciter. Nam aut interimendo id propter quod fit falsum, aut ad interrogantem instantiam dicendo: sæpe enim non soluit quidem: qui tamen interrogat, non potest longius producere. Tertium autem ad interrogata: accidit enim ex interrogatis quidem non fieri quod ve-

lulus, eo quòd non bene interrogata sint, addito autem aliquo, fieri cōclusionem. Si igitur non amplius potest producere interrogans, ad interrogantem erit instantia, si autē potest, ad interrogata. Quartum autem, pessima est instantiarum quæ est ad tempus: nam quidam talibus instans ad quæ disputare pluris est temporis, quàm præsentis exercitationis: instantiæ igitur, ut dictum est prius, quatuor modis fiunt. Solutio autem est earum quæ dictæ sunt, prima tantum: reliquæ autem prohibitiones quædam & impedimenta conclusionum. Inculpatio vero orationis, & secundum ipsam orationem, & quando interrogatur non eadem. Plerunque enim quòd non bene disputatur oratio, is, qui interrogatur, est causa eo quòd non concedat ex quibus probe erat disputare ad positionem: nam non est in altero solo bene absolvere commune opus. Necessarium igitur quandoque ad dicentem, & non ad positionem argumentari, quando is qui respondet, & cōtraria interroganti obseruat corroborans: proteruentes igitur, altercatorias, & non dialecticas faciunt exercitationes. Amplius autem, quia exercitationis & experimenti gratia, & non doctrinæ huiusmodi sunt orationes, perspicuum quoniam non solum verum syllogizandum, verum etiam falsum, nec per vera semper, sed quandoque & per falsa: sæpe enim vero posito, interimere necesse est disputantem, quare proponenda falsa: quandoque autem & falso posito, interimendum per falsa: nihil enim prohibet alicui videri quæ non sunt, magis quàm vera: quapropter ex iis, quæ illi videntur, oratione facta magis erit suusus quàm adiutus. Oportet autem eum, qui bene transfert, dialectice, &

non contentiose transferre. Vt geometram geometricè, siue falsum, siue verum sit quod concludendum est: quales autem dialectici syllogismi, dictum est prius. Quoniam autem malus particeps, qui impedit commune opus, patet quòd & in orationibus: nam commune quippiam quod proponitur & in illis est, præterquam in concertantibus: his autem non est eundem vtrisque finem assequi: nam plures vno impossibile est vincere. Differt autem nihil siue in respondendo, siue id interrogando fiat: nam & qui contentiose interrogat, prauè disputat: & qui in respondendo non dat quod videtur, neque suscipit quicquam quod vult interrogans interrogare. Manifestum igitur ex iis que dicta, quòd non similiter inculpandum & secundum seipsam orationem, & interrogantem. Nam nihil prohibet orationem quidem prauam esse, interrogantem vero vt possibile est optime contra respondentem disceptare: nam contra proteruos non possibile fortasse statim sumere quales quis vult, sed quales fieri possibile faciendi syllogismi. Quoniam autem est indeterminatum quando contraria, & quando ea, quæ sunt in principio sumunt homines (nam plerunque per seipsos dicentes contraria dicunt: & abnuentes prius, dant posterius, eo quòd interroganti & contraria, & quæ in principio, plerunque obediunt) necesse est prauas fieri disputationes: causa autem est qui respondet hæc quidem non dans, illa autem talia dans: manifestum igitur, quoniam non similiter inculpandum & interrogantes, & orationes. Orationis autè secundum seipsas quinque sunt inculpationes. Prima quidè quando ex interrogatis non concluditur neque quod propositum est, neque omnino quicquam,

72. locus
declaratio.

73. locus.
declaratio.

Inculpationes orationis quinque.

cùm sint vel falsa, vel inopinabilia, aut omnia, aut plurima, in quibus consistere debet cōclusio: & neque ablatis quibusdam, neque additis, neque his quidem ablatis, illis vero additis, fit conclusio. Secundo autem, si ad positionem non fiat syllogismus, & ex talibus, & eo modo quo dictum est prius. Tertia vero si additis quibusdam fiat syllogismus: hæc autem sint deteriora iis, quæ interrogantur, & minus probabilia conclusione, etiam si ablatis quibusdam, nam quandoque sumunt plura necessariis: quare non eo quod hæc sunt, fit syllogismus. Amplius, si ex inopinabilioribus, & minus credibilibus conclusione, aut si ex veris, sed maiore opera indigentibus demonstrari, quàm problema: non oportet autem ex omnibus problematis syllogismos existimare similiter probabiles esse, & suasibiles: natura enim statim sunt aliqua quidem faciliora, alia vero difficiliora eorum, quæ interrogantur: quare, si ex aliquibus ut fieri potest maxime probabilibus, coniecturam fecerit, disputatum bene est. Manifestum igitur, quoniam orationis non eadem inculpatio, & ad problema, & secundum se. Nam nihil secundum se quidem orationem prohibet esse vituperabilem, ad problema autem laudabilem: & rursus ediuerso secundum se quidem laudabilem, ad problema autem vituperabilem: quando ex pluribus est facile cum probabilibus, tum veris concludere. Erit autem quandoque oratio etiam concludens quàm non concludens deterior, quando illa quidem ex absurdis concludit, cum non sit tale problema: hæc autem indigeat talibus quæ sunt probabilia & vera, & nondum ex assumptis sit oratio. Eos autem, qui per falsa verum concludunt, non iustum est inculpare. Nā
falsum

74. locus.
declaratio.

75. locus.
declaratio.

76. locus.
declaratio.

falsum quidem semper necesse est per falsa syllogizare: verum autem est quandoque per falsa syllogizare, manifestum autem id ex analyticis. Cum autem demonstratio sit alicuius dicta oratio: si aliquid est aliud quod ad conclusionem nullo modo se habet, non erit ex illo syllogismus: si autem appareat, sophisma erit, non demonstratio. Est autem philosophema quidem, sylogismus demonstratiuus: epichirema autem, syllogismus dialecticus: sophisma vero, syllogismus contentiosus: aporema autem syllogismus dialecticus contradictionis. Si vero ex utrisque quæ videantur, aliquid ostendatur, non autem similiter videantur: nihil prohibet quod ostenditur magis altero videri. Sed si hoc quidem videatur, illud autem neutra parte: aut si hoc quidem videatur, illud autem non videatur: similiter quidem similiter utique erit, & non: si autem magis alterum, sequetur quod est magis. Est autem quoddam & idem ad syllogismos peccatum, quando ostenditur per longiora quod contingit per breuiora, & quæ orationi adsunt. Ut quod est opinio magis altera, quàm altera: si quis petat ipsum quodque maxime esse, esse autem opinabile, ipsum quod vere est: quare quorundam magis esse ipsum: ad quod autem magis, magis dicitur esse: esse autem & ipsam opinionem veram: an erit accuratius, quàm par sit exigens quædam? petatum est autem & ipsam opinionem veram esse, & ipsum quodque maxime esse, ac si ipsa opinio vera certior sit: sed quæ nequitia maior, quàm quæ facit circa id cuius est oratio, latere causam? oratio autem est manifesta vno quidem modo, & publicissimo, si sit concludens sic, ut nihil oporteat interrogare: vno autem & qui maxime dicitur: cum sumpta

77. locus.
declaratio.

78. locus.
declaratio.

79. locus.
declaratio.

quidem sint ex quibus necessarium est conclusionē esse quæ quidem sint per conclusiones conclusa, etiam si id omittitur quod valde probabile est. Falsa autem oratio vocatur quadrupliciter. Vno quidem modo quando apparet concludere quæ non concludit: vocatur autem apparens, litigiosus syllogismus. Alio modo, quando concludit quidem, non tamen ad propositum: quod accidit maxime in iis quæ ad impossibile ducunt. Aut ad propositum quidem concludit, non tamen secundum propriam disciplinam: hoc autem est, si ea, quæ non est medicinalis, videatur esse medicinalis, aut geometrica, quæ non est geometrica, aut dialectica, quæ non est dialectica, siue verū, siue falsum sit quod accidit. Alio autem modo, si per falsa non concludit: huius autē erit quandoque quidem conclusio falsa, quandoque autem vera: nam falsum quidem semper per falsa concludit, verum autem possibile est & non per vera: ut dictum est prius. Quod autem falsa sit oratio, dicentis peccatum potius est, quàm orationis: at ne quidem dicentis semper, sed cū lateat ipsum quod falsam orationem dixit aliquam: eo quòd ab ipso suscipimus cum pluribus veris quippiam amplius: si ex iis quæ maxime videantur interimit aliquid verorum (talis enim existēs, verorum demonstratio est) oportet sanè positorum aliquid non esse omnino, quare erit huius demonstratio. Si autem verum concludat per falsa, & valde absurda, compluribus deterior erit quæ falsum syllogizant: erit autem talis, & quæ falsum concludit. Quare manifestum quòd prima quidem consideratio orationis secundum seipsam est, si concludit: secunda autem, vtrum verum an falsum: tertia vero, ex qualibus quibusdam. Nam si ex falsis

falsis quidem, opinabilibus autem, rationabilis: si autem existentibus quidem, sed inopinabilibus, praua: si vero & falsa & valde inopinabilia sint: dilucidū quod praua, aut simpliciter, aut ad rem. Id autem, quod in principio & cōtraria quonam pacto peteret interrogans, secundum veritatem quidem in analyticis dictum est, secundum opinionem vero nunc dicendum est. Petere autem videntur id quod est in principio quinque modis. Manifestissimo quidem & primo, si quis id ipsum quod monstrari oporteat, petat: hoc autem in eo ipso quidem non facile latere potest, in synonymis autem, & in quibuscunque nomen & oratio idem significat, magis. Secundo autem, quando quod particulariter oporteat demonstrare vniuersaliter quis petat: ut qui argumentatur quod contrariorum vna disciplina, omnium oppositorum postulauerit vnā esse: nam videtur id quod oportebat secundū se ostendere, cum aliis petere pluribus. Tertio, si quis quid vniuersaliter est ostendere propositum, particulariter petat. ut si de omnibus contrariis propositum est, de aliquibus postulet: videtur enim hic quod cum pluribus oportebat ostendere secundum se, extra petere. Rursus, si quis diuidens patat problema: ut si oportet ostendere medicinam sani & aegri, extra vtrunque postulet: aut si quis eorum, quæ sequuntur se inuicem ex necessitate, alterum petat: ut latus incommensurabile esse diametro, si oporteat ostendere quod diameter lateri. Aequaliter autem & contraria petūt ei quod ex principio est. Nam primo quidem si quis opposita petat secundum affirmationem & negationem: Secundo autem cōtraria secundum oppositionem: ut bonum & malum idem: Tertio vero, si quis vniuersaliter postulas,

80. locus.
declaratio.

particu

81. locus.

declaratio.

particulariter petierit cōtradictionem. Vt si quis sumens contrariorum vnā disciplinā, sanī & xgri alteram esse petat: aut si hoc petens, in vniuersali oppositionem tentet sumere. Rursum, si quis petat contrarium ei quod ex necessitate accidit per ea quæ posita sunt: & si quis ea quidē nonumat quæ opposita, at alia petat duo, ex quibus erit opposita cōtradictio. Differt autem contra-

82. locus.

declaratio.

ria sumere tātū ab eo quod est in principio: quoniam huius quidem est peccatum ad conclusionem (nam ad illam aspicientes, quod in principio est dicimus petere) contraria autem sunt in propositionibus, eo quod ipsæ aliquo modo se habent adinuicem. Ad gymnasiā autem & exercitationem talium orationum primum quidē conuertere assuescere oportet orationes. Sic enim & ad id, quod dicitur copiosius nos habebimus, & in paucis, plures sciemus orationes: nam conuertere est transfundentem conclusionem cum reliquis interrogationibus interimere vnum quippiam eorum quæ dicta sunt: necesse est enim, si conclusio non est, vnā aliquā interimere propositionum, siquidē omnibus positis necesse erat conclusionem esse. Ad omnē autem positionem & quod sic, & quod non sic argumentum considerandum, & cum inueneris, solutionem statim querendum. Sic enim simul accidet & ad interrogandum, & ad respondendum exerceri: & si ad nullum alium habemus, apud nos ipsos sensim comparanda sunt quæ attinent ad ipsam positionem argumenta: nam id ad cogendum multā copiam præbet, & ad redarguendum magnum habet adiumentum, quando quispiam promptus est argumētari, & quod sic & quod non sic: nam ad contraria accidit facere obseruationem, &

ad

ad cognitionem, & ea (quæ secundum philosophiam est) peritiam posse conspiciere, & conspexisse quæ ab vtraque accidunt suppositione, non paruum instrumentum: reliquum enim horum, recte eligere alterum: oportet autem ad id, quod tale est, esse bono ingenio: & hoc est secundum veritatem bonum ingenium, posse bene eligere verum, & diffugere falsum: quod qui nati sunt bene, possunt probe facere: nam qui amant, & qui odiunt, quod profertur facile discernunt optimum. Et ad ea, quæ sæpissime incidunt problemata, scire oportet orationes, & id maxime de primis positionibus. Nam in his fastidiunt sæpe qui respondent. Amplius, terminorum copiosos esse oportet, & probabilium, & primorum se habere promptos: nam per hæc sunt syllogisimi. Tentandum autem & ea, in quæ sæpissime incidunt disputationes, tenere. Nam quemadmodum in Geometria ante opus est circa elementa exercitatum esse, & in numeris circa capitales prompte se habere, & multum refert ad hoc, & alium numerum cognoscere multiplicatum. similiter quoque & in orationibus promptum esse ad principia, & propositiones memoria scire oportet: nam perinde ac in memoriæ sensorio solum loci positi statim faciunt ipsas res memorare: & hæc faciunt ad ratiocinandum promptiorem, eo quod ad determinatas illas inspiciat secundum numerum. Propositionemque communem magis quam positionem in memoria ponendum. Nam principiorum & suppositionum copiosum esse mediocriter, difficile. Amplius, orationem vnam plures facere assuescendum, velut ij, qui occultissime abscondunt. Tale autem erit, si quis quam plurimum

84. locus.
declaratio.

85. locus.
declaratio.

86. locus.
declaratio.

87. locus.
declaratio.

88. locus.
declaratio.

num abscedat ab affinitate eorum, de quibus est oratio: erunt autem priores orationum vniuersales maxime, quæ id pati possint, ut quoniam non est vna plurium disciplina: sic enim & in iis, quæ sunt ad aliquid, & in contrariis, & coniugatis est.

89. *Locus.
declaratio.*

Oportet autem & reminisci vniuersales facere orationes, tametsi facerit disputas particulariter. Sic enim & plures licebit vnā facere: similiter autem & apud Rhetores in enthymematibus. Eundem autem quā maxime fugere, cōtra vniuersale ferre syllogismos. Et semper oportet con-

90. *locus.
declaratio.*

siderare orationes, si in pluribus communibus disputantur. Nam omnes particulares in vniuersali disputatæ sunt, & inest in particularibus eius,

91. *Locus.
declaratio.*

quod est vniuersale, demonstratio, eo quod non est syllogizare quicquam sine vniuersali. Exercitatio autem facienda, inductiuarum quidem ad

92. *Locus.
declaratio.*

rudem, syllogisticarum autem ad expertum. Et tentandum accipere ab iis quidem, qui in syllogismis triti sunt propositiones, ab iis vero, qui in

93. *locus.
declaratio.*

inductionibus, similitudines: in hoc enim vtrique exercitati sunt. Omnino autem exercitationis gratia disceptantibus tentandum afferre aut syl-

94. *locus.
declaratio.*

logismum, de aliquo, aut propositionem, aut solutionem, aut instantiam, siue recte quis dicat, siue perperam, vel ipse, vel alter, & ad quippiam vterque. Ex his enim facultas, exercitatio autem facultatis gratia. Et maxime circa propositiones, & instantias: est enim, ut simpliciter dicam, dialecticus, propositiuus, & instantiuus: est autem proponere quidem, vnum facere quæ sunt plura. Oportet enim vnum omnino sumere ad quod est oratio: instare autem quod vnum est, facere plura: nam aut diuidit, aut interimit: hoc quidem dans, illud autem non dans, eorum quæ propo-

ta sunt. Non est autem cum omni disputandum, *95. locus*
 neque contra quemlibet exercitandum. Nam ne *declaratio.*
 cesse ad aliquos, prauas fieri orationes: ab eo
 enim qui omnino tētat apparere, diffugiendum:
 iustum autem omnino tentare syllogismo con-
 cludere, veruntamen non pulchrum, eo quòd
 non oportet aduersus quoslibet facile cōsistere,
 quandoquidem necesse est paruiloquium inde
 emergere: nam qui exercitati sunt, non possunt
 abstinere à disputatione, sine altercatione. Opor- *96. locus.*
 tet autem & factas habere orationes ad huiusmo-
 di problemata, in quibus cum paucissimorum
 copia eas ad quàmplurima vtilēs ha-
 beamus, illæ vero sunt vniuer-
 sales, & ad quas in prom-
 ptu quippiam ad-
 inuenire dif-
 ficile.
 est.

★

*Aristotelis Topicorum
 libri octauus
 Finis.*

★





ARISTOTELIS STAGIRITAE

PERIPATETICO-
RVM PRINCIPIS

ELENCHORVM

LIBER PRIMVS.

SVMMA LIBRI.

*De intentione libri, & generibus disputationum:
De Locis Sophisticarum in Dictione, & extra
Dictionem redargutionum: De Causis de-
ceptionum, captionum sophisticarum: De veris,
& falsis redargutionibus: De interrogatione
tentatiua, & quid inter Contentiosum, Sophi-
sticumq; intersit: Demum de captionibus Nu-
gationis, & Sollæcismi, occultationeq; Sophi-
stica contra moleste respondentes.*

*Quid intendit, & aliquem syllogi-
smum sophisticum esse.*

Cap. I.



DE sophisticis autem redargutio-
nibus & de iis quæ videntur re-
dargutiones (sunt autem captiosæ
ratiocinationes, at non redargu-
tiones) dicamus oportet, incipien-
tes secundum naturam à primis.
quòd

quodd igitur hi quidem syllogismi, illi autē, cum non sint, videntur, manifestum est. Nam quemadmodum & in aliis id fit per quandam similitudinem, sic & in orationibus se habet: etenim hi quidem habitum probe habent, illi vero videntur, ex tribu tumentes, & componentes se ipsos, & pulchri: hi quidem ob pulchritudinem, illi autem videntur seipsos fucantes. Et in animatis quoque similiter: nam & illorum hæc quidem argentum, ista vero aurum reuera sunt, illa non sunt quidem, apparent autem secundum sensum: ut lithargyrina, & stannea, argentea, & felle tincta, aurea: eodem autem modo & syllogismus, & redargutio: hæc quidem est, illa vero non est, apparet autem propter imperitiam: nam imperiti velut distantes, à longe speculantur. Nam syllogismus quidem ex quibusdam est positus, ut colligamus aliquid aliud ex necessitate ab iis, quæ posita sunt per ea, quæ posita sunt: redargutio autem syllogismus est, cum contradictione conclusionis: illi vero id quidem non faciunt. Videntur autem ob multas causas, quarum vnus locus aptissimus, & publicissimus per nomina. Nā quia fieri non potest ut res ipsas ferentes disputemus, sed nominibus pro rebus, utimur signis: & quod accidit in nominibus, in rebus quoque arbitramur accidere: quemadmodum ij, qui calculis supputant, id autem non est simile: nam nomina quidem finita sunt, & orationum multitudo, res vero numero infinite sunt: necesse est igitur plura eandem orationem, & nomen vnum significare: quemadmodum igitur & illi, qui non sunt prompti calculos sustinere, à scientibus decipiuntur, eodem quoque modo & in orationibus, qui nominum virtutis sunt.

ignari, per facile captionibus hallucinantur, & ipsi disputantes, & alios audientes: ob hanc igitur causam, & eas, quæ dicendæ sunt, est syllogismus, & redagutio apparens, atque non existens.

De generibus disputationum. Cap. II.

Quoniam autem quibusdam magis operæ pretium est videri esse sapientes, quam esse & non videri (est enim sophisticæ, apparens sapientia, non existens autem: & Sophista pecuniarum aucupator ab apparente sapientia: & non existente:) manifestum profecto est, quoniam necessarium est illis & sapientis opus videri facere magis, quam facere, & non videri. Est autem (ut vnum ad vnum dicamus) in vnoquoque opus sapientis, non mentiri quidem ipsum de quibus novit, mentientem autem manifestare posse. Hæc autem sunt, hoc quidem in eo quod potest dare orationem, illud autem in eo quod sumere. Necesse est igitur illos, qui volunt sophisticæ agere, dictarum orationum genus quærere. Operæ enim pretium est eis: nam huiusmodi potestas faciet videri sapientes, cuius sunt desiderium habentes. Quod autem tale orationum genus est, & quod talem appetunt potestatem illi, quos vocamus sophistas, manifestum est. Quot autem sunt species sophisticarum orationum, & ex quot numero potestas ea constat, & quot partes contingit esse negotij, & de aliis, quæ suffragantur ad hanc artem, nunc dicamus. Sunt igitur ad disputandum, orationum genera quatuor: doctrinales, dialecticæ, tentatiuæ, contentiosæ. Et doctrinales quidem sunt, quæ ex propriis principiis cuiusque disciplinæ, & non ex iis, quæ videntur respondentem colligunt

*Sapientia est
ficta duo.*

*Genera di-
sputationum*

ligunt: nam oportet credere eum, qui dicit. Dialecticæ autem, quæ ex probabilibus collectiue sunt contradictionum. Tentatiue vero, quæ ex iis colligunt, quæ videntur respondentem, & quæ necessarium est enim scire qui simulat se habere scientiam, quomodo determinandum est in aliis. Porro contentiosæ, quæ sunt ex iis, quæ apparent probabilia, apparentes syllogisticæ. De demonstratiuis autem in Analyticis dictum est: de dialecticis vero, & tentatiuis, & in aliis: de altercatoriis autem & contentiosis nunc dicendum.

Fines Sophistæ, & loci sophistici in dictione.

Caput III.

PRIMUM igitur sumendum est quot cōiectant qui in orationibus decertant, & coaltercantur. sunt autem hæc quinque numero: redargutio, falsum, inopinabile, solæcismus, & quintum, quod est facere nugari eum, qui condispurat: hoc autem est frequenter cogere idem dicere, aut quod non est, sed quod apparet quodque esse horum, Nam maxime volunt apparere redarguere: secundum autem, falsum aliquid monstrare: tertium vero, ad hoc quod est inopinabile ducere quartum, solæcismo uti facere: hoc autem est facere secundum locutionem barbarizare ex oratione respondentem. Vltimum autem, idem frequenter dicere. Modi autem redarguendi sunt duo: nam alij quidem sunt propter dictionem, alij vero extra dictionem. Sunt autem ea quidem, quæ propter dictionem faciunt phantasiā, sex numero: hæc quidem sunt, æquiuocatio, amphibolia, compositio, diuisio, accentus, & figura dictionis. Huius autem fides, & ea quæ est per inductionem, & syllogismus: & si qua

De locis in dictione, & primo de æquiuocatione.

sumatur alia, & quòd totidem modis, si eisdem nominibus, & eisdem orationibus, non idem significamus. Sunt autem propter æquivocationem huiusmodi orationes, ut quod discunt scientes: nam ea quæ memoriæ prodita sunt, discunt grammatici. Discere enim æquivocum est ad intelligere eum, qui utitur disciplina: & ad accipere disciplinam. Ea rursus, quod mala bona sunt: nam quæ expediunt, bona sunt: mala autem expediunt. Duplex enim expediens est, & necessarium, quod accidit plerumque in malis (est enim quoddam malum, necessarium) & bona cumque expedientia dicimus esse. Amplius autem, eundem sedere, & stare, & ægrotare, & sanum esse: nam qui surgebat stat, & qui sanabatur, sanus est: surgebat autem sedens, & sanabatur ægrotans: ægrotantem enim quamlibet facere, aut pati non vnum significat, sed quandoque quidem qui nunc ægrotat, aut sedet, quandoque autem qui ægrotabat prius: verumtamen sanabatur quidem ægrotans, cum ægrotans: sanus est autem non cum ægrotans, sed ægrotans non nunc, sed prius. Propter autem amphiboliam sunt orationes tales: velle capere me pugnantes. Et putasne quòd quis cognoscit, id cognoscit? nam & cognoscētem & cognitum contingit ut cognoscentem significare hac oratione. Et putas quòd quis videt, id videt? videt autem columnam: quare columna videt. Et putas quod tu dicis esse, id tu dicis esse? dicis autem lapidem esse: quare tu lapis, dicis esse. Et putas est silentia dicere? duplex enim est & id, silentia dicere: hoc quidem eos, qui dicunt filere, illud autem ea, quæ dicuntur. Sunt autem tres modi secundum æquivocationem, & amphiboliam:

vnus

*De loco ab
Amphibo-
lia.*

vnus quidem, quando nomen, vel oratio plura significat principaliter: vt aquila, vel canis. Alius autem, quando soliti sumus sic dicere. Tertius vero, quando compositum plura significat, separatim vero simpliciter, vt scire literas: nam vtrunque fortasse vnum quidem significat, & scire, & literæ: ambo autem plura, aut literas ipsas sciētiam habere, aut literarum, alium. Amphibolia igitur, & æquiuocatio propter hos modos sunt. Propter compositionem vero huiusmodi sunt: vt possibile est sedentem ambulare, & non scribentem, scribere: non enim idem significat, si diuidens quis dicat, & componens quod possibile est sedentem ambulare, & non scribentem scribere: & hoc identidem, si quis componat non scribentem scribere, significabit profecto, quod habet potestatem, vt non scribens scribat: si quis autem non componat, quoniam habet potestatem quando non scribit, vt scribat. Et discit nunc literas, si quis didicit quas scit. Amplius, quod vnum solum potest ferre, plura potest ferre. Propter vero diuisionē quod quinque sunt duo, & tria, paria, & imparia. Et quod maius æquale: tantum enim est maius & adhuc amplius: nam eadem oratio diuisa, & composita non idem semper videbitur significare. Vt ego posui te seruum existentem liberū. Et hoc, quinquaginta virum, centum heros liquit Achilles. Propter accentum autem in iis, quæ sunt sine scriptura, non facile dialecticis facere orationem: in scripturis autem & poëmatibus magis. Vt & Poëtam defendunt nonnulli aduersus redarguentes quasi hic absurde locutum. Nec gemere æëria cessabit turtur ab vlmo, quod pentemimeri vsus sit, & turture fœminino. Solunt enim id

*Cū poëtam
dicis Home-
rū intelli-
git, cuius
hic Aristo.
carmina ci-
tat. verū q
ea nostris ac-
cētibus non
accomoda-
ri queūt, in
terpres pro
illis Virgilij
qui latino-
rū est Ho-
mer. carmi-
na posuit.*

accentu: dicentes quodd aëria accentum finale
longum habet, & non ad turtur, sed ab ulmo, ut
epithetum debet referri, & id de Niso, & Euria-
lo cum Rutulos vino, somnôque sepultos intel-
lexissent.

*Cetera per terras, omneis animalia somno
Laxabant curas, & corda oblita laborum.*

Talia igitur propter accentum sunt. Quæ autem
propter figuram dictionis sunt, accidunt, quan-
do non idem ut idem interpretatur, ut masculin-
um, foemininum: vel foemininû, masculinum:
vel quod inter hæc, est alterum horû: vel rursus
quale, quantum: vel quantum, quale: vel fa-
ciens, patiens: vel dispositum, facere: & alia,
ceu diuisum est prius. Nam est aliquid, quod non
est eorum quæ sunt facere, ut eorum quæ sunt
facere, aliquid dictione significare, ut valere.
Similiter figura dictionis dicitur ei, quod est se-
care, vel ædificare, quamuis illud quidem qua-
le quid, & affectum quodam modo significet,
hæc vero facere aliquid: eodem autem modo &
in cæteris. propter igitur dictionem redargutio-
nes ex his existunt.

*De locis redargutionum sophisticarum
extra dictionem.*

Caput IIII.

EArum vero, quæ extra dictionem sunt captio-
num, species sunt septem. Vna quidem pro-
pter accidens: secunda autem propter id, quod
simpliciter, vel non simpliciter, sed aliquo mo-
do, aut ubi, aut quando, aut aliquid dicitur:
tertia autem propter redargutionis ignorantiam:
quarta vero propter consequens: quinta autem
prop

propter id, quod est in principio sumere: sexta propter id quod non est causa, ut causam ponere: septima vero propter plures interrogationes unam facere. Propter igitur accedens captiones sunt, quando similiter quodcumque existimabitur rei & accidenti ita esse: nam, quia multa eidem accidunt, non est necesse omnibus prædicatis & ei de quo prædicantur illa omnia inesse: nam omnia sic erunt eadem, quemadmodum sophistæ dicunt: ut si Coriscus est alter ab homine, ipse est alter à se, est enim homo: aut si à Socrate alter, Socrates autem homo, ab homine alterum dicunt esse confessum, eo quod accidit (à quo dixit alterum esse) hunc esse hominem. Propter id autem, quod hoc quidem simpliciter, illud autem aliquo modo, & non præcipue, quando quod in parte dicitur, ut simpliciter dictum sumitur: ut si non ens est opinabile, quod non ens est non enim est idem esse quiduis, & esse simpliciter. Aut rursus, quoniam quod est non est, si eorum quæ sunt quippiam non est, ut si non est homo: nam non idem est non esse quiduis, & non esse simpliciter: apparet autem, eo quod perquam propinquum est dictione, & parum differat esse quiduis, ab eo quod est esse, & non esse quiduis ab eo quod est non esse. Similiter autem propter id, quod est aliquo modo, & simpliciter: ut si Indus, cum sit totus niger, albus est dentibus, albus igitur & non albus est. Aut si ambo aliquo modo, quod simul contraria inerunt: tale autem in quibusdam quidem, cuilibet facile est considerare. Ut si sumens Aethiopem nigrum esse, dentibus dicat quod albus: si ergo ibi albus: quod niger, & non niger, putabit disputasse syllogistice, cum perfecit interrogationem.

Redargutio quid.

In quibusdam vero latet frequentér, in quibuscunque cum aliquo modo dicatur, simpliciter videtur sequi: & in quibuscunque non facile est considerare vtrum eorum præcipue sit assignandum. Fit autem tale in quibuscunque similiter sunt opposita: nam videntur vt ambo, aut neutrum dandum esse simpliciter prædicari: vt si dimidium quidem album, dimidium vero nigrum, vtrum album, an nigrum? Quæ autem sunt propter id, quod non determinatur quid est syllogismus, aut quid redargutio, sunt propter omissionem orationis. Nam redargutio est contradictio vnus & eiusdem, non nominis, sed rei, & nominis non synonymi, sed eiusdem ex iis quæ data sunt ex necessitate, non connumerato eo quod erat in principio, secundum idem, & ad idem, & similiter, & in eodem tempore. Hoc autem modo fieri potest, vt quis falsum dicat de aliquo: quidam autem omittebant aliquid eorum, quæ dicta sunt, apparent redarguere: vt quod idem duplum & non duplum: nam duo vnus quidem dupla, tria autem non dupla. Aut si eiusdem idem duplum, & non duplum, sed non secundum idem: nam secundum longitudinem duplum, secundum latitudinem non duplum. Aut si eiusdem, & secundum idem, & similiter, sed non simul: quare est apprensus redargutio. Trahat autem aliquis hanc & in eas, quæ sunt propter dictionem. Quæ autem propter id, quod in principio erat sumuntur, sunt quidem sic & tot modis quot modis contingit quod in principio est petere: videntur autem redarguere, eo quod non possit quis inspicere idem, & diuersum. Quæ vero propter consequens est redargutio, ideo est quod
putent

Putent conuertiri consequentiam: nam, si cū hoc est ex necessitate, illud sit: & cū illud est, putant & alterum esse ex necessitate: vnde & quæ ob opinionem ex sensu sunt, deceptiones fiunt: nam sæpe esse mel, fel suspicati sunt, eo quod sequitur flauus color mel. Et quia accidit terram, pluuia madidam fieri, etiam si sit madida, opinantur pluuisse: id autem non necessarium est. In rhetoricis quidem quæ secundum signum fiunt demonstrationes, ex consequentibus sunt: nam volentes ostendere quod adulter, quod consequens est, accipiunt, quod comptus, aut quod videtur noctu errabundus: pluribus autem hæc quidem insunt, prædicatum tamen non inest. Similiter autem & in ratiocinatiuis: vt est Melissi oratio, quod infinitum est vniuersum: sumens autem vniuersum ingenti tum (nam ex nihilo nihil fieri) quod autem factum est ex principio fieri: si igitur non factum est, principium non habet vniuersum, quare infinitum: non necesse est autem hoc accidere, non enim si omne quod factum est, principium habet, etiam quicquid principium habet, factum est: quemadmodum neque si febriens calidus, etiam calidum necesse est febrire. Quæ vero propter non causam, vt causam: cum assumitur quod non causa est, tanquam propter illud fiat redargutio: accidit autem tale, ad impossibile syllogismus: necessarium enim est in his aliquid interimere ex iis, quæ posita sint: si ergo enumeretur in necessariis interrogationibus ad id, ad quod accidit impossibile, videbitur propter id sæpe fieri redargutio, vt quod non est anima, & vita idem: nam si generatio corruptioni est contrarium, & alicui corruptioni erit quædam generatio con-

*Plures in-
terrogatio-
nes ut vna.*

grarium: mors autem corruptio quædam, & con-
trarium vitæ, quare vita generatio, & vivere ge-
nerari: hoc autem impossibile: non ergo idem
anima & vita. Nequaquam collectum est, nam
accidit (tametsi quispiam non idem dicat vi-
tam & animam) impossibile: sed solum contra-
rium vitam quidem morti, cum sit corruptio,
corruptioni autem generationem. Incollectiles
igitur simpliciter non sunt huiusmodi oratio-
nes, sed ad propositum incollectiles: & late-
plerunque non minus ipsos interrogantes quod
tale est. Propter igitur consequens, & propter
non causam orationes huiusmodi sunt. Quæ au-
tem propter id, quod est duas interrogationes
vnam facere, quando latet plures esse, & per-
inde ac vna sit, assignatur responsio vna. In ali-
quibus autem facile est videre quod plures, &
quod non danda vna responsio: ut utrum ter-
ra mare est an cælum? in aliquibus vero mi-
nus, & quasi vna sit, aut confitetur (eo quod ne-
queunt respondere ad interrogatum) aut redar-
gui videntur: ut putas hic & hic est homo? qua-
re, cum aliquis percusserit hunc, & hunc per-
cutiet hominem & non homines. Aut rursus
quorum hæc sunt quidem bona, illa autem non
bona: omnia hæc bona, an non bona? nam
utrumvis dixerit, est quidem ut aut redargutio-
nem, aut falsum apparens videatur facere: nam
dicere eorum, quæ non sunt bona aliquid es-
se bonum, aut eorum, quæ bona sunt non bo-
num, falsum. Quandoque autem assumptis quibusdam,
redargutio etiam fit vera: ut si quis
concedat similiter & vnum & plura dici alba,
& nuda, & cæca: nam, si cæcum est quod non
hab

habet visum, natum tamen habere, & cæca erunt quæ non habent visum, nata autem habere: quando igitur hoc quidem habet visum, illud autem non habet, ambo erunt vel videntia, vel cæca: quod est impossibile.

*Omnes sophisticas redargutiones in ignorantiam
redargutionū renocatum iri.*

Caput V.

AUt igitur sic diuidendum apparentes syllogismos, & redargutiones: aut omnes reducendum ad redargutionis ignorantiam, iis, qui hanc principium faciunt: fieri enim potest, ut omnes resoluamus dictos modos ad redargutionis definitionem. Primum quidem si incollectiles fuerint, oportet enim ex iis, quæ posita sunt, accidere conclusionem, & ut ita dicam, ex necessitate, atque non apparere. Deinde & secundum partes definitionis: nam earum, quæ sunt in dictione, hæc quidem sunt propter duplex, ut æquiuocatio, & oratio, & similis figura: consuetum enim id omnia, ut & illud quippiam significare. Compositio autem, & diuisio, & accentus, eo quod non eadem est oratio, aut nomen quod differens: oportebat autem & id esse, quemadmodum & rem eandem, si debebat redargutio, vel syllogismus esse: ut si tunica, non vestis syllogizetur, sed tunica: nam verum est & illud, sed non syllogizatum est: sed adhuc interrogatione indiget, quod idem significat ad eum qui querit propter quid. Quæ vero secundum accidens definito syllogismo manifesta fiunt: nam eandem definitionem oportet syllogismi & redargutionis fieri, attamen & adiungere contradictionem: nam redargutio syllogismus

gismus est contradictionis: si igitur non est syllogismus accidentis, non fit redargutio: non enim si cum hæc sint, necesse est illud esse, id autem est album esse propter syllogismum: neque si triangulus duobus rectis tres angulos habet æquales, & accidit ei figuram esse, vel primum, vel principium, quod figura, vel primum, vel principium tale est: nam non quatenus figura, vel primum, vel principium, sed quatenus triangulus demonstratio: similiter & in aliis. Quare, si redargutio syllogismus quidam, non erit quæ secundum accidens redargutio. Verum propter hoc & artifices & omnino scientes ab insciis redarguuntur: nam secundum accidens syllogismos faciunt contra sapientes: qui vero non possunt diuidere, aut interrogati concedunt, aut cum non dant, arbitrantur dedisse. Quæ vero propter id quod aliquo modo, & simpliciter, quoniam nō de eodem affirmatio & negatio est: nam aliquo modo albi, aliquo modo non album: & simpliciter albi, simpliciter non album, negatio est: si igitur cum datur aliquo modo esse album, quis ut simpliciter dictum accipit, non facit redargutionem: apparet autem propter ignorantiam ipsius, quid est redargutio. Manifestissimæ autem omnium quæ prius dictæ sunt propter redargutionis definitionem, quare & sic nuncupatæ sunt: nam propter rationis omissionem phantasia fit, & diuisis hoc pacto, commune in omnibus his ponendum est orationis omissio. Quæ vero propter id quod sumitur quod erat in principio, & nō causa ut causa ponitur, manifestæ sunt per definitionem: nam oportet conclusionem accidere, eo quod hæc sunt, quod non erat in non causis: &
rursum

rursum non connumerato eo quod erat in principio, quod non habent eæ quæ sunt propter petitionem eius quod in principio. Quæ vero propter consequens particula sunt accidentis: nam consequens accidit: differt autem ab accidenti, quoniam accidens quidem est in vno solo sumere, vt idem esse flauum, & mel, & album, & cygnum: quod autem propter consequens, semper in pluribus: nam quæ vni & eidem sunt eadem, & sibi inuicem postulantur esse eadem: propter quod fit ea quæ propter consequens redargutio: est autem non omnino verum, vt si sit album secundum accidens: nam & nix & cygnus albo idem: aut rursum in Melissi oratione idem esse accipit factum esse, & principium habere, aut æqualia fieri, & eandem magnitudinem accipere. Quoniam enim principium habet quod factum est, & quod habet principium, factum esse postulat, tanquam ambo eadem sint, eo quod principium habent factum esse & finitum. Similiter autem & in iis, quæ æqualia facta sunt, si eandem magnitudinem, & vnā sumentia æqualia sunt: & quæ æqualia facta sunt, eandem & vnā magnitudinem sumunt: quare consequens sumit. quod igitur propter accidens redargutio, in ignorantia redargutionis est: manifestum, & quod ea, quæ est propter consequens: inspiciendum autem est id & alias. Quæ vero propter id, quod est plures interrogationem vt vnā facere, in eo sunt quod non enucleamus, siue non diuidimus propositionis orationem: nam propositio vnum de vno est: nam idem terminus vnus solius rei, & simpliciter rei: vt hominis, & vnus solius hominis: similiter autem & in aliis. Si
igitur

igitur vna propositio est, quæ vnum de vno postulat, & simpliciter erit propositio talis, interrogatio. Atqui quoniam syllogismus ex propositionibus est, redargutio autem syllogismus, & redargutio erit ex propositionibus: si igitur propositio vnum de vno, manifestum quoniam & hæc in redargutionis ignorantia: nam apparet esse propositio, quæ non est propositio. si itaque dedit responsionem vt ad vnam interrogationem, erit redargutio, si autem non dederit, sed apparet, apparens redargutio. Quare omnes loci cadunt in redargutionis ignorantiam: qui quidem dicti sunt propter dictionem, quia est apparens contradictio, quod erat proprium redargutionis, alij autem propter syllogismi terminum.

Causa deceptionum, captionum sophisticarum.

Caput VI.

DEcepto autem fit in iis quidem, quæ propter æquiuocationem, & orationem, eo quod non potest quis diuidere id, quod multipliciter dicitur: nam quædam non est promptum diuidere, vt vnum, & ens, & idem. In iis autem, quæ sunt propter compositionem, & diuisionem, eo quod nihil putatur differre composita & diuisa oratio, ceu euenit in plurimis. Similiter autem & in iis quæ sunt propter accentum: non enim aliud videtur significare intensa, & remissa oratio in aliquo, aut non in pluribus. Earum vero, quæ sunt propter figuram ob similitudinem dictionis: difficile est enim diuidere, quæ similiter, & quæ aliter dicuntur: nam ferme qui hoc potest facere in pro-

cincto

cinctū est, vt videat verum : maxime autem sciet innuere, quòd omne, quod de aliquo prædicatur, arbitramur id ipsum aliquid esse, & vt vnum intelligimus : nam vnum, & substantiam maxime videtur sequi id, quod est aliquid, & ens. Quare in iis, quæ sunt propter dictionem, hic locus ponendus : primum quidem magis deceptio aggnitur in iis, qui cum aliis considerant, quàm qui per seipsos : nam ea, quæ cum alio est, consideratio per orationem est, quæ autem per seipsos, non minus per ipsam rem. Deinde & per seipsos decipi accidit, quando in oratione facit considerationem : præterea deceptio quidem ex similitudine, similitudo autem ex dictione. In iis autem, quæ sunt propter accidens, eo quòd non potest diiudicare idem & diuersum, & vnum & multa : neq; quibus prædicatorum omnia hæc & rei accidunt. Similiter autem & in iis quæ propter consequens sunt : pars enim quædam accidentis, est consequens. Amplius & in multis apparet, & postulatur hoc pacto, si hoc ab illo non separatur, nec ab altero separatur alterum. In iis verò, quæ sunt propter omissionem orationis, & in iis quæ sunt propter id quod alio modo & simpliciter, eo quòd propter parum deceptio est. nam quasi nihil significet quid aut aliquo modo, aut simpliciter, aut alicubi, aut nunc, vniuersaliter concedimus. Similiter autem & in iis, quæ quod in principio est sumunt, & in non causis, & quæcunque plures interrogationes vt vnam faciunt : in omnibus enim his est deceptio, ob id quod propter parum : nam non exacte discernimus, neque propositionis, neque syllogismi terminum, propter prædictam causam.

*Vnde fiant
syllogismi
sophistici.*

QUoniam autem habemus propter quæcunque sunt apparentes syllogismi, habemus, & propter quæcunque sunt sophistici syllogismi, & redargutiones. dico autem sophisticam redargutionē, & syllogismum, non solum apparentem syllogismum, aut redargutionem non existentem quidem, sed & existentem quidem, at apparenter accommodatam rei. Sunt autem illæ, quæ non secundum rem redarguunt, & quæ monstrant ignorantes, quod quidem erat proprium tentatiuæ. Est autem tentatiua, pars dialecticæ: illa autem potest syllogizare falsum propter ignorantiam eius qui dat orationem. Sophisticæ autem redargutiones, tametsi colligant contradictionem, non faciunt manifestum, si ignorat: nam & scientem impediunt hisce orationibus. Quod autem illas habeamus hac via, manifestum est: nam propter quæcunque apparet audientibus, ut interrogata syllogizare, propter hæc & respondentem utique videatur: quare erunt syllogismi falsi per hæc aut omnia, aut aliqua: nam quod non interrogatus arbitratur dedisse, & interrogatus quoque ponet. Verum in quibusdam simul accidit & interrogare quod deest, & apparere falsum: ut in iis, quæ sunt secundum dictionem, & solæcisimum. Si ergo syllogismi contradictionis propter apparentem redargutionem sunt, manifestum est quod propter tot erunt & falsorum syllogismi, propter quot & apparens redargutio: apparens autem propter particulas veri: nam cum quodcunque defuerit, apparebit redargutio,

tio, ut quod propter non accidens : propter orationem, quæ ad impossibile : & quæ duas interrogationes ut vnâ facit propter propositionem : & pro eo quod per se, quod propter accidens, & huius particula, quod propter consequens. Amplius, non in re, sed in oratione accidere : deinde pro vniuersali contradictione, & secundum idem, & ad idem, & similiter propter id, quod in aliquo, vel propter vnumquodque horum peccat. Amplius, propter id, quod est non connumerato eo quod in principio, quod in principio sumere. Quare habemus secundum quot sunt captiosæ ratiocinationes : nam secundum plura non erunt, secundum autem ea, quæ dicta sunt, erunt omnes. Est autem sophistica redargutio non simpliciter redargutio, sed ad aliquem, & syllogismus similiter. Nam, si nonumat id quidem quod est propter æquiuecum vnum significare, & quod propter similitudinis figuram solum hoc quidem, & in aliis similiter, neque syllogismi, neque redargutiones erunt, neque simpliciter, neque ad eum, qui interrogatur : si autem sumant, ad eum, qui interrogatur erunt, simpliciter autem non erunt : non enim vnum significatum sumpserunt, sed apparent, & apud illum quidem.

De veris, & falsis redargutionibus.

Cap. VIII.

PROPTER quæcunque autem redarguunt, qui redargutionibus vtuntur, non oportet tentare sumere, sine omnium quæ sunt scientia : id autem non vnius artis, nam infinitæ fortasse sunt scientiæ : quare manifestum, quoniam & demonstrationes, redargutiones quidem sunt, & veræ :

Log. Arist.

pp

Vera redargutiones innumera.

nam quæcunque est demonstrare, est & redarguere eum, qui ponet contradictionem veri: ut si commensurabilem diametrum posuerit, redarguet quis demonstratione, quod incommensurabilis: quare omnium oportebit esse scium: nam alia quidem sequuntur propter ea quæ in geometria sunt principia, & eorum conclusiones: alia autem propter ea quæ sunt in medicina: alia denique propter illa, quæ sunt aliarum disciplinarum. Sed & falsæ redargutiones similiter infinitæ erunt. Nam secundum vnamquamque artem est falsus syllogismus: ut secundum geometriam geometricus, & secundum medicinam medicinalis: dico autem secundum artem, secundum illius principia. Manifestum est igitur, quod non omnium redargutionum, sed earum, quæ sunt secundum dialecticam, sumendi sunt loci. Nam ij communes sunt ad omnem artem & potentiam, & eam quidem, quæ est secundum vnamquamque disciplinam redargutionem: scientis est considerare siue cum non est, apparet: siue cum est, & quare est, eam autem, quæ ex communibus est, & sub nulla arte cadens, dialecticorum. nam, si habemus ex quibus probabiles syllogismi in quolibet, habebimus ex quibus redargutiones: redargutio nanque est syllogismus contradictionis, quare aut vnus, aut duo syllogismi contradictionis, redargutio est. Habemus igitur propter quæcunque omnes huiusmodi sunt: si autem hæc habemus, & solutiones habemus: nam illarum instantiæ, solutiones sunt. Habemus autem propter quæcunque & apparentes fiunt, apparentes autem non cuilibet, sed talibus: infinita enim sunt, si quis consideret illa, secundum quæcunque appareant quibuslibet. Quare manifestum est.

est, quoniam dialectici est posse sumere propter
quacunque fit per communia, vel quæ est redar-
gutio, vel quæ apparet redargutio, vel dialecti-
ca, vel apparens dialectica, vel tentatiua.

*Orationes ad nomen, & ad intellectum non
bene diduci. Cap. IX.*

Non est autem differentia orationum quam
quidam dicunt esse, has quidem ad nomen,
illas vero ad intellectum. Inconueniens enim est
opinari alias quidem esse ad nomen orationes,
diuersas vero ad intellectum, & non easdem.
Quid enim est non ad intellectum, nisi quando
non utimur nomine (qui putat interrogare) eo,
ad quod is, qui interrogatus dedit? idem autem
id est & ad nomen. Et ad intellectum autem, quan-
do ad quod dedit intelligens. Si autem aliquis
(plura significante nomine) vnum putet signifi-
care, & interrogans, & interrogatus (ut forte ens
& vnum plura significat, sed & respondens & in-
terrogans Zeno vnum putans esse interrogauit,
& est oratio quod vnum, omnia) hæc ad nomen
est, aut ad intellectum interrogantis disputata.
Si vero aliquis multa putet significare, manife-
stum quod oratio illa non est ad intellectum.
Primum igitur circa huiusmodi orationes, est
ad nomen, & ad intellectum, quacunque plura
significant: deinde circa quamlibet est: nam non
in oratione est ad intellectum esse, sed in eo
quod respondens se habet aliquo modo ad ea,
quæ dantur: deinde ad nomen contingit omnes
eas esse: nam esse ad nomen, hoc in loco, est
esse non ad intellectum: nam, si omnes erunt
quædam alia, quæ neque ad nomen, neque ad
intellectum: illi vero dicunt omnes, & diuidunt

vel ad nomen, vel ad intellectum esse omnes, alias autem non. Attamen quicunque sunt syllogismi propter id, quod multipliciter: horum aliqui sunt secundum nomen: nam absurde dicitur secundum nomen esse omnes, qui sunt propter dictionem: sed sunt quædam captiones non in eo quod respondens ad eas se habeat aliquo modo, sed quia talem interrogationem oratio ipsa habeat, quæ plura significet. Et omnino inconueniens est de redargutione differere, & non prius de syllogismo: nam redargutio syllogismus est, quare oportet & de syllogismo prius, quàm de falsa redargutione: nam talis redargutio, apparens syllogismus contradictionis. Quare aut in syllogismo erit causa, aut in contradictione: nam adiungere oportet contradictionem, quandoque autem in utroque erit apparens redargutio: est autem de eo, quod est silentia dicere, in contradictione, non in syllogismo. De eo autem, quod est, quod non habet aliquis dare, in utrisque: de eo vero quod est, quod Homeri poema est figura, per circulum, in syllogismo: quæ autem in neutro est, verus est syllogismus. Verum vnde sermo prouenit reuertamur: vtrum quæ in disciplinis sunt orationes ad intellectum sint, an non? & si cui videtur plura significare triangulus, & dedit non ut eam figuram de qua concludebat, quoniam duo recti, vtrum ad intellectum illius disputauit hic, an non? amplius, si plura quidem significat nomen, ille autem non intelligit, neque putat quomodo is non ad intellectum disputat? aut quomodo oportet interrogare eum, qui non dat diuisionem? siue interroget aliquis si est silentia dicere, an non? an est quidem ut non, an est ut sic? si autem dat aliquis

quis nullo modo, ille autem disputat, vtrum non ad intellectum disputat, quamuis oratio videatur earum esse, quæ ad nomen sunt? Non igitur est genus aliquod orationum ad intellectum, sed illæ quidem ad nomen sunt: & huiusmodi, non omnes, non quod redargutiones, sed neque apparentes redargutiones: nam sunt & non propter dictionem apparentes redargutiones, vt quæ propter accidens, & reliquæ. Si autem postulet diuidendum, quod dico quidem silentia dicere: hæc autem sic, illa vero non sic, id profecto primum, absurdum postulare: nam quandoque non videtur interrogatum multipliciter se habere, atqui impossibile est diuidere, qui non putat. Deinde docere, quid aliud erit? manifestum enim faciet quonam pacto se habet ei, qui neque considerat, neque scit, neque opinatur quod aliter dicitur, quia & in non duplicibus quid prohibet hoc facere: vt putas æquales sunt vnitates binariis, in quaternariis? sunt autem hi binarij quidem inexistentes, illi autem non sic: & putas contrariorum vna est disciplina, an non? sunt autem contraria hæc quidem nota, illa autem ignota: quare videtur ignorare, qui hoc postulat, quod aliud est docere quam disputare: & quod oportet quidem docentem non interrogare, sed eum manifesta facere, illum autem interrogare.

De interrogatione tentatiua: & quid inter Contentiosum, Sophisticumque intersit.

Cap. X.

Amplius affirmare, vel negare, qui postulat, id non monstrantis est, sed experimentum sumentis: nam tentatiua, dialectica quædam est, quapropter de omnibus inspicit, & explorat

*Idē. r. Pa-
stor. tex. cō.
67.*

non scientem, sed ignorantem, atque simulantem. Qui igitur secundum rem considerat communia, dialecticus est: qui autem id apparenter facit, sophisticus. Et syllogismus contentiosus, & sophisticus, vnus quidem est apparens syllogismus, circa ea de quibus dialectica tentatiua est, quamuis vera sit conclusio: nam eius, quod est propter quid, hallucinatorius est: & quæcunque, cum non sint, secundum cuiusque disciplinam captiosæ ratiocinationes videntur esse secundum artem. Nam pseudographiæ non contentiosæ (secundum enim ea, quæ sub arte sunt, captiosæ sunt ratiocinationes) neque si aliqua est pseudographia circa verum, vt Hippocratis quadratura quæ per lunulas, sed vt Bryllo quadravit circulum: & tamen si quadraretur circulus, quia tamen non secundum rem, ideo sophisticus, quare & qui de his quidem apparens syllogismus, contentiosa est oratio: nam apparens est secundum rem, quare fallax & iniusta. Quemadmodum enim ea (quæ in certamine est) iniuria, quandam speciem habet, & est quædam iniusta pugna, sic in contradictione, iniusta pugna contentiosa est: nam & illic qui omnino vincere volunt, omnia tentant: & hic qui contentiosi sunt. Qui igitur victoriz ipsius gratia, tales sunt, contentiosi homines, & litium amatores videntur esse: qui autem gloriæ gratia, quæ in diuitiis est, sophisticè sunt: nam sophisticè est (vt dicimus) pecuniarum quædam aucupatiua ab apparente sapientia: quæ propter demonstrationem apparentem appetunt. Et in eisdem orationibus quidem sunt litium amatores & sophistæ, sed non propter eadem: & oratio quidem eadem erit sophistica & contentiosa, sed non propter idem: sed quatenus quidem est ob vi
gloriam

Aloriam apparentem, contentiosa: quatenus vero est ob sapientiam, sophistica: nam sophisticè est quædam apparens sapientia, non autem existens. Contentiosa vero est quodam modo sic se habēs ad dialecticam, vt pseudographa ad geometricā: nam ex eisdem contentiosa, differendi modo, capito se decipit, vt & pseudographa, geometricæ: sed hæc quidem non contentiosa, quia ex principiis & conclusionibus, quæ sunt sub arte pseudographiam facit: quæ autem ex iis est, quæ sunt sub dialectica, circa alia quidem contentiosam esse, manifestum est: vt quadratura quidem quæ per lunulas, non contentiosa: Bryssonis autem contentiosa, & illam quidem non est transferre nisi ad geometriam solum, eo quod ex propriis sit principiis: hanc autem ad plures quicunque nesciunt quid est possibile in vnoquoq;, & quid impossibile: nam accommodabitur, aut vt Antiphon quadravit. vel si quis non dicat melius esse post cœnam deambulare per Zenonis rationem, non medicinalis: communis enim est. Si ergo omnino similiter se habeat contentiosa ad dialecticam, vt pseudographa ad geometriam, non ex illis utique erit contentiosa.

*Orationes dialecticorum, tentatiuorumque,
non esse ad determinatum genus.*

Caput X I.

Nunc autem non est dialecticus circa genus aliquod determinatum, neque demonstratiuus vilius, neque talis qualis vniuersalis: nam neque omnia sunt in vno aliquo genere: neque si sint, possibile est sub eisdem principiis esse, ea quæ sunt. Quare & nulla ars earum, quæ aliquam naturam monstrant, interrogariua est: nam non possibile est vtramuis partiū dare. syllogismus enim

non fit ex vtrisque: dialectica autem interrogatiua est (si autem monstraret quid illud, nisi & omnia?) veruntamen prima, peculiariâque principia non interrogat: nam si non daret, non iam haberet ex quibus amplius disputaret ad instantiam. Talis autem est tentatiua: nam tentatiua nō talis est, qualis est geometria, sed qualem vtiq̃ue haberet non sciens aliquis: fieri enim potest vt periculum sumat, & is qui nescit rem, de eo qui nescit: siquidem & dat non ex quibus scit, neque ex propriis, sed ex consequentibus: quæ omnia talia sunt quæ scientem quidem nihil prohibet nescire artem, nescientem autem necesse est ignorare: quare manifestum, quoniam nullius determinati tentatiua disciplina est, eo quòd de omnibus est: nam omnes artes vtuntur quibusdam communibus. Ideoque omnes illiterati quodam modo vtuntur dialectica, & tentatiua. Nam omnes vsque ad aliquid conantur diiudicare eos, qui pronunciant: hæc autem sunt communia: nam illa nihil minus sciunt ipsi, quamuis videantur longe extra dicere. Redarguunt igitur omnes: nā sine arte quidem eo participant, cuius artificialiter est dialectica: & arte syllogistica, tētatiuus, dialecticus. Quoniam autem sunt multa quidem hæc, & de omnibus, non talia autem vt natura quædam sint, & genus, sed vt negationes, alia autem non talia, sed propria sunt: ex illis de omnibus experimentum possibile est sumere, & artem esse quandam, & non talem esse quales quæ demonstrant, eo quòd contentiosus non est omnino sic se habens, vt pseudographus: nam non erit captiosus ex determinati cuiuspiam generis principiis, sed circa omne genus erit is, qui contentiosus, Loci igitur sophisticarum redargutionum

hi sunt.

Epilogus.

hi sunt, & quod dialectici est considerare de his, & res eas posse facere, non difficile videre: nam quæ circa propositiones est disciplina, omnem habet hanc speculationem. & de redargutionibus quidem apparentibus dictum est.

Loci sophisticæ interrogantium ad falsum, aut inopinabile. Cap. XII.

DE aliquo est falsum quippiam ostendere, & oratione ad inopinabile ducere. Hoc autem fuit secundum propositum sophisticæ intentionis, primum quidem ex eo quod interrogat quodam modo, & per interrogationem accidit maxime: nam id, ad nullum determinatum interrogare propositum, venatium est illorum: temere nanque dicentes peccant magis: temere autem dicunt, quando nihil habent propositum. Et id, interrogare multa (quâvis id determinatum sit ad quod disputant) & id, ea quæ videntur, dicere se postulare, facit quandam idoneitatem, ut ad inopinabile ducat, aut falsum. Et si interrogatus affirmet, aut neget illorum aliquid, ducere ad ea ad quæ promptus est argumentari: potest tamen nunc minus nocere per hæc quàm prius, nam repetunt aliquid ad id quod in principio. Elementum autem deveniendi ad falsum aliquod, aut inopinabile, nullâ statim se interrogare positionem, sed affirmare ob id se interrogare, quod discere velit: nam locum argumentationis, consideratio facit. Ad falsum autem ostendendum proprius locus sophisticus est ducere ad talia, ad quæ abundat orationibus: est autem bene, & non bene id facere, quemadmodum dictum est prius. Rursum ut ad inopinabilia ducat, considerare ex quo genere est qui disputat, deinde interrogare quod pluribus illi dicunt inopinabile: est enim

1. *Locus.*

2. *Locus.*

3. *Locus.*

4. *Locus.*

5. *Locus.*

6. *Locus.*

7. *Locus.* singulis quibusque aliquid tale. Elementum autem horum sumere singulorumque quorumque positiones in propositionibus. Solutio vero & horum competens fertur, ostendere quod non propter orationem accidit inopinabile: semper autem id quoque, vult qui contendit. Amplius autem ex voluntatibus & manifestis opinionibus: nam non eadem volunt, & dicunt: sed dicunt quidem decoratissimas orationes, volunt autem ea, quae videntur prodesse: ut bene mori magis quam voluptuose vivere dicunt oportere: & egere iuste magis quam diuitiis affluere prae: volunt autem contraria. Eum igitur, qui dicit secundum voluntates, ad has manifestas opiniones ducendum: eum vero, qui dicit secundum has, ad absconditas: utrouis enim modo necessarium est inopinabilia dicere: unam aut manifestam, aut immanifestas opiniones dicunt contraria. Plurimus autem est locus faciendi in opinabilia dicere, quemadmodum Callicles in Gorgia scriptus est, dicens: & veteres autem omnes arbitrati sunt accidere propter id quod secundum naturam & secundum legem contraria: contraria enim esse naturam & legem dicunt: & iustitiam secundum legem quidem esse bonum, secundum autem naturam non bonum: oportet igitur ad eum quidem, qui dicit secundum naturam, secundum legem obuiare, ad eum vero, qui secundum legem, ad naturam ducere, nam utroque modo dicere contingit inopinabilia: erit autem secundum naturam quidem ipsis verum, secundum autem legem quod multitudi-
ni videtur: quare manifestum quod & illi, quemadmodum & qui nunc, aut redarguere, aut inopinabilia dicere respondentem, conabantur efficere.
10. *Locus.* *re.* Quaedam autem interrogationum habent utrinque

que inopinabilem respōtionem: ut utrum sapien-
tibus, an patri oporteat obedire: & expedientia
facere, an iusta: & an iniuriam pati eligibilius
quam nocere. Oportet autem ducere ad ea, quæ
multitudini, & sapientibus sunt contraria, nam si
dicat aliquis ut ij qui circa orationes, ad ea quæ
multitudini: si autem ut multi ad ea quæ iis qui in
oratione. Dicunt enim hi quidem ex necessitate
beatum iustum esse, multitudini autem inopina-
bile est regem infelicem esse. Est autem ad ea, 11. *Locus.*
quæ sic sunt, inopinabilia ducere, idem ei quod
est ad eam quæ est secundum naturam, & secun-
dum legem contrarietatem, ducere: nam lex opi-
nio multitudinis, sapientes autem secundum na-
turam, & veritatem dicunt: & inopinabilia qui-
dem ex his oportet quærere locis.

De captionibus nugationis, & solacismi.

Caput

XIII.

DE eo quidem, quod est facere nugari, quidnā
dicimus nugari, iam monstravimus: omnes
autem tales orationes id volunt efficere, si nihil
referat nomen & orationem dicere: duplum au-
tem, & duplum dimidij idem est: si igitur duplum
est dimidij duplum, erit dimidij dimidij duplum:
& rursus si pro duplo, duplum dimidij ponatur,
ter erit dictum dimidij dimidij dimidij duplum.
Et putas est concupiscentia delectationis? hæc au-
tem est appetitus delectationis: est igitur concupi-
scentia appetitus delectationis delectationis.
Sunt autem omnes huiusmodi orationum in iis,
quæ sunt ad aliquid, quæcunque non solum gene-
ra, sed & ipsa ad aliquid dicuntur, & ad idem &
vnum assignantur: ut appetitus, alicuius appetitus:
&

& concupiscentia, alicuius concupiscentia, & duplum alicuius duplum, & duplum, dimidij, & in quibuscunque quæ, cum substantia non sint, ad aliquid omnino eorum sunt, quorum sunt habitus, aut affectus, aut aliquid huiusmodi, In oratione ipsorum de illis prædicatorum declaratur: ut impar est numerus medium habens: est autem numerus, impar: est igitur numerus, numerus medium habens. Et si sinum cavitatis naris est, est autem naris sima: erit ergo naris, naris caua. Apparent autem facere non facientes quandoque, eo quod non interrogant si significet aliquid per se dictum duplum, an nihil: & si aliquid significat, utrum idem an diuersum: sed conclusionem dicunt statim, & apparet propter nomen idem, esse idem, & significare: Solæcismus autem quale quid est, dictum est prius: est autem & hoc facere, & non facientem videri, & facientem non videri: quemadmodum Leuinus dixit, si Venus masculinum est, nam qui dicit almam, solæcismum quidem facit secundum illum, non apparet autem aliis: qui autem alium, apparet autem, sed non facit solæcismum. Manifestum igitur, quoniam & ars quædam hoc potest facere, eo quod multæ orationes non colligentes, solæcismum videntur colligere, ut & in redargutionibus. Sunt autem omnes pene apparentes solæcismi propter hoc: & quando casus neque masculinum, neque femininum significat, sed neutrum: nam hic quidem masculinum significat, hæc autem femininum, hoc vero neutrum vult significare: sæpe autem significat & illa utraque, ut quid est hoc? Caliope, lignum, Coriscus. Masculini igitur & femina

fœminini differunt casus omnes. neutri hi quidem, illi autem non: cum datur igitur hoc, sæpe colligunt quasi dictum sit hunc: similiter autem & alium casum pro alio ponunt. Captiosa autem ratiocinatio fit eo quòd hoc commune sit plurium casuum: nam hoc significat quandoque hic, quandoque autem hunc: oportet autem vicissim significare, cum est quidem hic: cum esse autem, hunc: ut est Coriscus, esse Coriscum: & in fœmininis nominibus similiter, nam in omnibus similiter est, & esse facient differentiam. Et quodam modo in his similis est solæcismus iis redargutionibus, quæ propter id quod non similia, aut propter figuram, similiter dicuntur: nam quemadmodum illic in rebus, sic hic in nominibus accidit solæcismum facere: nam homo, & album, & res, & nomen est: manifestum igitur, quoniam solæcismum tentandum est ex dictis casibus colligere. Species igitur sunt hæ contentiosarum orationum, & partes specierum, & modi, qui dicti sunt.

*De occultatione sophistica, & contra
molestè respondentes.*

Caput XIII.

Differt autem non parum si ordinentur, quodam modo ea quæ ad interrogationem sunt, ut lateat quemadmodum in dialecticis: deinceps igitur ex iis, quæ dicta sunt, hæc primum dicenda. Est autem ad redarguendum, vnum quidem prolixitas: nam difficile simul multa conspicerè. Ad prolixitatem vero quæ adducuntur elementis, utendum. Vnum quidem festi


festinatio, nam tardiores minus prouident: amplius autem ira & contentio: nam conturbati minus possunt obseruare omnes. Elementa autem, iræ. Manifestum quoque eum facere qui vult iuste agere, & circa omnia impudentem esse. Amplius, permutatim interrogationes ponere, siue ad idem plures habeat aliquis orationes, siue quòd sic, & quòd non sic: simul enim accidit aut ad plura, aut ad contraria facere obseruationem. Omnino autem omnia, quæ ad occultandum dicta sunt prius, vtilia etiam ad contentiofas orationes: nam occultatio latendi gratia est, latere autem deceptionis. Ad eos autem, qui renuunt quæcunque opinantur esse ad orationem, ex negatione interrogandum, ceu contrarium velit, aut etiam ex æquo interrogationem facere: nam cum dubium est, quòd vult sumere, minus insolefcunt. Et quando in partibus dederit quispiam singula inducenti. vniuersale sæpe non interrogandum est, sed vt dato vtendum: nam quandoque putant & ipsi dedisse, & audientibus quoq; apparet propter inductionis memoriam, veluti petinde atque non interrogauerit vane. Et in quibus nō nomine significatur vniuersale, similitudine tamen vtendum est ad id quod expetit: nam latet similitudo plerunque. Et ad sumendum propositionem, contrarium oportet comparando interrogare: vt si debeat sumere, quoniam oportet per omnia patri obedire, vtrum per omnia oporteat obedire parentibus, an per omnia non obedire? & sæpe id, vtrum multa concedendum, an pauca? magis enim si necesse, videbuntur esse multa? appositis enim iuxta se contrariis, minora & maiora apparent, & peiora & meliora hominibus. Valde autem &
sæpe

sæpe facit videri redargui, maxime sophistica calumnia interrogantium, cum nihil colligentes non interrogationem faciunt id quod est vltimum, sed concludenter dicunt, veluti colligentes, non igitur hoc & hoc. Sophisticum autem est & cum ponitur inopinabile, quod apparet postulare respondere, proposito eo quod videtur ex principio, & interrogationem talium sic facere vtrum tibi videtur? nam necesse est si sit interrogatio ex quibus syllogismus, aut redargutionem, aut inopinabile fieri: cum dat quidem, redargutionem, cum autem non dat, neque dare videtur, fatetur inopinabile: cum vero non dat, videri autem fatetur, redargutionis simile. Amplius, quemadmodum in rhetoricis, & redargutionibus similiter contrarietates considerandum, aut ad eas, quæ ab eodem sunt dictæ, aut ad eos, quos confitetur bene dicere, aut agere. Amplius, ad eos, qui videntur tales, aut ad similes, aut ad plurimos, aut ad omnes. Quemadmodum autem respondentes sæpe cum redarguuntur faciunt duplex, si debeat accidere redargutio, & interrogantibus vtendū quandoque illo, contra instantes: si sic quidem accidat, sic autem non quoniam si sumpserit, vt facit Cleophon in Mandrobulo: oportet etiam absistentes, ab oratione reliqua argumentorum diuidere, & respondentis (si præsenferit) prius instare, & prædicere. Argumētandum autem quandoque & ad aliud ab eo quod dictum est, illud sumentibus: si non ad id quod propositum est habeat aliquis argumentari: quod Lycophron fecit dum propositum esset, ex arte lyram commédare. Ad eos autem, qui exigunt ad aliquid argumentari, postquam videtur oportere assignare causam, dictis autem quibusdam obseruabilius quod

quod vniuersaliter accidit in redargutionibus, vt
 dicat contradictionem, vt quod affirmauit nega-
 re, aut quod negauit affirmare: sed non quòd con-
 trariorum est eadem disciplina, vel non eadem:
 non oportet autem conclusionem vt propositio-
 nem interrogare, quædam autem neque in-
 terrogandum est, sed vt concessis vtæn-
 dum. Ex quibus igitur interroga-
 tiones, & quomodo interro-
 gandum in concerta-
 toriis exercita-
 tionibus,
 dictum
 est.

★

*Arist. Elenchorum
 libri primi
 Finis.*





ARISTOTELIS ELENCHORVM

LIBER SECVNDVS.

SVMMMA LIBRI.

De utilitate sophisticarum orationum, & apparatus ad eas diluendas. De solutione sex ultimorum locorum extra dictionem, Negationis, & Solacismi. De oratio e facili, difficili, & acuta. Epilogus postremo Octo precedentium, & duorum presentium librorum.

De utilitate cognoscendi sophisticas orationes, & apparatus ad eas diluendas.

Caput Primum.



E responsione autē, & quo modo oportet soluere, & quid, & ad quam utilitatem orationes huiusmodi prosunt, post hæc dicendum. Vtiles ergo sunt ad philosophiam propter duo. Primum quidem, quia eæ, quæ ut plurimum propter dictionem fiunt, melius se habere faciunt ad id, quodupliciter quodque dicitur, & ea quæ similiter, & quæ aliter in rebus accidunt, & in nominibus. Secundum autem ad eas, quæ per se ipsum inquisitiones fiunt: nam qui ab alio faci-

Log. Arist.

qq

le captiose fallitur, & id non sentit, & ipse quoque à se id patitur persæpe. Tertium vero, & reliquum adhuc, ad gloriam, eo quòd circa omnia exercitatus esse videbitur, & in nullo se inexpecte habere: nam si is, qui in orationibus est còsocius, orationes vituperat, cùm nihil habeat quod determinet de vitiositate earum, dat suspensionem quòd videri velit insolescere, non quia verum sit, sed propter imperitiam. Respondentibus autem, quomodo obfistendum sit aduersum huiusmodi orationes, manifestum: siquidem recte dicimus prius ex quibus sunt captiosæ ratiocinationes, & si (quæ inquirendæ sunt) superabundantias sufficienter diuisimus. Non est autem idem sumentem orationem videre, & soluere vitiositatem, & interroganti posse occurrere celeriter. Nam quod scimus, sæpe transpositum ignoramus. Amplius autem quemadmodum in aliis, id quod citius & tardius, ex exercitatione fit magis, sic & in orationibus se habet: quare si manifestum quidem sit nobis, immediati autem sumus, priuamur opportunitatibus frequenter. Accidit autem quandoque sicut in lineatum descriptionibus: nam & illic soluentes quandoque componere verum non possumus, sic & in redargutionibus: nam scientes propter quid orationem accidit connectere, soluere tamen orationem impotes sumus.

De apparenti solutione respondentis.

Caput

II.

PRimum igitur, quemadmodum syllogizare dicimus, opinabiliter quandoque magis quàm vere, eligere oportere: sic & soluendum quandoque magis opinabiliter quàm ad veritatem:

tem : nam omnino aduersus contentiosos est reluctandum, non vt ad eos, qui redarguunt, sed qui redarguere apparent: non enim dicimus eos syllogizare : quare vt non videantur, emendandi sunt: nam si redargutio est contradictio non æquiuoca, ex quibusdam, nihil opus est diuidere ad amphibola, & æquiocationem: non enim facit syllogismum: sed nullius alterius gratia diuidendum est, nisi quia conclusio videtur redargutioni similis. Non ergo redargui, sed videri redargui cauendum est, eo quòd interrogat amphibola, & quæ propter æquiocationem sunt, & quæcunque alix huiusmodi cauillationes quæ & veram redagutionem adumbrant, & redarguentem atque non redarguentem incertum reddunt: nam (quia licet in fine cum conclusum fuerit dicere se, non id ipsum quod affirmauit negare, sed æquiuoce, aut amphibolice, quamuis quam maxime contingit in idem ferat) incertum, si redargutus est: incertum enim, si vera nunc dicit: si vero diuidens interrogasset æquiuocum, aut amphibolum, non incerta esset redargutio, quoniam requirunt (nunc quidem minus, prius autem magis) contentiosi, sic vel non responderi eum qui interrogatur, fieri potest. Nunc autem, quia non bene interrogant inquirentes, necesse est vt respondeat aliquid is, qui interrogatus est, emendans vitium interrogationis: quia diuisio sufficienter, vel sic, vel non, necesse est dicere respondentem. Si autem aliquis putet secundum æquiocationem redargutionem esse, quodam modo non erit respondentem effugere quin redarguatur: nam in iis, quæ oculis subiecta sunt,

necessarium quod affirmavit negare nomen, & quod negavit affirmare. Enimuero ut diluunt quidam, nihil prodest: nam non Coriscum aiunt esse musicum, & non musicum, sed hunc Coriscum musicum, & hunc Coriscum non musicum, eadem nanque erit oratio Coriscum, ei, quæ est hunc Coriscum musicum esse, vel non musicum: quod simul affirmant, & negant, sed fortasse non idem significant: nam ne illic nomen, quare in aliquo differt. Si autem hoc quidem simpliciter dicendo Coriscum assignet, illi autem addat aliquem, aut hunc, absurdum est. nihil enim magis quam alterum: utrolibet enim nihil differt. Non sic igitur, sed quia incertus quidem est qui non determinavit ambiguitatem, utrum redargutus est vel non redargutus, datum autem est in orationibus diuidere: manifestum, quod non determinando dare interrogationem, & quidem simpliciter, peccatum est: quoniam & si non ipse, tamen oratio redargutæ similis est. Accidit autem sæpe videntes amphiboliam torpescere diuidere, eo quod crebra talia proponantur, ne ad omne videantur molesti esse: deinde non putantibus propter id fieri orationem sæpe profecto occurrit inopinabile: quapropter quia datum est, diuidere haud cunctandum, quemadmodum dictum est prius. Si autem duas interrogationes non vnam facit quisquam interrogationem, non propter æquiuocationem, vel amphiboliam fiet captiosa collectio, nonne redargutio an non? quid enim differt interrogare, si Callias & Themistocles musici sint quàm si ambobus vnum nomen esset existentibus diuersis? nam si plura significat quàm vnum, plura inter-

rogauit: si igitur non rectum est ad duas interrogaciones vnā responsionem censere sumere simpliciter, manifestum quoniam nulli eorum, quæ æquiuoca sunt, conuenit respondere simpliciter, nec si de omnibus quidem verum sit, veluti censent quidam: nihil enim differt hoc, quā si interrogasset, Coriscus & Callias vtrum domi sint, an non sint domi? siue adsint ambo, siue non adsint: vtrunque enim plures propositiones. Non enim si verum est dicere, interrogatio propter id vna: possibile est enim ad decies millenas interrogatas quæstiones, omnes sic vel non, verum est dicere: attamen non est respondendum vna responsione, interimitur enim disputatio: id autem simile ac si idem nomen imponatur diuersis. Si igitur non oportet ad duas interrogaciones vnā responsionem dare, manifestum quoniam nec in æquiuocis sic vel non, dicendum: neque enim qui dixit responder, tametsi dixit: sed id admittunt quodam modo in disputationibus, eo quod lateat quod accidit. Quemadmodum igitur diximus, quod redargutiones quædam videntur esse cum non sunt, eodem quoque modo & solutiones quædam videntur esse, quæ non sunt quas diximus quandoque operæpretium magis afferre, quā veras in contentiosis orationibus, & in ea (quæ ad duplex est) occursione? Respondendum autem in iis, quæ videntur, esto, dicendo: nam & sic minime fiet redargutio. Si vero aliquid quod inopinabile sit cogatur dicere: hic maxime addendum videri: sic enim neque redargutio, neque inopinabile videbitur fieri. Quia autem quo pacto petitur quod est in principio, manifestum putant omnino (si sint

propinqua) interimendum, & non concedenda esse vlla, perinde ac si quod in principio est petat. Et quando aliquid tale postulauerit quispiam quod necessarium quidem est accidere ex positione, sit autem falsum vel inopinabile. idem dicendum: nam quæ ex necessitate accidunt, eiusdem videntur esse positionis. Amplius, quando vniuersale non nomine sumitur, sed similitudine: dicendum quod non sic datum est, neque ut proposuit, sumit: nam propter id fit sæpe redargutio: cum autem prohibetur his, ad id quod non bene ostensum est redeundum, obistendum autem secundum dictam determinationem. In iis igitur, quæ proprie dicuntur nominibus, necesse est respondere, vel simpliciter, vel diuidendo. Quæ autem subintelligentes proponimus, ut quæcunque non plane, sed truncatim interrogantur, propter id accidit redargutio, ut putasne quicquid est Atheniensium? sic. similiter autem & in aliis? at qui homo est animalium, sic. possessio igitur animalium, homo. Nam hominem animalium esse dicimus, quia animal est: & Lylandrum Lacedæmoniorum, quia Lacedæmonius est. Manifestum igitur, quoniam in quibus obscurum est, quod proponitur, non simpliciter concedendum. Quando vero duobus existentibus, cum hoc quidem est ex necessitate alterum esse videtur: cum vero alterum est, hoc non ex necessitate: interrogato utroque, oportet quod minus est dare. Nam difficilius est colligere de pluribus. Si autem argumetur quod huic quidem est contrarium, illi autem non est: si oratio vera sit, contrarium esse est dicendum, at nomen alterius positum non esse. Quoniam autem quædam quidem eorum quæ dicuntur plu-

res eum qui non concedit falsum dicere aiunt, quædam autem non : vt quæcunque ambigunt, (vtrum enim corruptibilis, vel immortalis sit anima animalium, non exploratum est multis,) in quibus igitur incertum est vtro modo soleat dici quod proponitur? vtrum in iis, quæ sunt vt sententiæ? vocant enim sententias, & veras opinioniones, & totas negationes, vt diameter incommensurabilis est. Amplius, de quo verum dubitatur, transferens quispiam nomina maxime latebit in illis : nam, quia incertum est vtro modo se habet verum, non videbitur sophisticè agere: propter id autem quod dubium, non videbitur falsum dicere: nam metaphora faciet orationem sine redargutione videri. Amplius, quascunque interrogationum persenserit aliquis, præinstandum est, & prædicendum: nam sic maxime interrogantem prohibebit.

De recta solutione loci.

Caput I I I.

Quoniam autem recta solutio est manifestatio falsi syllogismi, ob quamcunque interrogationem accidat falsum, (falsus autem syllogismus dicitur dupliciter: nam, aut si collectum est falsum, aut si cum non est syllogismus, videtur esse syllogismus,) erit, & quæ nunc dicta est solutio, & apparentis syllogismi, ob quam videtur esse interrogationum correctio, quare contingit orationes syllogizantes quidem interimere, apparentes autem diuidentem soluere. Rursum autem, quoniam syllogizantium orationum, hæ quidem veram, illæ autem falsam habent conclusionem, eas quidem, quæ secundum conclusionem sunt falsæ. duobus modis contingit soluere: nam, & eo quod inter-

rimitur aliquid eorum, quæ interrogata sunt, & eo quòd ostenditur conclusio, non sic se habere. Eas vero, quæ secundum propositiones, eò quòd interimitur quiddam solum, nam conclusio vera est. Quare volentibus soluere orationem, primum quidem inspicendum si syllogizet, an non syllogizet: deinde, vtrum vera sit conclusio, an non vera, quatenus vel diuidentes, vel interimentes soluamus: & iterum interimentes hoc modo, vel illo, quemadmodum dictum est prius. Differt autem plurimum, & interrogantem, & non, soluere orationem? nam prauideri quidem difficile est: per otium autem temporis videre facile. earum igitur, quæ propter æquiocationem, & amphiboliam redagutionem, aliæ quidem habent aliquam interrogationem plura significantem, aliæ autem conclusionem multipliciter dictam, vt in ea quidem, quæ est silentia dicere, conclusio est duplex, in ea vero, quæ est non conscire scientem. vna interrogationum amphibola est. Et duplex quidem quandoque est ens, quandoque non est ens, & quandoque significat duplex, hoc quidem ens, illud vero non ens. Quibuscunque igitur in fine est multiplex, nisi prius sumpserit contradictionem, non fit redagutio, vt in eo quod est cæcum videre: nam sine contradictione non fit redagutio. Quibuscunque vero in interrogationibus, non necesse est prænegare quod duplex est, nam non ad hoc, sed propter hoc fit oratio. In principio igitur ad duplex, & nomen, & orationem sic respondendum, quod est vt sic, est autem vt non, vt de eo, quod est silentia dicere, quod est vt sic, est autem vt non, & quæ expediunt, agendum: sunt autem quæ sic, sunt au-

tem quæ non : nam expedientia dicuntur multipliciter. Si autem lateat, in fine addendo interrogationi corrigendum est, ne silentia dicere ? non tamen eos qui silent. Et in iis autem, quæ se habent quidem multipliciter in propositionibus, similiter non putas consciunt, quod sciūt? sic, sed non sic scientes : non enim est idem, quòd non est conscire, atque sic quidem non esse scientes. Et omnino oblectandum est, tametsi simpliciter colligatur, quod non rem quam dixit negavit, sed nomē, quare id non est redargutio. Manifestum autem, & eas, quæ sunt propter compositionem, & diuisionem, quomodo soluendum : nam, si diuīsa, & composita oratio aliud significat, cum concluditur, contrarium dicendum. Sunt autem huiusmodi omnes orationes secundum compositionem, & diuisionem. Putāsne quo vidisti tu hunc percussum, illo percussus est hic? & quo percussus est, illo tu vidisti? Habet quidem aliquid etiam dubiarum quæstionum, quamuis sit propter compositionem : nam non est duplex, ob id quod est secundum diuisionem : non enim eadem oratio fit diuīsa, & composita : siquidem ora, & ora secundum accentum prolata significant aliud, sed in scriptis quidem idem nomen, cū ex eisdem elementis scriptum sit, & similiter : & illic autem iam signa faciunt, prolata non eadem, quare non duplex quod propter diuisionem est : manifestum autem, quoniam non omnes redargutiones propter duplex, sicut quidam dicunt. Diuidendum igitur, & qui respondet, non idem est enim dicere videre oculis, percussum : & dicere oculis percussum videre. Et Euthydemī oratio. Putāsne vidisti tu nunc existentes in Pyrao

De compositione & diuisione.

naues, cū in Sicilia sis? Et rursus, putāsne malum futozem bonum esse? fit autem quis bonus futor malus: quare futor malus? Putāsne, quorum scientiæ bonæ, bonas esse disciplinas, mali autem bona disciplina, igitur bona disciplina malum: attamen & malum, & disciplina malum, quare mala disciplina malum. Putāsne verum dicere nunc, quoniam tu factus es? factus es ergo nūc. An aliud significat diuisum? verum enim dicere nunc, quod tu factus es, sed non nunc tu factus es. Putāsne, vt potes & quæ potes, sic & ipsa facies? non cytharizans autem habes potestatem cytharizandi, cytharizabis igitur non cytharizans. An non huius habet potestatem, vt non cytharizans cytharizet? sed cū non facit hoc, vt faciat. Soluunt autem quidam id, & aliter: nam si dedit vt potest facere, non dicunt accidere non cytharizantem cytharizare: non enim omnino, vt potest facere datum est facere non idem autem esse, vt potest, & omnino, vt potest facere. Sed manifestum, quoniam non bene soluunt: nam orationum omnium, quæ propter idem, eadem solutio: eadem autem non accommodabitur ad omnes, nec omnino ad interrogatas, sed est ad interrogantem, & non ad orationem. Propter accentum autem orationes non sunt, neque in iis, quæ scribuntur, neque in iis, quæ dicuntur, præterquàm si quæ paucae fiunt, vt hic, putāsne est quod habitas domus? sic. nunquid'ne est quod habitas, negatio eius est quod habitas? sic, dicebas autem, ne esse quod habitas domum, negas igitur te habitare domum. Quomodo autem soluendum est, palam: non enim idem significat grauitè, & acute prolatum. Manifestum

De accentu.

*De figura
dictionis.*

sum autem, & in iis, quæ sunt propter id quod
ut eadem dicuntur ea, quæ non sunt eadem, quo
pacto obstandum, eo quod habemus genera
prædicamentorum: nam hic quidem dedit in-
terrogatus non esse aliquid eorum, quæ quid
est significant: ille vero ostendit quidem esse ali-
quid eorum, quæ sunt ad aliquid vel quantita-
tis. videntur autem quid est significare propter
dictionem, ut in hac oratione. Putasne contin-
git idem simul facere, & fieri? non, at vero vi-
dere, simul & videri idem, & secundum idem
contingit. Putasne est aliquid eorum, quæ sunt
pati, facere? non. nonne igitur secatur, vritur,
operatur similiter dicuntur, & omnia quidem
pati significant? rursum autem currere, videre
similiter sibi inuicem dicuntur, veruntamen vi-
dere, operari aliquid est, quare & pati aliquid,
simul etiam, & facere. Si autem aliquis illic
dans contingere simul idem facere, & pati, vi-
dere, & videri dicat possibile, nondum redargu-
tus est, si non dicat videre facere aliquid, & vi-
deri pati: indiget enim hac interrogatione, sed
ab audiente opinatur datum esse, cum & secare
facere aliquid, & secari fieri aliquid dedit, &
quæcunque alia similiter dicuntur: nam reli-
quum ipse addit qui audit, veluti similiter di-
ctum, illud autem dicitur quidem non simili-
ter, videtur autem propter dictionem. Idem au-
tem accidit hic quod in æquiocationibus: pu-
tat enim in æquiocis inscius orationum, quam
dixit negare rem, non nomen: ideoque adhuc in-
diget interrogatione, si ad vnum aspiciens dicat
æquiocum: sic enim dante, erit redargutio. Si-
miles autem, & hæ orationes illis, si quod quis
habens, postea non habet, amisit: nam vnum
solum

Captio nes

solum amittens calculum, non habebit decem calculos. Ad quod non habet quidem, prius habens, amisit? quantum autem habet vel quot, non necesse est tot amittere. Interrogans igitur quod habet, colligit in eo quot: nam decem, aliquot: si igitur dixisset à principio, si quot quis non habet prius habens, putas ne amisit tot? nullus utique dedisset, sed aut tot, aut horum aliquid. Et quoniam dabit aliquis, quod non habet, non enim habet vnum solum calculum. An non dedit quod non habuit, sed ut non habuit? nam solum, non quod significat, neque quale, neque quantum, sed, ut se habet ad aliquid, ut quod non cum alio. Quemadmodum si dicat, putas ne quod non aliquis habet dabit? non annuente autem, interroget si dabit quis aliquid cito, qui non habet cito? asruentem autem colligat quod dabit quis quod non habet, & manifestum, quoniam non syllogizauit: nam cito non est quod dare, sed hoc modo dare, quo autem modo non habet, dabit aliquis, ut quod delectabiliter habet, moeste dabit. Similes autem, & huiusmodi orationes. Putas ne quam non habet, manu percutiet quis? aut quem non habet, oculo videbit? non enim habet vnum solum oculum. Soluunt autem quidam dicentes, & quod habet vnum solum oculum, & aliud quidlibet qui plura habet: quidam autem, & ut quod habet accepit, dedit enim vnum solum hic calculum, & hic habet (dicunt) vnum solum ab hoc calculum: accepit enim ab hoc, ergo vnum solum habet hic calculum: alij autem statim interrogationem interimentes, quia contingit quod non accepit habere, ut vinum accipientem suauem, si corrumpatur in acceptione, habere acre. Sed quod

*Dilutio an
tiquorum
insufficiēs.*

dict

dictum est prius, hi omnes nō ad orationem, sed ad hominem soluunt: nam si esset hæc solutio, dantem oppositum non possibile esset soluere, quemadmodum & in aliis, vt si est quidem quod est, est etiā quod non est solutio, si simpliciter det dici, concludit: si autem non concludit, non erit solutio, in prædictis autem (omnibus datis) non dicimus fieri syllogismum. Amplius autem, & hæ sunt ex huiusmodi orationibus. Putas'ne quod scriptum est, scripsit quis? scriptum est autem nunc, quod tu sedes, falsa oratio: erat autem vera cum scribebatur: igitur simul scribebatur falsa, & vera. Nam falsam, vel veram orationem, vel opinionem esse, non quod, sed tale significat: nam eadem ratio, & in opinione. Et putas quod discit discens, hoc est quod discit? discit autem aliquis quod est tarde, celeriter. Non igitur quod discit, sed vt discit dixit. Et putas quod ambulat aliquis, pessundat? ambulat autem totam diem. An nō quod ambulat, sed quando ambulat dixit, nec cum scyphum quis bibat, quod bibit, sed ex quo? Et putas quod quis sciuit inueniens, vel discens sciuit? quorum autem hoc, quidem inuenit, illud autem didicit, ambo hæc neutrum. An hæc quidem omne, quod autem non omne? Et quoniam est quis tertius homo à se, & ab vnoquoque. Nam homo, & omne commune, non hoc aliquid, sed quale quid, vel ad aliquid, vel aliquo modo, vel huiusmodi aliquid significat. Similiter autem, & in hoc, Coriscus & Coriscus musicus, vtrum idem an alterum? Nam hoc quidem hoc aliquid, illud autem quale quid significat, quare non est idem exponere. Exponere autem non facit tertium hominem, sed id ipsum quid est concedere: non enim erit hoc

*Alia ca.
piones fi-
guratio
nis.*

aliquod

*Modus uni-
uersalis di-
luendi in di-
ctione.*

aliquid esse id, quod Callias, & id quod homo est, neque si quis expositum non id quidem, quod hoc aliquid esse dicat, sed idem quod quale, nihil refert: nam, erit à multis vnum quiddam, vt homo: manifestum ergo, quoniam non dandum hoc aliquid esse quid quod communiter prædicatur de omnibus, sed aut quantum, aut quale, aut ad aliquid, aut ad aliquid talium significare. Omnino autem in quæ propter dictionem sunt orationibus, semper per oppositum erit solutio, quàm propter quod est oratio, vt si propter compositionem oratio, solutio diuidendo: si autem propter diuisionem, componendo. Rursum, si propter accentum acutum, grauis, erit solutio: si vero propter grauem, acutus. Si autem propter æquiuationem est, oportet oppositum nomen dicendo, soluere: vt si animatum accidit dicere, negando non esse, manifestum quod est inanimatum: si vero inanimatum dixit, hic autem animatum colligat, dicendum quod est inanimatum. Similiter autem, & in amphibologia. Si autem secundum similitudinem dictionis, oppositum erit solutio: putasne quod non habet, dabit aliquis? An non quod non habet, sed vt non habet? vt vnum solum calculum, putasne quod scit discens, vel inueniens scit? attamen non quæ scit: & si quod ambulat pessundet, non tamen quando. Similiter autem, & in aliis.

De diluendi argutij accidentis.

Cap. I I I I.

AD illas vero, quæ propter accidens, vna quidem solutio est ad omnes: nam, quia indeterminatum est, quando dicendum de re, cum quip

quippiam accidenti inest, & in quibusdam quidem videtur, & dicunt, in aliquibus autem non dicunt necessarium esse: dicendum igitur conformantes similiter ad omnes quod non est necessarium: habere autem oportet quo refellat dicendo id, perinde est vt. Sunt autem omnes huiusmodi orationes propter accidens: putasne id scis, quod debeo te interrogare? Age cognos-
 scisne venientem, aut coopertū? Statua ne tuum opus est? An tuus canis pater? Sun'tne paucies pauca, pauca? manifestum enim est in omnibus his, quoniam non necesse est, quod de accidente dicitur, & de re verum esse: solis enim iis, quæ secundum substantiam sunt indifferentia, & quæ vnum sunt, omnia videntur eadem inesse: bono autem non idem est bonum esse, & venturum esse interrogare, neque venienti, aut cooperto, & venientem esse, & Coriscum, quare non si cognosco Coriscum, ignoro autem venientem, eundem cognosco: & ignoro, neque si hoc est meum, est autem opus, meum est opus, sed possessio, vel res, vel aliud quidpiam: eodem autem modo, & in alijs. Soluunt autem quidam inter-
 rimentes interrogationem: dicunt enim contin-
 gere eandem rem cognoscere, & ignorare, sed
 non secundum idem: venientem igitur non noscentes, Coriscum autem noscentes, eundem quidem cognoscere, & ignorare dicunt, sed non secundum idem. Attamen primum quidem, quemadmodum iam diximus, oportet earum, quæ propter idem sunt orationum eandem esse solutionem: id autem non erit si quis non in cognoscere, sed in quod est esse, aut aliquo modo se habere ipsum quod approbant, sumat, (vt si hic est pater, est autem tuus,) nam tametsi in quibusdam
 id

*Captiones
accidentis.*

*Dilutio an-
tiquorū in
sufficiens.*

*Insufficiēs
solutio.*

id verum est, & contingit idem cognoscere, & ignorare, tamen hic nihil commune habet quod dictum est. Nihil autem prohibet eandem orationem plures vitio sitas habere; sed non omnis peccati manifestatio, solutio est. Nam possibile est ostendere quempiam, quod falsum quidem syllogizavit, propter quod autem nō ostendere, (vt Zenonis orationem quod non est moueri,) quare, & si quis conetur colligere, vt ad impossibile, peccat, & si millies syllogizet: non enim est hæc solutio, nam erat solutio manifestatio syllogismi falsi, propter quod falsus: si igitur non syllogizauit, quamuis aut verum, aut falsum conetur colligere, illius manifestatio solutio est. Fortasse autem, & id in quibusdam nihil prohibet accidere, verum in his nec hoc videbitur: nam & Coriscum quod Coriscus cognoscit, & venientem, quod veniens. Contingere autem idem cognoscere, & non, vt quod album quidem cognoscere, quod autem musicum, non cognoscere: sic enim idem cognoscit & non cognoscit, sed non secundum idem, venientem autem & Coriscum, & quod veniens, & quod Coriscus cognoscit. Similiter autem peccant, & qui soluunt quoniam omnis numerus paucus, vt ij quos diximus: vtpote qui cum non conclusum est, id omittentes, verum conclusum esse dicunt, omnia enim esse, & multum, & paucum dicentes, peccant. Quidam autem, & duplici soluunt syllogismos, vt quoniam tuus est pater, aut filius, aut seruus. Attamen manifestū, quoniam si eo q̄ multipliciter dicitur, apparet redargutio, oportet nomen vel orationem proprie esse plurium: hunc autem esse huius filium, nemo dicit proprie, si dominus est filij, sed propter accidens

comp

compositio est, (putásne est hoc tuum? sic. est autem hoc filius, tuus igitur filius,) quia accidit esse & tuum, & filium, sed non tuum filium. Et esse aliquid malorum bonum; nam prudentia est disciplina malorum. Hoc autem horum esse non dicitur multipliciter, sed possessio: siquidem fortasse multipliciter: nam, & hominem animalium dicimus esse, sed non possessionem, & si quid ad mala dicitur, ut aliquorum: propter id malorum est, sed non hoc malorum: propter id igitur quod aliquo modo, etiam simpliciter apparet, quanquam contingit fortasse bonum esse aliquid malorum dupliciter, non tamen in oratione hac, sed magis, si quod mancipium, sit bonum mali: fortasse autem neque sic, non enim si bonum est, & huius, bonum huius simul: verum neque hominem dicere animalium esse, dicitur multipliciter: non enim si aliquid significamus auferentes, id dicitur multipliciter: nam & dimidium dicentes versus da mihi, illud significamus: ut, iram pande dea.

*De solutione sex ultimorum locorum extra
dictionem. Cap. V.*

EAs vero quæ sunt propter id, quod præcipue, illud autem, vel qua, vel ubi, vel aliquo modo, vel ad aliquid dicitur, & non simpliciter soluendum est, considerando conclusionem ad contradictionem; si contingit horum aliquid passas esse. Nam contraria, & opposita, & affirmationem, & negationem: simpliciter quidem impossibile inesse eidem, qua autem utrunque, vel ad aliquid, vel aliquo modo, vel hoc quidem qua, illud autem simpliciter nihil prohibet, quare si hoc quidem simpliciter, illud autem qua, nondum est redargutio. Hoc autem in conclu-

Log. Arist.

11

*Captiones
inexplicabi-
liū quæ &
vane pro-
nunciata.*

sione considerandum, ad contradictionem. Sunc autem huiusmodi orationes omnes id habentes: putasne contingit quod non est esse? attamen non est aliquid id, quod non est. Similiter autem, & quod est non erit: nam, non erit aliquid cum sunt. Nunquid contingit eundem simul bene iurare, & peierare? Nunquid possibile est simul eidem, suadere & dissuadere? An neque esse quid, & esse, idem? quod autem non est, non si est quid, etiam est simpliciter. Neque si bene iurat id quidem, & quæ, necesse est & bene iurare: nam qui iurat se peieraturum, bene iurat peierans hoc solum, at non bene iurat. Neque qui dissuadet, suadet, sed secundum quid syadet. Similis autem ratio est, & de eo, quod est mentiri eundem simul, & verum dicere, sed propter id, quod nō est facile inspicere vtrum quis assignet simpliciter veracem esse, vel mendacem; difficile apparet. Prohibet autem eundem nihil simpliciter quidem esse mendacem, quæ autem veracem, vel alicuius esse veracem autem non, similiter autem, & in ad aliquid, & ubi, & quando: omnes enim huiusmodi orationes propter id accidunt. Putasne sanitas, vel diuitiæ bonum? attamen insipienti, & non recte videnti non bonum: ergo bonum, & non bonum. Est ne sanum esse, vel potestatem habere in ciuitate bonum? veruntamen est quandoq; nō bonum: idem igitur eidem bonum, & non bonum. An nihil prohibet quod simpliciter est bonum, huic non esse bonum? aut huic quidem bonum, at non nunc, vel non hoc in loco bonum. Putasne quod non vult sapiens, malum? amittere autē non vult bonum, malum igitur bonum. Non enim idem est dicere malum est bonum, & amittere bonum.

num. Similiter autem, & quæ de fure est oratio, non enim si malum est fur, etiam capere est malum, ergo vult malum, sed potius bonum: nam capere bonum est. Et ægritudo malum est, sed non amittere ægritudinem malum. Putasne iustum iniusto, & quod iuste eo quod iniuste magis eligendum est? sed mori iniuste magis est eligendum. Putasne iustum est sua habere quenque? quæ autem aliquis adiudicabit secundum opinionem suam & si sit falsa, sua sunt ex lege, idem igitur iustum & iniustum. Et utrum oportet iudicare eum, qui iusta dicit, an qui iniusta? at vero eum, qui iniuriam passus est, iustum est abunde dicere, quæ passus est, ea autem erant iniusta. Non enim etsi pati aliquid iniuste eligendum, id quod est iniuste eligibilius, quam quod iuste, sed simpliciter quidem quod iuste: hoc autem nihil prohibet si iniuste, an iuste? & habere sua quenque iustum, aliena autem non iustum. Iudicium vero hoc iustum esse nihil prohibet, ut quod sit secundum opinionem iudicantis: non enim si iustum est hoc modo vel huic, & simpliciter iustum est. Similiter autem, & quæ iniusta sunt, nihil prohibet dicere ea iustum esse: non enim si dicere iustum est, necesse est iusta esse, sicut nec si est utile dicere, utilia: similiter autem & in iniustis, quare non si quæ dicuntur iniusta, qui dicit iniusta conuincitur: dicit enim quæ dicere est iusta, simpliciter autem & quæ pati iniusta. Iis autem, quæ propter definitionem sunt redargutiones, quæ admodum dictum est prius, obistendum considerantibus confirmationem ad contradictionem, ut si idem, & secundum idem, & ad idem, & similiter, & in eodem tempore. Si vero in prin-

*Inscitiare-
dargutio-
nu.*

cipio interroget, non confitendum, (quoniam
 impossibile est idem esse & duplum, & non du-
 plum,!) sed dicendum, non sic ut forte sit redar-
 guere confitentem. Sunt autem omnes hz ora-
 tiones propter hoc. Putas qui nouit, quodque
 quod quamque cognouit rem: & qui ignorat
 similiter? cognoscens autem quis Coriscum
 quod Coriscus, ignorabit quod musicus, quare
 idem cognoscit, & ignorat. Putasne quadricubi-
 tum tricubito maius? fieri enim potest ex tricubi-
 to quadricubitus secundum longitudinem: ma-
 ius autem minore maius, idem igitur eodem se-
 cundum idem maius, & minus. Illa vero, quæ fiunt
 propter id, quod petunt, atque sumunt quod in
 principio, si interroganti quidem manifestum sit,
 non dandum, neque si probabile sit dicentem es-
 se veracem: si autem lateant, ignorantiam ob vi-
 tiositatem talium orationum ad interrogantem
 retorquendum, tanquam non redarguentem: nam,
 redargutio sine eo est, quod in principio: deinde
 datum est, non ut eo uteretur, sed ut ad illud col-
 ligeret contrarium, ut in non semotis redargu-
 tionibus. Et eas, quæ propter consequens sunt
 coniectantes, in ipsa oratione monstrandum: est
 autem duplex sequentium consequentia, aut enim
 ut particulare sequitur vniuersale, ut hominem
 animal, (postulant enim si hoc cum illo, & il-
 lud esse cum hoc,) aut secundum oppositiones:
 nam si huic est illud consequens, & opposito op-
 positum: propter quod, & Melissi oratio, nam, si
 genitum est, habet principium: ingenitum postu-
 lat non habere principium, quare si ingenitum
 est cælum, & infinitum, id autem non est, è con-
 uerso enim consequentia. Quæcunque autem
 propter id, quod additur aliquid colligunt, con-
 fide

siderandum si (eo sublato) accidit nihil minus impossibile: deinde id manifestandum, & dicendum quod dedit non tanquam videretur, sed ut ad orationem, quo vero usus est, nihil ad orationem. Ad eas autem, quæ plures interrogationes vnam faciunt, statim in principio determinandum est. Nam interrogatio vna est, ad quam vna responsio est, quare neque plura de vno, neque vnum de pluribus, sed vnum de vno affirmandum vel negandum. Sicut autem in æquivocis quandoque quidem ambobus, quandoque neutri inest, quare cum non simplex est interrogatio, simpliciter respondentibus nihil accidit pati, similiter & in his, quando igitur plura vni, vel vnum pluribus inest, vel non inest, simpliciter danti, & hoc peccato peccanti nihil contrarium accidit. Quandoque autem huic quidem inest, illi autem non, aut plura de pluribus, & est, ut insint ambobus, est autem, ut non insint rursum, quare id cauendum. Ut in his orationibus, si hoc quidem est bonum, illud autem malum, quod verum est dicere, quoniam hæc bonum, & malum: & rursum, neque bonum, neque malum, non enim inest vtrunque vtrique, quare idem bonum & malum, & neque bonum, neque malum. Et si vnumquodque ipsum sibi idem est, & aliis diuersum: quoniam non aliis eadem sed sibi, & diuersa eisdem, ipsa sibimet diuersa & eadem. Amplius, si bonum quidem malum sit, malum autem bonum, duo utique fient. Et duorum & inæqualium vtrunque ipsum sibi esse æquale, quare æqualia, & inæqualia ipsa sibi. Incidunt autem hæc orationes, & in alias solutiones: nam ambo, & omnia, plura significant, non igitur idem

præter nomen accidit affirmare, & negare: id autem non erat redargutio, sed manifestum, quoniam, si non una interrogatio plures fiant, sed vnum de vno affirmet, aut neget, id non erit impossibile.

Dilutiones negationis, & solacismi.

Caput

V I.

*Locus pro
negatione.*

IN illis autem, quæ deducunt ad idem frequenter dicere, manifestum quod non dandum eorum quæ ad aliquid dicuntur significare aliquid separatas per se prædicationes, ut duplum, sine eo quod est dimidij quid inesse apparet: nam & decem in deficientibus vno ad decem, & facere in nō facere, & omnino in negatione affirmatio, non tamen si quis dicat hoc non esse album, dicit idem album esse: duplum autem neque significat aliquid fortasse, quemadmodum, neque quod in dimidio, quod si forte significat, attamen non idem, & coniunctum, neque scientia in specie, ut si est medicina scientia, ipsum quod commune, illud autem erat scientia scibilis. In iis autem, quæ per se ostenduntur prædicatis, id dicendum, quod non idem est seorsum, & in oratione quod ostenditur: nam cauum communiter quidem idem significat in simo, & curuo, additū autem, nihil prohibet hoc quidem naso, illud autem curri significare, & nihil differt dicere, nasus simus, & nasus cauus. Amplius, non danda est dictio secundum rectum, falsum enim est: nam non est simum nasus cauus, sed nasi hoc ut passio, quare nihil est absonum, si nasus simus est nasus habēs cauitatem nasi. De solacismis autem propter quid apparent accidere, diximus prius, quo modo autem soluendum, in ipsis orationibus erit
manife

*Locus pro
solacismo.*

manifestum. Omnes enim huiusmodi volunt
 construere. Putas quod dicis quippiam vere esse,
 etiam est illud vere? dicis autem quippiam la-
 pidem esse, est igitur quippiam lapidem. An di-
 cere lapidem non est dicere quod, sed quem, non
 hoc, sed hunc? si igitur dicat aliquis, putas quem
 vere dicis est istum? non videtur Romane loqui.
 quemadmodum neque si dicat, putas quam dicis
 esse, est iste? lignum autem dicere iste, vel quæ-
 cunque masculinum, neque foemininum signifi-
 cant, nihil refert: quare etiam non fit solæci-
 smus, si quod dicis esse, est istud: lignum autem
 dicis esse, est igitur lignum istud: lapis autem &
 iste, masculini habent declinationem. Quod si
 quis dicat, putasne iste, illa est? deinde rursus,
 quid autem nonne iste est Coriscus? ita dicat.
 est igitur illa, non collegit solæcismum, si Co-
 riscus etiam non significet idem quod illa: non
 dat autem qui respondet, sed oportet hoc præ-
 interrogare, si autem neque est, neque dat, non
 colligit, neque in eo quod est esse aliquid, ne-
 que ad eum qui interrogatus est. Similiter igi-
 tur oportet, & illic lapidem significare iste, si
 autem neque est, neque datur, non dicenda
 conclusio: apparet autem eo quod dissimilis ca-
 sus nominis, similis appareat. Putasne verum est
 dicere, quoniam illa est id, quod esse ais eam:
 esse autem ais aspidem, est igitur ista aspidem.
 An non necesse est, si non ista, aspidem signi-
 ficat, sed aspis, aspidem autem istam, neque si
 quem dicis esse istum est iste: dicis autem istum,
 esse Cleonem: est igitur iste Cleonem, non enim
 est iste Cleonem: dictum est enim, quoniam
 quem dico istum esse, est iste non istum, neque
 enim Romane dicetur quo pacto interrogatio

dicta. Putas, istud scis? istud autem est lapis, scis igitur lapis. An non idem significat istud in eo, quod est, putas istud scis, & in hoc, istud autem lapis: sed in primo quidem hunc, in posteriore autem hic. Putasne cuius scientiam habes, scis illud? scientiam autem habes lapidis, scis igitur lapidis. An huius quidem lapidis, dicis, hunc autem lapidem? datum est autem cuius scientiam habes illud scis, non illius, sed illud, quare non lapidis, sed lapidem. Quod igitur huiusmodi orationes non colligunt solœcismum, sed apparent, & propter quid apparent, & quomodo est obstandum illis, est manifestum ex iis quæ dicta sunt.

De oratione facili, difficili, & acuta.

Caput VII.

Oportet autem intelligere, quoniam omnium orationum alix quidem sunt faciles conspici, alix autem difficiliores, propter id, quod & in aliquo subdole decipiunt audientem, cum frequenter eadem illis existant: nam eandem orationem oportet vocare, quæ propter idem fit, eadem autem oratio aliis quidem propter dictionem, aliis autem propter accidens, aliis vero propter aliud videbitur esse: quia vnumquodque translativum non similiter est manifestum. Quemadmodum igitur in iis, quæ sunt propter æquivocationem, (qui modus videtur esse ineptissimus,) captiosarum ratiocinationum: hæc quidem & quibuslibet sunt manifesta, (nam & orationes pene ridiculose sunt omnes propter dictionem: Ut vir ferebatur curru in scalas, ubi venit servus, apud Ceream? Et Boreas purusne? non certe. perdit enim pauperem, & e mentem. Et vtra boum

Boreas, purus dicitur quod sit scopas, & dixerit nūc aëris, nubes purgās, cœlumque serenans.

ante pariet? neutra: sed retro ambæ. Putásne est Euarchus? non certe, sed Apollonides. eodem autem modo, & aliarum fere quàm plurimæ,) illa autem & peritissimos videntur latere. signum autem horum, quoniam contendunt sæpe de nominibus, ut utrum idem significant de omnibus ens & vnum, an aliud: aliis enim videtur significare ens & vnum: alij autem Zenonis orationem, & Parmenidis soluunt, eo quòd multipliciter dicat vnum dici, & ens. Similiter autem & propter accidens, & aliorum singulum quodq; aliq; quidem orationes erunt faciles videri, aliæ vero difficiliore, & sumere in quo genere, & utrum redargutio, an non redargutio, non facile similiter in omnibus est. Est autem acuta oratio, quæ dubitare facit maxime, mordet enim hæc maxime: dubitatio autem est duplex, hæc quidem in syllogizantibus, quam eligat quis interrogationum, illa autem in contentiose sustinentibus, quomodo dicat quis propositum. Quapropter in iis, quæ syllogizant, acutiores orationes inquirere magis faciunt: est autem ea, quæ syllogizat quidem, oratio acutissima, si ex quàm maxime apparentibus, quàm maxime probabile interimit: nam, cum vna oratio sit transposita contradictione, omnes similiter habebit syllogismos: semper enim ex probabilibus similiter probabile interimet, aut construet: quapropter dubitare necessarium est. Maxime igitur talis acuta, quæ ex æquo conclusionem facit interrogationibus: secunda autem, quæ ex omnibus similibus: hæc enim similiter faciet dubitare, quæ interrogationum interimenda est, id autem difficile est: nam interimendum quidem, quid autem interimendum, dubium. Contentiosarum autem acutissima, quæ primum

statim dubia est utrum syllogizat, an non, vel utrum propter falsum, an diuisionem solutio: secunda autem aliarum, quæ manifesta quidem quòd propter diuisionem, vel interemptionem est: non tamen est explorata, per cuius interrogationum interemptionem, vel diuisionem, soluenda est, scilicet utrum propter conclusionem, an propter aliquam interrogationum id est. Quandoque igitur non syllogizans oratio facilis est, si sint valde inopinabilia, vel falsa quæ sumuntur: quandoque autem non digna despici: nam quando deest aliqua talium interrogatorum, de qua oratio, & propter quam est: & qui non sumit illam, & colligit: inepta est ratiocinatio, quando autem eorum, quæ extrinsecus non despicienda vllò modo: sed oratio quidem iusta, interrogans autem non probe interrogauit. Et est sane soluendum quandoque quidem ad orationem, quandoque autem ad interrogantem, & interrogationem, quandoque vero ad neutrum horum: similiter & interrogandum & syllogizandum est, & ad positionem, & ad respondentem, & ad tempus: quando fuerit pluri temporis egens solutio, quàm præsens temporis, (quo disputatur) ad solutionem.

*Epilogus octo precedentium, & duorum
præsentium librorum.*

Cap. VIII.

EX quod igitur, & ex quibus fiunt iis, qui disputant captiosæ ratiocinationes, & quo modo ostēdemus, falsum & inopinabilia dicere faciemus: amplius autem ex quibus accidit syllogismus, & quodomo interrogandum, & quis ordo interrogationum, insuper autem ad quid sunt viles huiusmodi omnes orationes, & de responsio-

ne

ne simpliciter omni, & quo modo soluendum est orationes, & syllogismos, dicta sint de omnibus à nobis hæc: reliquū autē est de eo, quod à principio erat propositum, ad memoriam reuocantes, quippiam de ea re sub breuitate dicerē, & finem imponere dictis. Præmisimus igitur, inueniendi facultatem quandam ratiocinatiuam de proposito ex iis, quæ sunt quàm probabilissima: id enim opus est dialectices secundum se & tentatiuæ. Quia autem præinstruitur quis ab ea propter sophisticas vicinitatem, vt non solum experimentum possit sumere dialectico more, sed etiā quasi scientifico: propter id non solum dictum negotij efficium posuimus orationē posse sumere, sed etiam vt orationem sustinentes tutemur positionem perquā probabilissima simili modo: causam autem diximus huius, quia & propter id Socrates interrogabat, sed non respondebat: confitebatur enim se non scire. Manifestum autem est in prioribus ex quot, & ad quod id erit, & vnde idonei erimus horum: adhuc autem quo modo interroganda, vel ordinanda quæstio omnis, & de responsionibus, & solutionibus quæ sunt ad syllogismos: patefactum est autem, & de aliis quæcunque huiusce disciplina sunt orationes: præter hæc autem, & de captiosis ratiocinationibus pertractauimus quemadmodum diximus iam prius: quodd igitur nacta sunt finem sufficienter ea, quæ proposuimus, manifestum. Operæpretium autem est nos non latere quidnam accidit circa hoc negotium: nam eorum, quæ inueniuntur omnium, quæ quidem ab aliis sumpta sunt prius, elaborata paulatim incrementum sumunt ab illis, qui postmodum accipiunt: quæ autem ab initio comperiuntur, paruum in primis sumere

In libris Topicorū præsertim in octauo.

mere solent incrementum, attamē vtilius multo, eo (quod postea ab aliis fit) accremento : maximum enim fortasse principium omnium, vt dicitur, quare & difficillimum: quanto enim potestate validissimum, tanto mole minimū, difficillimum est videri: eo autem comperto, facile est adiicere, coaptarēque reliquum. Quod & circa rhetoricas orationes accidit, pene autem, & circa alias artes omnes: nam qui principia inuenere, omnino ad exiguum quid perduxerunt: qui autem nunc celebriores habentur, vendicantes à multis, velut ex successione particulatim colligētes, sic auxerunt. Tisias quidem post priores, Thrasymachus vero post Tisiam. Theodorus autem post hunc, & multi multas coadunauere partes, quapropter nihil mirum, si in amplum quidem creuerit ars. Huius autem negotij non hoc quidem erat exploratum, illud autem non erat, verum nihil ipsius prorsus erat: nam eorum, qui circa litigiosas orationes erant mercenarij, similis quidē doctrina, Gorgiē negotio: orationes enim hi quidem rhetoricas, illi autem interrogatiuas docebant ediscere, in quas sæpius incidere solebant alternatim vtrorūque adinuicē orationes: quapropter velox quidem, vtpote quæ sine arte erat doctrina discētibz ab illis: non enim artem, sed quæ ab arte sunt dantes, arbitrati sunt loqui erudite, perinde, ac si quis disciplinam dicat se tradere, vt non doleant pedes: deinde futuriā quidem non doceat, neque vnde possint comparari talia. de autem quā plurima genera omnimodorum calceorum, hic profecto profuit ad vsum, artem autem non tradidit. Et de rhetoricis quidem erant multa, & antiqua dicta: de syllogismis autē omnino nihil habuimus prius aliud quicquam

quicquam quod diceremus, quàm mora perquirentes, multo tempore insudauerimus. Si autem videtur ex considerationibus nostris (ut ex iis quæ sunt ex principio) hæc habere disciplina sufficienter supra alia negotia, quæ ex traditione inducta sunt, reliquum erit omnium vestrum, vel eorum qui audierunt hoc

opus, omiſſa quidem artis, venia dignari: inuenta autem, multa profectum, gratia.

★

*Aristotelis Elenchorum
librorum
Finis.*

★

Series chartarum.

ab c d e f g h i k l m n o p q r s t v x y z.

aa bb cc dd ee ff gg hh ii kk ll mm
nn oo pp qq rr.



Lugduni,
IACOBVS FAVRVS
EXCVDEBAT.







^{min}
2.° Glucoso. acti. 16. Agosto 1037.
11

